

ა. ბენდიანიშვილი

გდებითა კდასი და გდებითა მოდკარობა სეჟარტვედოში



გამომცემლობა „საბჭოთა საქართველო“
თბილისი, 1989

წიგნში განხილულია რევოლუციამდელი საქართველოს მოსახლეობის ყველაზე მრავალრიცხოვანი კლასის გლეხობის მრავალსაუკუნოვანი ისტორია. ფეოდალური და კაპიტალისტური საზოგადოებრივ-ეკონომიკური ფორმაციების კანონზომიერებათა ფონზეა შესწავლილი გლეხობის სოციალური განვითარების ეტაპები და კლასობრივი ბრძოლის ფორმები. შედარებით მეტი ადგილი აქვს დათმობილი გლეხთა მასობრივ აჯანყებებს, რომლებმაც საგრძნობლად დააჩქარეს საზოგადოებრივი პროგრესი, გამოიწვიეს ჯერ ბატონყმობის გაუქმება, შემდეგ კი მნიშვნელოვანი როლი შეასრულეს კაპიტალისტური ექსპლოატაციის მოსპობაში, ახალი სამართლიანი საზოგადოებრივი წყობილებისათვის სათანადო წინამძღვრების შექმნაში.

რ ე ც ე ნ ე ნ ტ ე ბ ი: ისტორიულ მეცნიერებათა დოქტორები
 ე. ორჯონიძე
 ვლ. ზანუშვაძე

0503620906—039 28—89
 Б М 601 (09)—89

ISBN 5—529—00510—1

© გამომცემლობა „საბჭოთა საქართველო“, 1989.

წ ი ნ ა თ ქ მ ა

ისტორიას ხალხი ქმნის. უშუალო მწარმოებელი მოსახლეობის შრომა და უკეთესი მერმისისათვის ბრძოლაა საზოგადოებრივ-ეკონომიკურ ფორმაციათა მონაცვლეობის, კაცობრიობის პროგრესული განვითარების საფუძველი.

შუა საუკუნეებში მოსახლეობა ორი ძირითადი კლასის — ფეოდალებისა და გლეხებისაგან შედგებოდა. ფეოდალებს ეკუთვნოდა წარმოების ძირითადი საშუალებანი. ისინი ქმნიდნენ ეკონომიკურად და სოციალ-პოლიტიკურად გაბატონებულ კლასს. საკუთრებას მოკლებული გლეხი კი მებატონის მიწას ამუშავებდა, მასზე იყო დამოკიდებული ეკონომიკურად და პიროვნულად. ბატონისა და ყმის ანტაგონიზმი დამახასიათებელია საერთოდ ფეოდალური ფორმაციისათვის, მაგრამ სოციალური წინააღმდეგობანი და კლასობრივი ბრძოლა განსაკუთრებით გამწვავდა შუა საუკუნეების ბოლო პერიოდში.

ფეოდალიზმის ხანაში საქართველოს მოსახლეობის ოთხმოცდაათ პროცენტს გლეხოზა შეადგენდა. კაპიტალიზმის განვითარების პროცესში გლეხოზის ხვედრითი წილი თანდათან მცირდებოდა, მისი გადატყვევებული ნაწილი მუშათა კლასის რიგებში გადადიოდა. კაპიტალისტური ფორმაციის ძირითადი კლასების სახით, მართალია ბურჟუაზია და პროლეტარიატი ჩამოყალიბდა, ხოლო თავადაზნაურობა და გლეხოზა არა ძირითად კლასებად გადაიქცნენ, მაგრამ იმის გამო, რომ საქართველოში კაპიტალიზმის განვითარებას არ მიუღწევია მაღალი დონისათვის, ჩვენი ქვეყნის მოსახლეობის 70 პროცენტს გლეხოზა ქმნიდა.

ქართველი მეცნიერები, ბუნებრივია, დიდ ყურადღებას აქცევენ გლეხი კაცის ისტორიის შექმნას. უკვე საკმაო რაოდენობით დაიწერა და გამოქვეყნდა კონკრეტული გამოკვლევები, მაგრამ განმაზოგადებ-

ლა ნაშრომი დღემდე არ მოგვეპოვება. ავტორის მიზანია ამ ხარვეზის აპოვება.

წინამდებარე წიგნში არსებულ მეცნიერულ ლიტერატურაზე დაყრდნობით კონკრეტული მასალის ანალიზის საფუძველზეა გაშუქებული ქართველი გლეხის შრომის, მიწისა და თავისუფლებისათვის მისი ბრძოლის ისტორია ადრეფეოდალური ხანიდან კაპიტალისტური წყობილების დამხობამდე.

ნაშრომში ნაჩვენებია ყმა-გლეხთა კლასის ჩამოყალიბების ხანგრძლივი პროცესი, უშუალო მწარმოებელი ამ მასის სოციალ-ეკონომიური მდგომარეობა, ბატონისა და ყმის ურთიერთობის ხასიათი, მათ შორის სოციალური ანტაგონიზმის გამწვავება, კლასობრივი ბრძოლის გაძლიერება. ავტორი გლეხთა კლასობრივი ბრძოლის არც ერთ ფორმას არ სტოვებს უყურადღებოდ, მაგრამ განსაკუთრებით დიდ ადგილს უთმობს მასობრივ ანტიბატონყმურ აჯანყებებს, რაც XIX ს. 50—60-იან წლებში რევოლუციური სიტუაციის მთავარი კომპონენტი გახდა და ბატონყმობის გაუქმება განაპირობა.

ზედა ფენების მიერ გატარებულმა საგლეხო რეფორმამ თითქმის ხელუხლებელი დატოვა თავადაზნაურული მიწათმფლობელობა, წოდებრივი პრივილეგიები, კაბალური აგარაული ურთიერთობის ბევრი ფორმა. ამით უქმაცოფილო ქართველი გლეხობა მთელი 50 წელი თავგანოლებით იბრძოდა ბატონყმობის ნაშთების მოსპობის, ჭეშმარიტი თავისუფლების მოპოვებისა და წარმოების საშუალებათა დასაკუთრებისათვის. ნაშრომში გაშუქებულია XIX ს-ის 70-იანი წლების მასობრივი აჯანყებები და გლეხთა კლასობრივი ბრძოლის სხვა ფორმები (გადასახადების გაღებაზე უარის თქმა, თავადაზნაურთა მიწების დაკავება, ყჩაღობა-ფირალობა, ყველაზე უფრო საქულველ მემამულეთა მკვლელობა), რომლებმაც 80—90-იან წლებში ფართო მასშტაბი მიიღო.

რეფორმის მომდევნო ხანაში კაპიტალიზმის განვითარება დაჩქარდა, გლეხობის სოციალური დიფერენციაციის პროცესი გაძლიერდა. XIX—XX სს. მიჯნაზე საქართველოს გლეხობა უკვე აღარ იყო მონოლითური კლასი, ფენებად დაიშალა. გლეხობის დაშლამ საგრძნობლად შეცვალა სოფლის მოსახლეობის სოციალური სტრუქტურა, სოციალურ წინააღმდეგობათა ხასიათი და კლასობრივი ბრძოლის ფორმები. გლეხთა მოძრაობა მუშათა მოძრაობასა და სოციალ-დემოკრატიას დაუკავშირდა, თვისობრივად მაღალ საფეხურზე ავიდა.

1901 წ. ვ. ი. ლენინი წერდა: „თანამედროვე რუსეთის სოფელში შეთავსებულია ორგვარი კლასობრივი დაპირისპირება: ჭერერთი, სოფ-

ლის მუშებსა და სოფლის მეწარმეთა შორის, მეორე, მთელ გლეხობასა და მთელ მემამულეთა კლასს შორის. პირველი დაპირისპირება ვითარდება და იზრდება, მეორე — თანდათან სუსტდება. პირველი — ჯერ კიდევ მთლად მომავალს ეკუთვნის, მეორე — მეტწილად უკვე წარსულს ჩაბარდა. და, მიუხედავად ამისა, თანამედროვე რუსი სოციალ-დემოკრატებისათვის სწორედ მეორე დაპირისპირებას აქვს უფრო მეტად არსებითი და პრაქტიკულად უფრო დიდი მნიშვნელობა¹. სასოფლო სამეურნეო მუშების კლასობრივი თვითშეგნების ამადლებისათვის რომ უნდა ვიბრძოლოთ, — ამბობდა ლენინი, — ეს ყველა სოციალ-დემოკრატისათვის ცხადია, „მაგრამ ჩვენი სოფლის მუშები ჯერ კიდევ მეტისმეტად მკიდროდ არიან დაკავშირებული გლეხობასთან, მათ ჯერ კიდევ ძლიერ უხუთავს სულს საერთო-გლეხური სიდუხჭირე, და ამიტომ საერთო-ნაციონალურ მნიშვნელობას სოფლის მუშათა მოძრაობა ვერავითარ შემთხვევაში ვერ მიიღებს ვერც ახლა და ვერც ახლო მომავალში. პირიქით, ბატონყმობის ნაშთების აღგვის, რუსეთის სახელმწიფოს ყოველგვარი წესებიდან წოდებრივი უთანასწორობისა და ათეული მილიონობით „მდაბიო ხალხის“ დამცირების სულისკვეთების აღმოფხვრის საკითხს უკვე ამჟამად აქვს საერთო-ნაციონალური მნიშვნელობა, და პარტიას, რომელიც თავისუფლებიანათვის მოწინავე მიბრძოლის როლს ჩემულობს, არ შეუძლია ამ საკითხს თავი აარიდოს“².

შიდა რუსეთის გუბერნიებთან შედარებით საქართველოში უფრო დიდი რაოდენობით რჩებოდა ბატონყმობის ნაშთები. ამდენად, ვ. ი. ლენინის ზემოთ ჩამოყალიბებული თვალსაზრისი კიდევ მეტი სიზუსტით ასახავს საქართველოს იმდროინდელ რეალობას, ჩვენს ქვეყანაში აღმოცენებული სოციალური ანტაგონიზმისა და კლასობრივი ბრძოლის ხასიათს. საქართველოში, მართალია, თანდათან მწვაედებოდა წინააღმდეგობა შრომასა და კაპიტალს შორის, მაგრამ 1917 წლამდე აშკარად სკარბობდა ბატონყმობის ნაშთების საფუძველზე აღმოცენებული კლასობრივი ანტაგონიზმი და ამ ნაშთების მოსპობისათვის წარმოებული რევოლუციური ბრძოლა.

რუსეთის ცარიზმი, მართალია, მზარდი კაპიტალისტური საზოგადოების წინაშე დათმობებზე მიდიოდა, ამჟღავნებდა ბურჟუაზიულ მონარქიად გარდაქმნის საკმაოდ ძლიერ ტენდენციას, მაგრამ იგი ძირითადად მაინც თავადაზნაურობის ინტერესთა სადარაჯოზე იდგა. ცარიზ-

¹ ვ. ი. ლენინი, თხზ., ტ. 4, 1955, გვ. 521.

² იქვე, გვ. 522.

მის რეაქციული პოლიტიკის გამო XX ს-ის დამდეგამდე დარჩა თავდაზნაურობის წოდებრივი პრივილეგიები, მემამულეთა ლატიფუნდები და აგრარული ურთიერთობის კაპიტალიზმამდელი სახეები. რუსეთის იმპერიაში ერთმანეთს ეხლაზებოდა მშრომელი მასების ექსპლუატაციის ნაწევრად ბატონყმური და კაპიტალისტური ფორმები, რასაც კიდევ უფრო აუტანელს ხდიდა მეფის მთავრობის მიერ შექმნილი პოლიტიკური და ეროვნული ჩაგვრის სისტემა. ამან განაპირობა XX ს-ის დამდეგს რევოლუციური მოძრაობის ცენტრის დასავლეთ ევროპიდან რუსეთში გადმონაცვლება. იმპერიის ხალხთა რევოლუციური ძალების წინაშე პრაქტიკულად დაისვა ცარიზმის დამხობისა და ბატონყმობის ყველა სხვა ნაშთების მოსპობის ამოცანა.

დასავლეთ ევროპის ბურჟუაზიულ რევოლუციებში გლეხობა ბურჟუაზიის მოკავშირედ გამოდიოდა. რუსეთში, მართალია, პირველი რიგის ამოცანას ბატონყმობის ნაშთების აღმოფხვრა და კაპიტალიზმის თავისუფალი განვითარებისათვის მიწების გაწმენდა წარმოადგენდა, მაგრამ კლასობრივ ძალთა განლაგებაში მომხდარი ცვლილებების გამო, გლეხობის დიდი ნაწილი გაემიჯნა კონსერვატიულ ბურჟუაზიას და რევოლუციურ პროლეტარიატს შეუკავშირდა. მისი ხელმძღვანელობით გააჩნდა ბრძოლა ბატონყმობის ნაშთების მოსპობისა და დემოკრატიული წყობილების დამყარებისათვის.

ნაშრომში ასახულია ქართველი გლეხობის მიერ რუსეთის რევოლუციებში შეტანილი წვლილი, ის ფურცლებია გადაშლილი, რომელიც ქართველმა გლეხობამ თავისი სისხლით ჩაწერა საერთო საარუსეთო და საკაცობრივ განმათავისუფლებელი ბრძოლის მატრიანეში.

თ ა ვ ი

**ფეოდალური საზოგადოებრივ-ეკონომიკური ფორმაცია
საქართველოში. გლეხთა კლასი და გლეხთა მოძრაობა**

X—XVIII საუკუნეებში

კაცობრიობის ისტორიაში ყველაზე ხანგრძლივი საზოგადოებრივ-ეკონომიკური ფორმაცია პირველყოფილი თემური წყობილება იყო. მისთვის დამახასიათებელია საზოგადოებრივი საკუთრების პრიმიტიული ფორმები და ამის შესაბამისად საზოგადოების ყველა წევრის თანას-

წირობა, ერთნაირი დამოკიდებულება ბუნებისაგან ბოძებული სიმდიდრისა და წარმოების საშუალებებისადმი.

პირველყოფილი საზოგადოება, მართალია, ქონებრივად და უფლებრივად თანასწორ ადამიანთა კრებული იყო, მაგრამ მასაც ჰქონდა გარკვეული ორგანიზაცია. პირველ ეტაპზე საგვარეულო თემები არსებობდა, შემდეგ კი სამეზობლო და ტერიტორიული თემები ჩამოყალიბდა. თანდათან გაუმჯობესდა შრომის იარაღები, ამალდა შრომის ნაყოფიერება. ადამიანის მიერ შექმნილი ჭარბი პროდუქტი მისი საკუთრება გახდა. თემი გარდაიქმნა ერთმანეთისაგან განცალკევებულ საოჯახო მეურნეობათა სისტემად. გაიზარდა ქონებრივი განსხვავება ცალკეულ თემებსა და თემის შიგნით ოჯახებს შორის. გართულდა თემებისა და მეთემეთა ურთიერთობის ფორმები, წარმოიშვა საგვარეულო, სათემო და სატომო ძალაუფლების ორგანოები, გაჩნდა „მამასახლისის“, „უხუცესისა“ და „ბელადის“ ინსტიტუტები. ჩამოყალიბდა სამხედრო დემოკრატია. თანდათან გამოიკვეთა განსხვავება, დაპირისპირება გვაროვნულ არისტოკრატიასა და რიგით მეთემეებს შორის. 3000—2500 წლის წინათ ქართველი ტომები პირველყოფილი თემური წყობილების განვითარების უმაღლეს საფეხურზე, სამხედრო დემოკრატია-ს ეტაპზე იყვნენ ასული. მზადდებოდა პირობები კლასებისა და სახელმწიფოს წარმოშობისათვის.

მომდევნო ხანაში გაძლიერდა თემური წყობილების რღვევა, თანასწორთა საზოგადოების ქონებრივი და სოციალური დიფერენციაციის პროცესი, თემური თვითმმართველობა იწყებს გადაზრდას სახელმწიფოებრიობაში.

ძველი ქართველი ისტორიკოსი ლეონტი მროველი საქართველოს ისტორიაში ორ პერიოდს განასხვავებდა, ერთმანეთს უპირისპირებდა მამასახლისობისა და მეფობის ხანას. მამასახლისი არსებითად ქართველ ტომთა გაერთიანების ბელადი იყო. მცხეთის მამასახლისი აღმოსავლეთ საქართველოს მნიშვნელოვან ნაწილს განაგებდა. მამასახლის-ბელადეები თანდათან აფართოებდნენ თავის უფლება-კომპენტენციას, ქმნიდნენ მმართველობის ორგანოებს, ქონებრივად და სოციალურად დაწინაურებული ფენიდან ნიშნავდნენ მოხელეებს, ამრავლებდნენ ლაშქარს. ძვ. წ. აღრიცხვის IV—III საუკუნეების მიჯნაზე აღმოსავლეთ საქართველოს ტომთა გაერთიანების ბელადი მეფედ გადაიქცა. ასევე წარიმართა განვითარების პროცესი დასავლეთ საქართველოშიც. მოსახლეობის სოციალური დიფერენციაციის საფუძველზე შექმნილი სამეფო ხელისუ-

ფლება თავის მხრივ ხელს უწყობდა კლასობრივი დაშლის გაღრმავებას, ზედაფენების გაბატონებული მდგომარეობის განმტკიცებას.

ბერძენი ისტორიკოსისა და გეოგრაფოსის სტრაბონის გადმოცემით ძვ. წ. აღრიცხვის პირველ საუკუნეებში იბერიის (ქართლის) მოსახლეობა ოთხ ფენად იყოფოდა. პირველ ფენას ქმნიდნენ სამეფო საგვარეულოს წევრები, მეორეს — ქურუმები, მესამეს — თავისუფალი მიწათმოქმედნი და მეომრები, მეოთხეს — ნახევრად თავისუფალი მეთემეები, რომელნიც სამეფო მიწებზე ცხოვრობდნენ და სამეფო მონებად წოდებოდნენ.

ამ მასალის საფუძველზე თანამედროვე ქართველი საბჭოთა ისტორიკოსები ასკვნიან, რომ ძვ. წ. აღრიცხვის პირველი საუკუნის საქართველოში არსებობდა ადრეკლასობრივი საზოგადოება და მისი შესაფერისი სახელმწიფო. ჯერ კიდევ განუვითარებელი საზოგადოების სოციალური და პოლიტიკური კიბის სათავეში იდგა სამეფო დინასტია, რომლის წევრები ქვეყანას თავის საგვარეულო სამფლობელოდ თვლიდნენ და ქვეყნის მმართველობის ფუნქციებს ერთმანეთს შორის ინაწილებდნენ. გვარში უხუცესი მეფის ტიტულს ატარებდა, ასაკით მომდევნო, მხედართმთავარი და მოსამართლე იყო. მნიშვნელოვანი თანამდებობები ეკავათ სამეფო საგვარეულოს სხვა წევრებს — სეფეწულებსაც. წარმართული სარწმუნოების ქურუმები საკულტო ფუნქციასთან ერთად თემების უფროსთა მოვალეობასაც ასრულებდნენ.

მოსახლეობის აბსოლუტურ უმრავლესობას შეადგენდნენ თავისუფალი მიწათმოქმედნი. მათ ძირითად მოვალეობას სამეფო ხელისუფლებიან წინაშე სამხედრო სამსახური, საკუთარი ცხენითა და შეიარაღებით ლაშქარში გასვლა წარმოადგენდა. ძველ ქართულ საისტორიო წყაროებში ეს ფენა „ერის“ სახელითაა მოხსენებული. ძველ ქართულში კი ერი ერთნაირად აღნიშნავდა როგორც ზალხს, ისე ჯარს. ერისკაცები გაერთიანებული იყვნენ სასოფლო თემებში, სადაც ფაქტიურად უკვე არსებობდა მიწის ინდივიდუალური მფლობელობა, საერთო საარგებლობაში რჩებოდა წყალი, საძოვრები, ტყეები.

ქართლის სამეფოში თავისუფალი თემების გარდა დაპყრობილ-დამორჩილებული თემებიც იყო. ამ თემების მიწა მეფემ მიითვისა, დაკაბალებულ მეთემეებს კი შრომითი ვალდებულება და პროდუქტადი გადასახადი დააკისრა. სტრაბონი მათ სამეფო მონებს უწოდებდა, მისი ქართული შესატყვისი „გლეხი“ უნდა ყოფილიყო. პირველ საუკუნეში ნახევრად თავისუფალი, დამოკიდებული მეთემეების, იგივე გლეხების რაოდენობა ჯერ კიდევ არ იყო დიდი. წარმოებაში მთავარ როლს ერი

ასრულებდა. მომდევნო ორ საუკუნეში, როცა საქართველო რომის იმპერიის ორბიტაში მოექცა და ომები გახშირდა, დაპყრობილ-დამორჩილებული თემების რაოდენობა გაიზარდა. ქართლის მეფე დამორჩილებულ მეთემეებს ან ადგილზე ბეგრავდა, ან სამეფო დომენში ასახლებდა. ასეთ მეთემეთა ერთი ნაწილი მოექცა სამხედრო-საგვარეულო არისტოკრატის და სახელმწიფო მოხელეთა დამოკიდებულებაში. სახელმწიფო, სეფე სახლი, წარმართული ეკლესიის ქურუმები, საგვარეულო-სამხედრო არისტოკრატია და მოხელეები ეწეოდნენ გლეხების ნახევრად ფეოდალური ფორმის ექსპლუატაციას. საეარაუდებელია ტყვე მონების გარკვეული რიცხვის არსებობაც. ამდენად, საქართველოში, ისევე როგორც სხვა ქვეყნების ადრეკლასობრივ საზოგადოებაში თანაარსებობდა მონათმფლობელური და წინაფეოდალური (პროტოფეოდალური) ექსპლუატაციის ფორმები. მაგრამ ჯალხის ძირითადი მასა ჯერ კიდევ ინარჩუნებდა პირად თავისუფლებასა და სამეურნეო დამოუკიდებლობას, გამქლეობას იჩენდა სათემო მიწათმფლობელობა და პირველყოფილი თემური წყობილების სხვა ტრადიციები.

საქართველოს მოსახლეობის შემდგომი სოციალური განვითარება წარიმართა კლასობრივი დიფერენციაციის გაღრმავების გზით. ერს (თავისუფალ მიწათმოქმედებსა და მეომრებს) გამოეყოფოდა, ერთი მხრივ, სამხედრო-სამოხელეო არისტოკრატია, ხოლო მეორე მხრივ, ადგილი ჰქონდა ერის ფართო ფენებისა და გლეხების ეკონომიკურ-უფლებრივი მდგომარეობის გარკვეულ ნიველირებას. თავისუფალ მიწათმოქმედთა თემებიც თანდათან გლეხთა თემების მსგავს დამოკიდებულებაში მოექცნენ სამეფო ხელისუფლებისა და წარჩინებულთა მიმართ. ლაშქრად გასვლასთან ერთად ისინი სხვა სახელმწიფო ვალდებულებასაც ასრულებდნენ; იხდიდნენ გადასახადებს, მონაწილეობდნენ ციხე-სასახლეო მშენებლობაში. სარწყავი არხების გაყვანაში. ამ სახის საქმიანობაში, რა თქმა უნდა, მონებიც მონაწილეობდნენ, მაგრამ მასობრივ მონობისათვის საქართველოში არც შინაგანი პირობები არსებობდა და არც საგარეო. მონათმფლობელობის გარკვეულ ზრდასთან ერთად მიმდინარეობდა საზოგადოების შინაგანი სოციალ-ეკონომიკური დიფერენციაციის პროცესი, ფართოვდებოდა ფეოდალური ურთიერთობის არეალი (ამ ურთიერთობაში ყოფილი მონებიც ებმებოდნენ) ნათლად იკვეთებოდა ფეოდალური წყობილების ნიშნები.

სოციალური დიფერენციაციის პროცესში ერისაგან თანდათანობით გამოირიცხა ჯერ ზედაფენა, ხოლო მოგვიანებით საზოგადოების დაბალი ექსპლუატირებული მასა. ძველ ქართულ წერილობით ძეგლებში

„ერთან“ ერთად მოიხსენებიან „მთავარნი“ და „ერისთავნი“, აგრეთვე „მონები“. „ერი“ თავისუფალი ფენის, სახელმწიფოს რიგითი ქვეშევრდომის აღმნიშვნელ ტერმინად იქცა. იგი მოიცავდა სოფლისა და ქალაქის თავისუფალ მოსახლეობას, რომელიც „მკვიდრად“ ფლობდა თავის უძრავ-მოძრავ ქონებას და ამით უპირისპირდებოდა მიწაზე უფლებდაკარგულ და ზედაფენების დამოკიდებულებაში მოქცეულ „გლეხობას“. ერის შემდგომი დიფერენციაციის ამსახველი ტერმინების სახით გაჩნდა „წვრილი ერი“, „მდაბიო“, „მსოფლიო“ (სოფლელი). ისინი ზოგჯერ გლეხის სინონიმად იხმარებოდა, მაგრამ ფეოდალიზაციის პროცესში, როცა მიწათმფლობელთა დამოკიდებულებაში მოქცეული მოსახლეობის რაოდენობა თანდათან გაიზარდა, საბოლოოდ გაბატონდა ტერმინი „გლეხი“.

IV—V საუკუნეების საქართველოში სამი პრივილეგიური ფენა არსებობდა: 1. სამეფო საგვარეულოს წევრნი — სეფეწულები. 2. სამხედრო-სამოხელეო არისტოკრატია — სასახლის კარზე აღზევებული წარჩინებულნი და ერისთავები. 3. აზნაურები.¹

სეფეწულთა მდგომარეობაში საგრძნობი ცვლილება მოხდა. სამეფო საგვარეულოს ზოგი სახლი დაკნინდა, ხოლო არამეფური წარმოშობის ბევრმა გვარმა აღზევება განიცადა. მათ შორის მკვეთრი განსხვავება წაიშალა. არსებითად ჩამოყალიბდა ერთიანი ფეოდალური არისტოკრატია, რომელიც ისტორიულ წყაროებში „წარჩინებულთა“, „მთავართა“, „ერისთავთა“ და სხვ. ტიტულებით მოიხსენებიან. ამ მსხვილ ფეოდალებს ჰქონდათ როგორც სამკვიდრო მამულები, ისე მეფისაგან სამხედრო და სამოქალაქო სამსახურის პირობით მიღებული მიწები. ისინი ცდილობდნენ სამსახურის პირობით მიღებული მიწებიც მემკვიდრეობით მამულად ექციათ.

VI საუკუნის ბოლოს ირანელთა ბატონობას ბოლო მოეღო, ქვეყნის დამოუკიდებულობა აღსდგა. მაგრამ ხელისუფლება „ნებითა ღეთისათა“, „თვითფლობით მფლობელ“ ზეფეს კი არ დაუბრუნდა, არამედ ერისთავთა მიერ თავის წრიდან არჩეულ ერისმთავრის (ერისთავთა მთავრის) ხელში გადავიდა. ერისმთავრები შედარებით მტკიცედ შიდა ქა-

* აზნაური სპარსული სიტყვაა. ქართულად იგი თავისუფალს ნიშნავს. ერიდან გამოსული და სამხედრო სამსახურით აღზევებული აზნაურები თავდაპირველად თავისუფლებით უპირისპირდებოდნენ უაზნოებს, არათავისუფალ ფენებს. დროთა განმავლობაში აზნაურობა ფეოდალურ წოდებად იქცა.

ართლსა და კახეთს ფლობდნენ, საქართველოს სხვა ნაწილებზე მათი ხელისუფლება არ ვრცელდებოდა. ერისთავებმა საშვილოშვილოდ მიიტაცეს სამართავად მიღებული ტერიტორიები. ისინი ქართლის ერისმთავარს სამამულო ურთიერთობის საფუძველზე ემორჩილებოდნენ. თანდათან გაიზარდა და გაძლიერდა აზნაურთა ფენა. აზნაური საბოლოოდ გამოეთიშა უშუალო მწარმოებელ საზოგადოებას. მისი ძირითადი ფუნქცია მოხელეობა, ლაშქრობა და ომი გახდა. აზნაურებს თემიდანაც გამოეყოთ მიწა, მაგრამ სამსახურის პირობით სახელმწიფოსგანაც ლებულობდნენ მიწის ნაკვეთებს, მეფისაგან წყალობა-ბოძება იყო აზნაურთა უფლებრივ-ეკონომიური აღზევების ერთ-ერთი ძირითადი საფუძველი და ეს ფენაც თავის მხრივ სამეფო ხელისუფლების საყრდენად იქცა, დიდი როლი შეასრულა ერთიანი ქართული ფეოდალური სახელმწიფოს შექმნაში.

VIII—X საუკუნეებში ჩამოყალიბდა ფეოდალური იერარქია, არსებითად გაფორმდა პატრონყმობა. მეფე ყველას პატრონი და მბრძანებელი იყო, დიდებულები მის ვასალებად ითვლებოდნენ. თავის მხრივ დიდებულებსა და ერისთავებსაც ყავდათ ვასალები აზნაურთა სახით. პატრონყმობა ფეოდალური კლასის შინაგანი ორგანიზაციის ფორმა იყო და მთელი ეს სისტემა უშუალო მწარმოებელი მოსახლეობის ექსპლუატაციით სულდგმულობდა. „ერის“ ცალკეული წარმომადგენლები — „ერისაგანი“ სულ მზარდი რაოდენობით ექცეოდნენ ფეოდალთა „მფარველობაში“, მათი ყმები ხდებოდნენ. ტერმინი „ყმა“ ნაწარმოებია „ყრმისაგან“. ყველა მოზარდი ადამიანი და მათ შორის ერისაგან აღმზრდელს, მფარველს საჭიროებდა და ფეოდალთა კლასმა თითქოსდა ჰუმანური მოსაზრებით დასდო მფარველობა-პატრონობის ხელი თავისუფალ მიწის მუშას, მაგრამ ყმის ვალდებულება პატრონის წინაშე თანდათან დამძიმდა. VIII—X საუკუნეებში თავისუფალ მეთემეთა, მდაბიოთა დაყმევების პროცესი ცალკე თუ თემებით ძალიან შორს წავიდა. პატრონყმური, არსებითად ბატონყმური დამოკიდებულების სფეროში მოექცა უშუალო მწარმოებელი მოსახლეობის უმრავლესობა. ამ ყმებმა მალე თავისუფლების ყველა ნიშანი დაკარგეს. „გლეხის“ მდგომარეობაში ჩავარდნენ. „ყმა“ მწარმოებელი (იგივე ყმა მოლაშქრე) გარდამავალი მდგომარეობა აღმოჩნდა თავისუფალ მეთემესა და პირად დამოუკიდებლობას მოკლებულ გლეხს შორის. განვითარებული ფეოდალიზმის ხანაში „ყმა“ „გლეხის“ სინონიმად იქცა, ყმა გლეხთა კლასი ჩამოყალიბდა, რომელმაც უშუალო მწარმოებელი მასა თითქმის მთლიანად მოიცვა.

ფეოდალური საზოგადოებრივ-ეკონომიკური ფორმაციისათვის და-
ნახასიათებელია მიწის მფლობელობა-საკუთრების მონოპოლია ფეოდა-
ლთა კლასის ხელში. მიწის ფონდი განაწილებულია მჭევს, ეკლესია-
სა და საერო ფეოდალთა შორის. საქართველოს მეფე აღმოსავლურ დეს-
პოტთა მსგავსად არასდროს ყოფილა მიწის მონოპოლიური მესაკუთრე,
მაგრამ სამეფო-სახელმწიფო საკუთრება უფრო მტკიცე და უცილობე-
ლი იყო ფეოდალთა მიწათმფლობელობა-საკუთრებასთან შედარებით.
საერო და საეკლესიო ფეოდალები მიწის დიდ ნაწილს გარკვეული პი-
რობით ფლობდნენ, ყოველთვის ვერ ახერხებდნენ ამ მიწის თავის სუ-
რვილისამებრ გამოყენებას. ფეოდალები ცდილობდნენ თავიანთი მემკ-
ვიძრეობითი მიწათმფლობელობა მემკვიდრეობით საკუთრებად ექციათ.
ამ ნიადაგზე გაუთავებელი ბრძოლა მიმდინარეობდა დიდ აზნაურებსა
და მეფეს შორის. ძალთა შეფარდება ჩეფეს, დიდებულთა და აზნაურ-
თა შორის განსაზღვრავდა მიწათმფლობელობა-საკუთრების ხასიათსაც
და უშუალო მწარმოებელი მოსახლეობის ექსპლუატაციის ფორმასაც.
ფეოდალთა წოდებაში მიწისათვის შინაკლასობრივი ბრძოლაც სწარმო-
ვებდა, მაგრამ ფეოდალური მიწათმფლობელობა-საკუთრება ძირითადად
სათემო მიწა-წყლის ხარჯზე ფართოვდება. შშრომელი მასა, რა თქმა უნ-
და, მიწას უბრძოლველად არ თმობდა. მიუხედავად წინააღმდეგობისა
მეფე, დიდებულები, ეკლესია-მონასტრები ახერხებდნენ ხალხის დათრ-
გუნვას და სათემო მიწებს ეუფლებოდნენ. თვით თემი მთლიანად მე-
ფისა და ფეოდალების დამოკიდებულებაში მოექცა, ფისკალურ ერთე-
ულად იქცა. სამეფო, სამოხელეო და საფეოდალო გადასახადების და-
ფარვაზე მთელი თემი აგებდა პასუხს.

XII საუკუნეში საქართველოს გაერთიანებისა და გაფართოების
შედეგად სამეფო-სახელმწიფო მიწის ფონდი საგრძნობლად გადიდდა.
მეფეს საშუალება მიეცა მიწის ბოძებითა და წყალობით გაემრავლე-
ბინა თავის მოხელეთა და მოლაშქრეთა რიცხვი. ამით მარტო საკარგავის
(მიწის პირობითი მფლობელობა) მასშტაბი როდი აზრდებოდა. მიწას-
თან ერთად ფეოდალთა დამოკიდებულებაში ამ მიწის მკვიდრი მოსახ-
ლეობაც ექცეოდა. ბატონყმური ურთიერთობის არეალი კიდევ უფრო
ფართოვდებოდა.

XII—XIII საუკუნეების მიჯნაზე საქართველოში გაიმარჯვა ფეო-
დალური მიწათმფლობელობის სამამულო სისტემამ და ბატონყმობამაც.
XIV—XV საუკუნეებში დიდებულთა ფენა თავადთა წოდების სახით ჩა-
მოყალიბდა, რამაც დასრულებული სახე მისცა ვასალიტეტს. თავადი

ჩადგა მეფესა და აზნაურს შორის, სათავადომ არსებითად გათიშა მეფე და გლეხური მოსახლეობა. ერი, მოსახლეობის თავისუფალი ფენა მხოლოდ მთიანეთში დარჩა და იქაც ჰეროვანნი ბრძოლით ინარჩუნებდნენ პირად და სამეურნეო დამოუკიდებლობას.

ამგვარად, ფეოდალური მფლობელობა — საკუთრების ხანგრძლივ ევოლუციასთან მკიდროდ იყო დაკავშირებული ბატონყმური ურთიერთობის ჩამოყალიბების ასევე ხანგრძლივი პროცესი. ფეოდალური ექსპლუატაციის საყოველთაო გაბატონებას, თავისუფალი და დამოკიდებული მიწათმოქმედი მოსახლეობის გადასვლას ყმა გლეხთა რიგებში მნიშვნელოვანწილად განაპირობებდა მემამულის სოციალ-პოლიტიკური უფლება იმუნიტეტი (საგადასახადო და სხვ. შეუვალობა), რაც გარე ეკონომიური იძულების ერთ-ერთი იარაღი იყო და უზრუნველყოფდა მებატონის მიერ ყმა გლეხის თითქმის შეუზღუდავ ექსპლუატაციას.

სათავადოების სისტემის წარმოშობის შედეგად შეიკვეცა მეფის უფლება-კომპეტენცია, გზა მიეცა ცენტრიდანულ ძალებს, საქართველოს ერთიანი მონარქია დაიშალა სამეფო-სამთავროებად. ბატონყმობა დამძიმდა, ყმა გლეხთა ექსპლუატაცია თანდათან გაძლიერდა, რამაც კიდევ უფრო გაამწვავა კლასობრივი ანტაგონიზმი და კლასობრივი ბრძოლა.

ყმა გლეხობა, მართალია, დიდ როლს ასრულებდა გარეშე დამპყრობლების წინააღმდეგ ბრძოლაში, მაგრამ ფეოდალური კანონი გლეხის ძირითად ფუნქციად სოფლის მეურნეობის წარმოებას თვლიდა. გლეხობა საუკუნეების სიგჳძეზე ვჭიდებოდა მიწას, თანდათან სრულყოფდა სამიწათმოქმედო შრომის ორგანიზაციას. გლეხ-ხელოსნებმა შექმნეს ხელით სამუშაო იარაღები — თოხი, ბარი, ნიჩაბი, წერაქვი, ფიწალი, ნამგალი, ცელი, სასხლავი დანა, წალდი, ნაჯახი და სხვ. მათი ნახელავია სხვადასხვა სახისა და კონსტრუქციის სახვნელი იარაღები. ნიადაგობრივი და კლიმატური პირობების შესაბამისად უკვე ადრეფეოდალურ ხანაში იყენებდნენ მთის გუთანს ორხელს, ბარულ გუთანს. X საუკუნეში უკვე არსებობდა დიდი ანუ ქართული გუთანი, რომელიც საქართველოდან მთელ კავკასიაში გავრცელდა. საქართველოში ორი ათას წელზე მეტი ხნის ისტორია აქვს წყლის წისქვილს და კიდევ მეტი ხელის წისქვილს. გადასახიდ საშუალებად მთაში მარხილს იყენებდნენ, ბარში კი ურემს. განვითარების მაღალ დონეს მიაღწია საირიგაციო ხელოვნებამ. აღმოსავლეთ საქართველო სარწყავი არხების ქსელით დაიფარა.

საქართველო ძველი დროიდანვე განვითარებული მიწათმოქმედებისა და მეცხოველეობის ქვეყანა იყო. საბატონო ხოდაბუნები და ზერებიც არსებობდა, მაგრამ მეურნეობის ძირითად უჯრედს გლეხის ფუძე, საკომლო მიწა წარმოადგენდა. გლეხებმა სელექციონერთა დაუხმარებლად, მრავალსაუკუნოვანი დაკვირვებისა და ემპირიული გამოცდილების შედეგად გამოიყვანეს მარცვლეული, ვაზისა და ხეხილის სხვადასხვა ჯიშები. მოაშენეს და მოამრავლეს ცხენი, ხარი, ძროხა, კამეჩი, ცხვარი, თხა, ღორი, ფრინველი. განავითარეს მეფუტკრეობა და მებარეშუმეობა. წარმატებას მიაღწიეს შინამრეწველობაშიც.

გლეხური მეურნეობა იყო სახელმწიფოს ძლიერების ძირითადი საფუძველი. გლეხის შრომა და გადასახადი ანიჭებდა ფუნქციონირების უნარს სახელმწიფო აპარატსა და ფეოდალურ ლაშქარს. ყმა-გლეხთა მიერ ვალდებულებათა შესრულებაზე ემყარებოდა თავადაზნაურთა კეთილდღეობა.

განვითარებული ფეოდალიზმის ხანაში გლეხობა უფლებრივ-ეკონომიური მდგომარეობით რამდენიმე განსხვავებულ ფენად იყოფოდა. არსებობდნენ სამეფო-სახელმწიფო, საეკლესიო და საბატონო ყმები. სამეფო ხელისუფლების პოლიტიკური ძალაუფლება მეტნაკლებად ყველა კატეგორიის გლეხებზე ვრცელდებოდა და თითქმის ყველა იხდიდა საქვეშეგრდომო გადასახადს, მაგრამ სამეფო გლეხები, რომელნიც სამეფო დომენის მიწას ფლობდნენ და ამუშავებდნენ, სახელმწიფოს სასარგებლოდ საადგილმამულო გამოსაღებს — რენტასაც იხდიდნენ. საეკლესიო გლეხები ძირითადად მღვდელმთავრებსა და ზერ-მონაზვნებს ემსახურებოდნენ, საბატონო გლეხები კი — თავადაზნაურობას. უკვე XII—XIII საუკუნეებში მიწის რენტის სამივე ფორმა არსებობდა, მაგრამ დიდი მასშტაბი ჰქონდა მიღებული პროდუქტად და შრომით რენტას. ფულადი რენტა სპორადულად იჩენდა თავს.

ფეოდალიზმის მთელ სიგრძეზე თითქმის ყველა ქვეყანაში ფეოდალური მამულის მთელი მიწა ორ ნაწილად იყოფოდა. პირველში მებატონე საკუთარ მეურნეობას ეწეოდა, მეორე ნაწილი კი ყმა გლეხებს ჰქონდა გადაცემული, მასზე გლეხური მეურნეობა არსებობდა. ბატონი, როგორც წესი, არ შრომობდა. იგი თავის მეურნეობაში ყმა გლეხს ამუშავებდა. ასეთი მებეგრე გლეხის ზედმეტი შრომა გამოყოფილი იყო აუცილებელი შრომისაგან, იგი შიშველ ექსპლუატაციას განიცდიდა. გლეხის ბეგარა-მუშაობის ვალდებულება (შრომითი რენტა) თანდათან იზრდებოდა, ისტორიული საბუთებიდან ჩანს, რომ ყმა გლეხი მებატონის მეურნეობაში თავის ინვენტარით შრომობდა 2—3 დღეს და 5—6

დღესაც კი. უნდა ვივარაუდოთ, რომ ბატონის ხოდაბუნსა და ზვარში სამუშაოდ გადიოდა არა მთელი კომლი, არამედ გლეხის ოჯახის ერთი წევრი. წინააღმდეგ შემთხვევაში გლეხი საკუთარი მეურნეობის წარმოებას ვეღარ შეძლებდა და ამით ნარტო ყმა კი არა, ბატონიც დიდად იზარალებდა. მებეგრე გლეხები ბატონის მამულში მიწას ხნავდნენ, თესავდნენ, თოხნიდნენ, ბარავდნენ, პურის ყანას მკიდნენ და ლეწავდნენ. გლეხი ბარავდა მემამულის ვენახს, ზვარში ატარებდა ყოველგვარ სამუშაოს, კრეფდა ყურძენს, რეცხავდა ქვევრებს, აყენებდა ღვინოს. ხშირად ყმა გლეხი ხარ-ურმით გადიოდა, მებატონისათვის სოფლის მეურნეობის პროდუქტებსა და შეშას ეზიდებოდა. ზოგი გლეხი ბეგარას მწიქისქვილეობით, სარწყავი რუსა და არხის მოვლით, ხელოსნობით იხდიდა. გლეხთა შრომა-გარჯით შენდებოდა ციხე-კოშკები, სასახლეები, ეკლესია-მონასტრები, გალავნები. ცალკეულ გლეხებს მებატონე ავალებდა ქეშიკობას, მკვინიბეობას, ცხენით სამსახურს, ტვირთის ზიდვას ზურგით, პირუტყვის შენახვას, ხაბაზობას, მზარეულობას, ყარაულობას და სხვ. გლეხის ბეგარა-მუშაობის ვალდებულება ბატონყმური ექსპლუატაციის ყველაზე მარტივი, უხეში და აშკარა ფორმა იყო. მებატონეს რომ გარეეკონომიური იძულები უფლება არ ჰქონოდა, ვერ შესძლებდა თავის მეურნეობაში დაესაქმებინა გლეხი, რომელსაც საკუთარი მეურნეობა გააჩნდა.

X—XI საუკუნეებში შრომითი და პროდუქტადი რენტის მოცულობა დაახლოებით თანაბარი იყო, მაგრამ შემდეგ. როცა საგლეხო მეურნეობათა ჩიხვი სწრაფად გაიზარდა, ბატონყმური ექსპლუატაციის მთავარი ფორმა, მისი ძირითადი გამოხატულება პროდუქტადი რენტა გახდა. ფეოდალურ საქართველოში პროდუქტადი რენტის ძირითადი სახეობანი იყო ღალა და კულუხი. მეშინდვრეობის რაიონებში ე. წ. „თავი ბეგარა“ ღალა იყო, მევენახეობის რაიონებში კი — კულუხი. ღალა გაწერილი იყო გლეხის სახნავ-სათეს მიწაზე. გლეხი მას პურით, ქერით, ღომით და სხვ. მარცვლეულით იხდიდა. კულუხს კი გლეხები იხდიდნენ ყურძენს, ტყბილს, ან ღვინის სახით ბატონის სურვილის შესაბამისად. ღალა-კულუხის ოდენობის ზუსტად განსაზღვრა, მასალის სიმცირის გამო, ძნელია. ფრაგმენტული ცნობებიდან ჩანს, რომ ღალა საშუალოდ შეადგენდა მარცვლეულის მოსავლის მეექვსედს, გადაკვეთილი კულუხის ოდენობა კი მერყეობდა 5—20 კოკას (კოკა სხვადასხვა დროს შეადგენდა 10—24 ლიტრს) შორის. პროდუქტადი რენტის სახით გლეხები იხდიდნენ აგრეთვე საკლავს, ფრინველს, ყველს, ერბოს, კვერცხს, მატყლს, აბრეშუმს, ტილოს, ბამბას და სხვ.

ძირითადი საადგილმამულო და პირადი ვალდებულებების — პროდუქტადი ღალა-კულუხისა და შრომითი ბეგარის გარდა, გლესხ ელო სხვა გადასახადებიც. ყმა გლეხებს წელიწადში რამდენჯერმე (ახალწელს, შობას, აღდგომას, ყველიერს, მარხვას) უნდა მოენახლებიათ ბატონი და „ძღვენი“ მიერთმიათ მისთვის. ეს ერთდროული, ნებაყოფლობითი საჩუქარი თანდათან მებატონეებმა მუდმივ და სავალდებულო გადასახადად აქციეს. დაკანონდა აგრეთვე მებატონის გამასპინძლების ვალდებულება („შინჩადგომა“, სამეგრელოში „გოჭკომური“), რომელიც განსაკუთრებით ფართოდ გავრცელდა დასავლეთ საქართველოში. ბატონი გლესხ წელიწადში ერთხელ ეწვეოდა და მასპინძელს ბატონისათვის საკადრისი პურმარილი, შერჩეული საქმელ-სასმელი უნდა მიერთმია. ასეთი „სტუმრობა“ გლესხს, რა თქმა უნდა, დიდ ზარალს აყენებდა. ძვირი უჯდებოდა ყმა გლესხ მებატონის ლხინიც და ჭირიც. თუ ბატონის ოჯახში ქორწილი იყო, ხარჯების დიდ ნაწილს გლეხები ფარავდნენ. ბატონის ოჯახის წევრის გარდაცვალების დროს ტირილსა და ქელებში ყმები ხელდამძიმებულნი მიდიოდნენ.

გლესხის პიროვნული დაზარების, მისი პირადი თავისუფლების დაკარგვის გამოხატულებას წარმოადგენდა ეგრეთ წოდებული „საჩქემე“ და „საქვრივო“ გადასახადები. პირველს ყმა ბატონს აძლევდა თავის ქალიშვილის გათხოვების შემთხვევაში, ხოლო მეორე გადაიხდებოდა გლესხის ქვრივის გათხოვების ნებართვისათვის. გლეხები გარკვეული რაოდენობის გადასახადებს იხდიდნენ ბატონის სალაშქროდ წასვლის დროსაც.

უშუალო მწარმოებელ მასას დიდ ზარალს აყენებდა უცხოელთა შემოსევები და დამპყრობელთა მიერ დაწესებული ხარკი. საქართველოს დაპყრობის შემდეგ მონღოლებმა გლეხებს ლაშქრობის მოვალეობაც დააკისრეს და „სათათრო“ ხარკიც შეაწერეს. განსაკუთრებით გამანადგურებელი აღმოჩნდა ქვეყნისათვის თემურ-ლენგის შემოსევები. გლესხობის დიდი ნაწილი გაწყდა, მკვეთრად დაიბრუნა თანაფარდობა გებატონებულ კლასსა და უშუალო მწარმოებელ მასას შორის, რომლის ერთ-ერთი შედეგი იყო ბატონყმური ექსპლუატაციის გაძლიერება. ფეოდალები ადიდებდნენ საწონ-საწყაობებს, რაც თავისთავად ღალა-კულუხის ზრდას იწვევდა. „თავ ბეგარასთან“ ერთად ყმა გლეხებს ადებდნენ სხვა გადასახადებსაც. ხმარებაში შემოვიდა „სხვაი ბეგარა“, ახალაწალი „ძღვენი და დახმარება“. საბატონო გადასახადებს ემატებოდა სამეფო, სამოხელეო, საეკლესიო გადასახადები, დამპყრობთა ხარკი.

ჩენტი-გადასახადებმა ისეთ დონეს მიაღწია, რომ საფრთხე შეუქმნა შრომის პირობების კლავწარმოებას, არსებითად შეჩერდა ეკონომიკური განვითარება.

XV—XVI სს. მიჯნაზე საქართველოს გაუმეზობლდა ორი აგრესიული სახელმწიფო — სეფიანთა ირანი და თურქეთი. თურქ-ოსმალებმა ხმელთაშუა-შავი ზღვის სრუტეები გადაკეტეს, საქართველო მოწინავე დასავლეთ ევროპას მოწყვიტეს. ძველი სავაჭრო ტრასა, რომელიც შავ ზღვასა და ამიერკავკასიაზე გადიოდა, დაყრუვდა, საერთაშორისო ვაჭრობა მინიმუმამდე შეიკვეცა. თურქ-ოსმალთა მეზობლობა და ბატონობა განსაკუთრებით მძიმე დასავლეთ საქართველოსათვის აღმოჩნდა. თურქეთი ტყვეთა (მონების) დიდი მომხმარებელი იყო და ხელს უწყობდა ტყვეებით ვაჭრობის დანერგვა-გაფართოებას. თურქეთის სულთანი და მისი მოხელეები ტყვეებს ხარკის სახითაც იღებდნენ და ფულითაც ყიდულობდნენ. ქართველი მებატონეები სხვადასხვა საბაბით და ხშირად სრულიად უმიზეზოდ, ერთდროული დიდი შემოსავლის მიღების მიზნით დიდი რაოდენობით ყიდდნენ ყმებს. სამეფო ხელისუფლება, მართალია ცდილობდა ამ მოვლენის აღკვეთას, მაგრამ ამაოდ. ტყვეებით ვაჭრობის ფართო მასშტაბის პირობებში არსებითად ქრებოდა ფეოდალიზმის უპირატესობა მონათმფლობელობასთან შედარებით, საზოგადოება განვითარების შესაძლებლობას კარგავდა.

ერთი სიტყვით, გლეხს წაართვეს მიწა და თავისუფლება, ეკონომიურად და უფლებრივად მებატონეზე გახადეს დამოკიდებული. გლეხს ექსპლუატაციას უწყევდა შინაბატონიცა და ჩაგრავდა გარეშე დამპყრობელიც. მაგრამ მეურნეობის განვითარების საჭიროება, თვით თავდაზნაურობის ინტერესი მოითხოვდა, რომ ქართველი გლეხი მკვიდრად მჭდარიყო მიწაზე. მებატონის მიწა გლეხს მუდმივ მფლობელობაში ეძლეოდა. ქართულა ფეოდალური კანონი კრძალავდა გლეხის მიწიდან ზღვარა-გადასახადთა ნორმირების ცდებიც. ამასთან ერთად უნდა ითქვას, რომ ზემოთ ჩამოთვლილი აუარებელი ვალდებულებები ყველა გლეხს ერთად როდი აწვა. თითქმის საყოველთაო მხოლოდ ბეგარა-მუშაობა და პზოდუქტადი ღალა იყო. სხვა გადასახადები კი ნაწილდებოდა სხვადასხვა კატეგორიის გლეხებზე. თუ ყმა ბატონს ეზო-კარმი-დამოში ემსახურებოდა — მეწისქვილის, მენახირის, ხაბაზის და მზარეულის მოვალეობას ასრულებდა, სხვა ვალდებულებებისაგან თავისუფალი იყო. ასევე თქმის ეს წყლის მკაზმველის, კლატოზის, მეთუ-

ნის და ზოგი სხვა ხელობის მცოდნე ყმა გლეხებზე. ისინი თითქმის მხოლოდ თავისი სპეციალობის მიხედვით ემსახურებოდნენ ბატონს.

უფრო მძიმე მდგომარეობაში აღმოჩნდნენ აზნაურთა ყმა გლეხები. XV საუკუნიდან დამოუკიდებელ აზნაურთა ფენა გაქრა, იყვნენ მეფის, ეკლესიისა და სათავადო აზნაურები. მათ სიუზერენისაგან ნაწყალობევი ჰქონდათ ყმა-მამული. ამ მრავალრიცხოვანი ფენის შენახვა ძირითადად გლეხებს აწვა კისრად. აზნაურის ყმისათვის სავალალო ისიც იყო, რომ იგი ღალა-გადასახადებს თავადსაც აძლევდა და ამდენად ორმაგად იბეგრებოდა.

გლეხები ერთმანეთისაგან განსხვავდებოდნენ წარმომავლობით, დაყმევების ფორმითა და ხასიათით. იყვნენ მკვიდრი, ნაწყალობევი, ნებიერი, შეწირული, თავშეწირული, ნასყიდი, თავნასყიდი (თავგაყიდული) და სხვ. ყმები.

მკვიდრი გლეხები ფეოდალის ყმათა უმრავლესობას შეადგენდნენ. „მკვიდრი“ ყმა იმას ეწოდებოდა, რომელიც ორი-სამი თაობის მანძილზე ერთსა და იმავე მებატონის მიწაზე იჯდა და მეურნეობდა. ნებიერი — ნებითმოსული ყმა მიწაზე არ იყო მიმაგრებული, მას შეეძლო ბატონის გამოცვლა. დაახლოებით ასეთსავე მდგომარეობაში იყვნენ ეკლესიისათვის ნებაყოფლობით თავშეწირული გლეხები. „ნაწყალობევი“ გლეხები გაჩნდნენ ბატონის მიერ თავის ვასალისათვის ყმა-მამულის ბოძების შედეგად. სიუზერენს, რა თქმა უნდა, შეეძლო ვასალისათვის ნაწყალობევი ყმის ჩამორთმევა. საერო ფეოდალების მიერ ეკლესიისათვის ყმა-მამულის შეწირვის შედეგად თანდათან მრავლდებოდნენ „შეწირული“ გლეხები. ეკლესიასაც და შეწირულ ყმასაც ბატონის სულის ცხონებისათვის ლოცვა ევალებოდა. ფეოდალიზმის ხანაში ყმა გლეხთა გაყიდვა მიწით და უმიწაწყლოთ ჩვეულებრივი მოვლენა იყო და თავდაზნაურთა ნაწილს „ნასყიდი“ ყმებიც ბლომად ყავდა. ისინი ბატონის სრულ საკუთრებას შეადგენდნენ, მიწაზე დასმული და დაბეგრული ასეთი გლეხები უფლებრივად თითქმის ყველაზე დაბლა იდგნენ.

ნებიერი (ნებით მოსული), თავშეწირული და თავგაყიდული ყმა-გლეხების არსებობა XV—XVII საუკუნეების საქართველოში იმაზე მეტყველებს, რომ იმდროინდელი სოციალურ-ეკონომიკური სიტუაცია გლეხს არ აძლევდა თავისუფლების შენარჩუნებისა და დამოუკიდებელი მეურნეობის წარმოების შესაძლებლობას. ბატონყმური ურთიერთობა თანდათან აქრობდა ამ ნახევრად თავისუფალ გლეხთა ფენას, ათანაბრებდა მათ მიწაზე მიმაგრებულ მეზეგრე-გლეხებთან.

უშუალო მწარმოებელი მასის ცალკე კატეგორიას ქმნიდნენ „ბოგანო“ და „ხიზანი“ გლეხები. ბოგანო მოხეტიალე გლეხს ერქვა. მას ფუძე არ გააჩნდა, მიწაზე მკვიდრად არ იჯდა, აყრა-გასაქცევად გამზადებული ინტენსიურ მეურნეობას ხელს ვერ ჰკიდებდა, არ გააჩნდა ევანახი და ხეხილის ბალი. ბოგანო ცხოვრება-საქმიანობის გართულების, კლასობრივი ანტაგონიზმის გამწვავების შედეგი იყო. ასევე ითქმის ხიზნების შესახებაც. გლეხთა აყრა-გაქცევა და სხვაგან ხიზნად დადგომა კლასობრივი ბრძოლის ერთ-ერთ ფორმას წარმოადგენდა. XVI—XVII საუკუნეებში კლასობრივი ბრძოლის ამ ფორმამ წარმოშვა სწორედ ხიზან გლეხთა კატეგორია. ახალ მებატონესთან შეხიზნულ გლეხს ძველ მებატონე ეძებდა. ფეოდალური სამართალი უფლებას აძლევდა მას აყრილ-გაქცეული გლეხი უკან წაეყვანა და ხშირად ამას ახერხებდა კიდევ ასეთ პირობებში ხიზანი, ბუნებრივია, ხელს ვერ მოჰკიდებდა მრავალწლიანი კულტურების მოშენებას, დიდ შრომა-ხარჯს არ გასწევდა მეურნეობის გაუმჯობესებისათვის.

ფეოდალურ საქართველოში ჩამოყალიბდა აგრეთვე შინაყმათა, „მოჯალაბეთა“ კატეგორია. მათ მიწა და მეურნეობა არ გააჩნდათ, ბატონის კარზე ცხოვრობდნენ, მას ემსახურებოდნენ, მისი ნასუფრალით იკვებებოდნენ. ქართველი კაცი ვერ ეგუებოდა ასეთ დამამცირებელ მსახურსა და მდგომარეობას. გლეხობა ცდილობდა თავი დაეღწია შინაყმად გადაქცევის საშიშროებისათვის.

გლეხობა, როგორც კლასი, ბატონყმობის უღელში იყო გაბმული, მაგრამ იგი ერთგვაროვან მასას არ წარმოადგენდა. გლეხთა კატეგორიების არსებობა თავისთავად მათ უფლებრივ განსხვავებაზეც ლაპარაკობს, მაგრამ უფრო ნათლად ჩანს გლეხობის ქონებრივი დიფერენციაცია.

XII—XIV საუკუნეთა მასალებიდან ჩანს, რომ ზოგ გლეხს სრული ფუძე და მასთან ერთად ნაყიდი მიწაც ჰქონდა. უფრო ხშირად კი ერთ ფუძეზე ღარი, სამე და მეტი ოჯახი იჯდა. უკვე ამ დროს არსებობდნენ მცირემიწიანი და უმიწაწყო გლეხები, რომელნიც ხელოსნობითა და საშოვარზე სიარულით ირჩენდნენ თავს. არსებობდნენ აგრეთვე დეკლასირებული ელემენტები — „გლახანი“, მათ სახლკარი და მეურნეობა არ გააჩნდათ, მოწყალეობით ცხოვრობდნენ. XIII ს-ის დამდეგს ეს საკმარად მრავალრიცხოვანი მასა გარკვეულ საფრთხეს უქმნიდა. გაბატონებულ კლასს და ამიტომ „გლახანეთა“ დასავლეთში მდებარეობდა სამეფო შემოსავლის მეთაფი.

გლებთა ჯგუფების ეკონომიური განსხვავება კანონმდებლობაშიც კი აისახებოდა. გამდიდრებული გლების სისხლი 1000 თეთრად ფასობდა, ჩვეულებრივი გლების კი 400 თეთრი იყო. შეძლებული ყმა გლეხები სათანადო თანხის გაღებით „თარხნობასა“ და „აზატობას“ ღებულობდნენ, საბატონო ბეგაზა-გადასახადებისაგან ნაწილობრივ ან მთლიანად თავისუფლდებოდნენ; მაგრამ პირადად მაინც მებატონის დამოკიდებულებაში რჩებოდნენ.

გლებთა ნაწილი ქონებას ინტენსიური მეურნეობის წარმოებით აგროვებდა, იგი იყო მისი უფლებრივი დაწინაურების საფუძველი. ზოგის წარმატების პირობა კი „ხმლით ნაშოვნი“ პატივი და ქონება იყო. არათავადაზნაურული წარმოშობის პირები მიწასთან ერთად ზოგჯერ ყმებსაც ყიდულობდნენ. XIV საუკუნის კანონმდებლობაში ფიქსირებული არიან „გლებები“, რომლებიც ყმებს ფლობდნენ. ასეთი გლეხები არსებითად შედიოდნენ „მსახურთა“ ფენაში, რომელთაც ფეოდალურ საზოგადოებაში გარდამავალი მდგომარეობა ეკავათ. ისინი ეწეოდნენ მეურნეობას და ამდენად გლებისაგან თითქმის არ განსხვავდებოდნენ, მაგრამ მსახურთა მოვალეობა პატრონის სამსახური და ლაშქრობა; გლეხური ფუნქცია როდი იყო. ბატონყმური ურთიერთობის გაფართოება-განვითარების პროცესში მსახურთა ერთი ნაწილი აზნაურობას ღებულობდა, მეორე კი გლებთა ფენას ავსებდა. მსახურთა კატეგორია XVI—XVIII საუკუნეებშიც არსებობდა, მაგრამ იგი ძველი „ერის“ ნაშთი კი არ იყო, არამედ გლებთა ქონებრივი დიფერენციაციის შედეგად გაჩენილი ჯგუფი, რომლის მხოლოდ ერთეული წარმომადგენლები ახერხებდნენ აზნაურთა წოდებაში გადასვლას.

XVIII საუკუნეში გლებთა ქონებრივი დიფერენციაცია რამდენადაც გაძლიერდა. საბუთებში იხსენიებიან შეძლებული, საშუალო და დაბალი გლეხები. ზოგიერთი გლეხი 50—100 ჰექტარ მიწას ფლობდა. გაიზარდა ნაყიდი (საკუთარი) მიწის როლი გლეხურ მეურნეობაში. იყვნენ გლეხები, რომელთაც ბატონისაგან გამოყოფილი ნაკვეთების გარდა 10—50 ჰა ნაყიდი მიწა ჰქონდათ. ასეთ ყმა გლებთა შეძლებაზე ისიც კარგად მეტყველებს, რომი მებატონეებს რენტის სახით 12—13 და 50 თუმანსაც კი უხდიდნენ, ე. ი. ყოველწლიურად მებატონეს 130—500 ცხვარის ღირებულებას აძლევდნენ. მაგრამ ისიც უნდა აღინიშნოს, რომ მდიდარი გლეხები თავის მხრივ კაბალაში აქცევდნენ ღარიბებს, მათზე თავიანთ მიწას გასცემდნენ ხოლმე იჯარით და საკმაოდ დიდ შემოსავალს ღებულობდნენ. მდიდრები ზოგჯერ დაქირავებულ შრომასაც იყენებდნენ.

ბატონყმოზა, ბეგარა-გადასახდელების გადიდება მეტნაკლებად გლახობის ყველა ფენის, ყველა კატეგორიის გლახთა უკმაყოფილებას იწვევდა. მებატონეს ებრძოდა შეძლებული, საშუალო და ღარიბი გლეხი. პროტესტის ნიშნად ხმას იმალდებდა მკვიდრი, ნაწყალობევი, ნე-ბიერი, შეწირული, თავშეწირული, ნასყიდი, თავნასყიდი, ბოგანო, ხი-ჯანი და შინაყმა. ყველა ცდილობდა თავის ეკონომიური და სოციალუ-რი მდგომარეობის გაუმჯობესებას.

კლასობრივი ბრძოლა წითელ ზოლად გასდევს ფეოდალიზმის მთელ ისტორიას. ადრეფეოდალურ ხანაში ერთმანეთს მტრულად უპირისპირ-დებოდნენ აზნაურები და თავისუფალი მიწათმოქმედნი. ეროვან-მდაბი-ონი თავგამოდებით იბრძოდნენ მიწისა და პირადი თავისუფლების შე-ნარჩუნებისათვის, ებრძოდნენ მეფეს, აზნაურებს, არც წმინდა მამებს ებუებოდნენ, ყოველნაირად აბრკოლებდნენ სათემო მიწებზე მონასტ-რების მშენებლობას. IX საუკუნის საქართველოში წინააღმდეგობა ეკ-ლესია-მონასტრებსა და მწარმოებელ მასას შორის მიწის გამრ იმდე-ნად გამწვავდა, რომ „ანჩის ერა“ — ანჩის ეკლესიის გარშემო მდებარე სოფლების მცხოვრებნი, ხანძთის მონასტრის დანგრევასაც კი აპი-რებდნენ, ეს მიაჩნდათ მიწისა და თავისუფლების შენარჩუნების წინა-პირობად. მეთემეთა ნაწილი ფეოდალთა მხრიდან დაყმევებისა და და-ბეგვრის ცდებს აყრა-გაქცევით პასუხობდა.

XI—XII საუკუნეებში არსებითად დამთავრდა თავისუფალ მწარ-მოებელთა დაყმევა ბარის რაიონებში. მთიელები კი თავისუფლების შენარჩუნებისათვის ბრძოლას წარმატებით განაგრძობდნენ. ერისთავე-ბმა და თავადებმა შეძლეს მთიელთა დამორჩილება ქვემო სვანეთ-ში, არაგვისა და ლიახვის ქვემო წელში. უფრო მაღლა კი ბატონყმო-ბა გზას ვერ იკაფავდა. ეპიზოდური აღმოჩნდა თავადთა წარმატება ბალს ზემო სვანეთში. აჭაურმა თემებმა განდევნეს დადემქელიანები, რეჩგი-ანები, ჩარკვიანები და თავისუფლება დაიბრუნეს. მთა-რაჭის გლეხებ-მა ამოწყვეტეს ჭაფარიძე-არეშეძენი, ამ უკიდურესი საშუალებით დააღ-წიეს თავი დაყმევების საფრთხეს. ნუგზარ არაგვის ერისთავმა სისხ-ლის წვიმები დააყენა არაგვისა და დარიალის ხეობაში, მაგრამ ქედი მაინც ვერ მოახრევიანა მთიულებს და მოხვევებს. თავისუფლება ბო-ლომდე შეინარჩუნეს ფშავ-ხევსურებმა და თუშებმა. მთიელებმა არ დაიდეს საბატონო ბეგარა-გადასახადები, თავისუფლებით ემსახურებო-დნენ მეფეს. საჭიროებინ შემთხვევაში ლაშქრად გადიოდნენ და ბა-

რის ქართველებთან ერთად თავგანწირვით ებრძოდნენ გარეშე დამპყრობლებს.

ბარის საქართველოში ბატონყმობა დამკვიდრდა და განმტკიცდა, მაგრამ გლეხობა ვერ ურიგდებოდა ჩაგვრა-ექსპლუატაციას. მონღოლთა ბატონობის დროს, როცა საბატონო ბეგარა-გადასახადებს სამონღოლო ხარკი დაემატა, გლეხთა აყრა-გაქცევა კლასობრივი ბრძოლის მასობრივ ფორმად იქცა. უშუალო მწარმოებელი მოსახლეობის საგრძნობმა ნაწილმა დატოვა მამა-პაპათა კერა. დიდი რაოდენობით დარჩა უპატრონოდ მიწა და მეურნეობა.

გლეხთა აყრა-გაქცევამ იმდენად ფართო მასშტაბი მიიღო, რომ იგი დაფიქსირდა XIV ს-ის კანონმდებლობაში. აყრა-გაქცევის მიზეზი სხვადასხვა იყო: ზოგჯერ მას მტრის შემოსევა, მოუსავლობა და ეპიდემია იწვევდა, მაგრამ უფრო ხშირად ეს მოვლენა ყმა გლეხთა ექსპლუატაციის ზრდით იყო განპირობებული. აყრა-გაქცევის მიზანს აუტანელი ექსპლუატაციისათვის თავდალწევა და უკეთესი პირობების ძებნა წარმოადგენდა. განსაკუთრებით ფართო მასშტაბი კლასობრივი ბრძოლის ამ ფორმამ XVII—XVIII საუკუნეებში მიიღო.

აყრილ-გაქცეულთა დიდი ნაწილი საქართველოს ფარგლებს არ სცილდებოდა. დასავლეთ საქართველოს გლეხები ქართლში გადმოდიოდნენ, ქართლელები — კახეთში, ბარელები — მთაში. საკმაოდ ბევრი გლეხი დაღესტანს მიდიოდა, „ღეკში იკარგებოდა“, ზოგი თერგისა და ყუბანის კახაკებთან პოულობდა ადგილსამყოფელს.

XVIII საუკუნის დამდეგს ქართლის მეფე ვახტანგ მეექვსემ სცადა ქართლიდან კახეთს გაქცეული გლეხების უკან გადმოსახლება, დაიწყო ე. წ. „მყრელობა“, მაგრამ ამ ღონისძიების გატარებას დიდი დაბრკოლებები შეხვდა, მხოლოდ სანახევროდ განხორციელდა. სავალალო ქართლელ მებატონეთათვის ისიც იყო, რომ გლეხთა აყრა-გაქცევა შემდგომ ხანებშიაც შეუწყობდა გრძელდებოდა.

სამეფო წელისუფლება და თავადაზნაურობა გლეხობის ურჩობას, მის აყრა-გაქცევას ვერ ეგუებოდა. ვახტანგ მეექვსემ თავის კანონთა წიგნში სპეციალური მუხლები შეიტანა აყრილ-გაქცეულ გლეხთა ძებნა-მობრუნების ვადების შესახებ. დაზარალებულ მებატონეებს უფლება ეძლეოდათ სხვა მამულებში თავშეფარებული გლეხები 30 წელს ეძებნათ და უკან გადმოესახლებინათ. მეფის სახასოში გაქცეული გლეხების ძებნის ვადად 12 წელი დაწესდა. ამასთან, ვახტანგი ურჩევდა მებატონეებს ზედმეტი არ მოეთხოვათ გლეხებისაგან, არ განეწყოთ ისინი აყრა-გასაქცევად. მაგრამ მებატონეთა დიდი ნაწილი ამ ბრძნულ და-

რიგებამ არ ასრულებდა და ამიტომ გლეხთა აყრა-გაქცევა თითქმის პე-რმანენტულ ხასიათს ატარებდა.

ისტორიული საბუთებიდან ჩანს, რომ გლეხი გარბოდა ათვისებუ-ლი ადგილებიდან, გარბოდა ერთხელ, მეორეჯერ, მესამეჯერ. მას არც აწყობილი მეურნეობის მოშლა-განადგურების მიმე პერსპექტივა ამი-ნებდა და არც მოსალოდნელი დაბრკოლებათა გადალახვის სიძნელე. გა-ქცევა ხდებოდა ინდივიდუალურად და კოლექტიურად. „ოსმალბის“ დროს (1732—1735 წწ.) სოფელ ხანდაკის (შიდა ქართლი) გლეხები დე-დაწულიანად აიყარენ და გადაიკარგნენ; მებატონე რატიშვილს ისაყ-ფაშას დახმარებამაც ვერ უშველა, გაქცეული გლეხები თავის დაცარი-ელებულ მამულში ვერ დააბრუნა. ერთი საბუთიდან ისიც ჩანს, რომ XVIII საუკუნის ბოლოს ქვემო ქართლის თავად-აზნაურთა ყმა გლეხო-ბის დიდი ნაწილი „დაფანტული“, მამაპაპეული ადგილებიდან აყრილ-გაქცეული ყოფილა.

ვერც გასაქცევად გამზადებული ყმა გლეხი და ვერც ადგილზე დროებით მისული ხიზანი მეურნეობას წინ ვერ წასწევდა. ვერც თავის ოჯახს არგებდა ბევრ რამეს, ვერც ბატონსა და ხელმწიფეს გამო-ადგებოდა. აქედან გამომდინარე ერეკლე მეორე 1763 წ. მებატონეებს სწერდა: „თუ თქვენი მამულიდან მემკვიდრე კაცი აიყარა და წაეილა სადმე, ერთი კაცი რომ აიყაროს, იცოდეთ დიდად ავად მოგეპყრობით და გარდაგახდევინებთო“. აყრილ-გაქცეულთა წინარე საცხოვროში დაბრუნება ერეკლე მეორის ერთ-ერთ მთავარ საზრუნავს წარმოად-გენდა. ქვეყნის გაშლიერება-გაერთიანებისათვის მოღვაწე მეფემ ამ მი-მართულებითაც არა ერთი ღონისძიება გაატარა, მაგრამ არსებით შე-დეგს ვერ მიაღწია, „საიდან სად არ მიდიოდა ქართველი მიწის მუშა მიწისა და თავისუფლების ძებნაში. ზოგჯერ ნიადაგი იყო მწირი, ზოგ-ჯერ ბატონი არ გაახარებდა, ზოგჯერ გარეშე მტერი არ უსვენებდა და-დიოდა ქართველი გლეხი და ეძებდა გასაძლის ქვეყანას: მიწას, მშვი-დობას და თავისუფლებას“ (ნ. ბერძენიშვილი).

გლეხთა კლასობრივი ბროლის გავრცელებული ფორმა იყო გადა-სახადებზე უარის თქმა. ცნობილია, რომ მებატონე არც არსებული გადასახადის გადიდებას ერიდებოდა და არც ახალის შემოღებას („უდე-ბის დადებას“) თაკილობდა, რასაც ყმა გლეხი, ბუნებრივია, წინააღმ-დეგობას უწევდა.

მებატონეები, ყმა გლეხთა პროტესტის შიშით, ზოგჯერ შენიღბუ-ლად მოქმედებდნენ, საწყაოებს (კოდი, კოკა და სხვ.) თანდათანობით აღიდეზნენ, ამით ზრდიდნენ გლეხთა ექსპლუატაციასა და თავის შე-

მოსავალს. გარკვეულ დრომდე ყმა გლეხები თითქოს ამას ურიგდებოდნენ, მაგრამ შემდეგ იწყებდნენ ბრძოლას, მცირე მოცულობის, „პირველი საწყაოების“ აღდგენისათვის. ზმირად მებატონეები პირობას დებდნენ არ გაედიდებინათ კოდი და კოკა, ძველი ე. ი. მცირე მოცულობის საწყაოებით აეღოთ ღალა და კულუხი, მაგრამ ასეთი დაპირება იშვიათად სრულდებოდა. ბრძოლა საზომ-საწყაოთა ოდენობისა და ამდენად გადასახადების ნორმირების გარშემო დაუსრულებლად გრძელდებოდა.

ყმა გლეხები არც ჩვეულებრივ და დაკანონებულ გადასახადებს ეხდოდნენ სიამტკბილობით. იშვიათი მოვლენა როდი იყო ყმურ მოვალეობათა შესრულებაზე უარის თქმა. ამის დამადასტურებელი მასალა არსებობს XVI—XVII საუკუნეებიდანაც, მაგრამ მეტი შემოგვრჩა XVIII საუკუნიდან. 1773 წელს ლუარსაბ ონანაშვილი მეფე ერეკლეს შესჩიოდა „ჩემი ყმები ამისულაშვილები არც მიხვნენ, არც მიღწვენ, არც კოდის პურს მძღვევენ, არც კულუხს. თუ ვთხოვ ჩაამე ასე მეტყვიან — არა გვაქვს რაო“. 1774 წელს ვარდისუბნელმა გლეხებმა გადასახადებზე უარი უთხრეს ალავერდის საეპისკოპოსო კათედრას, 1776 წ. გადასახადები არ გაიღეს ურბნისის ეკლესიის ყმებმა, 1790 წ. თავად მაყაშვილის ყმებმა, 1791 წ. — ყარანგოზიშვილის და ქურულის გლეხებმა.

ბევრი გლეხი ბეგარა-გადასახადთა მოხსნასა და შემსუბუქებას თხოვნა-საჩივრებით ცდილობდა. მეფისათვის მირთმეულ საჩივრებში გლეხები ყურადღებას ამახვილებდნენ თავიანთ მძიმე მდგომარეობაზე და ხელმწიფეს არწმუნებდნენ, რომ გადასახადთა სიმრავლე, მებატონეთა თვითნებობა-გაუკითხაობა განადგურებით ემუქრებოდა გლეხურ მეურნეობასა და ქვეყანას. თავად ჭავჭავიშვილების ყმები მეფე ერეკლეს შესჩიოდნენ: „თუ ხელმწიფე არას გვიშველის, დაკარგვის გზაზე ვღგავართ. მეფე ბრძანდებით და იცით, რომ ხელმწიფის, თავადისა და აზნაურის ყმას რაც ძველიდან ვალდებულება-სამსახური აწევთ იმაზე მეტი არ უნდა მოეთხოვოს. მაგრამ ჩვენი ბატონები ამ წესს არ იცავენ, წლის წლამდე მუდამ დღე ისინი გვიმსახურებენ ხარით და კაცით, თვე ისე გაივლის, რომ ერთ დღეს ჩვენთვის ვერ ვმუშაობთ“. ასეთ პირობებში არ ვიცით ან მეფეს როგორღა ვემსახუროთ, ან ოჯახი როგორ გარჩინოთ.

ურჩ გლეხებს, რომელნიც თავს არიდებდნენ დადგენილ ბეგარა-გადასახადებს, მეფეც სჯიდა და მებატონეც. მაგრამ, როცა თავადი, აზნაური და ეკლესია აშკარად არღვევდნენ საბატონეყო პირობებს, სა-

მეფო ხელისუფლება უსამართლოდ დაჩაგრულ ყმებს ესარჩლებოდა, მებატონეებისაგან მკაცრად შიითხოვდა დადგენილი ნორმების დაცვას.

გლებთა ნაწილი ბრძოლის პასიური ფორმებით, თავდაცვით არ კმაყოფილდებოდა, თვით გადადიოდა შეტევაზე. ზოგი გლები თვითნებურად იკავებდა მემამულის მიწას, ხნავდა, თესდა, მოსავალს იღებდა. მაგრამ ღალას არ იხდიდა. 1770 წ. საბუთიდან ჩანს, რომ თავად ვაჟნაძეებს გლებთა თვითნებური მოქმედების შედეგად არც ბარი შერჩათ და არც მთა, ყველაფერი გლებებმა მიითვისეს. 1790 წ. გლებთა ანალოგიურ თვითნებობაზე ჩიოდა თვით დაჩაგრულ დედოფალი (ერეკლე მეფის მეუღლე), ველისციხელი გლებები ჩემი ნებართვის გარეშე სავნახეს ღობავენ, თავის მამულებს აფართოებენ, კალო-საბძელს აკეთებენო. საბუთებიდან არ ჩანს, მაგრამ ცხადია, ასეთ ძალადობას გლებს არავინ აპატიებდა.

სამეფო გლებობის უფლებრივ-ეკონომიური მდგომარეობა შედარებით უკეთესი იყო. ამიტომ საბატონო გლებები ცდილობდნენ სახასო (სახაზინო) უწყებაში გადასვლას. თავადისა და აზნაურის ყმები იყვებდნენ იმ გარემოებას, რომ ხშირად ბატონებს გლებების ფლობის სათანადო დოკუმენტი (მეფის წყალობის წიგნი, ნასყიდობის სიგელი და სხვ.) არ გააჩნდათ და თავს სამეფოდ აცხადებდნენ, მეფეს სთხოვდნენ დახმარებას, თავდაზნაურთა უსამართლო პრეტენზიებისაგან დაცვას. გლებთა ნაწილი ასეთ თხოვნას მეფე აკმაყოფილებდა კიდევ ერთი საბუთიდან ჩანს, რომ ერეკლე მეორემ ღალატისათვის დემეტრე ამილახვარს ყმა მამული ჩამოართვა და სახასოდ გამოაცხადა. გლებები ამას ღოწონებით შეხვდნენ და მეფეს სთხოვეს, რომ ამილახვარს ყოფილ მამული სხვა მებატონისათვის არ გადაეცა, სახასოთ შეენარჩუნებინა. მეფემ გლებთა თხოვნა დააკმაყოფილა, წყალობის წიგნი უბოძა, პირობა მისცა მათ, რომ სახასო ყმობას არ მოუშლიდა. ეს საბატონო გლების დიდი გამარჯვება იყო. რადგან მეფის ყმობის შიღვა იმ დროს თითქმის თავისუფლების მოპოვების ტოლფასად ითვლებოდა.

1765 წ. ერეკლე მეორემ გამოსცა კანონი, რომლის ძალითაც უცხოეთის ტყვეობიდან თავდახსნილი, ან გამოქცეული ყმა გლების მიმართ წინანდელ ბატონს არავითარი უფლება აღარ ჰქონდა. გლებს შეეძლო თავისუფალი დაჩაგრულიყო, ან თავისთვის სასურველი მფარველ-ბატონი შეერჩია ასეთი მობრუნებული გლებების უმრავლესობა. სახასო ყმად ეწერებოდა და მხოლოდ უმნიშვნელო ნაწილი ინარჩუნებდა სრულ თავისუფლებას. ხანდაზმულობის კანონის ძალით ზოგჯერ გაქცეულ-გახიზნული გლებებიც იღებდნენ თავისუფლებას. მაგრამ დი-

:დი უმრავლესობა მიზანს ვერ აღწევდა. მაგალითისათვის გიგია და ანდრია ეკლესიურებს დავასახელებთ. ისინი იძულებული გახდნენ პირობის წერილი მიეცათ თავის ბატონისთვის, რომელშიც ნათქვამი იყო: მრავალგზის ვეცადეთ და შენი ყმობიდან თავი ვერ დავალწიეთ. ახლაც წერილი მოგართვით, ჩვენი თავი ასე მოგვიცია ყმათ, ბატონყმობის რიგის დაცვით ერთგულად გემსახურებით შენცა და შენს შთამომავალსაცო.

ფეოდალურ საქართველოში XIX საუკუნის დამდეგამდე გლეხთა მსხვილ შეიარაღებულ აჯანყებებს ადგილი არ ჰქონია, მაგრამ ხდებოდა გლეხთა ჯგუფური ერთობლივი (ერთი სოფლის ფარგლებში) გამოსვლები.

1454 წ. მცხეთის საკათალიკოსოს კუთვნილმა გლეხებმა უარი განაცხადეს კულუხის გაზრდილ საწყაოთი გადახდაზე და საჩივრით ქართულ ქრისტიანულ ეკლესიის მეთაურს მიმართეს. მეკულუხე გლეხთა პროტესტით შეფიქრიანებულმა კათალიკოსმა პირობა მისცა გლეხებს არც კოკას გავადიდებ და არც კულუხს მოგიმატებთო. 1668 წ. იმავე ეკლესიის მამების წინააღმდეგ ხმა აიმაღლეს სოფ. ძეგვის გლეხებმა. ამ შემთხვევაშიც პროტესტანტი გლეხები დიდი კოკისა და გადასახადის მომატების წინააღმდეგ ილაშქრებდნენ. ამჯერადაც კათალიკოსი დათმობაზე წავიდა, გლეხთა მოთხოვნილება დააკმაყოფილა. 1669 წ. სოფ. ქაისხევის გლეხებმა ახალ გადასახადზე უარი თქვეს, ჯანყი მოაწყვეს წილქნის ეპისკოპოსის წინააღმდეგ. ეს უკანასკნელი თავისი ძალებით რომ ვერას გახდა, დახმარება ზაალ ერისთავს სთხოვა. ერისთავმა იასაულები და შეიარაღებული რაზმი გაგზავნა, „ავად მოეპყრა“ ქაისხეველებს, იარაღით დათრგუნა გლეხთა წინააღმდეგობა, აიძულა ისინი ეცნოთ ახალი გადასახადის კანონიერება.

1700 წ. ბოდბის მონასტერმა თავის ყმებს ახალი გადასახადი — „ძროხის რიგი“ შეაწერა. უკმაყოფილო გლეხებმა „ბუხტი ქმნეს“. შეზინებული ბერები დათმობაზე წასვლას, გლეხთათვის ახალი გადასახადის დადებამდე უარის თქმას აპირებდნენ, მაგრამ კონფლიქტში ერეკლე პირველი ჩაერია, ურჩი გლეხების დაპატიმრება და მათი დასჯა ბრძანა. მონასტრის ყმები დროებით დაემორჩილნენ შალადობას, ძროხები მიჰგვარეს ბერებს. მაგრამ ათი თუ ხუთმეტი წლის შემდეგ მეორე ამბოხება მოაწყვეს, ძროხების წასაყვანად მოსული მოხელეუნი გარეკეს. კახეთის მმართველმა თეიმურაზმა ბოდბელ ეპისკოპოსს ურჩია დროებით შეეჩერებინა გადასახადის აღება. ეპისკოპოსი დათანხმდა და

სიგელიც კი მისცა გლეხებს „ძროხის რიგისაგან“ მათი განთავისუფლების თაობაზე.

1735 წ. გადასახადების გადიდების გამო, ალავერდის ეკლესიის გლეხები აჯანყდნენ, პროტესტის ნიშნად დატოვეს სოფელი საყრდინი, თავიანთი საცხოვრებელი და ტყეში გაიხიზნენ, კახეთის მმართველმა მკაცრი წერილი გაუგზავნა მათ. სრული მორჩილება მოითხოვა; ლეკობისა და ურუმობის დროს არ გიქნიათ ასეთი რამ ახლა რა ღმერთი გაგიწყრათო, ნაშენის დატოვება და ტყეში გახიზვნა როგორ შეიძლებაო. თუ დაბრუნდებით, კარგად გაირჩებით და იმსახურებთ, ჩვენს წყალობას მოიმკით, თუ არადა, დარწმუნებული იყავით, ტყეშიც მოგაგნებთ და მკაცრად დაგსჯითო.

1742 წ. ბეჟან არაგვის ერისთავმა სცადა მთიელთა დაბეგვრა, რასაც დიდი აჯანყება მოჰყვა. ერისთავს გივი ამილახვარი დაეხმარა ჯარით და გლეხთა ჯანყი ჩააქრო. მაგრამ მომდევნო წელს მთიულებმა და ფშავესუსურებმა ხელმეორედ ააფრიალეს აჯანყების დროშა. მთიელთა ამ სამართლიან ბრძოლას ხელმძღვანელობდნენ პაპა ღუღუშაური, გივი და ზურაბ ნადიბაიძეები. მართალია, ბრძოლაში თვით ბეჟან ერისთავი დაიღუპა, მაგრამ მისი მემკვიდრეები დაჟინებით ცდილობდნენ მთიელთა დამორჩილება-დაყმევებას. მემამოხე მთიულებმა დახმარება კახეთის მეფე თეიმურაზ მეორეს სთხოვეს. თეიმურაზი ჯარით შევიდა არაგვის ხეობაში, საერისთაო გააუქმა და ერისთავთა გამგებლობასა და მფლობელობაში მყოფი ყველა სოფლები სახანსო მამულებად გამოაცხადა. აღდგა ძველი ადათ-წესები. მოსახლეობას, მართალია, დაედო მცირე სახელმწიფო გადასახადი, მაგრამ მთიელთა ძირითად მოვალეობად ლაშქრად გასვლა გამოცხადდა.

1777 წ. ქსნის ხეობის გლეხთა მღელვარებას ჰქონდა ადგილი. ამის უშუალო მიზეზი გახდა ქსნის საერისთაოს აღდგენის შესახებ დარხეული ხმები. ქსნისხეველებმა კარგად იცოდნენ, რომ ერისთავის ყმობაში დაბრუნება მათ უფლებრივ ეკონომიურ მდგომარეობას გააუარესებდა და ამიტომ ჯანყის გუნებაზე დადგნენ, საჭაროდ აცხადებდნენ — ერისთავებს ცოცხალი თავით არ დავემორჩილებითო. ერეკლე მეორემ ამღელვარებულ ქსნისხეველებს ასეთი მოწოდებით მიმართა: „ქსნისა და ლიახვის ხეობის ქართველნო და ოსნო, მე თქვენ სახანოდ ავიყვანეთ და ამიტომ სხვა ვინმეს თქვენზე ხელი არა აქვს. ფიცით გარწმუნებთ, რომ არც ერთი გლეხი მებატონეებს არ გადაეცემა. ზვალ ჩამოვალ ახალგორში, ყოველი კომლიდან თითო კაცი მაახლეთ და სათქმელი მითხარით, ფიცს მოგცემთ, რომ ყმად არავის გადაქ-

ცემთ“. ერეკლე მეფეს, როგორც ცნობილია, მარტო საერისთაოების კი არა, სათავადოების გაუქმების დიდი სურვილი ჰქონდა. ქსნისხე-ველებიც დარწმუნდნენ, რომ მეფის დაპირება მტკიცე იყო და დაწყ-ნარდნენ.

ანალოგური ხასიათის იყო, თავად ჩხეიძის კუთვნილი სოფელ ფონის (ქართლი) გლეხთა მღელვარება. XVIII საუკუნის 50-იან წლებში ჩხეიძეების ყმა-მამული სახასოდ გამოცხადდა. მაგრამ რამ-დენიმე ხნის შემდეგ თავადებმა მამული დაიბრუნეს. ამით უკმაყოფი-ლო გლეხები თავის საცხოვრისიდან აიყარნენ, სხვაგან გადაიხვეწ-ნენ. თავადმა ჩხეიძემ მოლაპარაკებით თავისი ყოფილი ყმების უკან მობრუნება ვერ შეძლო. 1788 წ. კრიტიკული სიტუაციის განმუხტვა ერეკლე მეორემ თავის ვაჟს იულონს დააავალა. უფლისწულმა გადახ-ვეწილებს სათანადო სიგელი გაუგზავნა. მოუწოდა მათ სურამს მობ-რუნდით და სადაც გინდათ იქ დაგასახლებთ, დარწმუნებული იყავით თქვენ თავს არც ჩხეიძეებს დაეუთმობთ და არც სხვა მებატონესო. მაგრამ იულონ ბატონიშვილის პირობა და ფიცი, როგორც ჩანს, საქ-მარისი არ აღმოჩნდა. 1794 წ. სოფელ ფონაში დარჩენილი ნოზაძე-ები ერეკლე მეორეს შესჩიოდნენ: „ჩვენი გვარისკაცი 65 კომლი გან-ლავართ. ათი კომლი სურამში და ქართლში, სხვა იმერეთსა და ოს-მალეთში არიან გადახვეწილი, ისე გაგვივირდა ჩხეიძეებისაგან, რომ გადაკარგვის მეტი სხვა არა დაგვრჩენოდა რა. ახლა თუ ჩხეიძეების ხელიდან დაგვიხსნით, ერთ-ერთ ბატონიშვილს მიგვეცემთ და მიწა მოგვეცემა, ყველა ნოზაძე დაბრუნდნა, თქვენ საფარველქვეშ დად-გება და ერთგულად მოგემსახურება; თუ არა და ჩვენც დავიკარგე-ბითო“.

მეფე ერეკლემ, მართალია, ნოზაძეები სახასო გლეხებად აღიარა და ისინი დაბრუნდნენ ფონაში, მაგრამ ერეკლეს გარდაცვალების შემდეგ ჩხეიძეებმა ისევ აღძრეს საჩივარი. გიორგი მეთორმეტის მი-თითებით საქმე სასამართლოში იოანე ბატონიშვილის თავმჯდომარე-ობით გაიჩნა და თავად ჩხეიძეების სასარგებლოდ გადაწყდა. გაიცა ბრძანება — ნოზაძეები ყველგან მონახეთ და ჩხეიძეებს ჩააბარეთო.

1786 წ. ადგილი ჰქონდა იმერეთის გლეხთა მღელვარებას. 4 ათა-სი გლეხი გამოვიდა და დავით მეფეს თავადაზნაურთა ყმობისაგან გა-ნთავისუფლება მოსთხოვა.

ამ სიტუაციის თავის სასარგებლოდ გამოყენება სცადა იმერეთის ტახტის მეორე პრეტენდენტის დავით არჩილის ძის მომხრე თავადთა ჯგუფმა. ისინი დაუკავშირდნენ გლეხთა აჯანყების მეთაურებს, გამო-

უცხადეს შათ, თუ ჩვენს მხარეს დაიჭერთ, დავით არჩილის ძის გამეფების შემდეგ გადასახადებს შეგიმცილებთ, მდგომარეობას გაგიუმჯობესებთო. აჯანყებულ გლეხებს უკან დასახვევი გზა არსებითად მოჭრილი ჰქონდათ და ალბათ ამიტომ ირწმუნეს თავადთა დაპირება. მხარი დაუჭირეს მომავალ „კეთილ მეფეს“. დავით გიორგის ძის ჯარმა აჯანყებული გლეხები დაამარცხა და გაფანტა. რამდენიმე ხნის შემდეგ, მართალია, დავით არჩილის ძე გამეფდა, მაგრამ მას გლეხთათვის მიცემული დაპირება არც გახსენებია, მის მომხრე თავადებს ყმებისათვის შელავათი არ მიუციათ.

1800 წ. ზაფხულში იარაღით გამოვიდნენ სოფ. კალაურის (კახეთი) გლეხები. დაიკავეს თავად ჯანდიერის მამულები, თვითნებურად დაიწყეს ხენა-თესვა და ტყის გამოყენება. შფოთის მონაწილეებმა ფიცით დადეს არაფერი დაემოთ მებატონისათვის, დაკავებულ მამულში არ შეეშვათ მისი მოურავი და კარისკაცები. თავადმა მეფე გიორგის შესჩივლა — გლეხები „შფოთზე“ დგანან, უსარჩოდ ვრჩებიო. მეფის დავალებით მეტოქეთა შორის ბაგრატი ბატონიშვილი ჩადგა. შემდეგ თვით მეფე ჩაერია საქმეში და როგორც ჩანს, ყმა გლეხები მებატონესთან მოარიგა.

ამგვარად, ფეოდალურ საქართველოში სოციალური ანტაგონიზმი ძლიერი იყო და კლასობრივმა ბრძოლამაც საკმაოდ ფართო მასშტაბი მიიღო, მაგრამ გლეხთა მასობრივ აჯანყებებს, მებატონეებთან სისხლიან შეტაკებებს თითქმის არ ჰქონია ადგილი. პერმანენტული საგარეო საფრთხე, სხვადასხვა ჯურის დამპყრობთა დაუსრულებელი შემოხვევები გარკვეულ დაღს ასვამდა საქართველოს მოსახლეობის სოციალურ ურთიერთობას, კლასობრივ ბრძოლას. ივანე ჯავახიშვილმა წამოაყენა საკმაოდ დასაბუთებული მეცნიერული დებულება იმის შესახებ, რომ ფეოდალურ საქართველოში სოციალურ ანტაგონიზმს, რამდენადმე ანელებდა, კლასობრივი ბრძოლის მთელი სიღრმით გაშლას, მის თავისუფალ განვითარებას ხელს უშლიდა სამშობლოს დაცვის საერთო ეროვნული პრობლემა. ფიზიკური მოსპობისა და სულიერი გადაგვარების საფრთხე, რამდენადმე აზუზრუქებდა ფეოდალური საზოგადოების ძირითადი კლასის — გლეხობის სოციალურ აქტიურობას, აიძულებდა მას ასე თუ ისე შერიგებოდა ბატონყმობას, ეტარებინა სამეფო, სამოხელეო და საბატონო ვალდებულებათა ტვირთი, სამშობლოს დამოუკიდებლობისათვის ბრძოლაში თავადაზნაურობასთან ერთად ეღვარა სისხლი. ეს მომენტი გარკვეულ გავლენას ახდენდა მეფის ხელისუფლებისა და თავადაზნაურობის პოზიციებზეც. ქართული

ფეოდალური კანონმდებლობა იცავდა გლეხს მებატონეთა გადამეტებული პრეტენზიებისაგან, აღიარებდა გლეხის უფლებას ნაყიდ მიწაზე, პრაქტიკაში იყო მეფისა და თავადის სამსახურში თავნაჩენი გლეხებისათვის თარხნობა — აზატობის მინიჭება, მსახური გლეხების მიერ აზნაურობის მიღებაც. ზედა ფენა გლეხთა მღელვარება-ამბოხების დროსაც ერიდებოდა სისხლიან ანგარიშსწორებას და როცა დიდ წინააღმდეგობას წააწყდებოდა, დათმობაზე მიდიოდა. კლასთა ეს თავისებური კომპრომისი, ურთიერთისადმი ნაწილობრივი დათმობა, რა იქნა უნდა, დროებითი მოვლენა იყო. შეცვლილ სიტუაციაში კლასობრივი ბრძოლა მთელი სიღრმე-სისრულით უნდა გაშლილიყო.

თ ა ვ ი II

საქართველოს (რუსეთთან უნარითება, ანტიცარიტული აჯანყებები. თავადაზნაურობა და გლეხობა XIX ს. პირველ მესამედში

საქართველოს მეფე-მთავართა ორსაუკუნოვანი რუსული ორიენტაციის კულმინაცია 1783 წ. სამეგობრო ხელშეკრულება იყო. ქართლ-კახეთი რუსეთის იმპერიაში შემავალ ავტონომიურ სამეფოდ გადაიქცა. ქართ-კახეთის სამეფო ხელისუფლებამ, მართალია, დაკარგა დამოუკიდებელი საგარეო პოლიტიკის წარმოების შესაძლებლობა, მაგრამ შეინარჩუნა ქვეყნის დამოუკიდებლად მართვის უფლება. ვასალობა-პროტექტორატის ასეთი ფორმა მისაღები იყო იმერეთის მეფისა და მთავრებისათვისაც. 1790 წ. ყველამ ერთად სოხოვა რუსეთის იმპერატორს მფარველობაში შეყვანა. რუსეთის ძლიერი სახელმწიფოს შემადგენლობაში ავტონომიური სტატუსით შესვლა ყველა სამეფო-სამთავროს და მთლიანად სსკბრთველოს, უდაოა, უჭირბოლოდ მშვიდობიანობის დამყარების, განვითარების ახალ გზაზე გამოსვლის პერსპექტივას. მაგრამ რუსეთის ცარიზმში ავტონომიურ სამეფო-სამთავროებს ვერ იტანდა, მისთვის იდეალი უნიტარული სახელმწიფო იყო. 1801 წ. რუსეთის ცარიზმმა გააუქმა ქართლ-კახეთის ავტონომიური სამეფო, 1810 წ. მისპო იმერეთის შეზღუდული ავტონომია და საქართველოს დიდი ნაწილი თავის ბატონობის ქვეშ გადაიტანა.

რუსეთთან ამგვარი ფორმით შეერთებას საბოლოოდ დადებითი შედეგი მოჰყვა და ამდენად ობიექტურად პროგრესულ მოვლენას წარმოადგენდა. მაგრამ XIX საუკუნის პირველ ოცწლეულში ხალხის მდგომარეობა არსებითად არ გაუმჯობესებულა. რუსული თვითმპყრობელური მმართველობა, ადგილზე შექმნილი ბიუროკრატიული აპარატი მძიმე ტვირთად დააწვა მოსახლეობის თითქმის ყველა ფენას.

თავადების უკმაყოფილება იმან გამოიწვია, რომ მათ დაკარგეს პოლიტიკური გავლენა, მემკვიდრეობითი სამხედრო და ადმინისტრაციული თანამდებობანი, რითაც საფუძველი გამოეცალა სათავადოთა სისტემას. სათავადოს შიგნით შეიკვეცა აზნაურის სოციალურ-პოლიტიკური ფუნქცია, მას ჩამოერთვა თავადის კარის თანამდებობანი, მოურავობა, მდივნობა, ბოქაულთუხუცესობა, გლეხთა ზედამხედველის მოვალეობა. ქართველი მოხელის ადგილი ცენტრშიც და პერიფერიებშიც რუსმა მოხელემ დაიკავა. ამას კი ვერ შეეგუა ქართველი თავადაზნაურობა და თავის პროტესტს შეთქმულება-აჯანყებებით გამოხატავდა.

უკმაყოფილებისა და აჯანყების კიდეც მეტი მიზეზი ჰქონდა გლეხობას. ბატონყმური ვალდებულებანი უცვლელად დარჩა. ახლა მას დამატა რუსული მმართველობის მიერ დაწესებული პროდუქტადი და ფულადი გადასახადები, ძალიან მძიმე საგზაო-სატრანსპორტო ბეგარაც გაუთავებელი ომების პირობებში თანდათან იზრდებოდა. მაზრის უფროსების და მათდამი დაქვემდებარებული მოხელეების თვითნებობა ყოველგვარ საზღვარს სცილდებოდა. ისინი გლეხებისაგან მოითხოვდნენ ყველა გადასახადის მაზრის უფროსისათვის ჩაბარებას. არც ძალადობას ერიდებოდნენ, უკანასკნელ სარჩოს ართმევდნენ ხალხს. ვინც წინააღმდეგობას გაბედავდა აპატიმრებდნენ და მკაცრად სჯიდნენ. განსაკუთრებით მძიმე იყო საქართველოს სამხედრო გზის მიდამოებში მცხოვრებ მთიელთა მდგომარეობა. გზების და ხიდების გაკეთება, მათი მოვლა, ხარ-ურმის გამოყვანა, ტვირთის ზიდვა, აუტანელ ბეგარად აწვა მთიულებსა და მოხევეებს. სავალალო ისიც იყო, რომ გლეხები ამ მძიმე შრომაში კანონით დაწესებულ მცირე გასამრჯელოსაც ვერღებულობდნენ. პოლიციის მოხელეების წინააღმდეგ ჩივილი კი დანაშაულად ითვლებოდა და აჯანყებად ცხადდებოდა, რასაც სამხედრო ეგზეკუციები მოსდევდა. ბარის ქართველისა და ამაყი მთიელის შეურაცხყოფა-შეგინება ჩვეულებრივ მოვლენად იქცა.

ქართლის მთიანეთის 1804 წლის აჯანყება. 1804 წ. დამდევს კავკასიაში მდგარი ჯარების სარდალი და საქართველოს მთავარმმართველი გენერალი პ. ციციანოვი ერევნის სახანოს დასაპყრობად გაემზადა.

ჩრდილო კავკასიიდან ჯარი სამხედრო გზით წამოვიდა. მკაცრი ზომთა-
რი იდგა. მთიულები სახლებიდან გამოარეკეს და სტეფანწმინდიდან ანა-
ნურამდე გზის თოვლისგან გაწმენდა და შეეკეთება დაავალეს. რუსი მო-
ხელეები და კახაკები უხეშად ექცეოდნენ ხალხს, აწიოკებდნენ მათ
ოჯახებს, შეურაცხყოფდნენ ქალებს, 23 კაცი ცემით მოკლეს.

1804 წ. მაისში, როცა გენერალი ციციანოვი რუსეთის ჯარით ერე-
ვნის სახანოში შეიჭრა, ანანურის მაზრიდან დამხმარედ ქართველთა
ლაშქარი იხმო. მთიულები ლაშქარში ერთსულოვნად გამოვიდნენ, მაგ-
რამ ერევანს კი არ გაემართნენ, არამედ აჯანყების დროშა ააფრიალეს.
მათ რუს მოხელეებს განუცხადეს, რომ კარს მომდგარ უბედურებას,
ტანჯვა-წამებას და მათრახით სიკვდილს, ჩვენი ცოლების შეურაცხყო-
ფის ცქერას ის გვირჩევნია თავისუფლებისათვის ბრძოლაში დაეხიო-
ცოთო.

აჯანყებულმა მთიულებმა თავდაპირველად კაიშაურის საგუშაგო
აიღეს, მისი დამცველი რუსთა რაზმი გაანადგურეს. ამის შემდეგ აჯან-
ყებულთა ჯარი ანანურსა და დუშეთს მოადგა, ერთი რაზმი კი სტეფა-
წმინდისკენ გაემართა. მთიულებმა მოციქულები გაგზავნეს მეზობელ
ხეობებში და ხალხს აჯანყებისაკენ მოუწოდეს. ძალიან მალე აჯანყე-
ბულთა რიგებს შეუერთდნენ ფშავ-ხევსურები, გუდამაყრის, ჭართლის,
ზანდოს ხეობათა მცხოვრებნი, იარაღსხმული გამოვიდა 4 ათასი კაცი.

1804 წ. ივნის-ივლისში აჯანყებულებმა აიღეს სტეფანწმინდა, ლა-
რსი, დაეუფლნენ საქართველოს სამხედრო გზას ანანურამდე და კავ-
კასიაში მდგარი რუსთა ჯარის კომუნიკაციები შუაზე გაკვეთეს. მთიე-
ლებმა მოციქულები გაგზავნეს იმერეთში, იქ თავშეფარებული მეფე
ერეკლეს ძენი — იულონი და ფარნაოზი აჯანყების მეთაურებად მიიწ-
ვიეს.

ქართლ-კახეთის სამეფო ტახტის პრეტენდენტთა, ქართული სახე-
ლმწიფოებრიობის აღდგენისათვის ამ თავგამოდებულ მებრძოლთა მი-
წვევა თავისთავად იმის მაჩვენებელი იყო, რომ ქართლის მთიანეთის
გლეხობამ ცარისტულ თვითმპყრობელურ მმართველობასთან შედარე-
ბით უპირატესობა მიანიჭა ქართველ მეფეთა მმართველობას. იულო-
ნი და ფარნაოზი დაუყოვნებლივ გაემართნენ აჯანყებით მოცულ ირაგ-
ვის ხეობისაკენ. მაგრამ რუსეთის ადგილობრივმა აღმინისტრაციამ
მთიანეთისაკენ მიმავალი გზები გადააქეტა, ყველგან ჯარის ნაწილები ჩა-
აყენა. ერთმა რაზმმა იულონი შეიპყრო, ფარნაოზმა კი გაქცევა ღოა-
ხერხა. ქვემო ქართლი და ბამბაკი გაიარა, აქედან კახეთში შევიდა, თა-

ვადაზნაურთა ერთი ნაწილი აიყოლია და აჯანყებულ არაგვის ხეობაში გადავდა.

ამ შფოთის დროს ქართველი თავადაზნაურობის ერთი ნაწილი რუსეთის მთავრობის ერთგულებას შერჩა. ციციანოვი განსაკუთრებით დიდ იმედს ქსნის ერისთავებზე ამყარებდა და საფუძველიც ჰქონდა. რუსეთის მთავრობამ ქსნის ერისთავებს დაუბრუნა მეფე ერეკლეს მიერ ჩამორთმეული ქსნის ხეობა 3 ათასი კომლი გლეხით. ამით იგი გაიერთგულა და ბაგრატიონთა სამეფო სახლს დაუპირისპირა. თავადაზნაურობის მეორე ნაწილი აჯანყებას აშკარად თანაუგრძნობდა და სამეფოს აღდგენისათვის ბრძოლაში ბაგრატიონებს ამოუდგა გვერდში. მაღალი წოდების უმრავლესობა თავს იკავებდა, სიტუაციის გარკვევას ელოდებოდა.

რუსეთის მთავრობის კავკასიელმა მოხელეებმა სცადეს აჯანყებულთა რიგების გათიშვა, ზოგი შოწინააღმდეგის თავის მხარეზე გადაბირებდა. ამ მიზნით მათ მთიულეთში გაგზავნეს ამბროსი ნეკრესელი და თავადი რევაზ ერისთავი. ხოლო ფშავ-ხევსურეთში — მაყაშვილი და ქობულაშვილი. მაგრამ ამით არაფერი გამოვიდა. ქართლის მთიანეთის მოსახლეობა ერთსულოვნად ებრძოდა საოკუპაციო რეჟიმს.

1804 წ. 3 აგვისტოს ლომისის შემოგარენში მოხდა დიდი შეტაკება რუსეთის ჯარებსა და აჯანყებულებს შორის. 9 აგვისტოს აჯანყებულებმა ალყაში მოაქციეს მაიორ მელას ბატალიონი, რომელმაც დიდი გაჭირვებით და დანაკლისით დააღწია თავი გარემოცვას, უკან დაიხია. ბრძოლის ველს გაეცალა რუსთა ჯარის დასახმარებლად მოსული ქსნის ერისთავის ლაშქარიც. მთიელებმა ლომისა აიღეს და აჯანყების ალი ქსნის ხეობაშიც გადაიტანეს.

შეშფოთებულმა ციციანოვმა აჯანყებულ მთიანეთს თბილისიდან ჯარის ახალი ნაწილები შეუსია. ჩრდილოეთიდან კი გენერალ ნესვეტაევი დაიძრა 3 ათასი ჯარისკაცითა და 30 ქვემეხით. აჯანყებული მთიელები ორ ცეცხლს შუა მოექცნენ. მათ ვერ გაუძლეს რუსეთის რეგულარული არმიის მრავალრიცხოვანი ნაწილების შემოტევას და გამაგრებული პოზიციები თანდათან დათმეს. გენერალმა ნესვეტაემ დაიკავა ლარსი, დარიალი, სტეფანწმინდა, სიონთან დაამარცხა ფარნაოზ ბატონიშვილის რაზმები და 19 ოქტომბერს ანანურთან შეუერთდა ციციანოვის ჯარს. ფარნაოზ ბაგრატიონი ირანისაკენ გაიქცა, მაგრამ იგი რუსთა რაზმმა დაატყვევა ყაზახის მიდამოებში.

ფარნაოზის შეპყრობის ამბავი ციციანოვის აგენტმა ელიზბარ ერისთავმა სასწრაფოდ შეატყობინა აჯანყებულთა მეთაურებს, იარა-

ღის დაყრა და მორჩილება ურჩია მათ. საპასუხოდ აჯანყების ორი მეთაური ბარამი და გედევანი (გვარები დოკუმენტში მოხსენებული არაა) ერისთავს სწერდნენ: ჩვენ ძალიან შეგვაწუხა ფარნაოზის დატყვევების ამბავმა, მაგრამ ბრძოლას ვაგრძელებთო, თუ ფარნაოზი დაიჭირეს ალექსანდრე, თეიმურაზი და ლევანი ხომ ისევ არიანო. აქედან ცხადია, რომ შეპყრობასა და რუსეთს გადასახლებას გადარჩენილი ბაგრატიონები თავადაზნაურსაც და გლეხსაც საქართველოს დამოუქიდებლობის სიმბოლოდ, ეროვნული თავისუფლებისათვის ბრძოლის დროშად მიაჩნდა.

მთიელთა აჯანყების ჩახშობა მძიმე მარცხი იყო. მაგრამ ამით არ დამთავრებულა საქართველოს სახალხო გამათავისუფლებელი მოძრაობა. ჩაგვრა-შევიწროების ცარისტულ პოლიტიკას ვერც მთიელი ეგუებოდა და ვერც ბარის ქართველი. წინააღმდეგობა ინდივიდუალურიც იყო, ჯგუფურიც და მასობრივიც.

კახეთის გლეხთა 1812 წლის აჯანყება. მართალია, საქართველოს სახალხო-განმათავისუფლებელ მოძრაობაში თითქმის ყველა კლასი და სოციალური ფენა მონაწილეობდა, მაგრამ მისი ძირითადი ძალა გლეხობა იყო. გლეხობა აძლევდა მასობრივ ხასიათს 1812 წლის კახეთის აჯანყებასაც.

კახეთის 1812 წ. აჯანყების მიზეზები მრავალგვარი იყო. ისინი წლებიკ განმავლობაში გროვდებოდა. საქართველოში გამოგზავნილი რუსთა ჯარი თავიდან ქართლ-კახეთის პურიით იკვებებოდა. ამ პურის ერთი ნაწილი სახელმწიფო გადასახადის („სურსათი“) სახით იკრიფებოდა, დანარჩენს კი მთავრობა გლეხებისაგან ყიდულობდა. პირველ ხანებში რუს მოხელეთაგან დაწესებული პურის ფასები საბაზრო ფასისაგან დიდად არ განსხვავდებოდა. მაგრამ თანდათან პურის საბაზრო ფასი იზრდებოდა, სახაზინო ფასი კი უცვლელი რჩებოდა. გლეხს სურსათის გადასახადის შეტანით თავის მოვალეობა სახელმწიფოს წინაშე მოხდილად მიაჩნდა. მაგრამ სხვაგვარად სჯიდნენ საქართველოს ოუსი მმართველები. ისინი ჯარისათვის საჭირო პურის სახაზინო ფასებში გაყიდვას ქართველ გლეხებს ავალბდნენ. მოსავლის აღების წინ კაპიტან-„ისპრავნიკები“ და სურსათის დამამზადებელი მოხელე-კომისიონები სოფლებს დაუვლიდნენ და პურის მეტად დაბალ ფასს „ძალად მიუყრიდნენ“. სოფელიც იძულებული იყო კომლებზე გაეწერა, ამ ფასის პური დაემზადებინა და მოხელეთათვის ჩაებარებინა. ქართველი გლეხი წლების მანძილზე ზიდავდა ამ უკანონო ბეგარას, ვიდრე ტვირთი აუტანელი არ გახდა. მარცვლეულის ძალად, თითქმის

უფასოდ წართმევა გლეხს მეურნეობის ხალისს უკარგავდა. ამის გამო მარტო უშუალო მწარმოებლები კი არა, მებატონეებიც ჩიოდნენ, მთავრობას აფრთხილებდნენ, ილაჭგაწყვეტილი გლეხობა აიყრება და გადაიკარგებაო. ქართველმა თავადაზნაურობამ მარჯვედ გამოიყენა მეფის რუსეთის ადგილობრივი ადმინისტრაციის უსამართლო მოქმედება და თავისი გლეხობის ვითომდა, „დამცველის“ როლში გამოვიდა. ასევე უსამართლო და გამანადგურებელი იყო საგზაო-სატრანსპორტო ბეგარა, რომელიც ლახავდა არა მარტო გლეხის, არამედ მებატონის ინტერესებსაც, რადგან სახელმწიფო ბეგარა-გადასახადების სიმძიმის გამო გლეხი საბატონო გადასახადების დაფარვის უნარს ჰკარგავდა. ბატონისა და ყმას ინტერესი ნაწილობრივ მაინც ერთმანეთს დაემთხვა, ისინი ერთად გამოვიდნენ რუსული თვითმპყრობელური მმართველობის უსამართლობა-განუკითხაობის წინააღმდეგ.

ქართველი ხალხის და განსაკუთრებით გლეხობის უკმაყოფილების ერთ-ერთი უმთავრესი მიზეზი სამართალმწარმოების რუსული წესიც იყო. რუსული სამართალი საქართველოსათვის უცხო აღმოჩნდა. ის ქართველი კაცის შეხედულება-შეგნებას არ ეთანხმებოდა. ბიუროკრატიული, მრავალგვარი ფორმალუბებითა და ინსტანციებით გართულებულ-გაჭიანურებული „მართლმსაჯულება“, რაც ხშირად ბოროტ-მოქმედებაში გადაიზრდებოდა (ქრთამი, გამოძალვა), სამართლის წარმოება გაუგებარ ენაზე, მთელი ხალხის პროტესტს იწვევდა.

საქართველოში გამოგზავნილი რუსეთის არმიის რიცხვი თანდათან იზრდებოდა და ამის შესაბამისად ქართველ გლეხობაზე შეწერილი სასურსათო გადასახადი და საგზაო ბეგარა თანდათან მძიმდებოდა. ხშირი იყო მოუსავლიანობა, გლეხობის დიდი ნაწილი შიმშილობდა, მაგრამ მთავრობის მოხელეები თავისას მოითხოვდნენ, თითქმის უფასოდ ართმევდნენ მას მარცვლეულს. ზოგმა სოფელმა ძალადობას წინააღმდეგობით უპასუხა, უარი თქვა პურის ჩაბარებაზე. კავკასიის არმიის სარდალმა პაულუჩიმ ურჩ სოფლებში სამხედრო ეგზეკუციები გაგზავნა. ჭარისკაცებს მარტო მარცვლეული კი არ მიჰქონდათ, გლეხთა სხვა ქონებასაც ებატონებოდნენ, კახური ღვინით გამომთვრალნი ქალებს აუბატიურებდნენ. გლეხთა მოთმინების ფილა აივსო.

1812 წ. 31 იანვარს აჯანყებამ სოფ. ახმეტაში იფეთქა: ახმეტელებს მეზობელ სოფელთა გლეხებიც აპყვნენ და შეერთებული ძალით საეგზეკუციო რაზმი განდევნეს. აჯანყება სწრაფად გაფართოვდა, მთელ კახეთს მოედო. აჯანყებულთა მოციქულები სოფლიდან სოფელში გადადიოდნენ, გლეხებს ბრძოლისკენ მოუწოდებდნენ.

2 თებერვალს აჯანყებულთა მრავალათასიანმა ლაშქარმა ქ. თელავი აიღო. რუსთა ჯარის გადარჩენილი რაზმი თელავის ციხეში ჩაიკეცა. 5 თებერვალს ქიზიყელ მეამბოხეთა ჯგუფმა ქ. სიღნაღი დაიკავა, მეორე რაზმმა კოდლოს ციხეს შემოარტყა ალყა, მესამე რაზმმა კი სასტიკ ბრძოლაში დაამარცხა ბოდბისხევში მდგარი რუსთა პოლკი. 6 თებერვალს აჯანყებულებმა გაანადგურეს რუსთა ჯარის ნაწილები ანაგაში, კაკაბეთსა და მანავში. 7 თებერვალს კი დაამარცხეს კახეთის ოქლის სამხედრო უფროსი გენერალი პორტინაიგინი, აიძულეს იგი თავის ჯარის ნაშთებთან ერთად თბილისისკენ გაქცეულიყო.

კახეთის აჯანყება თითქოს მოულოდნელად დაიწყო, სტიქიურ ხასიათს ატარებდა, მაგრამ ფაქტურად ისე ჩანდა, რომ იგი კარგა ხნის განმავლობაში მზადდებოდა, საკმაოდ კარგად იყო ორგანიზებული და საერთო გეგმით ვითარდებოდა. აჯანყების მსვლელობა ცხადყოფდა, რომ მას გამოცდილი ხელმძღვანელობა ჰყავდა. ერთდროულად თავდასხმებით მეამბოხეებმა მეფის მთავრობის მცირე რაზმებს გაერთიანების საშუალება არ მისცეს, ისინი ცალ-ცალკე დაამარცხეს. ამავე დროს მეთაურები შეეცადნენ კახეთის მეზობელ კუთხეთა მოსახლეობის მიმხრობას, ქართლში, ბორჩალოში, ყაზახსა და ფშავ-ხევსურეთში აჯანყების გამოწვევას, ჭარ-ბელქანშიც მოციქულობა აფრინეს, ინგილოებსა და ლეკებს აჯანყებისაკენ მოუწოდეს. აჯანყებულებმა განსაკუთრებული ყურადღება მიაქციეს ანანურის მაზრას. არაგვისა და თერგის ხეობაში აჯანყების გავრცელებით მათ სამხედრო გზის გადაკეტვა და კავკასიის სამხედრო ხაზიდან საქართველოს მოწყვეტა სურდათ. მეამბოხეთა საბოლოო მიზანი თბილისის აღება, საქართველოს განთავისუფლება იყო.

რუსეთის მთავრობის ადგილობრივი ადმინისტრაციისათვის კახეთის აჯანყება სრულიად მოულოდნელი აღმოჩნდა. საქართველოს მმართველი თითქოს ახლა დადგა სამართლიანობის გზაზე, განკარგულებას უგზავნიდა კაპიტან-„ისპრაენიკებს“, კახეთის მოსახლეობასთან ურთიერთობაში ზომიერებას ავალებდა და სამხედრო ეგზეკუციების სოფლებში ჩაყენებას უკრძალავდა მათ. მაგრამ ამ განკარგულებათა შემსრულებელი თითქმის აღარავინ იყო. კაპიტან-„ისპრაენიკები“ და საეგზეკუციო რაზმების უმრავლესობა აჯანყებულებმა გაწყვიტეს, სხვები კი ალყაშემორტყმულ ციხესიმაგრეებში ისხდნენ.

1804 წელს დათრგუნვილი მთიულები და ფშავ-ხევსურები კვლავ აღსდგნენ, დუშეთი და ფსანაური აიღეს. მალე აჯანყებას შეუერთდნენ გუდამაყარის, ხევის, თავაურის მცხოვრებნი. სამხედრო გზა გა-

დაიკეტა, რამაც მთავრობა მეტად კრიტიკულ მდგომარეობაში ჩააყენა. აჯანყებულები კი იმდენად გაძლიერდნენ, რომ მცხეთა-ავჭალის მილამოებში გამოვიდნენ და თბილისისაკენ აიღეს გეზი.

1812 წ. 21 თებერვალს რუსეთის კავკასიური არმიის მთავარი-სარდალი გენერალი პაულუჩი ყარაბალიდან (სადაც ის ირანელებს ებრძოდა) თბილისში დაბრუნდა და უშუალოდ ჩაუდგა სათავეში აჯანყებულთა წინააღმდეგ დაძრულ რუსეთს ჯარებს. თავდაპირველად მან აჯანყების ცეცხლის მშვიდობიანი საშუალებებით ჩაქრობა სცადა, პროკლამაციით მიმართა კახელებს, ბრალად დასდო მათ ფიცის გატეხა, ქრისტე ღმერთისა და რუსთ ხელმწიფის ღალატი. რამ დაგაბრმავათ, ნუთუ დაივიწყეთ უძლეველობა რუსეთის მხედრობისა, ნუთუ ვერ ხედავთ, რომ ღვთისა და დიდი ხელმწიფის ხელი თქვენს გასანადგურებლადაა მომართული. კახელებო, ახლა თქვენს წინაშე ორი გზაა — ერთი გადარჩენისაკენ, მეორე დაღუპვისაკენ მიმავალი. დიდი ჯარით მოვდივარ კახეთისაკენ, ხმალი ქარქაშიდან მაქვს ამოღებული, მაგრამ მზად ვარ შევიწყალო მომნანიებელნი, პირობას ვიძლევი, ვინც იარაღს დაყრის და დაგვენებდება, არ დაისჯებაო.

მარკოზ პაულუჩის პროკლამაციას და ბრალდებას აჯანყებულებმა შესაფერისი პასუხი გასცეს. ჩვენ, — წერდნენ ისინი, — ქრისტეს არ ვუარყოფთ, არც ფიცი გაგვიტეხია და არც რუსთ ხელმწიფისათვის გვიღალატნია. აჯანყების მიზეზი თქვენ მოგვეცით, რაც იმპერატორის მანიფესტით ნაბრძანები იყო, არ შეასრულეთ. დამნაშავესა და ერთგულს არ არჩევდით, თოფით გვხვრეტდით და თოკით გვახრჩობდით. ვგზეკუციითა და ხიშტით გვადეჟით თავს, ჩვენს ცოლებსა და შვილებს შეურაცხყოფდით. კარგად ვიცით, რომ რუსეთის მეფეს ხალხის გაწყვეტა არ სურს, მიზეზი ხელმწიფის მოხელენი ხართ, თქვენთან წერილება არ შეგვიძლია. თქვენ დაარღვიეთ იმპერატორის ბრძანება და ჩვენ უსამართლობა ვერ ავიტანეთ. ასეთ სიცოცხლეს სიკვდილი, სამართლიანობისათვის ბრძოლაში დახოცვა სჯობიაო.

ამ პასუხში მარტო აუტანელი ჩაგვრა-შევიწროებით სასოწარკვეთილებამდე მისული გლეხობის გულისნადები როდი იყო გამოხატული. იქვე ჩანდა აჯანყების ხელმძღვანელთა გარკვეული პროგრამა და მიზანდასახულება. ისინი ხაზგასმით აღნიშნავდნენ, რომ რუსეთის მეფე მანიფესტს იცავდა, ქართველი ხალხისათვის შეღავათების მიცემას მოითხოვდა. მაგრამ საქართველოში გამოგზავნილი დიდი მოხელენი არ ასრულებდნენ მანიფესტს, ყოველნაირად ჩაგრავენ და შეურაცხყოფდნენ ხალხს. ასეთ მმართველ-ადმინისტრატორთა თვითნე-

ბობის ატანა არ შეგვიძლია და ამითაა განპირობებული ეს ბოლომოუ-
ლებელი შეთქმულება-აჯანყებებიო.

ქართველი ხალხი ხელს არ იღებდა რუსულ ორიენტაციაზე. რუ-
სეთის ადგილობრივ ადმინისტრაციასა და ქართველ ხალხს შორის
1804 და 1812 წლებში მომხდარი უდიდესი კონფლიქტის მიუხედავად,
თავადაზნაურობისა და გლეხობის დიდი ნაწილი კვლავ ფიქრობდა,
რომ შესაძლებელი იყო რუსეთის საიმპერატორო ტახტისა და საქართ-
თველოს სამეფო ტახტის ინტერესთა მორიგება 1783 წ. სამეგობრო
ხელშეკრულების საფუძველზე. აჯანყებულებს უარი არ უთქვამთ რუ-
სეთის მფარველობაში ყოფნაზე, მაგრამ მათ თავის შეთაურად და სა-
ქართველოს მეფედ გრიგოლ ივანეს ძე ბაგრატიონი გამოაცხადეს. აჯა-
ნყებულთა და მათი ახალი მეთაურის მიზანი გახდა რუსეთის ფარგ-
ლებში საქართველოს ავტონომიური სამეფოს აღდგენა.

გრიგოლ ბაგრატიონმა სცადა აჯანყების გაფართოება, თავის ლაშ-
ქრის გაზრდა. 27 თებერვალს იგი ქიზიყის თავადაზნაურობასა და
გლეხობას სწერდა: ჩემი რაზმით ხაშმისკენ მივდივარ, თქვენც ჩემ-
თაგანგანაგან, რაც შეიძლება მალე შემომიერთდით. იცოდეთ ქართლ-
შიც აჯანყებაა, ცხინვალში მდგარი რუსთ ხელმწიფის მოხელეები
მთლად გაწყვიტეს. ახლა მთავარაა ხაშმში მდგარი მოწინააღმდეგის გა-
ნადგურება, რის შემდეგ ჩვენ ხელთ აღმოჩნდებაო ქართლი, არაგვის
ხეობა და თბილისი.

საქართველოს მთავარმმართველი იმპერატორს მოახსენებდა: კა-
ხეთის „რევოლუცია“ დიდი ხნის განმავლობაში მზადდებოდა. აჯანყე-
ბის მიზეზი კი საკმაოზე მეტი არსებობდაო. ამ აშბებში გარკვეული
როლი შეასრულეს ბაგრატიონებმა, რომლებიც არ წყვეტენ ფარულ
მოქმედებას, ყველგან თესავენ უკმაყოფილება-აჯანყების თესლს. მთე-
ლი კახეთი და ანანურის მაზრის მოსახლეობა აჯანყდა. ხალხმა ამო-
ხოცა ბევრი ჩვენი ჭარისკაცი, ჩაიდინა საშინელი სიმკაცრე, რომლის
შავალითები უფრო ადრე ჩვენ მოგვცა საფრანგეთის რევოლუციამ.
აჯანყება დაიწყო აგრეთვე დაღესტანში, შირვანში, შაქში. გრიგოლ
შატონიშვილი ცდილობს რუსეთის მთავრობის წინააღმდეგ აამხედროს
ქართლის მოსახლეობაცო. ყოველივე ეს, — დასძენდა პაულუჩი, —
ცხადყოფს, რომ საქმე გვაქვს ფართო მასშტაბის შეთქმულებასთან,
რომლის ორგანიზატორები მიზნად ისახავენ ჩვენი ჭარების განადგუ-
რებას და ამიერკავკასიის რუსეთისაგან ჩამოცილებას. მაგრამ რუსე-
თის ჭარების გამარჯვებამ დაღესტანსა და შირვან-ყარაბაღში, ჩაშალა

ეს საერთო კავკასიური მასშტაბის შეთქმულება და ახლა მე დამრჩაო ერთადერთი ამოცანა — ჩაეჭრო აჯანყება კახეთშიც.

აჯანყებულებს ხაშმის მიდამოებში ძლიერი პოზიცია ეკავათ. პაულუჩიმ ვერ გაბედა მათზე იერიშით მისვლა. კონფლიქტის მშვიდობიანად გადაწყვეტა ერთხელ კიდევ სცადა და აჯანყებულებთან მოსალაპარაკებლად ნინოწმინდელი ეპისკოპოსი, მაიორი ავალიშვილი და საკუთარი მოძღვარი გაგზავნა. მთავარმმართველი მემბოხეებს არწმუნებდა—თქვენი გაჭივრებისა და საჩივრების შესახებ არაფერი ვიცოდი, თორემ სიმაართლეს გამოვექომაგებოდიო. აღთქმას დებდა, აჯანყების მიზეზებს გამოიძიებდა და სამართლიანობას აღადგენდა. გირჩევთ დაიშალოთ, თუ ამას არ იზამთ, ისე მოგეპყრობით როგორც შოლალატეებსო.

აჯანყებულებს არც ამ მიმართვაზე გაჭირვებით პასუხის გაცემა. რუსებთან შედარებით ჩვენ ცოტანი ვართ და მათი დამარცხების იმედი არ გვაქვს. ჩვენ რუს ხელმწიფის მფარველობას ვეძებდით და ღმერთმა იგი გვიწყალობა. მაგრამ მეფის მოხელეთა უსამართლობამ და სისასტიკემ სასოწარკვეთილებაში ჩაგვადო. დიდხანს ვითმენდით, ხოლო ახლა, როდესაც ღმერთმა ეს საშინელი შიმშილი დაგვატეხა თავს, როცა თვითონ ბალახბულახს ვვამთ, ჩვენგან პურსა და სხვა საკვებს მოითხოვენ, საკუთარი სახლებიდან გამოგვრეკეს, ჩხრეკდნენ ჩვენს ზანდუკებს, ორმოებს, მარნებს გვიტეხავდნენ, ღვინით ილეშებოდნენ, ჩვენს თვალწინვე ცოლებსა და ქალიშვილებს შეურაცხყოფდნენ. განა ოჯახის ამისთანა შერცხვენის შემდეგ ჩვენს სიცოცხლეს ფასი ექნება? ჩვენ ცოდვილნი ვართ ღვთისა და რუსთ ხელმწიფის წინაშე, ქრისტიანთა სისხლში ხელი გავისვარეთ, მაგრამ ღმერთია მოწმე, რომ რუსთა ღალატი ფიქრად არასდროს გვექონია. ჩვენ ეს ძალდატანებამ გვაიძულა და გადავწყვიტეთ ბრძოლის ველზე დავიხოცოთო.

25 თებერვალს მთავრობის ჯარმა მემბოხეებს შეუტია. აჯანყებულებმა რამდენიმე ათეული კაცი დაკარგეს და იძულებული გახდნენ ბრძოლის ველს გაცლოდნენ. პაულუჩის ბრძანებით, მართალია, ტყვედ ჩავარდნილი მემბოხეები ჩამოახრჩვეს, მაგრამ მთავარმმართველი მაინც არწმუნებდა ხალხს, რომ შურს არ იძიებდა, თუ ამბოხებულნი იარაღს დაყრიდნენ და შინ დაბრუნდებოდნენ, ყველას აპატიებდა დანაშაულს.

ხაშმიდან პაულუჩი საგარეჯოსა და სიღნაღისაკენ წავიდა. გარე კახეთის—სოფლები მას მორჩილებით შეხვდნენ. მაგრამ მთავარმმართ-

ველის აგენტებს ცნობები მოჰქონდათ, რომ მემამბოხეებს ხელისუფლების არაფერი სჯერათ, უბრალოდ წვრილ შეტაკებებს ერიდებიან და ძალებს გადამწყვეტი ბრძოლისათვის ინახავენო. 28 თებერვალს რუსთა ჯარმა ქოდალოს ციხიდან განდევნა მემამბოხენი, ხოლო 29 თებერვალს პაულუჩი რუსთა ჯარით სილნალში შევიდა.

1812 წ. 1—2 მარტს სოფ. ჩუმლაყის მიდამოებში 4 ათასი აჯანყებული გრიგოლ ბაგრატიონის სარდლობით პაულუჩის ჯარს შეება. კახელები მხნედ იბრძოდნენ, დიდი ზარალიც მიაყენეს მტერს, მაგრამ მარცხი იწვნის. ამის შემდეგ პაულუჩია წინააღმდეგობა აღარ შეხვედრია. მემამბოხენი თელავსაც გაეცალნენ, პაულუჩმა უომრად აიღო ქალაქი. გრიგოლ ბაგრატიონი რუსთა ჯარს დანებდა.

რუსთა ჯარის სხვა ნაწილები უჰაკოვის მეთაურობით ბულაჩაურიდან ბრძოლით გადავიდნენ თიანეთამდე. გზა სულ ერთიანად ჩახერგილი იყო და მემამბოხენი უომრად როდი თმობდნენ პოზიციებს. უჰაკოვი დიდ სისასტიკეს იჩენდა, მემამბოხეებს ტყვიით ცხრილავდა, ტყვედ ჩავარდნილებს ხეებზე ჰკიდებდა. განსაკუთრებით ცხარე შეტაკება თიანეთის მახლობლად მოხდა. მემამბოხენი სასტიკ წინააღმდეგობას სწევდნენ, ბრძოლაში იღუპებოდნენ, კლდეზე ცვივოდნენ, მაგრამ ტყვედ არ ნებდებოდნენ.

6 მარტს პაულუჩიმ საქვეყნოდ გამოაცხადა, რომ კახეთის ამბოხება ჩაქრა, მრავარმმართველი კმაყოფილი იყო. კახელებმა მას ასობით ტყვე რუსი ჩარისკაცი ჩააბარეს. ტყვედ ჩავარდნილთა უენებლად დატოვება იმის მოწმობა იყო, რომ კახელი მემამბოხენი დაუნდობლად ებრძოდნენ არა რუსებს, არამედ რუსეთის თვითმპყრობელურ მმართველობას და მის აგენტებს, რუსი კაპიტან-„ისპრავნიკები“ იქნებოდნენ ისინი, თუ ქართველი თავადები. ტყვეთა სიმრავლე იმის მაჩვენებელიც იყო, რომ ყველა რუსი ჯარისკაცი არ მონაწილეობდა იმ უმსგავსოებაში, რასაც საეგზეკუციო რაზმები და განსაკუთრებით მათი მეთაურები ქართულ სოფლებში ჩადიოდნენ.

ასე ჩათავდა 1812 წ. კახელ მემამბოხეთა პირველი გამოსვლა. მისი შედეგით არც ერთი მხარე იყო კმაყოფილი და არც მეორე. აშკარა თუ ფარული ბრძოლა გრძელდებოდა, ჩახდა მისი აღმავლობისა და აჯანყებად გადაქცევის ნიშნები.

მთავრობის პოზიციები მაინცდამაინც ძლიერი არ იყო. ომი თურქეთთან და ირანთან გრძელდებოდა, აჯანყების ნაპერწკალი ისევ ღვივოდა. ამიტომ პაულუჩი რუსეთიდან დამატებით ჯარს მოითხოვდა,

ამვე დროს ცდილობდა ისეთ ღონისძიებათა გატარებას, რომელიც ხელშეორე აჯანყებას გამოიციხავდა.

პაულუჩი შემწყნარებელი მმართველისა და ობიექტური მოსამართლის როლში გამოვიდა. ბოროტება, ხალხის ჩაგვრა-შევიწროება თავის წინამორბედებს გადააბრალა, აჯანყებაში მონაწილეთა ამნისტია გამოაცხადა, მომჩივან ხალხს საქმის საწართლიანი გადაწყვეტა აღუთქვა.

პაულუჩის მიერ გატარებული ღონისძიებებები ძირითადად ქართველი თავადაზნაურობის დაკმაყოფილებას, მაღალი წოდების გულის მოგებას ისახავდა მიზნად. თავადაზნაურთა რჩეერესებს პასუხობდა ისიც, რომ ამიერიდან პურის შესყიდვის საქმე ჩამოერთვა რუს კომისიონერებს — „პროვიანტის“ მოხელეებს და გადაეცა სამოქალაქო გუბერნატორს, რომელიც სურსათ-სანოვავის დამზადების, შესყიდვის საქმეში ფართოდ იყენებდა თავადაზნაურთა წარმომადგენლებს.

პაულუჩის წინადადებით ხალხის საჩივრების შეგროვება ქართველ მოურავებს დაევალა. შეიქმნა სპეციალური კომისიები აჯანყების მიზეზთა გამოსარკვევად. შეკრებულმა არასრულმა მასალამაც კი ცხადყო მოხელეთა თვითნებობა-ბოროტმოქმედება. მთავრობამ აღიარა, რომ აჯანყება რუსი მმართველების უვარგისობამ გამოიწვია.

ამდენად, 1812 წ. თებერვლის აჯანყება დამარცხებით არ დამთავრებულა. მართალია, აჯანყებულმა კახელებმა თავის მიზანს მთლიანად ვერ მიაღწიეს, მაგრამ არც მეფის მთავრობის ადგილობრივ აღმინისტრაციას გაუმარჯვია. ის იძულებული გახდა ზოგი რამ დაეთმო ხალხისათვის. ორივე მხარე გადამწყვეტი მოქმედებისათვის ემზადებოდა.

1812 წ. 20 აპრილს განთავისუფლებული პაულუჩი პეტერბურგს გაემგზავრა, მთავარმმართველის პოსტი კი გენერალმა რტიშჩევმა დაიკავა. იგი მყისვე დარწმუნდა, რომ აჯანყება სახეთში არ ჩამქრალა, იგი მინელდა მხოლოდ. აჯანყების ნაპერწკლს გაღვეება კი იმან დააჩქარა, რომ მთავრობამ არ შეასრულა დაპირება აჯანყების ხელმძღვანელთა ამნისტიის თაობაზე, ზოგიერთი მათგანი დააპატიმრა და სხვათა შეპყრობა-დასჯასაც აპირებდა. ასეთ ვითარებაში ხალხი ვერ დამშვიდდებოდა. აჯანყების აქტიური მონაწილენი ტყვეს შეეფარნენ. გზებზე თავს ესხმოდნენ მთავრობის აგენტებს. მთავრობისათვის ისიც ცნობილი გახდა, რომ კახელთაგან არჩეული 30 მოციქული — თავადები და ჭლებები ალექსანდრე ბატონიშვილთან წავიდა ირანში და მეთაურად მოიწვია.

საბრძოლველად შემართულმა კახელებმა დამხმარედ ლეკები მოიხმეს. როცა ლეკთა 1500-კაციანი რაზმი 1812 წ. 29 აპრილს სოფ. ართანასთან გამოჩნდა, გაღმა მხარი ერთიანად აჯანყდა. 30 აპრილს მთავრობის ჯარმა ლეკები, მართალია, დაამარცხა, მაგრამ მეორე დღეს რუსთა ბატალიონებს გარს შემოერტყნენ აჯანყებულნი და დიდი ზარალი მიაყენეს, ბრძოლაში დაჭრილმა თელავის ოლქის უფროსმა პოლკოვნიკმა შმატოვმა გაჭირვებით გაარღვია ალყა და დაბრუნდა თელავს, რომელსაც მემამბოხენი უკვე შემოსდგომოდნენ. სიწყყარე არც არაგვის ხეობაში იყო. ტყვედ გასული მემამბოხენი მცირე რაზმებით და მოულოდნელი თავდასხმებით მოსვენებას არ აძლევდნენ მთავრობის დაწესებულებებსა და მოხელეებს. მღელვარება გრძელდებოდა ქიზიყშიც.

შმატოვის მარცხით შეშფოთებულმა რტიშჩევმა კახეთს გენერალ-მაიორი სტალი გაგზავნა ჯარით. ამჯერადაც გამოიყენეს აჯანყების დასაცხრობლად მშვიდობიანი საშუალებანი. სტალი და ცოტა მოგვიანებით თვით რტიშჩევიც არწმუნებდა მოსახლეობას, რომ ამნისტია ძალაშია და არავინ დაისჯება, თუ შფოთი შეწყდებაო. რაკი ხალხმა დამშვიდების სურვილი არ გამოამყდუნა, მთავარმმართველმა კავკასიის ზახიდან დამატებითი ჯარები გამოითხოვა. ქართლ-იმერეთში მყოფი რამდენიმე ბატალიონიც კახეთისაკენ იხმო.

14 მაისს გენერალი სტალი აჯანყებით მოცულ ქიზიყისაკენ გაემართა, დიდი გაჭირვებით სიღნაღს მიაღწია. აქედან თელავისაკენ აიღო გეზი, მაგრამ აჯანყებულთა სიმრავლემ შეაშინა და რტიშჩევს დამხმარე ჯარი სოხოვა. მთავარსარდალმა სტალს გენერალი დიმიტრი ორბელიანი მიაშველა. 20 მაისს სტალი თელავში შევიდა. მალე აქვე მოვიდა ორბელიანი, რომელმაც გომბორ-თელავის გზა ბრძოლით გაიარა.

რტიშჩევის მიერ ამნისტიის დადასტურებამ, მთავრობის მომხრე ქართველ თავადთა აქტიურობამ, მთავრობის კომისიების გაუქმებამ და რაც მთავარია რუსთა ჯარების კახეთის გასანადგურებლად კონცენტრაციამ, მემამბოხეთა რიგების სიმტკიცე შეარყია. ამასვე იწვევდა ისიც, რომ მემამბოხეთა დამხმარე ძალა არ ჩანდა. კიდევ მეტი, აჯანყების ზოგი მონაწილე და მეთაური მთავრობის მხარეს გადავიდა. თავდაზნაურთა საგრძნობი ნაწილი დამშვიდდა, სახლებში წავიდ-წამოვიდა, ფხიზლად ადევნებდა თვალს, თუ როგორ დაიცავდა მთავარმმართველი ამნისტიის პირობებს.

რტიშჩევს კახეთის აჯანყება მაინც არ მიაჩნდა დამთავრებულად. იგი ხედავდა, რომ გლეხობის უკმაყოფილებისა და საამბოხო განწყობილების ძირითადი მიზეზი მთავრობის სამხედრო და სამოქალაქო

მოხელეების ბოროტმოქმედება იყო და თავგამოდებით ცდილობდა მათ გამოსწორებას, რომ ამდენი მსხვერპლის გაღებით დაწყნარებულა ქვეყანა ამ საშიშ დროს კვლავ არ ამლელვარებულიყო. იგი მკაცრად ავალებდა გენერალ სტალს პურის შეგროვება-შესყიდვის დროს არ დაეშვა გლეხთა შევიწროება.

1812 წ. ზაფხულში საერთაშორისო მდგომარეობა არსებითად შეიცვალა. ნაპოლეონ ბონაპარტეს 600-ათასიანი არმია რუსეთში შეიჭრა. ქართველმა ოპოზიციონერებმა და მათმა აღიარებულმა ლიდერმა ალექსანდრე ბატონიშვილმა სწორად შეაფასეს შექმნილი სიტუაცია, სცადეს მისი საქართველოს ინტერესების შესაბამისად გამოყენება.

ალექსანდრე ერეკლეს ძე ბაგრატიონი კახეთის აჯანყებაში დაუსწრებლად მის პირველ-მეორე ეტაპზეც მონაწილეობდა. მისი მართო სახელის ხსენება მორალურად ამხნეებდა სამშობლოს თავისუფლებისათვის მებრძოლ ხალხს. საქართველოს რუსულმა ხელისუფლებამ, მრავალი ცდის მიუხედავად ვერ შესძლო კახეთის აჯანყების სრული იზოლაცია, ვერ აღკვეთა ქართველი პატრიოტების კავშირი ალექსანდრე ბაგრატიონთან. ერეკლეს ძე აღფრთოვანებული იყო კახელთა გმირული ბრძოლით. „თქვენმა ეგეთმა სახელგანთქმულმან და ნამუსიან სიმხნემან, — სწერდა ალექსანდრე აჯანყებულებს, — ოთხსავე მზარეს მიაღწია. დღეს იდიდნენ საქართველოს შინა მცხოვრებნი და დღეს დაგვირგვინდნენ დიდებისა დაგვირგვინებითა. რა ქება მოგიძღვნათ ანუ რა წყალობა აღგითქვათ. უმაღლეს ღირსებისა და პატივის ღირს ხართ“. მეფე ერეკლე, — შეახსენებდა მეფის ძე ქართველებს, — თქვენზე ისევე ზრუნავდა, როგორც საკუთარ შვილებზე. ახლა თქვენ ამ ზრუნვის სამაგიერო გადამეტებით გადაიხადეთ, თქვენი ვაჟკაცობის სახელი ქვეყანას მოჰფინეთ, „განსვენებული მეფეც აღიდეთ და იმის შვილებსაც თავისუფლებისა ვიხაროდენისა ხმასა გვცემთ“.

ალექსანდრე ბაგრატიონმა წერილები გაუგზავნა არაგვის ხეობის მცხოვრებლებსაც, დავალებან აძლევდა მათ, გზები გააფუჭეთ და გადაკეტეთ, რომ რუსეთის მთავრობამ საქართველოში დამატებითი ჯარები ვერ გადმოიყვანოს, აქეთ მდგარ რუსთა ჯარებს კი ჩვენ მოვუვლითო.

1812 წ. ივლისში ალექსანდრე კახელებს აცნობებდა, თქვენი გამოგზავნილი მოციქულები უკვე მოვიდნენ ჩემთან. რამდენიმე დღის შემდეგ საქართველოში მოვალთ და „ჩვენ სისხლსაც თქვენ სისხლში გავურევთ“. კახელებო, თქვენ მოწინააღმდეგის ძალიან ბევრი სისხლი დაღვარეთ, ამას რუსეთის მთავრობა არაფრით არ გააპატიებთ,

ამიტომ არ ენდოთ რუს მოხელეთა ტკბილ სიტყვებს, დაპირებებს, ბრძოლა გააგრძელეთ, ღვთის მადლით მეც მალე მოგეშველებითო.

ალექსანდრე ბატონიშვილის წერილებმა და მოწოდებებმა მაორგანიზებელი როლი შეასრულა. ქართველთა უმრავლესობა: — თავადი, აზნაური, გლეხი იზიარებდა მათში გამოთქმულ თვალსაზრისს, მზარს უჭერდა საქართველოს სახელმწიფოებრიობის აღდგენას, მზად იყო სამშობლოს დამოუკიდებლობა-თავისუფლებისათვის კიდევ დაეღვარა სისხლი. ამ მოწოდებებმა სიტუაცია დაძაბა, საკმარისი იყო მეტაურის ბრძოლის ველზე გამოჩენა და აჯანყების ალი ისევ ავარდებოდა. ეს კარგად იცოდნენ ცარიტული რუსეთის დიდმოხელეებმა და შიშით მოელოდნენ ალექსანდრე ბატონიშვილის საქართველოში შემოსვლას.

სახლერებზე და სტრატეგიულ პუნქტებში განლაგებულმა რუსთა ჯარის ნაწილებმა ალექსანდრე ბაგრატიონს გზები ვერ გადაუჭრეს. 1812 წ. სექტემბერში იგი საქართველოში შემოვიდა. მთელი ხალხი აღფრთოვანებული შეხვდა ალექსანდრე ერეკლეს ძეს და მის გარშემო დირაზმა.

ალექსანდრე ბატონიშვილი კარგად ერკვეოდა შექმნილ სიტუაციასა და საქართველოს საზოგადოებრივ ძალთა განლაგებამში. დარწმუნებული იყო, რომ თავადიც, აზნაურიც და გლეხიც თავისუფლების მოსაპოვებლად სისხლს დაღვრიდა. განმათავისუფლებელი ომის დაწყებისათვის ქართველი უფლისწული უკეთეს დროს ვერც ინატრებდა. ნაპოლეონი უკვე მოსკოვში იყო შესული, რუსეთ-ირანის ომი ისევ გრძელდებოდა და თურქეთიც შევიწროებული მეზობლის წინააღმდეგ კბილს ილესავდა. ალექსანდრე ბატონიშვილს ქართველი ხალხის დიდი ნაწილის პატრიოტიზმსა და მისადმი ერთგულებაში ეჭვი არ ეპარებოდა, მაგრამ აფიქრებდა მისი ანტიირანული განწყობილება. მეფის ძემ კარგად იცოდა, რომ ცარიზმის კოლონიური პოლიტიკის წინააღმდეგ მებრძოლ ქართველ ხალხს კიდევ მეტად სძაგდა ნახევრადველურ ყიზილბაშთა ბატონობა. ამიტომ ალექსანდრე ბატონიშვილი ხალხს არწმუნებდა, რომ ირანის ჯარი საქართველოში მოვა, მაგრამ არა ქვეყნის დასაპყრობად, არამედ ბრძოლაში დასახმარებლად, საქართველოს სამეფოს აღსადგენადო.

ალექსანდრე ბატონიშვილი რუსეთის მოწინააღმდეგე არ ყოფილა. ის მუდამ მზად იყო რუსეთის იმპერატორის „სამსახურად“. ოლონდ ამის აუცილებელ წინაპირობად საქართველოს სახელმწიფოებრიობის აღდგენა მიაჩნდა. ერეკლეს ძე 1783 წ. ტრაქტატის, რუსეთ-საქართვე-

ლოს სამეგობრო ხელშეკრულების პლატფორმაზე იდგა, იმ უსამართლობის წინააღმდეგ იბრძოდა, რომელიც რუსეთის მთავრობამ ტრაქტატის დარღვევით და საქართველოს ავტონომიური სახელმწიფოს მოსპობით ჩაიდინა.

ალექსანდრე ბატონიშვილმა თიანეთიდან მაცნენი აფრანა საქართველოს სხვადასხვა კუთხეებში. მის მოწოდებას ფიცხლად გამოეხმაურნენ ფშავ-ხევსურები, ქიზიყელები, კახი თავადები და გლეხები. ქართლის მოსახლეობასაც აჯანყების განწყობილება დაეუფლა. ალექსანდრე ბატონიშვილთან გაიქცა მრავალი თავადი ციციშვილთა, ავალიშვილთა, ამილახვართა და სხვ. საგვარეულოებიდან. მისკენ საკმაო რაოდენობით დაიძრნენ ქართლელი აზნაურები და გლეხები. სხვები კი ბატონიშვილის ქართლში გამოჩენას ელოდებოდნენ, აჯანყებისათვის თადარიგს იჭერდნენ.

ალექსანდრე ბაგრატიონმა თავისი ლაშქარი რამდენიმე ნაწილად გაჰყო. ერთ რაზმს თბილისიდან კახეთს მიმავალი გზის ჩაკეტვა დაავალა, მეორეს ქართლიდან თიანეთ-თელავისაკენ მიმავალი გზის დაცვა უბრძანა, მესამე რაზმი საქართველოს სამხედრო გზის რაიონში სამოქმედოდ გამოყო, მას უღელტეხილზე რუსთა ჯარები არ უნდა გადმოეშვა. თვით ალექსანდრე აჯანყებულთა მთავარ ძალებს ჩაუდგა სათავეში და რუსეთის ცარიზმისაგან საქართველოში გამოგზავნილ სატრაპებს ფიცხელი ომი გაუმართა. კახეთის ცარიზმის მოხელეებისაგან გაწმენდა, ქართლის აჯანყება და სამხედრო გზის ჩაკეტვა იყო მისი უპირველესი ამოცანა. ამას უნდა მოჰყოლოდა გარედან დახმარება და საბოლოო მიზნის განხორციელება. საქართველოს დამოუკიდებლობის აღდგენა. გამორჩეული არც მშვიდობიანი მორიგება იყო, თუ რუსეთის მთავრობა დათმობაზე წავიდოდა, სამეგობრო ხელშეკრულებას განაახლებდა და საქართველოს ავტონომიურ სამეფოს აღადგენდა.

რუსეთის ცარიზმის ადგილობრივი ადმინისტრაცია შემუფთოდა. მთავარმმართველმა ირანის წინააღმდეგ მოქმედი არმიიდან ჯარის ნაწილები გამოიწვია, ლართისკარი და ბულაჩაური გაამაგრა. საქართველოს სამხედრო გზის აჯანყებულთაგან გასაწმენდად კავკასიის ხაზიდან სამი ბატალიონი დასძრა. აჯანყებულთა წინააღმდეგ საბრძოლველად წამოვიდა აგრეთვე იმერეთს მდგარი ჯარი. მთავარმმართველმა რტიშჩევმა ოქროს ძალაც მოსინჯა — 20 ათასი მანეთი აღუთქვა იმას, ვინც ალექსანდრე ბატონიშვილს მოკლავდა. აჯანყებულთა წინააღმდეგ

ბრძოლის ხელმძღვანელობა გენერალ-ლეიტენანტ დიმიტრი ორბელიანს დაევალა. რუსთა ჯარის სხვა გენერლები და ოფიცრები მისი ბრძანებით მოქმედებდნენ.

რუსეთის მთავრობის რეგულარულ არმიას გაწვრთნილობითა და შეიარაღებით ალექსანდრე ბატონიშვილის ლაშქართან შედარებით დიდი უპირატესობა ჰქონდა. პირისპირ ომში ასეთი ჯარის დამარცხებაზე აჯანყებულები ვერც კი იოცნებებდნენ. მაგრამ მოწინააღმდეგის ამ უპირატესობას ნიჭიერმა სარდალმა ალექსანდრე ბაგრატიონმა თავის სახალხო ლაშქრის ღირსება დაუპირისპირა. ერეკლეს ძემ მთავრობის ჯარებს პარტიზანული ომი გაუშარათა.

ალექსანდრე ბატონიშვილის ლაშქარი ძირითადად ცხენოსნებისაგან შედგებოდა, სწრაფი გადაადგილებისა და მანევრირების უნარი ჰქონდა. მოწინააღმდეგის არმია კი ქვეითი იყო. გენერალი დ. ორბელიანი თავისი ჯარის რაზმებად დაყოფას ერიდებოდა, რადგან ამ რაზმებს მოწინააღმდეგე ცალ-ცალკე ადვილად დაამარცხებდა. გენერალი მთელი თავისი ჯარით ზოზინით დასდევდა ალექსანდრე ბატონიშვილს, რომელიც ადვილს ხშირად იცვლიდა, მოულოდნელად დაარტყამდა მოწინააღმდეგეს და უცბადვე გაეცლებოდა. აჯანყებულთა ლაშქრის სარდალმა, მოსახლეობის საყოველთაო დახმარების წყალობით მოწინააღმდეგის ყოველი ნაბიჯი იცოდა, გენერალს კი წარმოდგენა არ ჰქონდა აჯანყებულთა ძალების განლაგებაზე და ბატონიშვილის ლაშქარს ზოგჯერ რამდენიმე დღის განმავლობაში უშედეგოდ დაეძებდა.

ყოველი მეტ-ნაკლებად მნიშვნელოვანი ბრძოლის შემდეგ, რომელშიც ერთი შეხედვით მთავრობის ჯარა იმარჯვებდა, გენერალი დ. ორბელიანი საქართველოს მთავარმმართველ რტიშჩევს ალექსანდრე ბაგრატიონის საბოლოო დამარცხების ამბავს აცნობებდა. მთავრობაც ელოდა ალექსანდრეს გაქცევას, მის შესაპყრობად ზომებს იღებდა. მაგრამ ასეთი „სრული განადგურება“ და აჯანყებულთა „საბოლოო დამარცხება“ ხშირად მეორდებოდა. სახალხო ლაშქარი კი არ გარბოდა, არამედ ერთ ადგილას ვითომდა „საბოლოოდ დამარცხებული“, მეორე ადგილას ჩნდებოდა და კვლავ თავისი სარდლის გარშემო ირაზმებოდა.

მწარედ აწუწუნდა გენერალი ორბელიანი: „მთელი ხალხი ჩვენს წინააღმდეგაა ამდგარი, ბატონიშვილს ყველგან ბინა, თავშესაფარი აქვს და ამიტომ ხელში ვერ ჩავიგდებო“. ორბელიანმა მრავარლიცხოვანი დამხმარე ჯარები გამოითხოვა. მთელი კახეთის ოკუპაციის გეგმა შეიმუშავა. როცა სოფლებში ჩვენი ჯარისკაცები ჩადგებიან, „ხალხს

წიშის ზარი დაეცემა, ბატონიშვილს აღარ მიუდგება და მას აქეთ-იქით მიმოსვლისა, მანევრირების საშუალება აღარ ექნებაო.

გენერალ დ. ორბელიანის თხოვნა დააკმაყოფილეს, მან დამხმარე ჯარის ნაწილები შეიერთა და 9 ოქტომბერს შილდასთან შეება აღ. ბატონიშვილის 6-ათასიან ლაშქარს. მეამბოხენი მამაცურად იბრძოდნენ, იხოცებოდნენ და მტერს კი არ ნებდებოდნენ. შვიდსაათიანი ბრძოლის შემდეგ აჯანყებულებმა შილდის თავისაკენ დაიხიეს. მიხეილ ერისთავი მთავრობის ჯარის პოლკით უკანდახეულებს ზურგში აედევნა. ბატონიშვილი შემობრუნდა და გათამამებული მღვევარი ალყაში მოაქცია. გაჭირვებულ ერისთავს მთავრობის ჯარის სხვა ნაწილები მიეშველნენ. მან დიდი ზარალის ფასად დააღწია თავი სრულ განადგურებას. მთავრობის ჯარსა და აჯანყებულებს შორის დიდ ბრძოლები მოხდა, აგრეთვე 24 და 29 ოქტომბერს. სახალხო ლაშქარი ჩალაუბნის ხეობაში შევიდა. გენერალმა ორბელიანმა დადევნება ვერ გაბედა და დამხმარე ჯარს დაუწყყო ლოდინი.

ნოემბრის დამდეგს კახეთში გაიგზავნა ახალი დიდი ჯარი გენერალ სიმონოვიჩის მეთაურობით. 21 ნოემბერს მან სოფელ ხაშმთან დაამარცხა მეამბოხენი და დ. ორბელიანთან შესაერთებლად დაიძრა. ჩაილურთან მთავრობის ჯარები გაერთიანდნენ და გადამწყვეტ ბრძოლაში დაამარცხეს აჯანყებულნი. ალექსანდრე ბაგრატიონი გაუსხლტა მთავრობის ჯარს და მცირე რაზმით თიანეთს ავიდა. მთავარმმართველმა რტიშჩევმა ბრძანება დაგზავნა კახეთიდან გასასვლელი ყველა გზების შეკერის თაობაზე. ორბელიანი, სიმონოვიჩი, ტიხონოვსკი, სტალი და ზოგიერთი ქართველი თავადი თავგამოდებით ცდილობდნენ. ალექსანდრე ბატონიშვილის დატყვევებას, მაგრამ ამაოდ. ერეკლეს ძე თიანეთიდან ფშავში და ხევსურეთში გადავიდა, ბინა შატილში დაიდო.

ალექსანდრეს შეპყრობის საქმეში ხელმოცარულ საქართველოს მთავარმმართველს სხვა გზა აღარ ჰქონდა და ტყბილი სიტყვით სცადა საშიში მოწინააღმდეგის დამორჩილება. ღვთის განგებით, ქართველ მეფეთა სურვილით, სწერდა საქართველოს მთავარმმართველი ქართლ-კახეთის მეფის ძეს, თქვენი ქვეყანა მტრებისაგან დასაცველად რუსეთის იმპერატორს გადაეცა. შენ კი ამის წინააღმდეგ გამოდიხარ და დახმარებას საქართველოს ტრადიციულ მტრებთან ეძებ. კახეთი შენი მიზეზით დიდად დაზარალდა, მიზანს კი მაინც ვერ მიაღწიე, რადგან ღმერთი არ გწყალობს. ბრძოლაზე ხელი აიღე, დამშვიდდი, დანდობილი მოდი და ხელმწიფის წყალობას შეეფარეო.

ალექსანდრე ბატონიშვილმა რტიშჩევის ბრალდება უარყო, მაგრამ დიპლომატიური მოსაზრებით რუსეთის იმპერატორის წინააღმდეგ კრიტიკ არ დაუძრავს, ტრაქტატის დარღვევასა და საქართველოს სახელმწიფოებრიობის მოსპობაში მან იმპერატორის მოხელეებს დასდო ბრალი. ქართველი ხალხს აჯანყება, სწერდა მეფის ძე იმპერატორის დიდ მოხელეს, სამართლიანი ბრძოლაა. ქართველები დამოუკიდებლობის, ეროვნული სახელმწიფოებრიობისათვის იბრძვიან. ეს კი წმინდა საქმეა, ვინც სამშობლოსათვის თავს დადებს, მას მსხვერპლად შეეწირება, დიდების ღირსია. თავისუფლებისათვის მებრძოლმა ქართველებმა მტათურად მომიწვიეს და მეც ცხენი შემოვაგელვე ხალხისა და სამშობლოს დასაცავად.

მეფის რუსეთის ბატონობის წინააღმდეგ მებრძოლი ალექსანდრე ბატონიშვილი და მისი ლაშქარი რუსეთის ორიენტაციაზე რჩებოდა. რუსეთ-საქართველოს კავშირის იდეას იცავდა. ალექსანდრე ბატონიშვილი იმედოვნებდა, რომ იმ დიდი ომის შემდეგ, რაც ქართველმა ხალხმა რუსეთის მთავრობას გაუმართა, შესაძლებელი გახდებოდა შერიგება, იმედოვნებდა, რომ რუსეთის იმპერატორი დათმობაზე წავიდოდა, აღადგენდა 1783 წ. ტრაქტატს, საქართველოს გამოაცხადებდა იმპერიაში შემავალ ავტონომიურ სამეფოდ. მაგრამ ეს იმედი ამჯერადაც ამაო აღმოჩნდა. გამარჯვებული რუსეთის ცარიზმისათვის 1783 წლის სამოკავშირეო-მფარკელობითი ხელშეკრულება განვლილი ეტაპი იყო. საქართველოსა და ამიერკავკასიის უშუალო შეერთება მიიჩნდა მას რუსეთის სახელმწიფოებრივი ინტერესებით ნაკარნახევ ზომად, წინააზიში გავლენის გაძლიერების წინაპირობად.

ცარისტული რუსეთის ადგილობრივმა ადმინისტრაციამ კახეთის აჯანყებაში მონაწილენი სასტიკად დასაჯა. თავდაზნაურთაგან ბევრს მიუსაჯეს სამუდამო კატორღა, ციმბირს გადასახლება, პატიმრობა. განსაკუთრებით მკაცრად გლეხებს მოექცნენ. ხუთი გლეხი ჩამოახრჩვეს. მათ შორის იყო ერთი მეამბოხე გლეხის დედა, 75 წლის მოხუცი, რომელსაც ალექსანდრე ბატონიშვილის მოწოდებათა გავრცელება ბრალდებოდა. აჯანყებაში მონაწილე გლეხთა მასას (16000 კომლი, 40000 მცხოვრები) დაპყრობილი ტერიტორიების მოსახლეობის მსგავსად კონტრიბუცია შეაწერეს, 70 ათასი ფუთი პური, 35 ათასი ფუთი ქერი და 50 ათასი ვერცხლის მანეთი გადაახდევინეს.

იმერეთის გლეხთა 1819—1820 წლების აჯანყება. 1810 წ. რუსეთის ცარიზმის მიერ იმერეთის სამეფოს გაუქმებას პროტესტით შეხვდა მოსახლეობის ყველა ფენა, იმერეთში საყოველთაო სახალხო აჯანყებამ

იფეთქა. ივნისში აჯანყებულთა რაზმებმა ალყაში მოაქციეს იმერეთის ქალაქებსა და ციხესიმაგრეებში დაბანაკებული მთავრობის ჯარები. იმერეთის მმართველი გენერალი სიმონოვიჩი ქუთაისიდან ვერ გამოდიოდა. აჯანყებულებმა კონტროლი დაამყარეს თითქმის მთელ იმერეთზე და რამდენიმე თვის წინ ტახტიდან გადაყენებული, ახალციხეს გაქცეული სოლომონ მეორე თავის ხელმძღვანელად მიიწვიეს.

1810 წ. ივნისის შუა რიცხვებში სოფელ საკაროსთან აჯანყებულებმა დაამარცხეს მაიორ კალატოზოვის ბატალიონი, ხოლო ივლისში დიდი ზარალი მიაყენეს დ. ორბელიანისა და მაიორ ტიხოცკის პოლკებს. მთავარმმართველმა ტორმასოვმა იმერეთის აჯანყების ჩაქრობა გენერალ როზენს დაავალა. იმერლებს გზები ჩაეხერგათ. საფრებში მეთოფეები ჩაესხათ, წინ ეღობებოდნენ და გვერდებიდან სცემდნენ როზენის ჯარს. დიდი ბრძოლები მოხდა ჩხეჩს, ცხრაწყაროს, ყვირილას ფონზე, სიმონეთთან. 29 ივლისს გენერალმა როზენმა დაამარცხა ქუთაისის მოალყე აჯანყებულთა რაზმები და სიმონოვიჩს შეუერთდა.

იმერლები თავდაცვაზე გადავიდნენ, სოლომონი პარტიზანულ ომს აწარმოებდა. სოფლიდან სოფელში გადადიოდა, ელვისებურად ესხმოდა თავს მოწინააღმდეგეს და სწრაფადვე უჩინარდებოდა. 8 აგვისტოს დიდი ბრძოლა მოხდა სოფ. რიონთან, 10 აგვისტოს გელათის ახლოს. გენერალმა როზენმა ვერ შეძლო აჯანყებულთა განადგურება, სოლომონის შეპყრობა. სექტემბრის დამდეგს როზენმა ვარციხე დაიკავა, მიზნად იმერეთის ყოფილი მეფისათვის გასაქცევი გზის მოჭრა დაისახა. მაგრამ აჯანყებულებმა ვარციხე ალყაში მოაქციეს, მოწინააღმდეგე მძიმე მდგომარეობაში ჩააყენეს. ბლოკადაში მოქცეულნი მხოლოდ დამხმარე 3 ათასიანი ჯარის მოსვლამ იხსნა სრული განადგურებისაგან.

1810 წ. სექტემბრის შუა რიცხვებში სოლომონი 2 ათასი მოლაშქრით ხანისწყლის ხეობაში გადავიდა. სიმონოვიჩმა მას მრავალრიცხოვანი ჯარი დაადევნა. მართალია, ბრძოლაში რუსთა ჯარებმა გაიმარჯვეს, მაგრამ სოლომონის დატყვევება ვერ მოახერგეს. იგი თავის ლაშქრის ნაშთებით მტერს გაუსხლტა, დატოვა იმერეთის საზღვრები და ახალციხეში გადავიდა. ამგვარად, გენერალმა სიმონოვიჩმა ხუთი ათასიანი ჯარით ვერ შეასრულა მთავრობის დავალება, ვერც მოკლა და ვერც შეიპყრო სოლომონ მეფე. ცდა არ დაგვიკლია, ენერგია არ დაგვიზოგავს, ხანგრძლივი ბრძოლითა და შიმშილით განაწამები ჯარისკაცები ჩონჩხებს დაემსგავსნენ, მაგრამ მთავარი ამოცანა ვერ შევასრულეთო — გულდაწყვეტილი სწერდა სიმონოვიჩი ტორმასოვს. არც გამბედავი პირი აღმოჩნდა სოლომონის მოკვლა რომ ეკისრა. საყოველთაო რე-

ვოლუციის პირობებში არავინ დახარბდა დიდ ჭილდოსა და იმ სარგებელს, რასაც ჩვენი მხარდაჭერით მიიღებდაო.

ახალციხეს გადასული სოლომონი კვლავ ცდილობდა საქმის შემობრუნებას, იმერეთის მოსახლეობის ახალი აჯანყებისათვის მომზადებას. იგი სამშობლოში გზავნიდა წერილებსა და მოწოდებებს, რაც დიდ გავლენას ახდენდა ხალხის განწყობილებაზე. შეუფოთებულმა ტორმასოვმა კატეგორიული დავალება მისცა სიმონოვიჩს: ციმბირის გზას გაუყენე წინა აჯანყების ხელმძღვანელები, დააპატიმრე სოლომონის მოწოდებათა გამავრცელებელნი, სამაგალითოდ დასაჯე ყველა ურჩი და ჩვენს მტრებს შიშის ზარი დაეციო.

მკაცრმა რეჟიმმა და რეპრესიებმა, რა თქმა უნდა, გარკვეული ნაყოფი გამოიღო, ხალხი ველარ ბედავდა ცარიზმის მოხელეთა წინააღმდეგ აშკარა გამოსვლას, მაგრამ ჩუმი საბოტაჟი კვლავ გრძელდებოდა. ახალი აჯანყების ობიექტური და სუბიექტური პირობები თანდათან მწიფდებოდა. გლეხობა უხეშ ძალას თითქმის დამორჩილდა, მაგრამ იმერეთი, თვით ცარიზმის მოხელეთა განცხადებით, დროებით დაწყნარებულ ვულკანს ჰგავდა.

რუსეთის ცარიზმის მოხელეები დარწმუნდნენ, რომ ქართველი ხალხი ადვილად არ თმობდა დამოუკიდებლობას, თავის მეობას, წესჩვეულებებსა და ტრადიციებს. ამიტომ იმერეთი დროებითი რუსული მმართველობა ფრთხილად მოქმედებდა, ცდილობდა რუსეთის მთავრობისათვის სასურველი გარდაქმნები ნელა და შეუმჩნეველად შეეპარებინა მოსახლეობისათვის.

რუსეთის ცარიზმი საქართველოს პოლიტიკური დამოუკიდებლობის მოსპობის შემდეგ ერთხანს კიდევ ურიგდებოდა საქართველოს ეკლესიის დამოუკიდებლობას. 1811 წ. კი მთავრობამ შეიმუშავა კანონი საქართველოს საეკლესიო მმართველობის შესახებ, რომელიც სპობდა ქართული ეკლესიის ავტოკეფალიას. კათალიკოსი ანტონ მეორე გადააყენეს. საქართველოს ეკლესიის გამგებლობა სინოდის მიერ დანიშნულ ეგზარქოსს დაავალეს. 1815 წ. ჩამოყალიბდა საქართველო-იმერეთის სინოდალური კანტორა. მალე დაიწყო საეკლესიო რეფორმის გატარება, რომელიც ამცირებდა საეპისკოპოსოებს, ზღუდავდა ქართველი სამღვდლოების უფლება-კომპეტენციას, კონტროლს ამყარებდა ქართული ეკლესიის უძრავ-მოძრავ ქონებაზე.

ეგზარქოსმა თეოფილაქტე რუსანოვმა დასვა აგრეთვე საქართველოს საეკლესიო მამულების ხაზინის გამგებლობაში გადაცემის საკითხი, რამაც საყოველთაო უკმაყოფილება გამოიწვია. ამ განზრახვას

წინ აღუდგა არა მარტო სამღვდელოება, რომელიც საეკლესიო მამულებს თავის ხელშეუხებელ საკუთრებად თვლიდა, მის წინააღმდეგ გაილაშქრა დასავლეთ საქართველოს თავადაზნაურობამაც. ზოლო იმის გამო, რომ ამ ცვლილებათა შედეგად საგრძნობლად იზრდებოდა გლეხთა გადასახადები, რეფორმას მტრულად შეხვდა გლეხობის დიდი ნაწილი.

1819 წ. მაისში ეგზარქოსი თეოფილაქტე რუსანოვი პროკურორ კილაშვილის თანხლებით იმერეთში ჩავიდა და უშუალოდ ხელმძღვანელობდა საეკლესიო რეფორმის გატარებას. მან დაიწყო ცნობების შეგროვება იმერეთ-გურია-სამეგრელოს ეკლესიებზე, სამრევლოთა ჩაოდენობაზე, საეკლესიო მამულების შემოსავლის შესახებ. მაგრამ მყისვე წააწყდა მღვდელმთავრების, თავადაზნაურობისა და ხალხის წინააღმდეგობას. ეგზარქოსის მოხელეები სოფლებიდან გამოდევნეს. მოძრაობას გამოუჩნდა ხელმძღვანელი და ერთი მიზნისაკენ წარმმართველი ძალა. 1819 წ. 2 ივლისს იმერეთის თავადაზნაურობა და ხალხი რაჭის მოსახლეობას სწერდა: ეგზარქოს თეოფილაქტეს მოსვლის შემდეგ იმერეთის ხალხი საშინელ მწუხარებას მიეცა. განზრახვა აქვთ საეპისკოპოსოები გააუქმონ, ბევრი ჩვენი წმინდა ეკლესია დაანგრიონ, წმინდათა ნაწილები და სახელგანთქმული ჯვრები ჩამოგვართვან. ჩვენთვის მლოცველ არქანგელებსა და მღვდლებს გვართმევენ, საშუალებას გვისპობენ ჩვენი წესების მიხედვით ვადიდოთ ქრისტე. თუ ხელშეუხებლად რჩება ებრაელთა, სომეხთა და კათოლიკეთა ეკლესია, ჩვენ რატომ უნდა ვიყოთ გამონაკლისი მათ შორის? ახლა გთხოვთ მოიქეციოთ თქვენი ქებული პატიოსნების შესაფერისად. ნუ მისცემთ მასალას გამოგზავნილ აღმწერებს, გაისტუმრეთ უკანვე ისევე გაწილებულნი, როგორც ჩვენ გავისტუმრეთ. ნუ მიუშვებთ თეოფილაქტეს მოხელეებს ნურც მღვდლებამდე და ნურც ხალხამდე. საჭიროა ამ საქმეში ერთად ვიმოქმედოთო.

იმერელთა მოწოდებას მყისვე გამოეხმაურენ რაჭველები, დაიწყეს შეკრებები ეკლესიებში, ერთსულოვან მოქმედებაზე ფიცის დადება. მალე მღვლვარება გურია-სამეგრელოსაც მოედო, იმერეთის მმართველი შეშფოთდა და შექმნილი მდგომარეობის შესახებ ცნობა გაუგზავნა კავკასიის არმიის შტაბის უფროსს გენერალ ველიამინოვს. აჯანყება, — წერდა იმერეთის მმართველი კურნატოვსკი, — საყოველთაოა. ჩვენს მხარეს არავინაა. გურულები და მეგრელები მზად არიან იმერლებთან ერთად იმოქმედონ, აფხაზებიც ამ გზას დაადგებიან. მთა-

ერების ერთგულებაც საეჭვოა. მათ საერთო-სახალხო განწყობილების წინააღმდეგ გამოსვლა არ შეუძლიათო.

ველიამინოვმა ბრძანება გასცა აღწერის შეწყვეტის თაობაზე, თანაც ეგზარქოსი თეოფილაქტე რუსანოვი იმერეთიდან გამოიწვია. ამან ხალხი ვერ დაამშვიდა, ბევრს ეჭვი ეპარებოდა მთავრობის გულწრფელობასა და კეთილგანზრახვებში. მართალია მეთაურებმა გლეხთა დიდი ნაწილი აჯანყებულთა რაზმებიდან გაუშვეს სასოფლო-სამეურნეო სამუშაოთა ჩასატარებლად, მაგრამ ხალხის დაფიცება დასახული მიზნის ერთგულებაზე კვლავ გრძელდებოდა, თავადი, აზნაური, გლეხი, მღვდელი და ბერი პირობას დებდა, რომ საჭიროების დროს ერთსულოვნად აღსდგებოდა, წმინდა საქმისათვის თავს დადებდა.

იმერეთის ეკლესიის დამოუკიდებლობისათვის დაწყებული აჯანყების მიზანი გაფართოვდა. მთავარი ამოცანა გახდა ქართული სახელმწიფოებრიობის აღდგენა. მეფობის კანდიდატებად ზურაბ წერეთელი და ივანე აბაშიძე დაასახელეს, მაგრამ უმრავლესობა ბაგრატიონთა საგვარეულოს წარმომადგენლის გამეფებას უჭერდა მხარს. დასავლეთ საქართველოში კი ძალიან დიდი სიყვარულით სარგებლობდა კახეთის სახალხო ომის მეთაურის ალექსანდრე ბაგრატიონის სახელი, ამიტომ იმერლებმა მასზე შეაჩერეს არჩევანი, მოციქულები აახლეს, თავის მეფეთა და მეთაურად მიიწვიეს; მაგრამ ალექსანდრემ ვერ მოახერხა იმერეთში ჩამოსვლა.

ერმოლოვი, ველიამინოვი და მათი ქვეშევრდომი მოხელეები შემოთდნენ. რადგან სახალხო-გამათავისუფლებელი მოძრაობა დასავლეთ საქართველოში თითქმის საყოველთაო ხასიათს ღებულობდა. მათ გადაწყვიტეს დასწრება, ჯანყის დაწყებამდე მისი მეთაურების დაპატიმრება. ამ ღონისძიებინ გატარების წინ იმერეთში გავრცელდა ერმოლოვის პროკლამაცია, რომელშიც ნათქვამი იყო: იმერეთის ეკლესია მოუწყობელია, ქუთათელი და გელათელი მიტროპოლიტები კი მხოლოდ პირადი ინტერესებისათვის ზრუნავენ. საჭიროა მათი გადაყენება და რუსეთს გაგზავნა. მე თვით მინდოდა ჩამოსვლა იმერეთის საქმეთა მოსაგვარებლად, მაგრამ ვერ მოვახერხე. ჩემს დავალებას შეასრულებს ველიამინოვი. გასული წლის მემამბოხენი არ დაისჯებიან. მაგრამ თუ ჩვენი განზრახვის შესრულებას ვინმე წინ აღუდგა, მათ დასასჯელად გამოყენებული იქნება ყოველგვარი საშუალებაო.

ხალხის ასეთი გაფრთხილების შემდეგ, 1820 წ. მარტის პირველ რიცხვებში იმერეთის მიტროპოლიტები დაპატიმრეს, რამაც დიდი აღშფოთება გამოიწვია, ურჩობა აშკარა აჯანყებაში გადაიზარდა. ყვე-

ლაზე ადრე შეიარაღებული ბრძოლა რაჭველებმა გააჩაღეს. 8 მარტს იმერეთის მმართველი პუზირევსკი ველიამინოვს აცნობებდა, რომ რაჭაში უკვე დაიწყო მღელვარება. ცხადი გახდა, რომ უკვე დაპატიმრებულ-გადასახლებულ მიტროპოლიტებს გარდა, აჯანყებას სხვა წამქეზებლებიც ჰყავს. რაქის ადრეც არაერთხელ გაუწევია წინააღმდეგობა მთავრობის ღონისძიებებისათვის. ახლა საჭიროა მის მცხოვრებთა სამაგალითო დასჯა. იმერეთსა და გურიაში სიწყენარეა, მაგრამ აუცილებელია ქაიხოსრო გურიელის შეპყრობა და მისი რაზმის განადგურება.

ვიდრე იმერეთის მმართველად ახლად დანიშნული პუზირევსკი დასახულ ღონისძიებას გაატარებდა, აჯანყებამ საყოველთაო ხასიათი მიიღო. იგი მოედო მთელ იმერეთს, გურჯაასა და სამეგრელოს დიდ ნაწილს. მეფობის ერთ-ერთი პრეტენდენტი ივანე აბაშიძე თავისი რაზმით ძალიან ხშირად იცვლიდა ადგილს. იმერეთიდან რაჭაში გადავიდა იქიდან ლეჩხუმს; ხოლო ბოლოს გურიაში ჩავიდა, ქაიხოსრო გურიელის რაზმს შეუერთდა. იმერეთის მმართველი მაინც იმედიანად იყო მთელი დასავლეთ საქართველოს შეერთებული ძალებიც ვერას დაგვაკლებენო, მოახსენებდა იგი ველიამინოვს. იმედი მაქვს იარაღის გამოუყენებლად ჩაეაქრობ ბუნტს, ურჩების ჩამოხრჩობას არ ვაპირებ, მათ როზგებით დავსჯიო.

პუზირევსკის იმედი არ გამართლდა, მან ვერ შეძლო აჯანყების წეჩერება. რაქის აჯანყებულებმა მეფედ გამოაცხადეს ვახტანგ ბაგრატიონი და ქუთაისისკენ დაიძრნენ. რუსეთის მთავრობის ერთგული როსტომ ერისთავი 22 აპრილს ველიამინოვს მოახსენებდა აჯანყების ჩასაქრობად 4—5 ათასიანი ჯარის გამოგზავნა არისო საჭირო. თუ ჯარს დროზე არ გამოგზავნიან, რაქის ბუნტი იმერეთშიც გავრცელდებაო.

როსტომ რაქის ერისთავმა, როგორც ჩანს, ჯერ კიდევ არ იცოდა, რომ აჯანყების ალი მთელ იმერეთსა და გურიაში გიზგიზებდა. შემოქმედის ახლოს, ქაიხოსრო გურიელის რაზმელებმა შეტაკებისას მოკლეს იმერეთის მმართველი პოლკოვნიკი პუზირევსკი. მისი ადგილი ზგორელსკიმ დაიკავა. მან ბრძოლით გაიკაფა გზა შემოქმედისაკენ, მაგრამ დიდი ზარალის მიუხედავად ციხე ვერ აიღო, იძულებული გახდა ოზურგეთში დაბრუნებულიყო. შემოქმედთან გამარჯვებით ეპიზოდური აჯანყებულები კი ჩოხატაურისკენ გაემართნენ, ბრძოლით აიღეს იგი და იქ მდგარი რუსთა რაზმი განადგურეს. ამის შემდეგ გუ-

რულმა აჯანყებულებმა რიონი გადალახეს, დაიკავეს ქალაქი. აჯანყების ცეცხლი სამეგრელოსაც მოედო.

რუსეთის კავკასიური არმიის მთავარსარდალი და საქართველოს მთავარმმართველი გენერალი ერმოლოვი შეშფოთდა. მან დაიწყო დასავლეთ საქართველოსაკენ ჯარების გადაჯგუფება. ამასთან, კვლავ სცადა მშვიდობიანი მეთოდის გამოყენება და ასეთი შინაარსის პროკლამაცია გაავრცელა: ქაიხოსრო გურიელის არაადამიანური საქციელი, მის მიერ პოლკოვნიკ პუზირევსკის მოკვლა, ცუდ მაგალითს აძლევს ბოროტი ზრახვების ადამიანებს იმერეთშიც, სადაც უკვე დაიწყო მღელვარება და ჩვენი ჯარის მცირე შენაერთებზე თავდასხმები. გირჩევთ წინასწარ გაითვალისწინოთ რა შედეგი მოჰყვება აჯანყების გაგრძელებას. ეს დიდ უბედურებას უქადის მოსახლეობას, ღმერთი დასჯის ფიცის გამტეხლებს. წარსული წელი იმის საუკეთესო მაჩვენებელია, რომ მე არ მინდა რეპრესიებს მივმართო, სისხლი დავღვარო. არც ახლა მაქვს იარაღის გამოყენების სურვილი, მაგრამ შეიძლება იგი აუცილებელი გახდეს.

ამ გაფრთხილებამაც ვერ დააშინა ხალხი, აჯანყება ზენიტში ავიდა. ერმოლოვმა დასავლეთ საქართველოს რუსეთის არმიის რჩეული პოლკები შეუსია გენერალ ველიამინოვის ხელმძღვანელობით. დამსჯელი ექსპედიციის უფროსს ინსტრუქცია მისცეს სასტიკად გაასწორობოდა აჯანყებულებს, მიწის პირისაგან აღეგავა მათი სოფლები, ადგილზევე ჩამოეხრჩო ტყვედ ჩაეარდნო „დამნაშავეები“.

რაჭაში პოლკოვნიკი გორჩაკოვი შევიდა დიდი ჯარით. მან დაანგრია ციხეები, სოფლები, შეუბრალებლად გაწყვიტა ბევრი აჯანყებულის. დაატყვევეს აჯანყების ხელმძღვანელი და წამქეზებელი 70 კაცი, რომელთაგან 10 ადგილზევე ჩამოახრჩვეს. ხალხი განაიარაღეს, თოფებთან და ხმალ-ხანჭლებთან ერთად წაიღეს საყვირები, რომელთა ხმა აჯანყების მოწოდებად გაისმოდა მთელ რაჭაში.

დიდი სისასტიკე გამოიჩინა დამსჯელმა ექსპედიციამ იმერეთშიც. პოლკოვნიკმა გორჩაკოვმა ხანისწყლის ხეობაში დაამარცხა ივანე აბაშიძის რაზმი, ყველგან შიშის ზარი დასცა მოსახლეობას. გურიაში თვით გენერალი ველიამინოვი შეიჭრა რამოდენიმე ბატალიონით. 1820 წ. 24 ივლისს მან სისხლისმღვრელი ბრძოლის შემდეგ აიღო შემოქმედის ციხე და მიწასთან გაასწორა, მახლობელი სოფლები გადაწვა, თავისუფლებისათვის მებრძოლი ხალხი ყველგან უხეში ძალით დათარგუნა. „მშვიდობის მოყვარე“ ერმოლოვი კოტა მოგვიანებით იმ-

პერატორს დიდი კმაყოფილებით მოახსენებდა: ამბოხებული სოფლები გავანადგურეთ და გადავბუგეთ, ბალები და ვენახები ძირფესვიანად აჩეხეთ, აქაური მცხოვრებლები დიდი ხნის შემდეგაც ვერ აღიღვენენ აღრინდელ მდგომარეობას, უკიდურესი სილატაკე იქნებაო მათი სასჯელი.

* * *

ასეთი სისასტიკით, რეპრესიებითა და საძხედრო წესების შემოღებითაც ვერ გატეხეს რუსეთის ცარიზმის სატრაპებმა საქართველოს მოსახლეობის წინააღმდეგობა, სახალხო-გამათავისუფლებელი მოძრაობა გრძელდებოდა. ანტიცარიტულ მოძრაობაში ქართველებთან ერთად სხვა ერთა წარმომადგენლებიც მონაწილეობდნენ.

ერთ-ერთი ასეთი გამოსვლა მოხდა სამწრეთ ოსეთში 1830 წელს. სამაზრო ხელისუფლებამ მშვიდობიანი საშუალებებით ვერ დაიმორჩილა აჯანყებული მოსახლეობა და ძალას მიმართა. ოსურ სოფლებში დამსჯელი ექსპედიცია გაიგზავნა გენერალ რენენკამფის მეთაურობით. მას დაავალეს შეუბრალებლად ამოეწყვიტა ყველა, ვინც იარაღს არ დაყრიდა და მორჩილებას არ განაცხადებდა. დამსჯელი ექსპედიციის უფროსს წინააღმდეგობის გამწევთა საზღებიც უნდა დაენგრია, სხვათა დასაშინებლად სასტიკად უნდა დაესაჯა აჯანყების ყველა მონაწილე. ცხინვალში ჩასვლისთანავე რენენკამფმა აჯანყებულებს წერილით მიმართა, უსიტყვო მორჩილება მოითხოვა. თუ წინააღმდეგობას გააგრძელებთ, ამოგწყვეტთ როგორც მოლალატეებს. წესრიგისა და მშვიდობის მტრებსო. მაგრამ გენერლის მუქარამ გლეხები ვერ შეაშინა. ისინი ცოდვათა მონანიებისათვის კი არ ეახლნენ დამსჯელი რაზმის უფროსს, არამედ მიატოვეს საშიშროებაში ჩავარდნილი მშობლიური სოფლები, მთებში გაიხიზნენ და სამკვდრო-სასიცოცხლო ბრძოლისათვის მოემზადნენ. გადამწყვეტი და სისხლისმღვრელი ბრძოლა მოხდა ციხესიმაგრე კოლასთან. ციხის დამცველებმა არტილერიის ზალსაც გაუძლეს და ჯარისკაცთა ორგზის იერიშიც მოიგერიეს. განჩისებული გენერლის ბრძანებით კოლას ცეცხლი წაუკიდეს. მაგრამ ვერც ამ ზომამ დააყენა მუხლისთავზე აჯანყებულნი. როცა ყველაფერს ცეცხლი მოედო და ჰერი ჩამოინგრა, ციხიდან თოქებით გადმოეშვა ათი კაცი ზეგა კოჩიევის მეთაურობით და ხანჯლებით ეკვეთა მოალყე კაზაკებს. ათი გმირიდან 9 კაცი უთანასწორო ბრძოლაში დაიღუპა. მწამათა სიკვდილით დაეცნენ ციხის სხვა დამცველებიც. ამის

შემდეგ დამსჯელმა ექსპედიციამ დაიმორჩილა აჯანყებული სოფლები-
ყველგან „წესრიგი“ დამყარა და მორჩილების გზაზე დააყენა ხალხი.

გურიის გლეხთა 1841 წლის აჯანყება. 1841 წელს დიდი აჯანყე-
ბა მოხდა გურიაში. მისი უშუალო მიზეზი გახდა ხალხში დარბეული
ხმები სავალდებულო სამხედრო ბეგარის შემოღების თაობაზე. დიდი
შეშფოთება გამოიწვია აგრეთვე ნატურალური გადასახადის ფულადით
შეცვლის კანონმა. უკმაყოფილებისა და ჯანყის მუდმივმოქმედი მიზე-
ზი კი გურიაში იყო გადასახადების გადიდება, ბეგარა-ვალდებულე-
ბათა დამძიმება, მეფის მთავრობის ადგილობრივ მოხელეთა თვითნე-
ბობა-ბოროტმოქმედება, ხალხის შეურაცხყოფა და დამცირება.

გურულმა გლეხებმა უარი თქვეს სახელმწიფო გადასახადების გა-
ლებზე და მოტივად ის დაასახელეს, რომ მძიმედ აწევთ საგზაო-სატ-
რანსპორტო ბეგარა, მცირე დრო რჩებათ მეურნეობის წარმოებისათვის
და არაფერი აქვთ გადასახადების დაფარვისათვის. წელისუფალთა ახ-
სნა-განმარტებამ, რჩევა-დარიგებამ და მოთხოვნამ არ გაჭრა. აჯანყება
თანდათან გაფართოვდა და გაძლიერდა. აჯანყებულთა ლაშქარში 7 ათა-
სი: კაცი გამოვიდა. მათ დაიკავეს გურიის ყველა მნიშვნელოვანი სტრა-
ტეგიული პუნქტი. 9 აგვისტოს აჯანყებულებმა სოფელ გოგორეთთან
პოლკოვნიკ ბრუსილოვის ბატალიონი დაამარცხეს, ხოლო 10 აგვისტოს
ნ. კოლაევის საგულშაგოს დაეუფლნენ, მისი დამცველი ჯარისკაცები და-
კ.ზაკები განაიარაღეს. ამის შემდეგ აჯანყებულებმა მაზრის უფროსის
რეზიდენციას — ოზურგეთს შეუტიეს. იერიში 1 სექტემბერს, ღამის
სამ საათზე დაიწყო. სამი ათასი აჯანყებული საათნახევრის განმავლო-
ბაში გაათრებით ებრძოდა ქალაქის გარნიზონს (ბევრი გმირული სი-
კვდილით დაეცა, თავი შესწირა თავისუფლების საქმეს), მაგრამ ცა-
რიზმის მოხელეთა გურიაში ბატონობის ეს ცენტრი ვერ აიღო.

სამაზრო ადმინისტრაციის მდგომარეობა მაინც კრიტიკული იყო-
მთელი გურია, ოზურგეთის გამოკლებით, აჯანყებულთა ხელში რჩე-
ბოდა. ძალაუფლებას აჯანყების ხელმძღვანელი „მთავარი შტაბი“ და-
ეუფლა. შეშფოთებულმა ამიერკავკასიის მთავარმმართველმა გურიაში
რეგულარული არმიის სამი ათას კაციანი ჯარი გაგზავნა, გურულ აჯა-
ნყებულებს მიუსია აგრეთვე სამეგრელოს მთავრისა და იმერეთის თა-
ვადანაურთა რაზმები. თვით გურიის თავადანაურთა ნაწილიც ჩამოს-
ცილდა აჯანყებას და მთავრობის მხარეს გადავიდა. ასეთ პირობებში
ბრძოლა უპერსპექტივო გახდა. აჯანყებამ მარცხი განიცადა. მოძრო-
ბის მეთაურები — 50 კაცი შეიპყრეს და ქუთაისის ციხეში ჩასვეს.
სასამართლომ მათ მეტად მკაცრი განაჩენი გამოუტანა, მაგრამ ნიკო-

ლოზ პირველმა იგი საერაობლად შეარბილა. იმპერატორს იმედი ჰქონდა, რომ შეწყალება ამ საქმის გამო დასჯილ პირებისა მათ გულში მართო მონარქისადმი მადლობის გრძობას კი არ დაბადებდა, არამედ შთააგონებდა ამ დამნაშავეებს და მათ თანამემამულეებს წმინდად დაეცვათ ქვეშევრდომული ფიცი, ჩუქმენითა და სიმართლით ემსახურათ ტაბტიასა და სამშობლოს სასარგებლოდ.

იმპერატორი, რა თქმა უნდა, გულწრფელი არ იყო. მისი სიტყვები შეიცავდა სიყალბესა და ცინიზმს. ნიკოლოზ პირველმა ძალიან კარგად იცოდა, რომ საიმპერატორო ტახტსა და სამშობლოს არც მოწინავე რუსი ადამიანები აიგივებდნენ და არც მეფის რუსეთისაგან დაპყრობილ-შეერთებული და დაჩაგრული ხალხები. დეკაბრისტები სამშობლოს დიდი პატრიოტები იყვნენ და სწორედ ამიტომ ასე თავგამოდებით იბრძოდნენ მეფის ტახტის დამხობისათვის, დემოკრატიულ რუსეთისათვის. იმპერიაში შემავალ განაპირა ქვეყნებს, ცარიზმის კოლონიური პოლიტიკის ობიექტად ქვეულ ჩაგრულ ხალხებს არაფერი ჰქონდათ რუს ხალხთან ადამი და გასაყოფი, მაგრამ მთელი არსებით იბრძოდნენ რუსეთის საიმპერატორო ტახტის წინააღმდეგ, ეროვნული და სოციალური თავისუფლებისათვის, რაშიც მოწინავე რუსი ადამიანების მხარდაჭერასაც პოულობდნენ.

მთიანეთის 1804, კახეთის 1812 და იმერეთის 1819—1820 წლების აჯანყებების წამყვანი ძალა გლეხობა იყო. ქართველი გლეხი ამ პერიოდშიც აგრძელებდა სოციალური თავისუფლებისათვის ბრძოლას მაგრამ შექმნილ სიტუაციაში წინა პლანზე საერთო-სახალხო, პერსპექტივაში საერთო-ეროვნული ამოცანება იდგა. რუსეთის ცარიზმის რუსიფიკატორული და კოლონიური პოლიტიკა მეტნაკლებად ყველა კლასის უკმაყოფილებას იწვევდა, ანტიცარისტულ აჯანყებაში თითქმის ყველა მონაწილეობდა, რაც თავისთავად ასულტებდა სოციალურ ანტიგონიზმს და ხელს უშლიდა კლასობრივი ბრძოლის თავისუფალ განვითარებას.

ყველა ეს აჯანყება, მართალია, სარცხით დამთავრდა, მაგრამ ქართველმა ხალხმა დაუმტკიცა მეფის მთავრობას, ამ მთავრობის ადგილობრივი ადმინისტრაციის მოხელეებს, რომ ანგარიშგასაწევი ძალაა, რომ მისი უსამართლოდ დაჩაგვრა ან შეურაცხყოფა, მისი ზნე-ჩვეულების, ადამიანობისა და ტრადიციების ხელყოფა არც ისე ადვილია. მეფის მთავრობის მოხელეები იძულებული გახდნენ გარკვეულ დათმობაზე წასულიყვნენ, შეეზღუდათ თავიანთი პრეტენზიები, ხალხის ხარჯზე გამდიდრების მალა. მეფის მთავრობის მოხელეთა თვით-

წებობა-ბოროტმოქმედება ამ პერიოდის ბოლოს რომ რამდენადმე შეიკვეცა, სამხედრო-საოკუპაციო რეჟიმის ნაცკლად რომ სამოქალაქო მმართველობა შემოვიდა, ცოტა მეტი გასაქანი რომ მიეცა ადგილობრივ საზოგადოებრივ ძალებს, ეს მნიშვნელოვანწილად სახალხო აჯანყებების შედეგი იყო.

• • •

XIX საუკუნის პირველი ოცი წლის განმავლობაში გაბატონებული კლასის სტრუქტურაში არსებითი ცვლილება არ მომხდარა. მართალია, ფეოდალურ იერარქიას უმაღლესი საფეხური მოძვრა, ქართველმა მეფეებმა ტახტი დაკარგეს და უფლისწულები რუსეთს გადაასახლეს, მაგრამ საეკლესიო ფეოდალთა, თავადთა და აზნაურთა წოდებრივი პრივილეგიები ძალაში დარჩა.

საქართველოში მსხვილი საეკლესიო საფეოდალოები იყო მცხეთა, გელათი, ბიჭვინთა, ალავერდი, დავით გარეჯი, შიო მღვიმე, ბოდბე, ურბნისი და სხვ.; ამ საფეოდალოთა სათავეში კათალიკოსები და ეპისკოპოსები იდგნენ. ეკლესიის უძრავ-მოძრავ ქონებას განაგებდნენ საეკლესიო აზნაურთა წრიდან დანიშნული მოხელეები — სახლთუხუცესები, მდივნები, მოურავები, ფაქტიურად ისინი ეწეოდნენ ეკლესიის უმაღლესთა ექსპლუატაციას.

თავადიცა და აზნაურიც, მართალია, პრივილეგიურ წოდებაში შედიოდნენ, მაგრამ მათ შორის საგრძნობი შიდაკლასობრივი განსხვავება იყო. ფეოდალურ იერარქიაში თავადი ამ დროსაც გაცილებით მაღლა იდგა. აზნაურთა დიდი ნაწილი უფლებრივ-ეკონომიურად თავადობას ენორჩილებოდა. მიუხედავად იმისა, რომ თავადის მამულში აზნაურმა ფუნქცია დაკარგა, მოხელისა და მოლაშქრის მოვალეობას აღარ ასრულებდა, კიდევ კარგა ხანს მაინც თავადის დამოკიდებულებაში რჩებოდა.

1783 წ. ტრაქტატისადმი თანდართული სიის მიხედვით აღმოსავლეთ საქართველოში სამეფო აზნაურები 82 საგვარეულოს, ხოლო სათავადო აზნაურები 188 საგვარეულოს შეადგენდნენ. გაცილებით მრავალრიცხოვანი იყო აზნაურთა წოდება დასავლეთ საქართველოში.

XVIII—XIX საუკუნეების მიჯნაზე თავდაზნაურთა იურიდიული და ქონებრივი მდგომარეობა საგრძნობლად გაუარესდა. გაბატონებული კლასის ამ ორ ფენას შორის წინააღმდეგობა გამწვავდა, შინაკლასობრივი ბრძოლა გაძლიერდა. თავადები ცდილობდნენ კიდევ მეტი უფლე-

ბები მოეპოვებინათ აზნაურის პიროვნებასა და მათ ყმა გლეხებზე, ხოლო აზნაურები თავადთა დამოკიდებულებისაგან განთავისუფლებას მოითხოვდნენ. აზნაურთა დიდი ნაწილი მთავრობის დაწესებულებებს ავსებდა თხოვნა-საჩივრებით, ზოგი აყრა-გაქცევასა და სხვა ადგილებში გადასახლებასაც არ ერიდებოდა.

ერეკლე მეორე, რომლის მიზანი სათავადოთა სისტემის მოსპობა იყო, სათავადო აზნაურებს ესარჩლებოდა, ზოგ მათგანს მეფის აზნაურობას აძლევდა და ამით თავადებს ასუსტებდა. რუსეთის ცარიზმისათვის სათავადოც უცხო იყო და თავადის აზნაურიც. სათავადოთა სისტემის მოსპობის შემდეგ რუსეთის მთავრობის ადგილობრივმა ადმინისტრაციამ დასვა თავადთა დამოკიდებულებისაგან აზნაურთა განთავისუფლების საკითხი.

1833 წ. 11 ივლისს უმაღლესი ბრძანებით აღმოსავლეთ საქართველოს აზნაურები განთავისუფლდნენ თავადთა დამოკიდებულებისაგან. თუ ისინი სათანადო საბუთით დაამტკიცებდნენ პრივილეგიური წოდებისადმი თავის კუთვნილებას, უფლებრივად სახელმწიფო აზნაურებს გაუთანაბრდებოდნენ. რაც შეეხება თავადის მიერ აზნაურისათვის ნაწყალობე ყმა-მამულს, თავადის სურვილზე იყო დამოკიდებული თავისად დაიბრუნებდა, თუ აზნაურს დაუტოვებდა. ამ კანონმა საქმე ბოლომდე ვერ მიიყვანა, თავადთა და აზნაურთა ქონებრივი გამიჯვნის საკითხი ძალიან გართულდა.

საიმპერიო სენატის 1836 წ. დადგენილების თანახმად თავადისა და აზნაურის ქონებრივი გამიჯვნისას აღმოცენებული დავა სამედიატორო სასამართლოს უნდა გაერჩია. საქმის გადაწყვეტამდე კი თავადებს უფლება ჰქონდათ ბეგარა-გადასახადები დაეღოთ აზნაურთა ყმა გლეხებისათვის. გაბატონებული კლასების ამ ორი ფენის ქონებრივი გამიჯვნა ღიძნანს გაჭიანურდა, რამაც მოდავეებზე მეტი ზარალი გლეხობას მიაცენა. დასავლეთ საქართველოში აზნაურები თავადთა დამოკიდებულებისაგან 1848 წ. განთავისუფლდნენ. გლეხთა სავალალოდ თავადებისა და აზნაურების ქონებრივი გამიჯვნა აქ კიდევ უფრო ღიძნანს გაგრძელდა.

რუსეთის ცარიზმი საერთოდ, მართალია, პრივილეგიურ წოდებათა ინტერესებს იცავდა, მაგრამ იმის გამო, რომ თავადაზნაურთა ნაწილი აქტიურად მონაწილეობდა ანტირეჟიმულ აჯანყებებში, ზევრ მათგანს ყმა-მამული ჩამოართვა. თავადაზნაურული ოპოზიციით იყო გამოწვეული ისიც, რომ მეფის მთავრობა ზოგჯერ მებატონეთა წინააღმდეგ გლეხებს

ესარჩლებოდა. 1824 წ. კანონმა ყმა გლეხს მიანიჭა უფლება ბატონის მამულის საჯარო ვაჭრობით გაყიდვის ზედახევეკაშა, გაეღო სათანადო თანხა და ყმობიდან თავი დაეხსნა. რუსეთის ცარიზმის ადგილობრივი აღმინისტრაცია არა იშვიათად თავისუფლების მაძიებელ გლეხებსაც ესარჩლებოდა, სასაზინო უწყებებში ეპატიებოდა მათ. 1836 წ. 28 სექტემბრის კანონის ძალით ყველა ქართველ გლეხს, თუ მებატონეს არ ვააჩნდა მისი კანონიერი ფლობის საბუთი, უფლება ჰქონდა სარჩელი აღეძრა, თავისუფლება ეძია სასამართლოს მეშვეობით. ამან საგრძნობლად გააძლიერა ყმა გლეხთა თავისუფლებისაკენ მისწრაფება, შეაშფოთა თავადაზნაურობა.

სასამართლო გზით თავისუფლების ძიებამ გახსაკუთრებით ფართო მასშტაბი XIX ს. 20—30-იან წლებში მიიღო. გლეხებმა თხოვნა-საჩივრებით აავსეს არა მარტო ადგილობრივი სასამართლოები, არამედ მაღალ ინსტანციებში გადავიდნენ, თვით სენატსაც კი მიაღწიეს. ზოგი საქმის გარჩევა 10, 20, 30, 40 წელი გრძელდებოდა, ბაბუების მიერ დაწყებულ საჩივარს შვილიშვილები აგრძელებდნენ. ასეთ პირობებში, ბუნებრივია, გლეხები არ ელოდებოდნენ საქმის დამთავრებას, უარს ამბობდნენ მებატონეთა მორჩილებაზე; არ იხდიდნენ ბეგარა-გადასახადებს, უნებართვოდ დადიოდნენ საშოვარზე, ძალადობას ძალით პასუხობდნენ, ზოგჯერ იარაღით გამოდიოდნენ მებატონეთა წინააღმდეგ. მეფის მთავრობის მოხელეები ასეთი გლეხების წინააღმდეგ რეპრესიებს მიმართავდნენ, აპატიმრებდნენ, ციხიბრს ასახლებდნენ მათ. მიუხედავად ამისა, გლეხთა კლასობრივ ბრძოლის ამ ფორმამ ფართო ხასიათი მიიღო, მასში ჩაბმული აღმოჩნდა 2300 კომლი (12500 სული) ვლეხი. მათ მორალურად, ზოგჯერ კი ფაქტიურადაც მხარს უჭერდა მთელი გლეხური მოსახლეობა.

თავისუფლების მაძიებელ გლეხთა ფართო შოძრაობამ, ბუნებრივია, თავადაზნაურობა შეაშფოთა. 1842 წ. მაღალმა წოდებამ მთავრობას წარუდგინა თხოვნა-განცხადება, რომელშიც აღნიშნავდა, რომ ქართველ მეფეთა დროს გლეხობა მორჩილი იყო. ახლა კი ყმური მოვალეობის შესრულებაზე უარს ამბობს, თავისუფლების მაძიებელ გლეხთა რიცხვი ძალიან გაიზარდა. მათი საჩივრებით აივსო ყველა ინსტანციის სასამართლო ორგანოები. 1836 წ. კანონით წაქეზებული გლეხები მთელი სოფლებით ეძებენ თავისუფლებას, გამოდიან ერთმანეთის მოწმეებად. რაკი სასამართლო გლეხებისაგან თავისუფლების დამადასტურებელ საბუთებს არ მოითხოვს, მებატონეები ხშირად საქმეს აგებენ და ჩანაგდებიანო.

გაგულისებულმა მებატონეებმა მთავრობისაგან მოითხოვეს ბოლო მოეღო გლეხობის თვითნებობისათვის, სასამართლოს კი ურჩიეს გლეხთა საჩივრების განხილვის დროს ჩაეხედა კამერალურ აღწერაში და თუ გლეხი აღმოჩნდებოდა მებატონეზე მიწერილი, უაზრო მისი საჩივარი, ხოლო თუ გლეხი მაინც აღძრავდა საჩივლს, მისგან მოეთხოვა თავისუფლების დამადასტურებელი საბუთი.

მეფის მთავრობამ ანგარიში გაუწია საქართველოს შალაღი წოდების ამ მოთხოვნას. კავკასიაში მეფისნაცვლად დანიშნულმა მ. ვორონცოვმა გადაწყვიტა საბოლოოდ აღმოეფხვრა მთავრობასა და თავადაზნაურობას შორის არსებული ყველა კონფლიქტი, რაც შეიძლება სრულად დაეცვა ქართველი თავადაზნაურობის კლასობრივი ინტერესები, მთელი წოდება გადაექცია საიმპერატორო ტახტის საყრდენ ძალად, სახელმწიფოებრივი ინტერესების დამცველად კავკასიაში. ამ მოსაზრებით ვორონცოვმა გააუქმა 1836 წ. კანონი, რომელმაც თავადაზნაურობის ესოდენ დიდი გულისწყრომა გამოიწვია. 1849 წ. გამოიცა ახალი კანონი, რომელმაც გლეხს მხოლოდ იმ შემთხვევაში აძლევდა სასამართლოში საჩივლის აღძვრის უფლებას, თუ მას გააჩნდა თავისუფლების დამადასტურებელი საბუთი. გლეხობას, იშვიათი გამონაკლისის გარდა, აეთი საბუთი არ გააჩნდა და ამდენად არსებითად დაკარგა სასამართლოს გზით მებატონის ყმობიდან განთავისუფლების ოფიციალური შესაძლებლობა.

მეფის მთავრობის კავკასიური აღმინისტრაციის დახმარებით თავადაზნაურობამ მოახერხა ყმა გლეხთა ექსპლუატაციის გაძლიერება საერთოდ. მათ გააუქმეს თარხნობისა და აზატობის სიგელები, აზატი და მსახურა გლეხები გადაიყვანეს მებეგრეთა კატეგორიაში.

ბატონყმური ექსპლუატაციის გაძლიერებამ გლეხთა აყრა-გადასახლების ახალი ტალღა გამოიწვია. XIX საუკუნის პირველ მესამედში დასავლეთ საქართველოდან შართლ-კახეთში ათასობით გლეხი გაიქცა. მებატონეები ვერ თმობდნენ თავიანთ საექსპლუატაციო ობიექტს — გლეხობას, მთავრობის მოხელეთა და პოლიციის დახმარებით ეძებდნენ გაქცეულთ. პოლიციელები ახერხებდნენ აყრილ-გახიზნულთა ადგილებზე პოვნას, ძალით ერეკებოდნენ მათ უკან. განრისხებული იმერელი, მეგრელი და გურული თავადების თვითნებობის მსხვერპლად სწირავდნენ მათ.

მთავრობის მოხელეებისა და პოლიციელთა არაადამიანურმა მოქმედებამ თვით თბილისის გუბერნატორის ნ. ფალავანდიშვილის უკმაყოფილებაც კი გამოიწვია. მან მოუწოდა მთავარმმართველს მებატონეთა

და გაქცეულ გლეხთა დავის მოწესრიგების საქმეში კანონიერების ელემენტი შეეტანა, სასამართლოს გზით წინასწარ დაედგინა, თუ გადასახლებულთაგან ვინ დაეტოვებინათ ქართლ-კახეთში და ვინ დაებრუნებინათ დასავლეთ საქართველოს მებატონეთა განკარგულებაში. გლეხთა საპროტესტო მოძრაობით შეფიქრანებული ამიერკავკასიის ადმინისტრაცია იძულებული გახდა 1839 წ. ბრძანებით შეეჩერებინა გაქცეულ და ქართლ-კახეთში დამკვიდრებულ გლეხთა დასავლეთ საქართველოში გადასახლება. იმერელ, გურულ და მეგრელ მებატონეთა პრეტენზიები სასამართლოს უნდა გაერჩია და მისი დადგენილების საფუძველზე შეიძლებოდა მხოლოდ ცალკეულ გლეხთა უკან გადასახლება. შემდეგ მთავრობა მეტ დათმობაზე წავიდა. 1849 წ. დადგენილებით ის გლეხები, რომლებიც 1839 წლამდე გადასახლდნენ აღმოსავლეთ საქართველოში, იქვე უნდა დაეტოვებინათ, მებატონეებს ჩამოერთვათ მათი უკან გადასახლების უფლება.

გლეხთა კლასობრივი ბრძოლის საკმაოდ გავრცელებული ფორმა იყო ბეგარა-გადასახადებზე უარის თქმა. პროტესტანტი გლეხები ზოგჯერ სახელმწიფო გადასახადებზეც ბეჯავდნენ უარის თქმას, მაგრამ უფრო ხშირად არღვევდნენ საბატონეშო პირობებს, უარყოფდნენ არამართო მებატონეთა გაზრდილ პრეტენზიებს, არამედ დადგენილ გადასახადებსაც არ ფარავდნენ; ამის გამო ძალიან ხშირი იყო მხარეთა დავა, საჩივარი, შეტაკება. ზოგჯერ მთავრობა იარაღით იცავდა მაღალი ფენის ინტერესებს, ურჩ სოფლებში. დამჯელ ექსპედიციებს გზავნიდა, შიშველი ძალის გამოყენებით თრგუნავდა გლეხთა წინააღმდეგობას.

ასეთ პირობებში რუსეთის ცარიზმის კავკასიური ადმინისტრაცია ცდილობდა ბატონყმური ურთიერთობის რეგულირებას, ბეგარა-გადასახადების ნორმირებას. 1829 წ. სენატორებმა მეჩნიკოვმა და კუტიროვმა მზანწეწონილად მიიჩნიეს მრავალსახიანი ქართული გადასახადების ნაცვლად გადასახადთა რუსული ნორმების შემოღება. ამის წინააღმდეგ გამოვიდა საქართველოს მთავარმმართველი როზენი, მისი აწრით ჯერ არ იყო მომწიფებული პირობები სოციალური ურთიერთობისა და გადასახადო სისტემების უნიფიკაციისათვის. ქართული ბატონყმობა და საბატონო ბეგარა-გადასახადები გარკვეულ დრომდე უცვლელად უნდა დარჩესო. ასეთივე აზრი 1844 წ. გამოთქვა მ. ვორონცოვმაც.

ერთი სიტყვით მეფის მთავრობის კავკასიურმა ადმინისტრაციამ ვერ შეძლო ბატონყმური ურთიერთობის რეგულირება, გადასახადების ნორმირება. კვლავ დადი გასაქანი ჰქონდა მებატონეთა თვითნებობას და ამის შესაბამისად გლეხთა ანტიბატონყმურ მოძრაობას.

**გლეხთა ანტიკატონუხუში მოძრაობა
XIX საუკუნის 40-50-იან წლებში**

XIX საუკუნის 40-50-იან წლებშიც საქართველოს გლეხური მოსახლეობა სამ ძირითად კატეგორიას ქმნიდა, იყვნენ სახელმწიფო, საეკლესიო და საბატონო გლეხები. 50-იანი წლების ბოლოს საქართველოში აღირიცხა-სულ 136073 კომლი გლეხი. აქედან საბატონო გლეხები შეადგენდნენ 44,5%-ს, სახელმწიფო გლეხები—43,6%-ს, საეკლესიო გლეხები—11,9%.

ამ პერიოდში როგორც ქალაქად, ისე სოფლად საკმაოდ სწრაფად ფართოვდებოდა სასაქონლო-ფულადი ურთიერთობა, მრავლდებოდა კაპიტალისტური საწარმოები, ისახებოდა ახალი კლასების — ბურჟუაზიისა და პროლეტარიატის კონტურები. სასაქონლო და კაპიტალისტური ურთიერთობის განვითარება ვაეღენას ახდენდა სახელმწიფოსა და გაბატონებული კლასების სოციალურ პოლიტიკაზე, გლეხურ მეურნეობაზე.

XIX საუკუნის 20—30-იან წლებში გლეხური მოსახლეობა ბევრა-გადასახადებს ძირითადად ნატურალური რენტის სახით იხდიდა. მაგრამ სასაქონლო-ფულადი ურთიერთობის განვითარების პარალელურად შეიმჩნეოდა ფულადი რენტის ზრდის ტენდენცია. ფულად რენტაზე ყველაზე ადრე სახელმწიფო და საეკლესიო გლეხები გადავიდნენ. თუ 40-იან წლებამდე სახელმწიფო სახაზინო მიწით საჩგებლობისათვის დაწესებული ყველა გადასახადი (კოდის პური, სურსათი, ღალა, კულუხი, მახტა, საბალახე და სხვ.) ძირითადად პროდუქტებით გადაიხდებოდა, 1841—1845 წლებში დაწესდა ერთიანი სახელმწიფო საადგილმამულო ფულადი გადასახადი და საერობო შესაქრებელი. სახელმწიფო გლეხებს კომლზე შეაწერეს 7—9 მანეთი, საეკლესიო გლეხებს—3—4 მან, საბატონო გლეხებს—2—3 მანეთი. სახელმწიფო გლეხთა გადასახადებში შედიოდა მიწის რენტაც. ხოლო საეკლესიო და საბატონო გლეხები სახელმწიფო გადასახადებით იბეგრებოდნენ, როგორც „ყოვლად მოწყალე“ იმპერატორის ქვეშევრდომნი. ისინი რენტას მხოლოდ იმ შემთხვევაში იხდიდნენ, როცა სახელმწიფოსაგან იჯარით აიღებდნენ მიწის ნაკვეთს.

ქართული მართლმადიდებლური ეკლესია, მართალია, დაქვემდებ-

ბაოა სინოდსა და მის მიერ დანიშნულ ეგზარქოსს, მაგრამ სამღვდლოებამ შეინარჩუნა ყმა-მამულე. ეკლესიის მამები საეკლესიო გლეხებისაგან იღებდნენ საადგილმამულო გამოსაღებს ღალისა და კულუხის სახით.

XIX საუკუნის 40—50-იან წლებშიც განსაკუთრებით მძიმე ბეგარა-გადასახადებით საბატონო გლეხები იყვნენ დატვირთული. გლეხის მფლობელობა-სარგებლობაში არსებული სახნავი მიწიდან გლეხის ღალა-გადასახადელი მერყეობდა მოსავლის მეათედიდან მეოთხედამდე. დაახლოებით ამდენივე წილის ოდენობით გადაიხდებოდა კულუხი (ყურძენი, ტკბილი ან ღვინო). მებატონის საძოვრით სარგებლობისათვის გლეხები 100 სულიან ფარაზე იხდიდნენ 1 ცხვარსა და 1 ბატონს. პირადი ვალდებულების ხაზით გლეხებს კვლავ ედო საჩექმე, საქვრივო, საქორწინო, საახალწლო, საშობაო და სხვ. გადასახადები. ამ პერიოდში კიდევ უფრო გაიზარდა ყმა გლეხის ბეგარა-მუშაობის ვალდებულება.

სასაქონლო-ფულადი ურთიერთობის განვითარების პირობებში თანდათან იზრდებოდა მებატონეთა მოთხოვნილებაც და გლეხთა ბეგარა-გადასახადების ოდენობაც, მაგრამ ყველაფერს ჰქონდა საზღვარი. მემამულე იძულებული იყო თავი შეეკავებინა, ერთბაშად არ გამოეფიტა გლეხის მეურნეობა, ყმების დაბეგვრის დროს გაეთვალისწინებინა გლეხის შეძლება, მისი გადახდისუნარიანობა. საწერეთლოში, მაგალითად, ყმა-გლეხები ოთხ გადამხდელ ჯგუფად იყოფოდნენ: შეძლებული, პირველი გადამხდელი ყმა გლეხი მებატონეს ყოველწლიურად მიაართმევდა 10 კოდ პურს, 30 კოკა ღვინოს, საკლავისათვის საადღგომოდ 2 მანეთს, საშობაოდ 2 მანეთს, 8 ქათამს, ბატონის შვილს ქორწილის შემთხვევაში 1 ძროხას. მასვე ევალეობოდა კვირაში სამ დღეს უღელი ხარით მებატონის მამულში მუშაობა. მეორე გადამხდელი გლეხი მებატონეს აძლევდა 6 კოდ პურს, 20 კოკა ღვინოს, საშობაოდ 1 მანეთს, საადღგომოდ 4 აბაზს, 5 ქათამს, ქორწილის დროს მესამედი ძროხის ფასს. მესამე გადამხდელი გლეხი მებატონეს მიაართმევდა — 4 კოდ პურს, 10 კოკა ღვინოს, საშობაო-საადღგომოდ სამ-სამ აბაზს, ქორწილის დროს ძროხის ფასის მეექვსედს. მეოთხე — აზატად წოდებული (გადასახადისაგან ნაწილობრივ განთავისუფლებული) გლეხი ვალდებული იყო გამასპინძლებოდა ბატონს, ქორწილის დროს მიერთმია მთელი, ნახევარი, ან მესამედი ძროხა. მიეცა ბატონისათვის მსახური. ამის გარდა ყველა ჯგუფის გლეხები შეძლებისდაგვარად „ეხმარებოდ-

ნენ“ ბატონს ყმა-მამულის ყიდვის, ვალის გადახდის და სხვა შემთხვევებში.

დაახლოებით ასევე იყოფოდნენ გლეხები საგადაშნებლო ჯგუფებად სხვა რაიონებში. ყველგან შეინიშნებოდა ბეგარა-გადასახადების ზრდისა და ნატურალურიდან ფულად რენტაზე გადასვლის ტენდენცია. ქართველი თავადაზნაურობის მოთხოვნილება ფულზე, მართალია, სწრაფად იზრდებოდა, მაგრამ მათ არ შეეძლოთ ფულად რენტაზე გლეხების მასობრივად გადაყვანა, რადგან ბატონყმობის საფუძველი ნატურალური მეურნეობა და ნატურალური რენტა იყო. ფულად რენტაზე გადასვლის შემთხვევაში გლეხი უნდა დაკავშირებოდა ბაზარს, ხშირად ფასულიყო საშოვარზე, რითაც მებატონეს მოაკლდებოდა მამულის დამამუშავებელი მუქტი მუშახელი.

ყველა კატეგორიის გლეხობაში საკმაოდ ბევრი იყო მცირემიწიანთა და უმიწაწყლოთა რაოდენობა. ასეთი გლეხები იძულებულნი იყვნენ სახნავ-სათესი და მიწის სხვა სავარგულები იჯარით აეღოთ ხაზინისა და კერძო მიწათმფლობელთაგან. ასეთი გლეხები საკუთარ მებატონეებსაც ემსახურებოდნენ ჯა სხვათა მიწით სარგებლობისათვის-საკუთრად იხდიდნენ თანდათან მზარდ საიჯარო ქირას. ზოგი მიწათმფლობელი ამჯობინებდა მიწით სარგებლობის საზღაურად მოიჯარეებისათვის თავის მამულში მუშაობის ვალდებულება დაეკისრებინა. სახელმწიფო ხაზინა კი თავის მოიჯარეებისაგან ძირითადად ფულად რენტას მოითხოვდა. ერთი სიტყვით, ღარიბი გლეხობა ორმაგ კაბალაში იყო მოქცეული, შეძლებულებზე უფრო მეტ ექსპლუატაციას განიცდიდა.

გლეხთა შორის ქონებრივი უთანასწორობა შუა ფეოდალიზმის დროსაც შეინიშნებოდა, მაგრამ უფრო შესამჩნევი გვიანფეოდალურ ხანაში ხდება. გლეხთა ქონებრივ დიფერენციაციასთან იყო მნიშვნელოვანწილად დაკავშირებული მიწის ყიდვა-გაყიდვის პროცესი. რამაც ფეოდალურ საქართველოში საკმაოდ ფართო მასშტაბი მიიღო.

გლეხობას არ აკმაყოფილებდა იმ მიწის ფლობა-სარგებლობა, რომლის მესაკუთრე მებატონე იყო. ყმა გლეხი პირადი თავისუფლების მოპოვებისაკენ მიისწრაფოდა და მის ერთ-ერთ საშუალებად მიწის ყიდვა, მესაკუთრედ გადაქცევა მიაჩნდა. XVIII საუკუნეში ცალკეულ გლეხურ კომლებს ჰქონდათ 10—50 ჰექტარი. კიდევ მეტს—1—10 ჰექტარი ნაყიდი მიწა. ასეთი გლეხები შედარებით მეტი სამეურნეო დამოუკიდებლობით სარგებლობდნენ, მაგრამ პირადი დამოუკიდებლობა არც მათ გააჩნდათ. გარე ეკონომიური იძულების უფლებით აღქმული ბატონი ხშირად გლეხის ნაყიდი მიწის დაბეგვრასაც ახერხებ-

და. კიდევ მეტი, ზოგი მებატონე ანგარიშს არ უწევდა ფეოდალურ სამართალს. გლეხის ნაყიდ მიწას თავისად აცხადებდა.

ასეთ სიტუაციაში ყმა გლეხი მარტო მიწის ყიდვას ვერ დასჯერდებოდა, მას პირადი თავისუფლებაც უნდა გამოეყიდა. ვახტანგ მეექვსის კანონები ამას დასაშვებად თვლის, უფლებას აძლევს ბატონს „თავი დაახსნეინოს ყმას“. ასეთი თავდახსნილობა წერილობითი აქტით ფორმდებოდა. გლეხი თავის დახსნაში იხდიდა ფულს, პროდუქტებს, ზოგჯერ ნაყიდ მიწასაც აძლევდა მებატონეს. XVII საუკუნეში დოკუმენტალურად თავდახსნის 350 შემთხვევაა დადასტურებული. 100 სიგელი ასახავს გლეხთა გათარხნება-გააზატების ფაქტს, 250 კი ლაპარაკობს ყმა გლეხთა სრული განთავისუფლების შესახებ.

ზოგი გლეხი თავისუფლების მოპოვებას ხმლითა და სამშობლოს დამოუკიდებლობისათვის გმირული ბრძოლით ახერხებდა. ისტორიამ შემოგვინახა ასეთი ფაქტი: 1755 წელს კახეთში ლექთა მრავალრიცხოვანი ლაშქარი შემოიჭრა. ავარიის ხანმა ალყაში მოაქცია ყვარელი, თავდაცვა გაძნელდა. მაშინ ერეკლე მეორემ საჯაროდ გამოაცხადა — ვინც ყვარელს უშველის და მტრის განადგურებაში თავდადებას გამოიჩენს, თავისუფლებას ვუბოძებო. ყმა გლეხები ყოველთვის აქტიურად მონაწილეობდნენ დამპყრობთა წინააღმდეგ ბრძოლაში, მაგრამ თავისუფლების მოპოვება ყმა გლეხის იმდენად სანუკვარი ოცნება იყო, რომ 200 გლეხი სამკვედრო-სასიცოცხლო ომში ჩაება, სააკაკო გმირობა გამოიჩინა და მტრის განადგურებაში გადამწყვეტი როლი შეასრულა. ერეკლემ მეფური სიტყვა შეასრულა. ყვარლის ალყის გარღვევაში მონაწილე ყველა გლეხი (მათ შორის ბრძოლაში დაღუპულთა ოჯახები) თავისუფალი მიწათმოქმედი გახდა.

ფეოდალიზმისა და ბატონყმური ურთიერთობის დომინირების პირობებში თავისუფლების სიო მეტად ნელა უბერავდა და ამიტომ ყველა თავდახსნილი და განთავისუფლებული ვერ ახერხებდა თავისუფლებას შენარჩუნებას, სრულიად დამოუკიდებელი მეურნეობის გამართვას. თავდახსნილთა ერთი ნაწილი ახალ ბატონთან მიდიოდა. უფრო მეტი მეფე-მთავრებს უკრავდა თავს, საზასო გლეხი ხდებოდა. მაგრამ თავდახსნის პროცესი აქარბებდა ხელახლა დაყმევების შემთხვევებს. თავისუფალ გლეხთა რიცხვი თანდათან იზრდებოდა. ამდენად, ბატონყმობის სოციალ-ეკონომიკური საფუძვლების მოშლის სიმპტომებმა უკვე XVII საუკუნეში იჩინა თავი.

XIX საუკუნეში გლეხთა ქონებრივი დიფერენციაცია კიდევ უფრო გაძლიერდა. სასაქონლო-ფულადი ურთიერთობის განვითარების და

მიწის ყიდვა-გაყიდვის ოპერაციების გაფართოების კვალდაკვალ ქონებრივი დიფერენციაცია სოციალურ დიფერენციაციაში გადაიზარდა.

გლეხთა მიწათმფლობელობასა და ეკონომიურ მდგომარეობაში არსებული განსხვავება აისახებოდა მოსახლეობის კომუნალურ აღწერებში, რაც XIX ს-ის პირველ ნახევარში საკმაოდ ხშირად ტარდებოდა. 1821 წ. აღწერის მიხედვით თელავის მაზრის 2 ათასი კომლი სახელმწიფო გლეხიდან სრულიად უმიწაწყლო იყო 335 კომლი, 0,5-დან 5 ჰექტარამდე მიწას ფლობდა 1269, 2,5—13 ჰექტარს — 272 კ. 13—25 ჰექტარს — 78 კ; 25—50 ჰექტარს — 28 კ; 50-ზე მეტ ჰექტარ მიწას ფლობდა 20 კომლი. უმიწაწყლო ღარიბი გლეხები ძირითადად საკუთარი სამუშაო ძალის გაქირავებით ირჩენდნენ თავს, შეძლებულნი კი მეურნეობას ეწეოდნენ, განსაკუთრებით მევენახეობა-მელენეობას, რომელსაც კახეთში უკვე იმ დროს სავაჭრო ხასიათი ჰქონდა მიღებული. პატარძელულ გლეხს სოლომონ ბუთურაშვილს ჰქონდა 150 ჰექტარი მიწა და სამი ვენახი, წლიურად აყენებდა საშუალოდ 40 სააალნე ღვინოს. იმავე პატარძელში ცხოვრობდა ვლეხი იოთამ ზუკაკიშვილი, რომელიც ფლობდა 100 ჰა მიწას და ვენახს 20 საპალნე ღვინის გამოსავლიანობით. ასეთი მდიდარი, დაქირავებული შრომის გამომყენებელი გლეხები საკმაო რაოდენობით იყვნენ კახეთის სხვა სოფლებშიც. გამდიდრებული გლეხები დიდი რაოდენობით ნაყიდ მიწას ფლობდნენ და, ბუნებრივია, ცდილობდნენ თავის გამოსყიდვას, იურიდიული პირის უფლების მოპოვებას. ვეჯინელმა ყმა გლეხმა ღურძილაძემ, მაგალითად, მებატონე ანდრონიკაშვილისაგან თავისუფლება და მიწა გამოისყიდა 1500 მანეთად. 1840 წ. გამოსყიდვის გზით თავისუფლება მოიპოვა და 20 ჰა მიწა გაისაკუთრა შილდელმა პეტრე ცეცხლაშვილმა.

ფეოდალიზმის ხანაში გლეხის ეკონომიკური და უფლებრივი მდგომარეობა მყარი როლი იყო, განუწყვეტლივ იცვლებოდა ეკონომიური ჯგუფების კონტინგენტი. ისიც უნდა აღინიშნოს, რომ მიწის ყიდვა-გაყიდვის ოპერაციებში თითქმის ყველა ჯგუფის — მდიდარი, საშუალო და ზოგჯერ ღარიბი გლეხებიც მონაწილეობდნენ. არქივებსა და მუზეუმებში დაცულია მიწის ნასყიდობის 121 ათასი სიგელი, რაც თავისთავად იმაზე მეტყველებს, რომ ქართველმა გლეხობამ ფეოდალთა ხელში მიწის საკუთრების მონოპოლიაზე ბატონყმობის გაუქმებამდე კარგა ხნით ადრე მიიტანა იერიში. თანდათან ვაძლიერდა აგრეთვე გლეხთა მისწრაფება თავისუფლების მოპოვებისაკენ.

1864 წლამდე საქართველოს საბატონო გლეხებიდან (60 ათასი კომლი) თავი გამოისყიდა დაახლოებით 6 ათასმა კომლმა (10%). უმრავლესობა თავისუფლებასთან ერთად უძრავ-მოძრავი ქონების გამოსყიდვასაც ახერხებდა.

იყვნენ გლეხები, რომლებმაც 500—3000 მანეთი გაიღეს და საკუთრებად დაიმკვიდრეს 10—50 ჰა სახნავ-სათესი მიწა, 1—5 ჰა ვენახი. მეორე მხრივ, საბუთებიდან ჩანს, რომ 13 გლეხმა ერთი დღიური მიწის გამოისყიდვაც კი ვერ მოახერხა. მათთვის პირადი თავისუფლება იმდენად მიმზიდველი და სანუკვარი ოცნება იყო, რომ მოვლილ-გაპატივებულ მიწისა და გამართული მეურნეობის დათმობასაც არ მოელოდნენ, რაკი ნადელის გამოსყიდვის შესაძლებლობა არ ჰქონდათ, უმიწაწყლოდ თავის გამოსყიდვას დასჯერდნენ. ერთი ნაწილი ქალაქებში გადასახლდა, სხვა სოფელში დარჩა და თავისუფლად გაქირავებული შრომით არჩენდა ოჯახს.

ყმა გლეხთა უმრავლესობა ვერც მიწის შესყიდვას ახერხებდა და ვერც თავისუფლების მოპოვებას. ისინი არა ოფიციალური, მთავრობისათვის მიუღებელი საშუალებებით იბრძოდნენ ცალკეული მებატონეებისა და მთლიანად ბატონყმური წყობილების წინააღმდეგ. XIX საუკუნის 40—50-იან წლებშიც ჩვეულებრივ მოვლენას წარმოადგენდა ბეგარა-გადასახადებზე უარის თქმა, აყრა-გაქცევა, დავა-საჩივარი. მებატონეთა ძალადობისათვის წინააღმდეგობის გაწევა, ყველაზე უფრო საძულველ მებატონეთა მკვლელობა, მაგრამ ამ პერიოდში განსაკუთრებით ფართო მასშტაბი და დიდი გაქანება მიიღო გლეხთა მასობრივმა აჯანყებებმა.

XIX საუკუნის პირველი მესამედის ანტირეჟიმულ აჯანყებათა სერიისი გურიის გლეხთა 1841 წ. გამოსვლა ორმაგი ბუნებით ხასიათდებოდა. იგი მიმართული იყო როგორც მეფის მთავრობის ადგილობრივი ადმინისტრაციის თვითნებობა-ბოროტმოქმედებათა, ისე ბატონყმური ჩაგვრის წინააღმდეგ. გურიის გლეხთა ბუნებრივ მეზობელ რაიონებში წმინდა სოციალური ხასიათის გამოსვლები გამოიწვია.

გურულებს ყველაზე ადრე იმერეთის სოფლების — გადიდის, ონჯოხეთის, დვალისოფლების გლეხებმა მიბაძეს. მათ უარი თქვეს ჩვეულებრივ საბატონო გადასახადებზე და მოურავის გადამეტებულ მოთხოვნებზე. გლეხებმა პროტესტი განაცხადეს საეროზო გადასახადების ამკრეფ აგენტთა უკანონო მოქმედების გამო და წინააღმდეგობა გაუწიეს პოლიციას. ქუთაისის მაზრის უფროსმა გუბერნატორს მოახსენა: მებატონეთა და მოხელეთა უკანონო მოქმედებაზე გლეხებს შეეძ-

ლოთ ჩივილი, მაგრამ მათაც უკანონო ქმედებას მიმართეს, წინააღმდეგობა გაუწიეს თავიანთ უფროსებს, მიბაძეს გურულებს და ფიცი დადეს ერთიანი გამოსვლის შესახებ. რამაზ და სენნია დვალიშვილების მოწოდებაზე გლეხები შეიკრიბნენ, იარაღი აიხსეს და ბუნტს აპირებდნენ, მაგრამ გურიის აჯანყების მარცხმა იმერელ გლეხთა საბრძოლო შემართება რამდენადმე გაანელო. სამაზრო ადმინისტრაციამაც, ჩანს, სწრაფად და ენერგიულად იმოქმედა. მეთაურები დააპატიმრეს, ყველაზე უფრო აქტიური გლეხები გაროზგეს, უბეში ძალის გამოყენებით აღადგინეს „წესრიგი“.

გურიის აჯანყებამ გამოაძახილი სამეგრელოშიც პოვა. ამბოხი დადიანის კუთვნილმა სოფ. ჭვარმა წამოიწყო. ათასამდე შეიარაღებული გლეხი მზად იყო გურიაში წასასვლელად, სოციალურ თანამომდეთა დასახმარებლად. მეფის მთავრობის მოხელეები არც იმას მალავდნენ, რომ გურიის გლეხთა აჯანყებამ მთელ შავიზღვისპირეთში გამოიწვია მღელვარება, ყველგან გააძლიერა მთავრობის საწინააღმდეგო და ანტიბატონყმური განწყობილება.

1842 წ. მებატონეებს წინააღმდეგობა გაუწიეს სოღნალის მაჯრის სოფ. ზიარის გლეხებმა. მათ უარი უქვეს როგორც ძველიდან მომდინარე ბეგარა-გადასახადებზე. ისე მებატონის ახალ პრეტენზიებზე. გ. ანდრონიკაშვილის მოურავსა და გადასახადთა ამკრეფებს სცემეს და სოფლიდან გააძევეს. უბნის მსაჯულმა ურჩი გლეხები თავისთან დაიბარა, მებატონისათვის გადასახადების მიცემა კატეგორიულად მოსთხოვა. მაგრამ მოთმინებიდან გამოსულმა გლეხებმა მსაჯულსა და მის თანმხლებ პირებსაც სცემეს. აფგილზრცი ადმინისტრაცია-სასამართლოს მოხელეებმა თავს გაქცევით უშველეს. გადაწყდა ამბოხებულ ზიარში დამსჯელი რაზმის გაგზავნა.

იმავე წლის დეკემბერში. სოფელ ზიარის მეორე უბნის გლეხებს შეტაკება მოუხდათ თავად იასე ანდრონიკაშვილთან. თავადის მსახურებმა დაარბიეს ერთი ურჩი გლეხი ფრიდონ კიტოშვილა, მეორე გლეხს ციციანა ბაზერაშვილს კი როზგებით გაუძასპინძლდნენ. ინციდენტის ადგილზე გლეხები შეგროვდნენ, აქვე იარაღისმული მოვიდნენ გაროზგილი ც. ბაზერაშვილის ვაჟებიც. იოსებ ბაზერაშვილმა თვით თავადს შეუტია, მხარში დაჭრა ხანჯლით, შემდეგ კი გაქცეულ ბატონს სახლამდე მისდია და საოჯახო ჭურჭელი დაუმსხვრია. ნაცემმა და დაზარალებულმა თავადმა საჩივარი აღძრა, დამნაშავე გლეხების სასტიკი დასჯა მოითხოვა. ზიარში მეორედ გაიგზავნა დამსჯელი რაზმი, თავით ფეხებამდე იარაღში ჩამჯდარმა კაზაკთა ასეულმა სოფელი „დაა-

წყანარა“, თავაკცები (8 კაცი) დააპატიმრეს. სამხედრო სასამართლოს მთელი შემადგენლობა საქმის გასარჩევად ზიარში ჩავიდა და რამოდენიმე დღეს გლახთა ხარჯზე სვამდა და ჭამდა. დამნაშავეთა და მოწყმეთა დაკითხვის დროს ძალდატანებას მიწართავდნენ. გლახებმა საჩივარი აღძრეს. გამოძიებამ სამხედრო სასამართლოს ბოროტმოქმედება დაადასტურა და მთავრობა იძულებული გახდა საქმის გარჩევა სამოქალაქო სასამართლოსათვის დაეკისრებინა.

ზიარელ გლახთა სასამართლო პროცესი იმ დროს მიმდინარეობდა, როცა აღმოსავლეთ საქართველოს ბევრ სოფელში დაძაბული მდგომარეობა იყო. მებატონეთა წინააღმდეგ გამოვიდნენ ალმატის, ენისელის, დაპატიმრებას გადარჩენილი ზიარის და სხვა სოფლების გლახები. ქართველ გლახთა ამ საპროტესტო გამოსვლებს, როგორც ჩანს, გაბედულებას მატებდა მეზობელ ჩეჩენთა-დაღესტნელთა გამათავისუფლებელი მოძრაობა. ასეთ რთულ სიტუაციაში მთავრობა იძულებული გახდა დათმობაზე წასულიყო. ზიარელ გლახთა სასამართლო პროცესი შეწყდა და პოლიციამაც დროებით ხელი აღო რეპრესიებზე.

ანტიბატონყმური მოძრაობის მატთანეში ორიოდ ფურცელი სოფელ ქვიტირის გლახებმაც ჩაწერეს. ჯერ კიდევ XIX ს. 30-იან წლებში ქვიტირელმა გლახებმა სასამართლოს მეშვეობით სცადეს თავისუფლების მოპოვება. 95 კომლმა განაცხადა თავად წულუკიძის ყმეზი კი არა, სახელმწიფო გლახები ვართო. მიუხედავად იმისა, რომ გლახებმა თავის სიმართლის დასამტკიცებლად სათანადო საბუთები წარადგინეს, ქუთაისის სამაზრო სასამართლომ საქმე მებატონე წულუკიძის სასარგებლოდ გადაწყვიტა. ადგილობრივი სასამართლოს დადგენილება გლახებმა 1845 წელს საიმპერიო სენატში გაასაჩივრეს. საქართველო-იმერეთის გუბერნიის პროკურორმაც დაადასტურა, რომ საბუთებში წულუკიძისათვის მხოლოდ მიწების ბოძებაზეა ლაპარაკი და ამდენად ქვიტირელი გლახები სახელმწიფო ხაზინას ეკუთვნიანო. მიუხედავად ამისა დავის გარჩევა გაკვიანურდა. ქვიტირელმა გლახებმა თავის მეთაურად აირჩიეს 25 წლის კაცი, გამოცდილი და რუსულის კარგი მცოდნე, იოსებ რუხვაძე. 1844—1848 წლებში ი. რუხვაძე ქართულ მილიციაში მსახურობდა, დაღესტნის ბრძოლებში გმირობაც გამოიჩინა, ჯილდოდ მედალი და 150 მანეთი მიიღო. ეს ახალგაზრდა გლახებში დიდი სიყვარულით, ნდობითა და პატივისცემით სარგებლობდა. ი. რუხვაძემ გაამართლა კიდევ ეს ნდობა. 1852 წ. ერთ ჩვეულებრივ დღეს ქვიტირელი გლახები ი. რუხვაძის მეთაურობით ქუთაისს ჩავიდნენ, საგუბერნიო ხელისუფლებას მოახსენეს, რომ სენატმა ჩვე-

ნი საჩივარი სამართლიანად სცნო და 1851 წ. 18 იანვრის ბრძანებით თავისუფლება მოგვანიჭაო. საგუბერნიო კანცელარიის მოხელეები გლეხებს არწმუნებდნენ, სენატის ასეთი გადაწყვეტილება ჩვენამდე არ მოსულა და ამიტომ უნდა დაიშალოთო. გლეხები დაყინებით იმეორებდნენ, სენატის ბრძანება მოსულია, მაგრამ გვიმალავთო. სამხედრო გუბერნატორმა მკაცრად დატუქსა გლეხები, ი. რუხვაძეს კი უბრძანა გლეხები სოფელში წაიყვანე და ქუთაისში მეორედ აღარ ჩამოიყვანოო.

უკმაყოფილო გლეხები ქვიტირში ბრუნდებოდნენ, რიონის ხილთან მათ თავდაზნაურთა კარგად შეიარაღებულმა რაზმმა გადაუჭრა გზა. ამ რაზმის მიზანი გლეხთა დაშინება და მათი მეთაურის შეპყრობა იყო. მაგრამ ამოდ, ერთგულ გლეხთა დახმარებით ი. რუხვაძემ ბრძოლით გაიკაფა გზა, ქუთაისის მიდამოებს გაეცალა და მალე თბილისში ამოყო თავი. მან სისხლის სამართლის პალატაში აიღო სენატის ბრძანების ასლი და ის ქვიტირში ჩამოიტანა. გლეხები კვლავ ამბობდნენ, ი. რუხვაძის მეთაურობით ისევ ქუთაისს მიაშურეს. საბუთოს გასინჯვის შემდეგ კანცელარიის მოხელეებმა კარზე მომდგარ გლეხებს განუცხადეს, რომ სენატის ეს ბრძანება თქვენ კი არ გეხებათ, არამედ ქვიტირის მკვიდრ სხვა გლეხების თავისუფლებას ადასტურებსო. ი. რუხვაძე მაინც თავისას აშობდა, იმეორებდა — სენატმა ჩვენ თავისუფლება გვიბოძა, ადგილობრივი მოხელეები უმადლეს ბრძანებას არ ასრულებენ და ამიტომ საქმე უსისხლოდ არ დამთავრდებაო.

აღშფოთებული, კეტებით აღჭურვილი ქვიტირელი გლეხები ლაშქრული წყობით მიდიოდნენ ქუთაისის ერთ-ერთ ქუჩაში. გლეხთა ამ რაზმს შემთხვევით მაზრის უფროსი და მისი თანმხლები პირები შეეჩხენ. მაზრის უფროსმა ი. რუხვაძეს ცხენიდან ჩამოქვეითება და გაყოლა მოთხოვა. გლეხთა მეთაურმა კი ბრძანება გასცა — კეტები მხარზეო. ქუთაისის მაზრის მოხელეებს მოეჩვენათ. გლეხებმა თოფები აღმართესო და შეშინებულნი მიიმალნენ.

ქუთაისის გენერალ-გუბერნატორმა გაგარინმა მოგვიანებით გაიგო ქვიტირელთა მიერ ქალაქის „დალანქვრის“ ამბავი. განრისხდა და ბრძანა ურჩი გლეხები აქ მომგვარეთო. ქვიტირში სათანადო დავალებით თავადი ნიჟარაძე ჩავიდა. შეამბოხე გლეხებსა და მათ მეთაურს ურჩია გაგარინთან მორჩილად გამოცხადდითო. ამაზე ქვიტირელებმა უარი თქვეს და გაგარინს თავად ნიჟარაძის ხელით კოლექტიური წერილი გაუგზავნეს. გლეხები დაბეჭითებით აცხადებდნენ სიმართლე ჩვენს მხარეზეა, მოვითხოვთ ერთ კვირაში სენატის ბრძანება გამოგვიჩინოთ,

თავისუფლება დაგვიდასტუროთო. სოფლის დატოვებასა და ერთგულ-
ქვეშევრდომულად ქუთაისს ჩასვლას არ ვაპირებთ, თუ ვინმე აქეთ
გვეწვევა სამტროდ, დაწმუნდება, რომ ქვიტირში ვაუკაცები ცხოვრო-
ბენო.

განრისხებულმა გაგარინმა ქვიტირში ქუთაისის მაზრის უფროსი
გაგზავნა პოლიციელთა რაზმით. იგი დაბა ხონში ჩავიდა, აქედან გა-
მართა მოლაპარაკება ამბოხებულებთან. ქვიტირელები ხონს გამოცხა-
დებაზე დათანხმდნენ, ქუთაისს ჩასვლაზე და მორჩილებაზე უარი
თქვეს. ი. რუხვაძის წინადადებით გლეხები ეკლესიაში შეიკრიბნენ,
ფრცო დადეს „ერთსულოვნებაზე“, ერთად მოქმედებაზე. ამის შემდეგ
კეტებით შეიარაღებული 200 კაცი ხონში ჩავიდა. მაგრამ მათი მოლა-
პარაკება მაზრის უფროსთან უშედეგოდ დამთავრდა. როცა გლეხთა
რაზმმა უკან წასვლა დააპირა, კაზაკებმა იარაღი იშიშვლეს, უპირვე-
ლეს ყოვლისა ი. რუხვაძის შეპყრობა სცადეს. მაგრამ გლეხებმა თა-
ვისი მეთაურის გარშემო მჭიდრო წრე შეკრეს. თვით ი. რუხვაძემ ხმლით
დაქრა კაზაკთა მეთაური და ტყეს მისცა თავი. კაზაკთა ასეულმა 40
გლეხი შეიპყრო, 160 კაცმა ბრძოლით გაიკაფა გზა და ქვიტირში და-
ბრუნდა. მათ კვალდაკვალ მიჰყვა საეგზეუციო რაზმი. მალე თბი-
ლისში შეიპყრეს ი. რუხვაძე და გასასამართლებლად ქუთაისში ჩა-
მოიყვანეს. სასამართლომ ქვიტირელ მემამბოხეთა მეთაურს 10 წლის
კატორღა, ხოლო გამოსვლის ყველაზე აქტიურ მონაწილე 17 გლეხს
ციმბირში სამუდამო გადასახლება მიუსაჯა.

მსჯავრდადებულებმა, როგორც ჩანს, სასჯელის შემსუბუქება მოი-
თხოვეს. ი. რუხვაძის რწმუნებული სათანადო განცხადებაში წერდა
მსჯავრდადებულის სამხედრო დამსახურებაზე, იმასაც აღნიშნავდა,
რომ ი. რუხვაძემ იმერეთში ავაზაკები შეიპყრო, თბილისში დაატყვევა
ზუბალოვის სახლის გამძარცველებიო. მაგრამ ამ საბუთიანობამ უკუ
შედეგი გამოიღო. ქუთაისის გუბერნატორი კოლუბიაკინი მეფის ნა-
ცვალს მოახსენებდა: რუხვაძე დასჯილია არა მარტო მებატონისადმი
დაუმორჩილებლობის გამო, არამედ ადგილობრივ ხელისუფალთა წი-
ნააღმდეგ მოქმედებისათვის. მისი სამსახური მილიციაში, საზრიანობა-
გაბედულების გამოჩენა მტრის წინააღმდეგ ბრძოლაში, რუხვაძის შე-
წყალების საფუძვლად არ გამოდგებაო. პირიქით, ეს მეტ სიფრთხილეს
გვიკარნახებს, ი. რუხვაძის სამშობლოში დაბრუნება საშიშია. მას შეუ-
ძლია ჩვენს საწინააღმდეგოდ გამოიყენოს დიდი ავტორიტეტი და ნდო-

ზა გლეხებისა, რომელთაც მიდრეკილება აქვთ წინააღმდეგობა გაუწიონო მებატონეთა ხელისუფლებას.

კომენტარი ზედმეტია. მეფის მთავრობას დიდი მოხელე ფაქტის კონსტანტაციას ახდენს, კარგად ხედავს, რომ გლეხთა ანტიბატონყმური განწყობილება თანდათან ღვივდება, გლეხთა ამბოხებანი ხშირდება მეფის მთავრობა და მისი მოხელეები ყველა საშუალებას იყენებდნენ ამ მოვლენის აღკვეთისათვის, მაგრამ ამაოდ. ანტიბატონყმური მოძრაობა თანდათან გაფართოვდა, თითქმის მთელი საქართველო მოიცვა, მასობრივი ხასიათი მიიღო.

1850 წ. აჯანყდნენ სოფელ საქაჯიბაოს გლეხები აზნაურ ბოფერიას წინააღმდეგ. სამეგრელოს მთავარმა დავით დადიანმა ურჩი გლეხებისათვის ჭკუის სასწავლებლად დამსჯელი რაზმი გაგზავნა ვამეყ დადიანის ხელმძღვანელობით. ამ უკანასკნელმა სოფელს ჩამოართვა ჭოგი, გლეხთა ბელღები და მარნები დააცარიელა, მაგრამ ამბოხებულნი მორჩილების გზაზე ვერ დააყენა. გლეხები ტყეში გაიხიზნენ, მათ კვალდაკვალ მიჰყვა დამსჯელი რაზმიც. გაიმართა ცხარე ბრძოლა, რომელშიც დამსჯელი რაზმის უფროსი ვ. დადიანი დაიღუპა და რამოდენიმე გლეხი დაიჭრა. ბოლოს და ბოლოს მთავრის შეიარაღებულმა რაზმმა გატეხა გლეხთა წინააღმდეგობა, აჯანყებულთაგან 9 კაცი შეიპყრეს და სათანადოდ დასაჯეს.

საქაჯიბაოს გლეხთა ჯანყი პრელუდია გამოდგა იმ გრანდიოზული აჯანყების, სამეგრელოს გლეხთა დიდო სოციალური ომისა, რომელმაც 1856 წელს იფეთქა.

სამეგრელოს გლეხთა 1856—1857 წლების აჯანყება. კრიმის ომის დროს, როცა ინგლის-საფრანგეთის არმიებმა ალყაში მოაქციეს სევასტოპოლი, ხოლო თურქთა ჯარმა ომარ ფაშას სარდლობით სამეგრელო დაიკავა, ადგილობრივი გლეხობა თავკამოდებოთ იბრძოდა ოქუპანტების წინააღმდეგ, თავისი წვლილი შეიტანა მტრის განადგურება-განდევნაში. მაგრამ სამეგრელოს თავადაზნაურობა არ დაფასა ეს დამსახურება და ომის დამთავრების შემდეგ ზარალის ანაზღაურება გლეხთა ხარჯზე მოიწადინა. ექსპლუატაციის გაძლიერება და მებატონეთა თვითნებობა იყო გლეხთა ამბოხების მიზეზი.

გლეხთა მღელვარება თავდაპირველად დაიწყო სოფელ თამაკონში, სადაც ყმა-გლეხები შეებრძოლენ თავად ჩიქოვანს. მეორე ინციდენტს ადგილი ჰქონდა სალხინოში. თანდათან გაჩნდა აჯანყების რამოდენიმე კერა, დაიწყო გლეხთა დიდი ომი, რომლის სათავეში მოექცნენ უტუ მიქავა, ლევან კვარაცხელია, უტუ და კოჩა თოდუები.

სოფ. სალხინოში გლეხთა მღელვარება გამოიწვია გადამეტებულ-
მა შრომითმა ბეგარამ. სამეგრელოს მთავრის დავით დადიანის ქვრი-
ვი დედოფალი ეკატერინე პეტერბურგს იყო წაბრძანებული, სალხინ-
ოში სასახლის აღდგენის სამუშაოებს სახლთუხუცესი დავით ჩიქო-
ვანი ხელმძღვანელობდა. იგი არავითარ ანგარიშს არ უწევდა გლეხური
მეურნეობის ინტერესებს, მთავრის ყმებს აიძულებდა მთელი კვირე-
ების განმავლობაში ხარ-ურმით ემუშავათ სალხინოს სასახლის მშენე-
ბლობაზე. აღშფოთებული გლეხები ზუგდიდს ჩავიდნენ, გრიგოლ და-
დიანს (გარდაცვლილი მთავრის ძმა) ეახლნენ და ზედმეტი ზეგარისაგან
განთავისუფლება მოითხოვეს. რაკი გრიგოლ დადიანისაგან დადებითი
პასუხი ვერ მიიღეს, გლეხებმა თვითნებურად შეწყვიტეს სასახლის მშე-
ნებლობა. მთავრის სახლთუხუცესმა სალხინოში შეიარაღებული რაზ-
მი გაგზავნა. აჯანყებულმა გლეხებმა დაამარცხეს ეს რაზმი, დაეუფლ-
ნენ არა მარტო სასახლეს, მთელ სოფელსაც. შეშინებულმა დ. ჩიქო-
ვანმა დახმარება გრ. დადიანისაგან გამოითხოვა. ამასობაში აჯანყებუ-
ლთა რაზმი 400 კაცამდე გაიზარდა. მეთაურობა უტუ თოდუამ იკ-ს-
რა. აჯანყებულებმა ხატის წინაშე დადეს ფიცი, რომ ერთსულოვნად,
უღალატოდ იმოქმედებდნენ, ყველა ერთისათვის და ერთი ყველასათ-
ვის იბრძოლებდა. უტუ თოდუამ მოწოდებით, ნიმართა მეზობელი სო-
ფლების (კინია, კურზე, ტალერი, ნაფიჩხიო და სხვ.) გლეხებს იარაღ-
ასხმული აჯანყებულებს შეერთებოდნენ. ამ მოწოდებამ შედეგი გა-
შოიღო. უ. თოდუას რაზმი ათას კაცამდე გაიზარდა, მალე კი 4 ათასს
გადააჭარბა. 1856 წლის დეკემბრისათვის სალიპარტიანო მთლიანად
აჯანყებულთა ხელში აღმოჩნდა.

1857 წლის დამდეგს გლეხთა აჯანყება კიდევ უფრო გაფართოვ-
და. ბატონყმობის წინააღმდეგ საბრძოლველად სამთავრო გლეხებ-
თან ერთად საეკლესიო და საბატონო გლეხებიც აღდგნენ. აჯანყებუ-
ლთა ჯვარის დაჯგუფებას უტუ მიქაეა ჩაუდგა სათავეში. ჯვარელთა
რაზმი გადავიდა სოფელ საჩინოში და წალენჯიხაში, სადაც გლეხთა
ლაშქარს ლევან კვარაცხელია აყალიბებდა. აჯანყებამ მოიცვა ხობის
როგორც მარჯვენა, ისე მარცხენა მხარე. შემდეგ მღელვარება მოედო
საქილაოს, სუჯუნისა და ზუგდიდის რაიონებს, სადაც გლეხობა კოჩა
თოდუამ დარაზმა.

სამეგრელოს ავტონომიური სამთავროს მთელი ტერიტორია აჯან-
ყების აღში გაეხვია, სამეგრელოს გლეხობამ დიდი სოციალური ომი
დაიწყო, მიზნად დაისახა ბატონყმობის მოსპობა, მიწისა და თავისუ-
ფლების მოპოვება. აჯანყება, შართალია, სტიქიურად დაიწყო, მაგრამ

საკმაოდ ორგანიზებული ხასიათი მიიღო. აჯანყების ცალკეული კერები შეერთდნენ, რაზმები გაერთიანდნენ. გაერთიანებული ლაშქრის მეთაურად მჭედელი უტუ მიქავა აირჩიეს, იგი გლეხთა კეისრის ტიტულით შეამკეს. კეისარმა ლაშქარი დაჰყო ათასეულეზად და ასეულეზად, საზოგადოებრივი წესრიგის დაცვისათვის ჩამოყალიბდა სახალხო მილიცია. მთელი სამეგრელოს მასშტაბით მართვა-გამგეობის ფუნქცია განსაკუთრებულ სამმართველოს დაეკისრა.

აჯანყებულთა ლაშქარი და მის მიერ შექმნილი სამმართველო მალე მთელ სამეგრელოს დაეუფლა. 1857 წლის აპრილ-მაისში, როცა აჯანყებამ კულმინაციას მიაღწია, გლეხთა რაზმებმა დაარბიეს თავადაზნაურთა სახლ-კარი სუჯუნის რაიონში. ხობისწყლის მარჯვენა მხარეს მოქმედმა გლეხთა 7-ათასიანმა ლაშქარმა ბრძოლა გაუმართა მებატონეებს და დაიკავა სოფლები — ობუჯი, ჩაქვინჯი, ყულისკარი, კორცხელი, ლედგები, კირცხი, ხიბულა. 12 მაისს კი გარს შემოადგა სამეგრელოს მთავრის რეზიდენციას ზუგდიდს. მთავრის დიდმოხელე ნიკოლოზ დადიანმა, მართალია, სცადა ქალაქის დაცვა, ძალაუფლების შენარჩუნება, მაგრამ მძიმე მარცხი იწვნია. აჯანყებულებმა ზუგდიდი აიღეს. გლეხებმა ფაქტიურად დაამხეს სამეგრელოს მთავრის ხელისუფლება, გაანადგურეს მისი ადმინისტრაცია და პოლიცია. ზუგდიდის დაუფლების შემდეგ აჯანყებულთა ლაშქრის ერთი რაზმი დარჩეულისა და ანაკლიის მიმართულებით წავიდა, მეორემ კი დაიკავა სოფელი ხორგა. აჯანყებულებს გეგმაში ჰქონდათ ნავსადგურისა და ციხე-ქალაქის რედუტკალეს აღება, მაგრამ რუსეთის ცარიზმის კავკასიურმა ადმინისტრაციამ ქალაქში დამატებითი ჯარი გაგზავნა. გლეხთა რაზმმა რუსეთის ჯართან ბრძოლას თავი მოარიდა, ხორგიდან ნოჯიხევში დაბრუნდა და შეუერთდა აჯანყებულთა ძირითად ლაშქარს. რომლის რიცხვმა 1857 წ. მაისში 20 ათასს მიაღწია.

უტუ მიქავა აჯანყების დაწყებამდეც ეწეოდა ბატონყმობის მოსპობის აგიტაციას გლეხობაში და არც თავადაზნაურობას ერადებოდა, გაბედულად უცხადებდა მათ: „თქვენ ყოველთვის არ იქნებით ყმა გლეხის დაუნდობელი ჭირისუფალი, გლეხკაცი ყოველთვის არ იქნება უცოდინარი, თვალახვეული და სხვისი შემყურე მათხოვარი. მომავალი საბოლოოდ მშრომელ კაცს ეკუთვნის. თქვენი უღლისაგან იგი თავს მალე აიხსნის. ბოროტებაზე დაფუძნებული ქვეყანა დღემოკლეა. ის დაიშლება ფეხშიშველი ხალხის ერთიანი სულის შებერვით“.

როცა აჯანყება მთელ სამეგრელოს მოედო და გლეხთა გაერთიანებული ლაშქარი 1857 წ. მაისში მარსილის ველზე შეიყარა, გლეხთა

კვისარმა წარმოთქვა სიტყვა, გამოაცხადა მანიფესტი: „ძმებო და მეგობრებო! ნათელი დღის დაფუძნებისათვის მებრძოლი ურდუმელები აიყარნენ, თავიანთი კერა მიატოვეს, მარსილის მინდორზე შემოიკრიბნენ და თავადაზნაურობას ბრძოლა გამოუცხადეს. ჩვენი გადაწყვეტილება ნტიკეა. აშკარად ვაშობთ — თავგანწირულად მივისწრაფით ბატონყმობის ხავსიანი ციხესიმაგრის დასანგრევად.

თავადაზნაურობა მშრომელ ხალხს არწმუნებს, რომ თითქოს ბატონყმობა ღვთისაგან იყოს გაჩენილი. ყმა ხმაამოუღებლად უნდა ემსახუროს ბატონს, ხოლო ორივე სამშობლოსო. მაგრამ ჩვენ ხომ სამშობლო წაგვართვეს. ყველაფერი ბატონებისაა: სოფლები, ტყეები, მთები, მდინარეები, ცა და ჰაერი. მზეც მათთვის ანათებს. ყოველმხრივ გათარცული ყმის გულში შურისძიების ცეცხლი გიზგიზებს. ადრე თუ გვიან ყველაფერს მშრომელის მარჯვენა დაეუფლება. ჩვენი თავი, ჩვენი არსება ამ საქმისათვის ბრძოლას უნდა შევწიროთ. მრავალი წლის შემდეგ ურდუმელების სამართლიან ბრძოლას პატივითა და დიდებით მოიხსენიებს მომავალი თაობა, რომელიც ნამდვილი ბატონ-პატრონი იქნება თავისი სამშობლოსი.

ძმებო! სიკვდილი გვიჯოშს მონობას. დროა ხელმარჯვედ დავკრათ ბოროტებას და უსამართლობას. ყველანი ერთსულოვნად უნდა დავიარაზმოთ და ბოლომდე ვიბრძოლოთ დაუნდობელი, გაუმაძღარი ბატონების წინააღმდეგ. ყველა ერთისათვის, ერთი ყველასათვის! დაუზოგველად დავკრათ ჩვენს ბატონებს, უარი ვუთხრათ ბატონყმობას“.

აჯანყების მიზანი რომ ბატონყმობის მოსპობა იყო, ეს კარგად ჩანს იმ დროს შექმნილი ხალხური ლექსებიდან, რომელნიც სძლერებად იქცნენ. აჯანყებულნი მღეროდნენ: აბა, აქეთ ძმებო, გლახთა შვილებო, შევერთდეთ და დავამსხვრიოთ ბატონყმური უღელი. შეურიგებლად ვებრძოლოთ დაუნდობელ მტრებს, გლახთა სისხლის მწოველ თავადაზნაურობას. ჩვენ დიდ წარმატებას მივალწიწთ. თავადები დაქერილნი არიან. დადიანები გაიქცნენ. მათ მკაცრი სასჯელი მოელის... აქეთ ძმებო! გლახთა, ძირბუდიანად მოვსპოთ ბატონყმობა.

მიწისა და თავისუფლების მოპოვებისათვის ერთსულოვნად აღმდგარი, საბოლოო გამარჯვებისათვის შემართული სამეგრელოს გლახობის დათრგუნვა სამეგრელოს თავადაზნაურობას საკუთარი ძალით არ შეეძლო. მაღალი წოდება ძრწოლვით ელოდა განკითხვის ჟამს.

სამეგრელოს დედოფალი ეკატერინე დადიანი 1857 წლის აპრილის ბოლოს დაბრუნდა პეტერბურგიდან თბილისს, შემდეგ ქუთაისში ჩამოვიდა და მყისვე დაიწყო მზადება გლახთა „ბუნტის“ ჩასაქრობად. მთა-

ვრის სახელით 30 აპრილს სამეგრელოში გავრცელდა პროკლამაციები. ე. დადიანი ხალხს მოუწოდებდა შეეწყვიტა ჯანყი, წარმომადგენლები გაეგზავნა მასთან მოსალაპარაკებლად. სამთავრო ხელისუფლებას ამ ცდას შედეგი არ მოჰყოლია, რადგან უტუ მიქავა მთავრის პროკლამაციებს თავის მოწოდებებს უპირისპირებდა, გლებთა კეისარი აჯანყებულ გლებებს ურჩევდა უნდობლობა გამოეცხადებინათ მთავრისათვის, განეგრძოთ უსამართლობის წინააღმდეგ ბრძოლა. დედაოფალმა კიდევ სცადა „თავის“ გლებებთან საერთო ენას გამოეხატა, მაგრამ ოდესღაც მორჩილი ყმები ახლა გაურჩინდნენ, უარი თქვეს მთავართან თავის წარმომადგენელთა გაგზავნაზე.

სამეგრელოს მთავარი და თავადაზნაურობა დარწმუნდა, რომ აჯანყებულ და გამარჯვებით გალაღებულ გლებებთან ტკბილი სიტყვით ვერაფერს გახდებოდა. აუცილებელი იყო შეიარაღებული ძალით გლებთა ჯანყის ჩახშობა, მაგრამ ამისათვის საკმარისი ჯარი მათ არ გააჩნდათ და ამიტომ დახმარება სთხოვეს ყოვლად მოწყალე რუსეთის იმპერატორის ადგილობრივ მოხელეებს. მეფის იაცვალის თანაგრძნობით შეხვდა სამეგრელოს მთავრისა და თავადების გასაქირს. მისი ბრძანებით 1857 წლის მაისის ბოლოს ქუთაისის სამხედრო გუბერნატორი კოლუბიაკინი ჯარით შევიდა სამეგრელოში. თავდაპირველად მან ქვაჩიხორი დეიკავა და აქედან ფორსირებულად მარშით დაიძრა ტეხურის საგუშაგოსაკენ. ამ დროს უტუ მიქავა 2 ათასი მოლაშქრით დაბანაკებული იყო თეკლათსა და ნოჯიხევს შორის მდებარე ფართო ველზე. კოლუბიაკინის ჯარის მოახლოებისთანავე უტუმ ბრძანება გაუგზავნა აჯანყებულთა ყველა რაზმებს მისკენ დაძრულიყვნენ. კეისრის ნება შესრულდა. სამეგრელოს მთავრისა და თავადაზნაურობის დასახმარებლად ჩამოსულ გენერალ კოლუბიაკინის ჯარს აჯანყებულმა გლებებმა თავისი 20 ათასიანი ლაშქარი დაუპირისპირეს. გენერალს წარმატებაში ეპკვი შეეპარა და „გლებთა კეისართან“ მოლაპარაკების დაწყება ამკობინა. 20 მაისს მოხდა კოლუბიაკინისა და უტუ მიქავას პირველი შეხვედრა. მოლაპარაკების დროს გლებთა ბელადმა განაცხადა: ერთი წლის წინათ ჩვენს სამშობლოში თურქთა ჯარი შემოიჭრა. მტერმა ყველაფერი დაანგრია, შევლა არსაიდან ჩანდა. რუსეთის ჯარმა სამეგრელო დატოვა, ხოლო მებატონეებმა ქვეყანა და ხალხი კი არ დაიცვეს, არამედ ეს სისხლიანი მომენტიც თავის სასარგებლოდ გამოიყენეს, უამრავი გოგობიჭი დაიტაცეს და ოსმალებზე გაყიდეს. შემდეგ თურქებმა იძულებით უკან დაიხიეს, სამეგრელო დატოვეს; მაგრამ მათხე არანაკლებ მძიმე უღელი ჩვენმა მებატონეებმა დაგვადგეს. თავადაზნაურები ითვისებენ ჩვენს

ნაოფლარს. მათ ჰგონიათ, რომ გლეხს(არც) სმა-ჭამაჟ უნდა და არც ჩაცმა-დახურვა, ყველაფერს გვართმევენ. მებატონეები ყმა გლეხებში ადამიანის სულს არ ხედავენ, მათი რწმენით ჩვენ პირუტყვზე უარესნი ვართ და პირუტყვივით გვეყიდიან. ბატონი თავის ყმას მეზობლის მიმინოში ცვლის, ხოლო მწევარსა და მეძებარში რამოდენიმე კომლს აძლევს. ერთი სიტყვით, თავადაზნაურობისაგან ოთხფეხი ცხოველი უფრო დაფასებულია, ვიდრე ორფეხი ყმა გლეხი. ვისთან გვეჩივლა, ვინ დაგვიცავდა, ვინ დაგვიხსნიდა ამ ჩაგვრა-დამციარებისაგან?

ბოლოს, — განაგრძო უტუ მიქავამ, — ჩამოვიდა დედოფალი, მაგრამ მერე რა? დაგეტუქსა, როგორ გაბედეთ მებატონეთა ურჩობა, მათთვის წინააღმდეგობის გაწევით. რაში გამოიხატება ჩვენი ურჩობა-წინააღმდეგობა? მხოლოდ იმაში, რომ ჩვენს მებატონეებს ჩამოვართვით ჯაჭვები და ხაჯალურები, რომლებითაც ძალიან ხშირად გვაწამებდნენ. მებატონეთა სახლებიდან წამოვიყვანეთ ჩვენი დეი და ქალიშვილები, რომლებსაც ისინი მოახლის სახელწოდებით ხასებად იყენებდნენ, ჩვენ კი ქრისტიანულად დავაქორწინეთ. ჩვენ სამართლიანობის მაძიებელი ხალხი ვართ. მოგვეცით იგი გეხერალო და მაშინვე შეეწყვიტოთ ჯანყს, უსიტყვოთ დაგემორჩილებით.

ამ ვრცელი სიტყვის დამთავრების შემდეგ უტუ მიქავამ მეფის მთავრობის გენერალს წარუდგინა აჯანყებულ გლეხთა კონკრეტული მოთხოვნები:

1. ბატონყმობა უნდა მოისპოს. თავადისა და აზნაურის წოდება არ უნდა არსებობდეს, რადგან ადამიანები ძმებად გაჩნდნენ ამ ქვეყანაზე.
2. თავისუფლებასთან ერთად გლეხობისათვის აუცილებელია მიწა.
3. მებატონეთა თვითნებობაზე დამყარებული ხელისუფლება მოისპოს, შემოდებულ იქნეს კანონიერი მმართველობა.
4. გლეხს უნდა მიეცეს ადამიანური უფლებები და მისი საკუთრების ხელუხლებლობის გარანტია.

გლეხთა ასეთი მოთხოვნებითა და ლოზუნგებით გაოცებული ქუთაისის სამხედრო გუბერნატორი, გენერალი კოლუბიაკინი მეფის ნაცვალს მოახსენებდა: ზოგიერთი იდეა, ხალხში გადასროლილი მოწოდება, აჯანყებას ისეთ მიმართულებას ანიჭებს, რომ მის დასახასიათებლად დასავლეთის რევოლუციური ნომენკლატურა უნდა გამოვიყენოთ.

გენერალმა კოლუბიანიკმა, რომელიც თავის შედარებით მცირე ჯარით აჯანყებულთა მრავალათასიანი ლაშქრისა და ამდენად დიდი საწიშროების წინაშე აღმოჩნდა, შუამავლის როლი გაითამაშა, მხარეების შერიგება იკისრა, სცადა დაერწმუნებინა გლეხები, რომ მოწადინებუ-

ლია დაიცვას ისინი ფეოდალთა თვითნებობისაგან. სინამდვილეში მას აჯანყების ლიკვიდაცია, გლახთა იმ ლაშქრის დაშლა უნდოდა, რომელმაც გადაწყვიტა უმჯობესია ბრძოლაში მოკვდეს, ვიდრე განაგრძოს ტანჯვით ცხოვრება. ასეთი ხალხი კი, გენერლის რწმენით, საფრთხეს უქმნიდა არა მარტო სამეგრელოს მთავრის ხელისუფლებასა და აქაურ მემამულეთა ბატონობას, არამედ მთელ იმპერიაში არსებულ სოციალურ-პოლიტიკურ წყობასაც.

აჯანყებულთა საკმაოდ დიდმა ნაწილმა სარწმუნოდ მიიღო გენერლის კეთილი ზრახვა, დაპირება და დაიშალა. მაგრამ გლეხებმა იარაღი გაწმენდილ-გალესილი შეინახეს იმ შემთხვევისათვის, თუ კოლუბიაკინი გენერლურ სიტყვას გატეხდა და რუსეთის მთავრობა მათ სამართლიან მოთხოვნებს არ შეასრულებდა.

აჯანყებულთა თეკლათ-ნოჯიხევის ბანაკის დაშლა და ისიც დროებით, ჯერ კიდევ არ ნიშნავდა აჯანყების დამთავრებას და მისი ბელადების კაპიტულაციას. კავკასიის ადმინისტრაციის ერთ-ერთი მოხელე მეფისნაცვალ ბარიატინსკის სწერდა: უტუ მიქავანა და მის თანაშემწეთა მოქმედება თავიდანვე ეჭვს იწვევდა. ჰე არ გამძნელებია შემემჩნინა მათი ფარული ზრახვა შეინარჩუნონ გლეხობაში მღელვარების მდგომარეობა იმ შემთხვევისათვის, თუ ჩვენ ვერ გადავწყვეტთ მათი ბატონყმობისაგან განთავისუფლების საკითხს. ქუთაისის გენერალ-გუბერნატორი გაგარინი კი აღიარებდა, რომ გლეხობაში მუდმივად ღვივის და ხშირად პოულობს გამოვლინებას აზრი მეზატონეთა ძალაუფლებისაგან სრული განთავისუფლების შესახებ, რაც ჩვენ არავითარ შემთხვევაში არ შეგვიძლია დავაკმაყოფილოთ.

მეფის მთავრობის დიდ მოხელეთა ასეთ განწყობილებას ინტუიციით ხვდებოდნენ გლეხები და ამიტომ აჯანყება გრძელდებოდა. როცა თავადმა ნიჟარაძემ სცადა სოფ. ეკში გამაგრებულ გლეხებთან მოლაპარაკება, აჯანყებულებმა უარი თქვა უპასუხეს. 1857 წლის 23 მაისს გლახთა რაზმები ეკიდან გავიდნენ, დაიკავეს ნოქალაქევის მალლონი და აქედან აპირებდნენ სოფ. სორტაში შეჭრას. აჯანყებულებმა გააფრთხილეს თავადი ნიჟარაძე, თუ სორტის დაკავების დროს წინააღმდეგობას გაგვიწევ, იძულებული ვიქნებით იარაღით ვიმოქმედოთ. შეშინებულმა თავადმა აქტიური მოქმედება ვერ გაბედა, აჯანყებულებმა 24 მაისს სორტა დაიკავეს, აქედან კი სენაკისაკენ აიღეს გეზი. წინააღმდეგობის გაწევა ვერავინ გაბედა. 3 ათასი აჯანყებული სენაკში შეიჭრა. მღვდელქავთარაძეს ჩამოართვეს ეკლესიის გასაღები და ხალხი ერთგულებაზე დააფიცეს. ბაზარში ყოველგვარ საქონელზე დააწესეს ნიხრი. იმავე ხა-

ნებში აჯანყებულთა მეორე ორი ათასიანხა რაზმმა დაიკავა სოფ. კოტიანეთი. ასე შეიქმნა ქვემო სამეგრელოში მღელვარების ახალი კერა, რაც მოასწავებდა აჯანყების კიდევ უფრო გაფართოებას.

მაგრამ მეფის მთავრობის კავკასიურმა ადმინისტრაციამ აჯანყებულთა წინააღმდეგ აქტიური ოპერაციები განახორციელა. რუსეთის არმიის ბატალიონებმა და სამეგრელოს თავადაზნაურთა რაზმებმა იერიშით აიღეს სენაკი. აჯანყებულებმა ბრძოლით დაიხიეს სოფ. ეკისაკენ. 25 მაისს მთავრობის ჯარები შევიდნენ ზუგდიდში. მაისის ბოლოს სამეგრელოს გლეხთა აჯანყების ჩახშობის ოპერაციებს თვით ქუთაისის გენერალ-გუბერნატორი გაგარინი ჩაუდგა სათავეში. მან სამეგრელოში ჯარის ახალი ნაწილები ჩაიყვანა. აჯანყებულები თავს არიდებდნენ მრავალრიცხოვან და კარგად შეიარაღებულ რუსეთის მთავრობის ჯარებთან შებმას, უბრძოლველად თმობდნენ პოზიციებს, ერთი ადგილიდან მეორეზე გადადიოდნენ, იმედი ჰქონდათ, რომ რუსეთის ჯარი სამეგრელოს დატოვებდა და ამის შემდეგ კვლავ მიეცემოდათ საძულველ მებატონეებთან ანგარიშსწორების შესაძლებლობა.

გლეხთა ეს იმედი არ გამართლდა. მეფის მთავრობის ჯარი სამეგრელოდან წასვლას არ აპირებდა. რაკი ე. დადიანის ხელისუფლება პარალიზებული იყო, გაგარინმა სამეგრელოს რაიონებში ოფიცრები და ჯარის ნაწილები გაგზავნა. მათ დაეველა უწყესრიგობის აღმოფხვრა, გლეხთა მორჩილებაში მოყვანა, ბატონყმობის ნორმების აღდგენა. ამის გამო სამეგრელოს გლეხთა აჯანყება ახალ ფაზაში შევიდა, იგი რუსეთის ცარიზმის წინააღმდეგაც წარიმართა.

1857 წლის ივნისის შუა რიცხვებში აჯანყებულები გააქტიურდნენ ჯვარსა და სალხინოში, საჭილაოში, ხობსა და სუჯუნაში. ქუთაისის გენერალ-გუბერნატორი ვარაუდობდა, რომ ყოველ ამ დასახელებულ პუნქტში თავშეყრილი იყო რამდენიმე ათასი აჯანყებული. მეფის მთავრობის კავკასიური ადმინისტრაციის დიდმოხელენი იმ დასკვნამდე მივიდნენ, რომ სამეგრელოს გლეხთა აჯანყების ჩახშობა მარტო პოლიციელთა და კაზაკთა რაზმებით შეუძლებელი იყო. გადაწყდა სამეგრელოში რეგულარული არმიის მრავალრიცხოვანი ნაწილების გაგზავნა. როცა ეს განზრახვა რეალობად იქცა და სამეგრელოში მთავრობის ჯარის ბატალიონები შეიჭრნენ, ადგილობრივი თავადაზნაურობა გამხნევდა, კვლავ გამოაჩინა აქამდე დაფარული ექსპლუატატორის კლანჭები, გლეხობისაგან მოითხოვა ძველი და ახალი ბეგარა-გადასახადების გაღება. მაგრამ გლეხები წინააღმდეგობას აგრძელებდნენ, ნებით არ

თმობდნენ პოზიციებს. სოფ. ლეწვარწუმეში შეტაკების დროს მეფის ჯარებმა შეიპყრეს რამდენიმე აჯანყებული. ძალისა და რეპრესიების გამოყენებით მალე დააშოშმინეს აჯანყებულთა ჯგუფი მარტილში. სამეგრელოს სხვა პუნქტებში ბრძოლამ გაკვიანურებული ხასიათი მიიღო სამეგრელოს შეშფოთებული დედოფალი რუსეთის დიდ მოხელეებს აცნობებდა, რომ ამჟამად სამეგრელოს მდგომარეობა წინანდელზე უფრო გართულდაო და გადამჭრელი ღონისძიებების გატარებას მოითხოვდა. მაგრამ სამეგრელოს დედოფალს და დადიანების სამთავროს საგვარეულოს საერთოდ უკვე აღარ შეეძლო მოვლენების განვითარებაზე გავლენის მოხდენა. რუსეთის ცარიზმმა გლეხთა აჯანყება საბაბად გამოიყენა და გადაწყვიტა სამეგრელოს ხანმოთეული ავტონომიური სამთავროს გაუქმება. ე. დადიანი მმართველობის სათავეებს ჩამოაშორეს. სამეგრელოში ჩამოყალიბდა დროებითი რუსული მმართველობა.

ამის შემდეგ მეფისნაცვალს და ქუთაისის გუბერნატორს უფრო ენერგიულად ამოქმედდნენ სამეგრელოში. 1857 წ. აგვისტოში მეფის ჯარებისა და აჯანყებულთა დიდი ბრძოლა მოხდა ზუგდიდისა და მარტილის მიდამოებში. მეფის სატრაპებმა დაატყვევეს 303 კაცი, თითქმის ყველა გაროზგეს და ბევრი საპატიმროში ჩასვეს. სოფ. ქვალონში შეტაკების დროს დამსჯელ ექსპედიციას ტყვედ ჩაუვარდა 224 აჯანყებული. 27 აგვისტოს ხეთის ახლოს, ბახუალაის ველზე აჯანყებულები შერემეტიევის ჯარის პირისპირ აღმოჩნდნენ. მეფის მთავრობის გენერალმა აჯანყებულ გლეხებს კატეგორიულად მოსთხოვა უარი ეთქვათ უტუ მიქაეასათვის მიცემულ ფიცზე. ბიტუ ბუჯამ ყველა თანამებრძოლის სახელით განაცხადა, ფიცის დარღვევას სიკვდილი გვიჩვენია, ჩვენს ბელადს არ ვუღალატებთო. შერემეტიევს თავისი ჯარი ეცოტავა და ურჩი გლეხების წინააღმდეგ ბრძოლის დაწყება ვერ გაბედა. აჯანყების ამ კერის ლიკვიდაციისათვის დამატებითი ჯარის ნაწილები გაგზავნეს და გლეხთა წინააღმდეგობა იარაღის ძალით გატეხეს.

1857 წ. სექტემბერში მთავარი მოვლენები ჯვარსა და მის მიმდებარე სოფლებში მოხდა. აქ შეკრებილმა 3 ათასმა აჯანყებულმა მიზნად რუსეთის ცარიზმის სამხედრო დახმარებით გათავხედებულ მემამულეებზე შურისძიება და სენაკში დაპატიმრებულ გლეხთა განთავისუფლება დაისახა. 8—9 სექტემბერს დიდი ბრძოლები მოხდა ქაქვიჩის მიდამოებში. მეფის მთავრობის დამსჯელმა ექსპედიციამ ვერ შეძლო გლეხთა რაზმების განადგურება. ასეთ სიტუაციაში გენერალმა კოლუბიაკინმა წამოაყენა აჯანყებულთა წინააღმდეგ ეგრეთ წოდებ-

ბული „ადმინისტრაციული ლაშქრობის“ მოწყობის იდეა. მეფისნაცვა-
ლმა ეს გეგმა მოიწონა და მისი რეალიზაცია თვით კოლუმბიაკინს და-
ავალა. გენერალ კოლუმბიაკინის ჯარმა ადმინისტრაციული ლაშქრობა
22 სექტემბერს დაიწყო. ქვაშიხორიდან შევიდა ლესიკინეში, გადავიდა
მდ. ხობის მარჯვენა მხარეზე, გაიარა ქაქვიხჯა, ობუჯი. წალენჯიხა და
ჩააღწია ჯვარში. ჯვარელ აჯანყებულთა დასახმარებლად აღსდგნენ ჯგა-
ლის, ნაგურუს და სხვ. სოფლების გლეხები. გადამწყვეტი ბრძოლა 27
სექტემბერს მოხდა. დაიღუპა 30 გლეხი, უფრო მეტი დაიჭრა. კოლუ-
ბიანიკმა ჯვარიდან დამსჯელი რაზმები შეუსია მეზობელ სოფლებს. 28
სექტემბერს მეფის მთავრობის ჯარმა შეიპყრო აჯანყების ბელადი უტუ
მიქავა-ცოტა მოგვიანებით დაატყვევეს უტუ თოდუა და ლევან კვა-
რაცხელია.

1857 წლის ოქტომბერში გენერალ კოლუმბიაკინის ჯარმა გაანადგუ-
რა აჯანყების ცალკეული კერები. სოფ. კინჩხასთან მომხდარი ბრძო-
ლის დროს დაიღუპა 15 აჯანყებული. კიდევ მეტი დაიჭრა, დამსჯელ ექ-
სპედიციას ტყვედ ჩაუვარდა 50 კაცი. დიდი ბრძოლა მოხდა დეკემ-
ბერშიც ბოლო შეტაკებას კი ადგილი ჰქონდა 1858 წ. იანვარში.

სამეგრელოს გლეხთა დიდი ომი დამთავრდა, ანტიბატონყმურმა
აჯანყებამ მარცხი განიცადა. გლეხთა ბელადს უტუ მიქავას და აჯან-
ყების სხვა ხელმძღვანელებს ხანგრძლივი პატიმრობა მიუსაჯეს, 41
კაცი რუსეთის შორეულ გუბერნიებში გადაასახლეს. მაგრამ ყმა-გლე-
ხთა წინააღმდეგობა მიანც ვერ გატეხეს. კლასობრივი ბრძოლა შეცე-
ლილი ფორმით ბატონყმობის გაუქმებამდე გრძელდებოდა.

იმერეთის გლეხთა 1857 წლის აჯანყება. სამეგრელოს გლეხთა
გრანდიოზულმა აჯანყებამ დიდი გავლენა მოახდინა საქართველოს სხვა
კუთხეების გლეხთა განწყობილებაზე, თითქმის ყველგან გამოიწვია
ანტიბატონყმური მოძრაობის აღმავლობა.

სამეგრელოს გლეხთა აჯანყება ჯერ კიდევ გრძელდებოდა, როცა
მეზობელი იმერელი გლეხები აღსდგნენ ბატონყმობის წინააღმდეგ სა-
ბრძოლველად. ბატონყმური ექსპლუატაციის გაძლიერების წინააღმდეგ
პროტესტი განაცხადეს ამაღლებისა და ბაღდადის უბნის გლეხებმა.
1857 წ. 20 ნოემბერს ბაღდადის უბნის საბატონე გლეხები ქუთაისის
გუბერნიის ადმინისტრაციის მისამართით გაგზავნილ საჩივარში სწე-
რდნენ, რომ მებატონეთა მიერ ჩვენს შეწუხებას სათვალავი არ აქვსო;
გვავალდებულებენ ბატონს შინაყმა მივეთო, თუ იგი გადამეტებული
გარჯისაგან ავად გახდა, მაშინ მებატონეს ოჯახის სხვა წევრი უნდა ვა-
ახლოთ, ან ფულადი გადასახადი გავიღოთ. აკრძალული გვაქვს ქალი-

შვილის სურვილისამებრ გათხოვება, ნებართვაში 12—15 მანეთს გვართმევენ. არც ქვრივ ქალზე ჯვარისწერაა აღვილი, ამისათვის მისი ბატონი ხარს ან მის საფასურს ითხოვს. როცა საშეფო ყმები ვიყავით, მღვდის სტუმრობა და სახელმწიფო გადასახადების გაღება ასატანი იყო. მებატონემ კი ბეგარა-გადასახადები ისე გააღიდა, რომ მისი გაღების საშუალება არ გვაქვსო.

აჯანყების მონაწილე ჯამინიკა ხურციძე ჩიოდა: 1851 წელს თავადმა გიორგი ლორთქიფანიძემ საქორწილო ნებართვაში უჩვეულოდ დიდი თანხა—16 მანეთი გადამახდევინა. 1853—1855 წლების ომის დროს ბატონთან ერთად მილიციაში ვმსახურობდი 11 თვეს. მაგრამ მთავრობისაგან დაწესებულ ჯამაგირს—თვეში ხუთ მანეთს ჩემს ნაცვლად ბატონი იღებდა და ითვისებდა. ლაშქრობაში წასვლის წინ კი წამართვა 60 მანეთად ღირებული 10 ფუთი არაყი. მებატონე არ იშლის ჩვენ სახლებში ჩადგომის ძველ ჩვეულებას, კიდევ უფრო ამძიმებს მას. ამ რანდენიმე წლის წინათ თავის ჯალაბით (30 სული) ერთ თვეს ჩავვიდგა ოჯახებში. აურაცხელი ზარალი მოგვაცენა. ჩემი საკუთარი სამი ქალი-შვილი და გარდაცვლილი ძმის სამი ასული მიზის სახლში, მაგრამ ვერცერთი ვერ გამითხოვებია, რადგან ბატონისათვის მისაცემი საქორწილოს გადახდა არ შემიძლიაო.

ეს საჩივრები ცხადყოფს, რომ იმერელ გლეხთა ჯანყის მიზეზი მემამულეთა თვითნებობა, ფეოდალური ექსპლუატაციის კიდევ უფრო გაძლიერება იყო. გლეხობა კარგა ხანს ითმენდა შევიწროებას, ბოლოს გულში იკლავდა. მაგრამ 1857 წელს, როცა შეზობელი სამეგრელოს გლეხობა სამკედრო-სასიცოცხლო ბრძოლას აწარმოებდა მებატონეთა წინააღმდეგ, ზღადადის უბნის ყმა გლეხებმა მორჩილებაზე უარი თქვეს, სამართალი და ადამიანური მოპყრობა მოითხოვეს. გლეხთა მღელვარება სოფ. დიშში დაიწყო. მისი უშუალო მიზეზი გახდა თავად ბეჟან ჩხეიძის განკარგულება ყმა გლეხ კვირიკაძეების მამა-პაპეული ადგილებიდან სხვაგან გადასახლების თაობაზე. ბატონის ასეთმა ძალადობამ მარტო კვირიკაძეების გულისწყრომა როდი გამოიწვია. აღშფოთება არც მეზობელი სოფლების გლეხებს დაუმაღავს, მათ გადაწყვიტეს ჩაეშალათ ბატონის განზრახვა, მისი თვითნებობისაგან დაეცვათ სოციალური თანამოძმენი. მდგომარეობის გარკვევისა და სამოქმედო გეგმის დასახვის მიზნით გლეხები კიკოლა კვირიკაძის სახლში მივიდნენ და ეს უკანასკნელი საბრძოლველად შემართული იხილეს. კიკოლამ გლეხთა ამ შეკრებაზე განაცხადა, ძალადობას ქედი არ უნდა მოვუხაროთო. თუ შევერთდებით და ერთბირად ვიქნებით, არ დავემო-

ჩნილებით მებატონეებს, არ შეეასრულებთ მათ უკანონო მოთხოვნებს, მთავრობა იძულებული გახდება ყურადღება მოგვამციოს, შეზღუდოს თავდაზნაურთა გადამეტებული მოთხოვნები და შეიძლება ყმობიდან სრულ განთავისუფლებასაც მივაღწიოთო. შეკრების მონაწილეებმა მოიწონეს კიკოლა კვირიკაძის სამოქმედო გეგმა და მის მოწოდებაზე თანხმობა ფიცით დაადასტურეს. მეორე დღეს, 1857 წ. 17 ნოემბერს ბაღდადის უბნის გლეხებმა თავიანთი წარმომადგენლები პავლე ჭრიალაშვილი და ქრისტესა გუმბერიძე ამაღლების უბანში გაგზავნეს და იქაურ გლეხებს მებატონეთა წინააღმდეგ ბრძოლისაკენ მოუწოდეს. ბაღდადე-ლთა ამ გამოწვევას მხურვალედ გამოეხმაურენ გადიდის, ონჯოხეთის, დვალისელების, უხუთის, ზენიშნის, ციხისუბნის და ზოგი სხვა სოფლის გლეხებო. რამდენიმე დღეში იარალი აისხა ამაღლების უბნის 400-მდე გლეხმა და უხუთის მახლობლად მდებარე ტყეში დაბანაკდა. დაი-სახა მღელვარების ორივე კერას გაერთიანების პერსპექტივა.

ქუთაისის მაზრის უფროსმა მიზანდაროვმა გლეხთა საექვო თავყრილობის შესახებ ცნობა 18 ნოემბერს მიიღო და მცირე რაზმით მყისვე დაიძრა უხუთისაკენ, სადაც ამაღლების გლეხთა რაზმი იყო გაზაგრებული. „საზოგადოებრივი წესრიგის“ დარღვევით განრისხებულმა მაზრის უფროსმა გლეხებს ჰკითხა, რამ გაიძულათ მოთმინებ-ს ზღუდე გადაგელახათ და იარალი აგესხათო. გლეხთა წარმომადგენლებმა ერთხმად განაცხადეს, ამის მიზეზი მემამულეთა თავგასულობა, საბატონო გადასახადების სიმძიმეაო. მიზანდაროვმა გლეხთა დაშოშმინება ტყბილი სიტყვით და დარცეებით სცადა, დაიშალებო, მშვიდობიანი შრომა ვანახლეთ, მხოლოდ აწის შემდეგ დაკმაყოფილდება თქვენი სამართლიანი მოთხოვნილებებიო. მაგრამ გლეხები უნდობლად მოეკიდნენ მაზრის უფროსის დაპირებას, მათ მტკიცედ განაცხადეს, ჩვენ მხოლოდ მაშინ დავყრით იარალს, როცა მთავრობა ბოლოს მოულებს მებატონეთა თვითნებობას, შრომისა და ცხოვრების ნორმალურ პირობებს შეგვიქმნისო.

რაკი მაზრის უფროსი ვერაფერს გახდა, გლეხთა მღელვარების აღკვეთის არც თუ იოლი ნაქმე ქუთაისის სამხედრო გუბერნატორმა პოლკოვნიკმა ივანოვმა იტვირთა. იგი რეგულარული ჯარის ნაწილებით სწრაფად დაიძრა უხუთისაკენ. პოლკოვნიკს ადგილობრივ თავდაზნაურთა 300-კაციანი რაზმიც აედევნა, მასაც სურდა ჰქუა ესწავლებინა გათავებდებული და აჯანყების გზაზე დამდგარი გლეხებისათვის. პოლკოვნიკმა ივანოვმა გლეხებს დაუყოვნებლივ დაშლა და მორჩილება

მოსთხოვა. გლეხებს დაშლა და იარაღის დაყრა არც უფიქრიათ. აჯანყებულებმა თავიანთი მოთხოვნილებები ჩამოაყალიბეს და პოლკოვნიკს ეუბნებოდნენ. ივანოვმა გლეხთა წარმომადგენლებს არ მოუსმინა, არც აჯანყებულთა მოთხოვნილებებს ჩახედა. მან მოციქულს უბრძანა, დაბრუნდი გამომგზავნელებთან და უთხარი მათ, რომ მოთხოვნილებათა განხილვა-დაკმაყოფილების მხოლოდ კანონიერ გზას ვცნობთ. მთავრობა ანგარ-შს არ გაუწევს ამდელვარებულ ბრბოს ყვირილს და იარაღით ხელში წამოყენებულ მოთხოვნილებებს. სჯობს დაიშალონ, თავიანთ სახლებში დაბრუნდნენ და განაახლონ ჩვეულებრივი საქმიანობა.

მაგრამ ეს ულტიმატური მოთხოვნა გლეხებმა არ შეასრულეს. აჯანყების არეალის გაფართოების შიშით შეპყრობილი გუბერნატორი იძულებული გახდა მიეღო აჯანყებულთა წარმომადგე ^მ და მის მხერ მოტანილი წერილობითი საჩივარიც გადაეკითხა. პოლკოვნიკმა ივანოვმა პირობა მისცა გლეხთა რწმუნებულებს, რომ მათი ყველა კანონიერი მოთხოვნა დაკმაყოფილდებოდა, მაგრამ წინასწარ სრულ მოაჩილება მოითხოვა. გლეხთა მეთაურებმა იმსჯილეს შექმნილ-სიტუაცი-აზე, მეფის მთავრობის რეგულარული ჯარის ნაწილთან შებრძოლება უპერსპექტივოდ მიიჩნიეს. აჯანყებულთა რაზმმა ბრძოლას თავი აარი-ლა და დაშალა.

ამის შემდეგ ქუთაისის გუბერნიის ადმინისტრაციამ მიზანში ამო-ილო ბაღდადის უბანში არსებული მღელვარების კერა. ამ მიმართუ-ლებით ქუთაისის მაზრის უფროსის მოადგილე ბაქრაძე გაიგზავნა. კაზა-კთა რაზმითა და ორი ქვემეხით. ბაღდადის უბნელებმა, როგორც ჩანს. გაიგეს ამაღლების უბნის გლეხთა რაზმის დაშლის ამბავი და ვეღარ გა-ბედეს წინააღმდეგობის გაწევა. ბაქრაძემ შედარებით ადვილად შეძლო აქ შეკრებილ გლეხთა რაზმის გაფანტვა, ბაღდადის საპოლიციო უბან-ში „წესრიგის“ დამყარება.

ასე დამთავრდა იმერეთის გლეხთა საკმაოდ მასობრივი აჯანყება, მთავრობის ადგილობრივმა ადმინისტრაციამ აჯანყების მეთაურები და წამქეზებლები დააპატიმრა. ოთხს ხუთი წლით, ხოლო თორმეტს სამი წლით შორეულ გუბერნიებში გადასახლება მიუსაჯა.

სამეგრელოსა და იმერეთის აჯანყებათა მასშტაბის გამოსვლებს 1858—1861 წლებში ადგილი აღარ ჰქონია, საქართველოში თითქოს „მშვიდობა“ სუფევდა. მაგრამ სინამდვილეში კლასობრივი ბრძოლა სუ-ლაც არ შენელებულა, გლეხობა მიწისა და თავისუფლებისათვის ბრძო-ლას აგრძელებდა. 1858 წ. ყურნალ „ცისკარში“ დაიბეჭდა რუსეთის იმპერატორ ალექსანდრე მეორის მიერ მოსკოვის თავადაზნაურთა კრე-

ზაზე წარმოთქმული სიტყვის ქართული თარგმანი, რამაც ყმა გლეხობას განთავისუფლების იმედი ჩაუსახა და მის ბრძოლას თითქოსდა „კანონიერი“ საფუძველი შეუქმნა. უშუალო მწარმოებელი მასა უარს ამბობდა ბეგარა-გადასახადებზე. გახშირდა ყმა გლეხთა ურჩობის ფაქტები. კლასობრივი ბრძოლის ამ ფორმით გორის მაზრა გამოირჩეოდა. შიდა ქართლის თავადაზნაურთა თითქმის ყველა მამულს აგრარული მლეღვარების ალი მოედო. 1858 წელს საბატონო ბეგარა-გადასახადებზე უარი თქვეს თავად ამირეჯიბის ყმებმა (სოფ. აბისი). მომდევნო წელს ურჩობის გზაზე დადგნენ ქსნის ხეობაში მობინადრე ერისთავის გლეხები. 1859 წ. მლეღვარებამ თავი იჩინა თავად მაჩაბლების მამულებში. მლეღვარება თანდათან გაფართოვდა და მოედო 60 სოფელს (ქარელი, ყინწვისი, ა.პო, აჯამეთი, ვანთა, ვანური, მხურვალეთი და სხვ.). ამავე ხანებში მებატონე ავალიშვილების, ამილახვარების, თავთაქიძეების, ერისთავების და მაჩაბლების წინააღმდეგ აქტიურად გამოვიდნენ ფხვენიის, ბრეთის, ხეთის, გოგიეთის, კავთისხევის და სხვა სოფლების გლეხები. აღნიშნულ წლებში თითქმის არ დარჩენილა არც ერთი სოფელი, რომლის გლეხებსაც ამა თუ იმ ფორმით მონაწილეობა არ მიეღოთ ანტიბატონეშურ მოძრაობაში.

გურიის გლეხთა 1862 წლის აჯანყება. 1862 წ. გლეხთა მასობრივი გამოსვლები სამეგრის მოხდა გურიაში. გურიის გლეხთა პირველ მლეღვარებას ადგილი ჰქონდა მარტის თვეში. ამასთან დაკავშირებით ქუთაისის გენერალ-გუბერნატორი კოლუბიაკინი მეფისნაცვლის მთავარ სამმართველოს მოახსენებდა: გურიის გლეხები ხშირად აწყობენ მანიფესტაციებს მებატონეთა წინააღმდეგ. ისინი ინდივიდუალურად და ჯგუფურად ჩივიან თავდაზნაურთა ძალადობის გამო და მოითხოვენ ბეგარა-გადასახადების შემცირებას. უკანასკნელი მანიფესტაცია კი, რომელიც ოზურგეთის მაზრის გურიანთის საპოლიციო უბნის გლეხებმა მოაწყვეს მარტის დასაწყისში, უფრო ფართო მასშტაბისა იყო და მასში 200-მდე შეიარაღებული კაცი მონაწილეობდა. შემთხვევის ადგილზე მაზრის უფროსის დროზე გამოცხადებამ, მისმა ენერგიულმა მოქმედებამ, კეთილგონიერმა შთაგონებამ იმის შესახებ, რომ კანონი მფარველობს ყველა უსამართლოდ დაჩაგრულს და კატეგორიულად კრძალავს თვითნებური მანიფესტაციების მოწყობას, სასურველი ზემოქმედება მოახდინა გლეხებზე და ისინი სწრაფად დაიშალნენ. ასევე განიმუხტა დაძაბული სიტუაცია ლანჩხუთის საპოლიციო უბანში, სადაც მაზრის უფროსმა შეძლო მეზატონეთა და ყმა გლეხთა მოჩივება ბეგარა-გადასახადთა ზომის თაობაზე.

გურიის გლეხთა მარტის თვეში ამტყდარი ჯანყი უსისხლოდ დამთავრდა. როგორც ჩანს, გლეხებზე იმოქმედა არა მაზრის უფროსის „კეთილგონიერულმა შთაგონებამ“, არამედ იარაღის ძალამ.

გურიის გლეხთა მეორე გამოსვლა იმავე წლის აგვისტოს თვეში მოხდა. ამჯერად ბატონყმობის წინააღმდეგ იარაღასმული გამოვიდნენ გურიელებისა და ნაკაშიძეების გლეხები. მღელვარებამ მოიცვა ბახვი, შემოქმედი, გოგოლეთი, აჭი, ლიხაური, გურიანთა, კახური, მაკვანეთი, სუფსა და სხვა სოფლები. აჯანყებაში მონაწილეთა ერთი ჯგუფი შემოქმედის მონასტრის მიდამოებში დაბანაკდა, მეორეჯი გურიანთაში. ქუთაისის გუბერნიის ადმინისტრაცია შეშფოთდა, ენერგიულად ამოქმედდა. ურჩი გლეხების მოსათვინიერებლად დამსჯელი ექსპედიცია გაიგზავნა ქუთაისის სამოქალაქო გუბერნატორის იზიუმსკისა და ოზურგეთის მაზრის უფროსის პრინცის მეთაურობით. ისინი თავდაპირველად შემოქმედს მიადგნენ, მშვიდობიანი მოლაპარაკებით სცადეს აქ შეკრებილ აჯანყებულთა დაშლა-განარაღება. გლეხთა ბანაკში გარკვეული მისიით მაზრის უფროსის თანაშემწე ბაქრაძე გაიგზავნა. მან აჯანყებულებს გადასცა გუბერნატორის რჩევა, არსებითად ბრძანება — დაშლილიყვნენ და „კანონიერი“ გზით ეძიათ სამართალი. გლეხებმა გუბერნატორის ბრძანება არაფრად ჩააგდეს, განაცხადეს, რომ ხელმწიფის გარდა არავის არ დაემორჩილებიან, ვიდრე მათი ადამიანური მოთხოვნები არ იქნება დაკმაყოფილებული.

განრისხებულმა გუბერნატორმა აჯანყებულთა ბანაკს შტაბს-კაპიტანი პრინცი, საპოლიცოო უზნის უფროსი ბერაძე და შეიარაღებული რაზმი მიუსია. დამსჯელი ექსპედიცია შემოქმედის მონასტრის გალავანში შევიდა, სადაც მას თოფებითა და კეტებით შეიარაღებული 300 კაცი დახვდა. პრინცმა მათ კეტების გადაგდება და თოფების ეკლესიის კუთხეში დალაგება მოსთხოვა. შემდეგ კი აუხსნა გლეხებს, რომ უნებართვო შეკრება და მითუმეტეს შეიარაღებული, აკრძალულია კანონით. მომახსენეთ რა პრეტენზიები გაქვთ მემამულეთა მიმართ და დაიშალეთ. გლეხებმა განაცხადეს, რომ მანამდე არ დაიშლებიან, ვიდრე მათ მოთხოვნებს არ დააკმაყოფილებენ, ვიდრე მებატონეთა დამოკიდებულებისაგან არ გაანთავისუფლებენ.

გლეხთა სიმტკიცემ გუბერნატორი აიძულა უშუალოდ ჩადგომოდა სათავეში აჯანყებულთა წინააღმდეგ გაშლილ საბრძოლო ოპერაციებს. იგი ჯარის უფრო მრავალრიცხოვანი ნაწილით დაიძრა შემოქმედისაკენ. მოხდა მეფის მთავრობის წარმომადგენლისა და აჯანყებულ გლეხთა

მეთაურების შეხვედრა. გლეხებმა ილაპარაკეს მემამულეთა სიმკაცრე-თვითნებობაზე, გადასახადების გადამეტებით მოთხოვნაზე, თავის სილა-ტაქე-გაჭირვებაზე, რამაც ისინი აიძულა აჯანყებით გამოეთქვათ უკმა-ყოფილება, რათა ამით მიეპყროთ მაღალ ხელისუფალთა ყურადღებ-გუბერნატორმა, თითქოს ყურადღებით მოისმინა გლეხთა საჩივარი, და-ხმარებაც აღუთქვა მათ, მაგრამ იმ პირობით, თუ აჯანყებულნი დაიშლე-ბოდნენ და მშვიდობიან შრომა-საქმიანობას დაუბრუნდებოდნენ. ურჩო-ბის გაგრძელების შემთხვევაში იგი მკაცრი ზომების მიღებით იმუქრე-ბოდა. გუბერნატორის დაპირება-მუჭარაზე მეტად, აჯანყებულებზე მრ-ავალრიცხოვანმა და კარგად შეიარაღებულმა დამსჯელმა რაზმმა მოახდი-ნა გავლენა, ისინი მოერიდნენ უთანასწორო ბრძოლას და დაიშლნენ.

აჯანყებულთა მეორე დაჯგუფება უფრო მრავალრიცხოვანი იყო. გურიანთაში შეგორვდა რამოდენიმე სოფლის 500-მდე გლეხი და საფრ-თხე შეუქმნა მებატონეთა უძრავ-მოდრავ ქონებასა და თვით სიცოცხ-ლესაც კი. ქუთაისის სამოქალაქო გუბერნატორმა გურიანთისა და სო-ფელ გოგოლეთისაკენ (სადაც აგრეთვე დაიწყო მღელვარება) ჯარისკა-ცთა ასეული და კახაკთა რაზმი გაგზავნა, ამ ნაწილების მეთაურ ბაქ-რაძეს ებრძანა შეეჩერებინა სუფსის მიმართულებით აჯანყებულთა სვლა და შეეკრა სოფ. კახურიდან ბაილეთისაკენ მიმავალი გზა. ბაქრაძემ, როგორც ჩანს, ვერ შეასრულა დავალება. აჯანყების ლიკვიდაცია თვით ქუთაისის გენერალ-გუბერნატორმა კოლუბიაკინმა ითავა. იგი გურიაში 1862 წლის 11 აგვისტოს ჩავიდა, დარწმუნდა, რომ იქ ადგილი ჰქონდა არა უბრალო მღელვარებასა და მომენტალურ აფეთქებას, არამედ ხან-გრძლივი დროის განმავლობაში დაგროვილი ბოღმის გამომხატველ შე-თქმულება-აჯანყებას, რომლის ჩახშობა არც ისე ადვილი იყო. აჯანყე-ბის ლოკალიზაციის მიზნით კოლუბიაკინმა სხვადასხვა პუნქტებში ჯა-რის ნაწილები ჩააყენა, ენერგიული მოქმედებით შიშის ზარი დასცა სო-ფლებს, რის შემდეგაც აჯანყებულთა მთავარ ბანაკში თავადი შერვაში-ძე გაგზავნა, დაავალა მას ტყილი სიტყვით, რჩევა-დარიგებით დაეყო-ლიებინა გლეხები ამბოხის შეწყვეტაზე. გლეხებმა ჩათრევას ჩაყოლა ამჯობინეს, „ირწმუნეს“ გუბერნატორისა და შერვაშიძის დაპირებათა ქვეშარიტება და მართლაც დაიშლნენ. მაგრამ კოლუბიაკინმა რეპრე-სიებისაგან თავი მაინც ვერ შეიკავა, დააპატიმრა აჯანყების მეთაურე-ბი — მაქსიმე ლლონტი, ალექსანდრე მამულაშვილი, მაქსიმე საღრაძე, გოგია მამინაიშვილი, ლევან მალაზონია, ნიკო ბაქანიძე, ივანე გუჯაბიძე და ანტონ მოისწრაფიშვილი.

გურიის გლეხთა მესამე გამოსვლა იმავე წლის სექტემბერ-ოქტომბერში მოხდა. აჯანყდნენ თავად მაჭუტაძეთა ყმები. ამის უშუალო მიზეზი მებატონის მიერ გლეხებისათვის ტყით სარგებლობის აკრძალვა იყო, გლეხები ტყეს იყენებდნენ არა მარტო საშენ-საწვავი მასალის მისაღებად, არამედ საყანე ადგილებდაც. მტრე მიწიანი და უმიწაწყო ყმა გლეხები მაჭუტაძის ტყეში ახოებს ტეხდნენ, სიმინდს თესდნენ, ოდნავ მაინც იუმჯობესებდნენ თავის ეკონომიურ მდგომარეობას. მაჭუტაძეებმა, რომელნიც ტყეს თავიანთ საკუთრებად თვლიდნენ, გლეხთა „თვითნებობა“ ვერ აიტანეს, ტყით ამგვარი სარგებლობა აუკრძალეს, ხოლო უკვე გატეხილი ახოებიდან ღალა მოითხოვეს. პოლიციის დახმარებით მებატონეები კიდევ კრეფდნენ ღალას, მაგრამ ბოლოს გლეხები გაჯიქდნენ და უარი თქვეს თავის მძიმე შრომით გატეხილ ახოებიდან მოსავლის წილის გაღებაზე.

მაჭუტაძეებმა დახმარებისათვის კვლავ ხელისუფლებას მიმართეს. 1862 წ. მარტში პოლიციის მოხელეებმა გლეხები კატეგორიულად გააფრთხილეს, აღარ გაეხდათ ტყის თვითნებური გაჩეხვა და ხე-ტყის გამოტანა, ახოების გაკეთება. მაგრამ გლეხები თავისას აგრძელებდნენ. საქმეში მაზრის უფროსი ჩაერია, გლეხებს შემამულეთა წინაშე მოვალეობის შესრულება უბრძანა. ამასთან, მან თავი მოუყარა ნიგოთის, ჭიონავარის და ქვიანის მკვიდრთ, გამოუცხადა მათ, თუ ტყით უნებართვოდ სარგებლობას არ შეწყვეტთ და გატეხილი ახოებიდან მოსავლის მეთედს არ გადაიხდით, მკაცრად დაისჯებითო. მებატონეთათვის სასურველი შედეგი არც ამ ღონისძიებას მოჰყოლია. ამის შემდეგ პრინცმა ნიგოთში თავის ხელქვეითი მოხელე ყენია გაგზავნა შეიარაღებული რაზმით. მაჭუტაძეების კუთვნილი ღალის აკრეფა დაავალა მას. ყენიამ სასწრაფოდ შეკრიბა გლეხობა. მაზრის უფროსის ბრძანება გააცნო და მორჩილებისაკენ მოუწოდა. საპასუხოდ გლეხებმა განაცხადეს, რომ ღალის არაკანონიერად მოთხოვნის თაობაზე ქუთაისის გენერალ-გუბერნატორთან საჩივარი გვაქვს შეტანილი და მის გარჩევამდე თავს ვიკავებთ მოსავლის მეთედი ნაწილის გადახდისაგანო.

ამ გაუთავებელ დავაში მღვდელი ბესარიონ კალანდარიშვილიც ჩაერია, მაგრამ ვერც მან დაითანხმა გლეხები მორჩილებაზე. სამაზრო ხელისუფლების წარმომადგენელი თავისას მაინც არ იშლიდა, გლეხებს ემუქრებოდა, თუ ნებით არ გადაიხდით გადასახადს ძალით წავიღებთო. როცა ძალის გამოყენება მართლაც სცადა, გლეხების მოთმინების ფიალა აივსო და მათ ხელჩართული ბრძოლა გაუმართეს ყენიასა და მის რაზმს. შეტაკებისას დაიჭრნენ ყენია, აზნაურები — ბ. მეღქაძე

ლ. ჟორდანიას, ნ. ეპარალიძე, გლეხები — ბესო მინაძე, ბესეიშვილი და სხვები.

ამ ბრძოლის შემდეგ ნიგოთის თვით მაზრის უფროსი პრინცი ეწვია, 13 ოქტომბერს გლეხები ერთ მინდორზე შეკყარა და მათთან მოსალაპარაკებლად თავადი შარვაშიძე მიგზავნა. გლეხებმა თავი აარიდეს თავადთან შეხვედრას, დემონსტრატიულად დატოვეს შეკრების ადგილი და ტყეს შეაფარეს თავი. აქ მათ თვით მაზრის უფროსი გამოეცხადა, ჭკბილი სიტყვით და დარიგებით სცადა გლეხთა მოთვინიერება. პროტესტის ნიშნად გლეხებმა ყვირილი ატეხეს, პრინცს ლაპარაკის საშუალებაც კი არ მისცეს. განრისხებულმა მაზრის უფროსმა დამატებითი შეიარაღებული ძალა გამოიძახა და გლეხთა მკაცრად დასჯის გეგმაც შეიძუშავა. რამდენიმე დღეში პრინცმა „წესრიგი“ დააყარა. აჯანყების ხელმძღვანელები და წამქეზებელნი — გრიგოლ, ბიჭია, ივანე და კაკაბა კალანდარიშვილები, გურგენ ნარსია, ივანე მანჯგალაძე, მაქსიმე გოგიშვილი, გიორგი თავდიშვილი, ბიჭია ფირცხალაიშვილი, დიანოზ ფილია და სხვები დააპატიმრა და ქუთაისის ციხეში ჩასვა. ადრე დაპატიმრებულნი კი თბილისში გაგზავნა.

1863 წ. გლეხთა აჯანყებამ კვლავ იფეთქა სამეგრელოში. მართალია, მასში მარტო სოფ. თამაკონის მკვიდრნი, თავად ჩიქოვანის ყმები მონაწილეობდნენ და ამდენად იზოლირებულ ხასიათს ატარებდა; მაგრამ ეს ჭანყიც ერთ მნიშვნელოვან ფურცლად ჩაიწერა გლეხთა განმათავისუფლებელი ბრძოლის მატრიანეში.

თავად ჩიქოვანსა და მის ყმებს შორის დიდი ხნის განმავლობაში გრძელდებოდა დაძაბული ურთიერთობა. თავდაპირველად ჭანაშიებისა და ფაცაციების 5 კომლი ბატონს წლიურად 400 კოკა ღვინოსა და 10 ლორს უხდიდა. დროთა განმავლობაში, მართალია, 5 კომლი 23 კომლად ექცა, მაგრამ მემამულეს გამოყოფილი ოჯახებისათვის დამატებითი მიწა არ მიუცია და ამიტომ სააღათო სამართლის ძალით გადასახადის მომატების უფლება არ ჰქონდა. მიუხედავად ამისა თავადმა ამ გლეხებს 460 კოკა ღვინო და 46 ლორი შეაწერა. ამაზე ატყდა დავა, რაც ორაათეული წელი გაგრძელდა. რაკი სამართალი ვერ იპოვნეს, თამაკონელმა გლეხებმა თვითნებურად შეწყვიტეს გადასახადების გაღება და თან თხოვნა-საჩივარი წარადგინეს სენაკის სამაზრო ხელისუფლებაში. ისინი აყენებდნენ საკითხს არა მარტო ბეგარა-გადასახადების შემცირების, არამედ ჩიქოვანის ბატონობისაგან განთავისუფლების შესახებ. ჯერ სამეგრელოს მმართველობამ და შემდეგ ქუთაისის გენერალ-გუბერნატორმა გლეხთა მოთხოვნა უსაფუძვლოდ მიიჩნიეს. გლეხთა სასარგებლოდ სა-

კითხი არც მეფის ნაცვალს მიხეილ რომანოვს გადაუწყვეტია. გლეხები არ დამორჩილდნენ მეფის მთავრობის მოხელეთა ბრძანება-განკარგულებებს. მათ ფიცი დადეს ერთმანეთთან, რომ საბატონო გადასახადი არ გაეღოთ, ჩიქოვანის ყმობაზე უარი ეთქვათ, ხოლო რკპრესიების შემთხვევაში წინააღმდეგობა გაეწიათ ბატონისა და მთავრობის მოხელეებისათვის.

განრისხებულმა მემამულემ, მუქარა-დაშინებით რომ ვერაფერს მიადღწია, სენაკის მაზრის უფროსი ბოროზდინი დაიხმარა. ბოროზდინმა თამაკონში თავის თანაშემწე ნანეიშვილი და შეიარაღებული რაზმი გაგზავნა. ნანეიშვილმა გლეხებს გონს მოსვლა და მორჩილება ურჩია. გლეხებმა განაცხადეს, რომ დამორჩილებას არ აპირებენ, ელოდებიან თავიანთ მეორე საჩივარზე მეფის ნაცვლის პასუხს. ნანეიშვილმა ძალას მიმართა, კახაკებითა და თავადაზნაურთა რაზმით აჯანყებულთა ბანაკისაკენ წავიდა. გლეხებმა შენიშნეს დაუპატარებელი სტუმრები, გააფრთხილეს, ურჩიეს მათ უკან გაბრუნებულიყვნენ, მაგრამ ნანეიშვილი დაინებით ცდილობდა მაზრის უფროსის დავალების შესრულებას. თამაკონელმა გლეხებმა სამაზრო პოლიციის ამ ერთგულ მოხელეს სროლა აუტეხეს, კახაკებმაც მიიღეს გამოწვევა და გაიმართა ხელჩართული ბრძოლა. დამსჯელი ექსპედიცია, რომელმაც ადგილზე დატოვა ერთი მოკლული და ორი დაჭრილი, ბრძოლის ველს გაეცალა და ხელმოცართული დაბრუნდა სენაკში.

მომხდარმა ფაქტმა საგონებელში ჩააგდო სამეგრელოს მმართველი და ქუთაისის საგუბერნიო ადმინისტრაცია. მათ ამჯერად 150—200 აჯანყებული წინააღმდეგ 800-კაციანი სამხედრო ნაწილი და თავადაზნაურთა რაზმი გაგზავნეს. ბოროზდინმა, რომელიც პირადად ხელმძღვანელობდა დამსჯელი ექსპედიციის მოქმედებას, გლეხებს თავისი წარმომადგენლები მიუგზავნა, დაუყოვნებლივ დაშლა და აჯანყების მეთაურთა გაცემა მოითხოვა. გლეხებმა დაშლა-დამორჩილებაზე უარი განაცხადეს. განრისხებულმა სენაკის მაზრის უფროსმა გლეხთა მკაცრად დასჯა გადაწყვიტა. მისი ბრძანებით სოფელ თამაკონს, რომლის მოსახლეობა კარზე მომდგარი საშიშროების გამო მთაში გაიხიზნა, შეიარაღებული რაზმები შეესია, აჯანყებულთა სახლებს ცეცხლი წაუტიდეს, მთილი სოფელი გადაწვეს და გააპარტახეს, შინაური პირუტყვი გაირეკეს და მაზრის ცენტრში დაბრუნდნენ.

უხეშმა ძალამ და რეპრესიებმა თავისი გაატანა. გლეხები დარწმუნდნენ უთანასწორო ბრძოლაში წარმატებას რომ ვერ მიადღწევდნენ და

მთავრობასთან შერიგების გზას დაადგინენ. მათ ბოროზდინს აცნობეს, რომ იარაღს ყრიან და მშვიდობიან შრომას უბრუნდებიან.

მორჩილების გამოცხადებით გლეხებმა რეპრესიები თავიდან ვერ აცილეს. აღმინისტრაციამ 30—40 კაცი დააპატიმრა. მათგან ხუთი დასამართლებამდე წაპატიმროში გარდაიცვალა, 13 დასამართლებუჭლიდან რამდენიმეს ჩამოხრჩობა, სხვებს კი ციმბირს გადასახლება მიუხსაჯეს. ასე მკაცრად გაუსწორდა მეფის მთავრობის აღმინისტრაცია თავისუფლებისათვის მებრძოლ გლეხებს.

მეფის მთავრობის მოხელეები ვარაუდობდნენ, რომ მკაცრი სასჯელი გლეხებს დააშინებდა; ბოლოს მოუღებდა ანტიბატონყმურ მოძრაობას, რომელმაც თითქმის პერმანენტული ხასიათი მიიღო, მაგრამ ეს იმედი არ გამართლდა. 1864 წელს გლეხთა მღელვარება მოხდა თბილისის მაზრასა და თიანეთის ოკრუგში, ხოლო 1866 წ. აფხაზეთში იფეთქა გლეხთა მასობრივმა აჯანყებამ, რომელიც ანტიფეოდალურ და ანტიკოლონიურ ხასიათს ატარებდა.

აფხაზეთის გლეხთა აჯანყების უშუალო მიზეზი გახდა გავრცელებული ხმები ბატონყმობის გაუქმების პროექტის ანტიხალხური ხასიათის შესახებ. გლეხები განსაკუთრებით ძლიერ აღაშფოთა მთავრობის განზრახვამ ყმათა პირადი დამოკიდებულებისაგან განთავისუფლების საზღაური თავადაზნაურობისათვის გლეხთა ხარჯზე აენაზღაურებინა. გლეხები ყოველგვარი საზღაურის გაღების გარეშე მოითხოვდნენ მიწას და თავისუფლებას.

1866 წლის ივლისში მუშაობა დაიწყო სოხუმის წოდებრივ-საადგილმამულო კომისიამ, რომელმაც მოსახლეობისაგან აგრარული რეფორმისათვის საჭირო მასალები მოითხოვა. სოხუმის ოლქის აღმინისტრაციის მოხელეები — ჩერეპოვი, იზმაილოვი, აზნაური ტიტუ მარლანია და სხვები ბზიფის ხეობაში გავიდნენ და ადგილობრივ გლეხებს კომისიისათვის საინტერესო კითხვებზე პასუხის გაცემა მოთხოვეს. აფცხვას, გუგუ ძირხვას, ჩაბალურხვას და სხვა სოფლების გლეხებმა კომისიას თავისებური ბოიკოტი გამოუცხადეს, უარი თქვეს სათანადო მასალის მიწოდებაზე. გლეხებმა პირდაპირ თქვეს, რომ ვერც კი წარმოუდგენიათ თავისუფლების მიღება გამოსყიდვის გზით და ამიტომ არ პასუხობენ კომისიის მიერ დასმულ კითხვებს. გლეხთა წარმომადგენელმა შამბამ თურმე განაცხადა: ჩვენ არ გვესმის გლეხთა ისეთი განთავისუფლება, როგორც თქვენ გვეუბნებით. გლეხებს არ აქვთ სახსარი თავის გამოსყიდვისათვის. თუ მთავრობას მართლა სურს ჩვენი განთავისუფლება, ხელმწი-

ფე მოწყალებას მოიღებს, ანგარიშს გაუწევს ჩვენს სილატაკეს და მემამულეებს მთავრობის ხარჯზე დააკმაყოფილებსო.

ამ არც თუ სასიამოვნო ცნობის მიღებისთანავე ბზიფის ხეობისკენ თვით აფხაზეთის ოლქის უფროსი პოლკოვნიკი კონიარი გაემგზავრა. იგი სოფ. ლიხნში მოწვეულ სახალხო კრებაზე ახსნა-განმარტებებით გამოვიდა და გლეხებს რეფორმისათვის საჭირო ცნობების დაუყოვნებლივ წარდგენა მოსთხოვა. არა, პოლკოვნიკო, — ერთხმად უპასუხეს კრების მონაწილეებმა, — ჩვენ ვერ შევასრულებთ თქვენს მოთხოვნას, გვეყო აპუჩად ავღება, მეტის მოთმენა აღარ შეგვიძლიაო.

კონიარის უტაქტო და უხეში მოქმედება ცეცხლზე ნავთის დასხმას მოასწავებდა. შეუტრაცხოფით აღშფოთებული გლეხები თავგანწირვით ეკვეთენ სოხუმის ოლქის უფროსს და მის ამაღას. ისინი გაქცნენ და თავი აფხაზეთის ყოფილი მთავრის მიხეილ შერვაშიძის სასახლეს შეაფარეს. ხალხი მთავრობის მოხელეებს ფეხდაფეხ მიჰყვა. სისხლისმღვრელი შეტაკების დროს დაიღუპნენ კონიარი, პოდპორუჩიკი სურინოვიჩი, ჩერეპოვი, იზმაილოვი, ოფიცერი არტუხოვი და 50-ზე მეტი კაზაკი.

სოფ. ლიხნში გათამამებული ამ სისხლიანი დრამით დაიწყო აფხაზეთის გლეხთა საყოველთაო აჯანყება, რომელშიც 20 ათასამდე იარაღის მქონე კაცი მონაწილეობდა 26 ივლისს აჯანყებულთა 4-ათასიანი ლაშქარი სოხუმისაკენ დაიძრა. 27 ივლისს აჯანყებულები სოხუმს მიუახლოვდნენ, მისი მისადგომებიც დაიკავეს. მაგრამ მეორე დღეს აქ მოვიდა მეფის მთავრობის არმიის ერთი ბატალიონი და აჯანყებულთ უკან დაახევინა. აჯანყებულთა სოხუმზე განმეორებული იერიშიც უშედეგოდ დამთავრდა.

მაღე სოხუმის გარნიზონი ახალი ძალებით შეივსო. აქვე ჩაძოვიდა თვით ქუთაისის გენერალ-გუბერნატორი სვიატოპოლკ-მირსკი. იგი თავის ჭარით 30 ივლისს კონტრშეტევაზე გადავიდა. ბრძოლა 4 საათი გაგრძელდა. აჯანყებულნი დროებით გაეცალნენ სოხუმს. გლეხებმა კიდევ რამდენჯერმე სცადეს ქალაქის დაუფლება, მაგრამ ამაოდ. აფხაზები იმედს არ კარგავდნენ. როგორც სოხუმის მიდამოებში, ისე აფხაზეთის სხვა რაიონებში ახალი ბრძოლებისათვის ირახმებოდნენ. ამით შემშფოთებული ქუთაისის გუბერნიის ადმინისტრაცია სამხედრო ძალების მაქსიმალურ მობილიზაციას ახდენდა. 1866 წლის აგვისტოსათვის

სოხუმი გაივსო სხვადასხვა გვარეობის ჯარის ნაწილებით. მიუხედავად ანისა სვიატოპოლკ-მირსკი მოერიდა იარაღის გამოყენებას და აჯანყებულთა სიტყვით დაშოშმინება სცადა. მან თავი მოუყარა სოხუმის რაიონის სოფლების მამასახლისებს და მათი მეშვეობით აჯანყებულებს დაშლა, წინააღმდეგობის შეწყვეტა, იარაღის დაყრა მოსთხოვა როგორც ჩანს, სოფლებში ხალხის თავყრილობები გაიმართა, აწონ-დაწონეს შექმნილი ვითარება, ძალთა თანაშეფარდება და დანებება გადაწყვიტეს. 4 აგვისტოს სოხუმის რაიონის აჯანყებულები მორჩილებით გამოცხადდნენ დანიშნულ პუნქტებში და იარაღი ჩააბარეს მთავრობის წარმომადგენლებს. ასევე მოიქცნენ წებელდის და ბზიფის გლეხები. სექტემბრის დამდგვისათვის აჯანყებულთა განიარადება დამთავრდა ადგილობრივი ადმინისტრაცია და ცენტრალური მთავრობაც გამარჯვებას ზეიმობდა „მახარებს კარგი ცნობები აფხაზეთიდან“—წერდა იმპერატორი ალექსანდრე მეორე თავის ძმასა და ნაცვალს კავკასიაში, მიხეილ რომანოვს.

აჯანყებულებს დანაშაული, რა თქმა უნდა, არ აპატიეს. მთავრობამ აჯანყების მეთაურები და წამქეზებლები მკაცრად დასაჯა. სამხედრო-საველე სასამართლოს განაჩენის თანახმად სამი კაცი საჯაროდ ჩამოახრჩვეს, 30 კაცი შორეულ ციმბირში გადაასახლეს. ასე დასრულდა დიდი სოციალური და სახალხო-განმათავისუფლებელი ბრძოლის ეს ერთი მნიშვნელოვანი ეპიზოდი, რომლის მთავარ მამოძრავებელ ძალას გლეხოვა წარმოადგენდა.

1861 წლის 19 თებერვალს გამოქვეყნდა ალექსანდრე მეორის მანიფესტი ბატონყმობის გაუქმების შესახებ, რუსეთის ცენტრალურ გუბერნიებში გატარდა საგლეხო რეფორმა. ამ ფაქტმა უდიდესი გავლენა მოახდინა როგორც ქართველ მემამულეებზე, ისე გლეხებზე. თუ ადრე მებატონეები შორს იხედებოდნენ, გადამეტებული მოთხოვნებით გლეხთა მეურნეობის გაჩანაგებას ერიდებოდნენ, ახლა რაკი ბატონყმობის გაუქმება სახვალიო საქმედ მიიჩნიეს, ისინი შეეცადნენ რაც შეიძლება მეტი წაეგლიჯათ ყმებისათვის. ზოგი „საგლეხო მამულს“ სათავისთავო მიწად აცხადებდა, სხვები კი აორმაგებდნენ ბეგარა-გადასახადების ნორმას. გულხელდაკრეფილი არც გლეხები იხდნენ. ისინი კიდევ უფრო გალადუნენ, თამამად ეურჩებოდნენ მებატონეებს, უარს ამბობდნენ საბატონო ბეგარა-გადასახადებზე. კიდევ უფრო გაზვიადდა ლოკალური, ცალკეული სოფლებისა და კომლების საპროტესტო გამოსვლე-

ბი. გლახთა მღელვარებას ჰქონდა ადგილი სოფ. ჰალაში, აბისში, ნოსტ-ში, ელტურაში, დისლინაში, დეილულაში, ვანურში, საკანაფოში და სხვ., კლასობრივ ბრძოლაში აქტიურად ჩაებნენ ანდრონიკაშვილის, ჩოლოყაშვილის (ჯახეთი), ჩიჩუების, ჩიქოვანების და კორძაიების (სამეგრელო). ყმა გლახები. გლახობა თავის ბოლმას, გულისწყრომას მებატონეთა მკვლევლობით გამოხატავდა. 1857 წ. სოფელ კარდანახში გლახებმა მოკლეს გიორგი ვაჩნაძე, გორში — ამილახვარი. '1858 წ. საბუეში ყმა გლახთა ხელით გამოესალმა სიცოცხლეს იოსებ ჯორჯაძე. ყვარელში — ალექსანდრე არღუთაშვილი, გორის მაზრაში — ერისთავი, ნათიშვილი, თარხნიშვილი. 1863 წ. მოკლეს ჯიხაიშელი თავადი ლორთქიფანიძე, ოზურგეთელი გურიელი და ბოქოიძე, ქართლელი ციციშვილი, ციციავი, მეგრელი გაბუნია.

ურჩობა, გადასახადების გაღებაზე უარის თქმა, ტერორისტული აქტები და კლასობრივი ბრძოლის ინდივიდუალური თუ ჯგუფობრივი ფორმები უფრო ფართოდ გავრცელდა აღმოსავლეთ საქართველოში. დასავლეთ საქართველოში კი გლახთა მასობრივი აჯანყებები დომინირებდა. 1857—1866 წლებში დასავლეთ საქართველოს სხვადასხვა კუთხეებში 9 შეიარაღებული აჯანყება მოხდა. გლახები დაუფარავად აცხადებდნენ, რომ ერთადერთი მიზეზი მათი აჯანყებისა იყო ბატონყმურა ურთიერთობა, ერთადერთი მიზანი კი ბატონყმური წყობილების დამხობა. სამხედრო ასპექტში თუ განვიხილავთ მოვლენებს, გლახთა გამოსვლა-აჯანყებები მარცხით დამთავრდა, სოციალურ-პოლიტიკურად კი მათ გაიმარჯვეს. საერთო სარუსეთო რევოლუციური სიტუაციის მთავარი კომპონენტი იყო ანტიბატონყმური, გამათავისუფლებელი მოძრაობა, რომლის წინა რიგებში ქართველი გლახობა იდგა. ძირითადად ამან განაპირობა ზედაფენების კრიზისი, მათი რეფორმებინ გზაზე დადგომა და ბატონყმობის ზემოდან გაუქმება.

გლახთა განმათავისუფლებელმა მოძრაობამ უდიდესი გავლენა მოახდინა ინტელიგენციაზე, საზოგადოებრივი აზრის ფორმირებაზე. გლახთა ანტიბატონყმური განწყობა, ანტიბატონყმური მოძრაობა გახდა არსებითად ანტიბატონყმური იდეოლოგიის საფუძველი, რაც დასრულებული სახით რუსეთში რევოლუციურმა დემოკრატებმა, ხოლო საქართველოში თერგდალეულებმა ჩამოაყალიბეს. ამ იდეოლოგიამ თავი იჩინა პოეზიაში, პროზაში, პუბლიცისტიკაში.

საგლეხო რეფორმის მომზადება.
ბატონყმობის გაუქმება

საქართველოში ბატონყმობის კრიტიკა დაიწყო XVIII—XIX სს. მიჯნაზე. მას სათავე დაუდო ივანე ბაგრატიონმა თავის თხზულება „კალმასობაში“. XIX ს-ის 40-იან წლებში დაისვა ყმა გლეხთა განთავისუფლების საკითხი.

1847 წ. გ. ბაგრატიონ-მუხრანელმა ამიერკავკასიის ადმინისტრაციას წარუდგინა თავისი წინადადება (პროექტი) წოდებათა უფლებებისა და ურთიერთობის ნორმათა შესახებ, სადაც ძირითადად ბატონყმობასა და გლეხობაზე იყო ლაპარაკი. ავტორი ხოტბას ასხამს ადამიანის პირად თავისუფლებას, მაგრამ იმასაც აღნიშნავს, რომ სოფლის მკვიდრ გლეხისათვის პირადი თავისუფლება ბევრს არაფერს ნიშნავს, თუ მას საკუთრებაში არ ექნება სახლ-კარი და მიწა. გ. ბაგრატიონ-მუხრანელმა კარგად იცოდა, რომ ქართველ გლეხობას გააჩნდა ნაყიდი მიწა და ამდენად გლეხობის ერთი ნაწილი ფაქტიურად მესაკუთრე იყო. იგი მთავრობას მოუწოდებდა ანგარიში გაეწია საქართველოს სოციალური წყობის ამ თავისებურებისათვის, დაედანტურებინა, საკანონმდებლო წესით დაეცვა სახელმწიფო და საბატონო გლეხთა უფლება მათ მიერ ნაყიდ მიწაზე, რადგან გლეხთა უფლება მიწაზე უდრო იყო. გ. ბაგრატიონ-მუხრანელს მიზანშეწონილად სჩანდა მცბატონებს დაეოკებინათ მალა, ასეთი გლეხები შედარებით მსუბუქად დაებეგრათ, უარი ეთქვათ მათ მიმართ თვითნებობა-ძალადობაზე. პროექტის ავტორი ღრმა რწმენით აცხადებდა, რომ ყმა გლეხის ასეთი მდგომარეობა უკეთესი იქნება უმიწაწყლო გლეხის პირად თავისუფლებაზე.

გ. ბაგრატიონ-მუხრანელის პროექტი რამდენადმე სცილდებოდა ბატონყმობის რეგლამენტაციის ამოცანას. იგი, მართალია, საჭიროდ არ ძვლიდა საკანონმდებლო წესით ბატონყმობის გაუქმებას, მაგრამ მთავრობას მოუწოდებდა ხელოვნურად არ შეეფერხებინა სოციალური ურთიერთობის განვითარების სტიქიურ-ობიექტური პროცესი, ნება მიეცა ყმა გლეხებისათვის არა მარტო მიწა გამოეყიდათ მებატონეებისგან, არამედ პირადი თავისუფლებაც. ამასთან, პროექტის ავტორი მიზანშეწონილად თვლიდა უმიწაწყლო, ქალაქებში გაქცეულ ყმა გლეხებს პირადი თავისუფლება უსასყიდლოდ მინიჭებოდათ. ყოველივე ამით,

გ. ბაგრატიონ- მუხრანელის განცხადებით, გაბატონებული კლასი და მთავრობა თავიდან აიცილებდნენ ქვემოდან მომდინარე საშიშროებას.

ამდენად, ჯერ კიდევ 40-იან წლებში საქართველოს გაბატონებული კლასის წარმომადგენლებმა დასვეს არა მარტო ბატონყმობის რეგლამენტაციისა და შერბილების, არამედ მშვიდობიანი ევოლუციის გზით მისი გაუქმების საკითხიც. 50-იან წლებში კი ანტიბატონყმური იდეოლოგია ჩამოყალიბდა. თერგდალეულები სიძულვილით განიმსქველნენ სოციალურ სენად გადაქცეულ ბატონყმობისადმი, გაბედულად გამოვიდნენ მისი მოსპობა-გაუქმების მოთხოვნით.

ღრმომოჭმული ბატონყმობის წინააღმდეგ თერგდალეულთაგან პირველად რაფიელ ერისთავმა გამოთქვა პროტესტი. 1857 წ. მან დაწერა ლექსი „მოხოვნელი მსაჯულისადმი“. სამეგრელოს გლეხთა აჯანყების უშუალო გავლენით შექმნილ ამ ლექსში დაგმობილია ის სოციალ-პოლიტიკური სისტემა, რომელიც ნორმალურად თვლიდა ერთი ადამიანის მიერ მეორის დაპყრობას, ყმა გლეხების ყიდვა-გაყიდვას. ბატონის არაადამიანური საქციელით გამწარებული დედა, რომელსაც შვილი გაუყიდეს, ასე მიმართავს უზენაეს მსაჯულს:

მოველ ბატონო, ღმრთისა მსაჯულო, გენაცვალების შენ ჩემი თავი

მხურვალედა გთხოვ, ცრემლითა გვედრი, გულს მომაშორე მე ცეცხლი მწვავი;
გთხოვ დამბრუნო მე ჩემი შვილი, დედა ვარ მისი, განა მომკლავი?

სხვა რად კატრონობს ჩემსა ნაშობსა, რისთვისა სტანჯავს მანდ მდგომი სვავი?

ზ. ერისთავის ლექსით აღფრთოვანებული ილია წერდა: ეს პირველი ხმა იყო ჩვენში უსამართლოდ ჩაგრულთა დასაცველად, იმ დაწყევლილი ანომალიის მოსაშლელად, როცა ერთის ნაშობზე მეორე ბატონობდა.

ანტიბატონყმური იდეოლოგიის ჩამოყალიბებაში მნიშვნელოვანი როლი შეასრულა „სურამის ციხის“ ავტორმა. დ. ჯონჭაძის შემეცნების საფუძველს, მისი შემოქმედების წყაროს სოციალური უსამართლობით გატანჯული და ბატონყმობის წინააღმდეგ შემართული გლეხობა წარმოადგენდა. დ. ჯონჭაძემ რეალისტურად ასახა ბატონყმური წყობილების მთელი სისაძაგლე, ფეოდალური საზოგადოების ძირითადი კლასების ანტაგონიზმი და ბრძოლა. „სანამ ჩვენ ბატონის ყმანი ვართ, ჩვენი ბედნიერება არ შეიძლება“, ათქმევინა მწერალმა ღურმიშხანს და ამით გამოხატა არა მარტო დიდი სიძულვილი ბატონყმობისადმი, არამედ მოწოდებაც გლეხობისადმი, რომ ძალით დაემხო ეს უსამართლო წყობილება, მოეპოვებინა შრომისა და ცხოვრების ადამიანური პირობები.

განსაკუთრებით მძაფრად ფეოდალურ-ბატონყმურ სისტემას იღრია ქვეყნავედმე შეუტია. მინა ნაწარმოებები — „კაკო ყაჩაღი“, „გლახის ნა-ამბობი“, „კაცია-ადამიანი!“ და სხვ. ტირანი, უქნარა, სხვისი ექსპლუ-ატაციით გამდიდრებულ-გაქსუებული, მებატონეების სიძულვილითა და უსამართლოდ დაჩაგრული, შრომისმოყვარე, თავისუფლებისათვის თა-ვდადებული ყმა გლეხების თანაგრძნობა-სიყვარულითაა გამსჭვალული. საგლეხო რეფორმამდე ხუთი წლით ადრე დაწერილ პოემა „აჩრდილში“ დაგმობილია საზოგადოებრივი წყობილება, რომელიც დაჩაგრული კლასის მოვალეობად შრომას თვლიდა, ხოლო გაბატონებული ფენების უფ-ლებად—შრომის ნაყოფის მითვისებას. ასეთი უსამართლობით აღშფო-თებულნი მშრომელი კაცი ჩივის:

დღედაღამ ჩემი უწყვეტი შრომა,
დარში, ადარში ცის ქვეშე დგომა,
ვაი-ვაგლახი, კირნახულობა,
თმენა, ცდა, სიმხნე და უძილობა.
მართო ბატონის თვალსა ახარებს
და თქვენ, ცოლ-შვილო, კი არას გარგებს.
ვაიმე, ბედკრულს რაღა დამრჩება,
რომ გავახარო. ცოლ-შვილის თვალი?...
ვინა შრომობდა და ვინა ჰძღვება,
ღმერთო, სად არის აქ სამართალი?!

ილიას გმირების უმრავლესობა (კაკო, ზაქრო, გაბრო) პასიურ პრო-ტესტს არ სჯერდება, იარაღით იბრძვის მებატონეთა წინააღმდეგ. პო-ეტს სწამდა, რომ გლეხობის გამათავისუფლებელი ბრძოლა სათანადო ნა-ყოფს მოიტანდა, დარწმუნებული იყო, რომ „ქვეყანა ძველი“, დრომო-ქმული სოციალურ-პოლიტიკური წყობილება ვერ გაუძლებდა „განახ-ლებისა გრიგალის ქროლვას“, კაცთა ცხოვრების შემფერხებელი ბორ-კილები დაიმსხვრეოდა, დამყარდებოდა შრომის სუფევა, სამართლიანი საზოგადოებრივი წყობილება.

ბატონყმობის წინააღმდეგ იდეური ბრძოლის მატრიანეში საყურად-ღებო ფურცლები ჩაწერა აკაკი წერეთელმა. პოეტმა მკაცრად გააკიცხა სოციალურ-პოლიტიკური ჩაგვრის სისტემა, დაგმო ის წესი, რომელიც ერთ ადამიანს აძლევდა მეორის შრომის-ნაყოფის მითვისების უფლებ-ბას, ამ მნრივ-საყურადღებოა აკაკის ლექსი „მუშუარი“:

მართო ჩვენთვის არ ვმუშაობთ,
სხვისაც გვმართებს სემსახური;
ბატონი გვყავს, გვართ, საწყალო,
უპატრონო, უბედური!

ყველა თავში გვიჩაჩქუნებს,
გარეშე და შინაური;
ცხელსა მიწას უხვად ალბობს
ოფლი, ჩვენგან მონაწურა.
ჩვენი ჭაფით მონაყვანი,
სხვასთან მიდის საზარღო პური,
შინ ცოლ-შვილს შიმშილი გვეკლავს,
მაგრამ ვინ მიუგდოს ყური?
მათსა საზარღოს სხვა იტაცებს,
სტირის ცოლი მეძუძური,
შიმშილისგან რძე უშრება,
წივის შვილი უსუსური.

1863 წელს ილია ჭავჭავაძემ სხვა თერგდალეულთა თანამშრომლობით რევოლუციურ-დემოკრატიული მიმართულების ეურნალი „საქართველოს მოამბე“ დააარსა. მიუხედავად იმისა, რომ დემოკრატიული პრესის ეს ორგანო მხოლოდ ერთ წელს გამოდიოდა, მან დიდი როლი შეასრულა ქართული საზოგადოებრივი აზრის, ანტიბატონყმური იდეოლოგიის ფორმირებაში. „საქართველოს მოამბის“ პუბლიცისტებმა მზნად ხალხის ფართო ფენების ინტერესთა დაცვა დაისახეს და მძაფრად შეუტყეს ბატონყმური წყობილების საფუძვლებს. ამის ერთ-ერთი შესანიშნავი ნიმუშია დავით ყიფიანის წერილი — „სხვადასხვა ამბები“, რომელშიც ნათქვამია: საზოგადოების ერთი ნაწილი რომ არ შრომობდეს და სხვისი შრომის ნაყოფს ითვისებდეს, ის სხვისი შრომაც თავისუფალი რომ არ იყოს, საზოგადოებისათვის ცუდი იქნება თუ კარგი? ამ კითხვაზე ზოგი შეიძლება შეკრთეს, ვერაფერი თქვას. მე კი მოგახსენებთ, რომ ასეთი მდგომარეობა ორივე მხრისათვის სენია. ჯერ ერთი, მე რომ თავისუფალი კაცი არ ვიყო, ფეხებში ბორკილი მქონდეს გაყრილი, ნაყოფიერ შრომას, ცხადია, ვერ შევძლებ. ვერავინ გაიგებს რა ნიჭითა და უნარით ვარ აღჭურვილი. ჩემი სურვილისა და უნარის წინააღმდეგ ბატონმა პურის განიავება რომ დამავალოს, ნახევარ ხორბალს ბზეს გავაყოლებ. ჩემი ბატონი თავის მხრივ დარწმუნებული რომ არ იყოს სხვისი შრომის მითვისების შესაძლებლობაში, თავს გამოიღებდა და თვითონ იშრომებდა. რა დასკვნა გამოდის აქედან? ჯერ ერთი, ის რომ თავისუფალი შრომა უფრო ნაყოფიერია, მეორე, კი ისა, რომ საზოგადოების ყოველი წევრი უნდა იყოს თავისუფლად მშრომელი, ესაა შრომის მაღალი ნაყოფიერების პირობა. თუ ყველა ადამიანი იშრომებს, საზოგადოებრივი კეთილდღეობა უზრუნველყოფილი იქნებაო. ასე დაახაზუთა „საქართველოს მოამბის“ პუბლიცისტმა ბატონყმური

ქართურობის დრომოქმედობა, დაიცვა თავისუფალი შრომისა და
კაპიტალის წინაშე ადამიანთა თანასწორობის პრინციპი.

ქურნალი „ცისკარი“, მართალია, კონსერვატიული მიმართულების
... ანო იყო, მაგრამ მასში დაიბეჭდა დ. კონჭაძის „სურამის ციხეც“
და ანტონ ფურცელაძის რეცენზიაც ამ მოთხრობაზე. ა. ფურცელა-
ძე აღნიშნავს, რომ დ. კონჭაძის ნაწარმოებმა „ზარი დასცა“ რეაქციო-
ნერებს, აღაშფოთა სიძველისა და რუტინის მომხრენი. აამხედრა ისინი
წინავე აზრებით განმსჭვალულ მოღვაწეთა წინააღმდეგ. ა. ფურცე-
ლაძე პირდაპირ უცხადებდა კონსერვატორებს, რომ მებატონეთა თარეშ-
სა და განუკითხაობას მალე ბოლო მოეღებოდა, მოთმინებიდან გამოსუ-
ნად ქართველი გლეხობა მედგარი ბრძოლით მოიპოვებდა მიწას და თა-
ვისუფლებას.

ქვედა ფენების მოძრაობამ, მის საფუძველზე აღმოცენებულმა ან-
ტიბატონყმურმა იდეოლოგიამ ზედაფენების კრიზისი გამოიწვია, გა-
რდაქმნების აუცილებლობის წინაშე დააყენა მთავრობა. აბსოლუტური
მონარქიის მესვეურებს აქეთკენვე უბიძგებდა ქვეყნის ჩამორჩენილო-
რიდან გამოყვანის საჭიროება, ეკონომიკური განვითარების ძალა. ეპო-
ქა მოითხოვდა მზარდ კაპიტალისტურ მწარმოებლურ ძალებსა და უკ-
ვე დრომოქმულ ფეოდალურ წარმოებას ურთიერთობებს შორის აღ-
მოცენებულ წინააღმდეგობათა დაძლევას. თვითმპყრობელობას სხვა
გამოსავალი არ ჰქონდა, კაპიტალიზმის განვითარების მძლავრ ტენ-
დენციისათვის უნდა აეწყო ფეხი. ნაწილობრივ შაიხც გარდაექმნა რუ-
სეთის იმპერიის სოციალურ-პოლიტიკური სისტემა.

რევოლუციური სიტუაციით შეშინებული ალექსანდრე მეორე გამო-
დის თავადაზნაურთა კრებაზე და აცხადებს: უმჯობესია ზემოდან გავა-
უქმოთ ბატონყმობა, არ უნდა დაველოდოთ ამბოხებული გლეხობის მი-
ერ მის ქვემოდან დამხობასო. მალე გაჩაღდა სარეფორმო საქმიანო-
ბა ჯერ იმპერიის ცენტრში, ცოტა მოგვიანებით კი პერიფერიებშიც

საგლეხო რეფორმის მომზადება რუსეთში 1857 წელს დაიწყო. ჩა-
მოყალიბდა თავადაზნაურთა საგუბერნიო კომიტეტები, რომლებმაც
დაიწვეეს საჭირო მასალის შეგროვება, განსაზღვრეს მაღალი წოდების
ფეოდალსაზრისი ყმა გლეხთა განთავისუფლების პირობების შესახებ.

მეფის მთავრობის კავკასიური ადმინისტრაცია სრულ ინფორმაციას
ღებულობდა, კარგად იცოდა რა ხდებოდა იმპერიის ცენტრში და თით-
ქოს იგიც შეუერთდა სარეფორმო საქმიანობას. 1858 წ. შეგროვდა ცნო-
ბები მებატონეებისა და ყმა გლეხთა რაოდენობის, მხარეთა ურთიერ-
ობის ფორმებზე და სხვა საკითხებზე. ქართველი თავადაზნაურობა

შეშვოთებითა და მტრულად შეხვდა ცნობას ბატონყმობის მოსალოდნელი გაუქმების შესახებ. დარბეული ხმები პირველად დაუჭერებლად მოეჩვენა. მაგრამ როცა მწარე სინამდვილე დადასტურდა, ქართველმა მემამულეებმა, დ. ყიფიანის გადმოცემით, თვალი გაუსწორეს „სახზარელს ამ საქმეს“, დაიწყეს ერთმანეთს შორის მოლაპარაკება. მიუხედავად ამისა, დიდი ხნის განმავლობაში თავადაზნაურობა ფეხს ითრევდა, განგებ აჭიანურებდა ამ არასასურველი ღონისძიების განხორციელებას, ქართველი თავადაზნაურობის უკმაყოფილებამ. მაღალი წოდების ოპოციზიამი ჩადგომის შიშმა მეფესნაცვალ ბარიატინსკი აიძულა დროებით შეეჩერებინა სარეფორმო საქმიანობა და მხოლოდ მაშინ განაახლა როცა რუსეთში საგლებო რეფორმის გატარება დამთავრდა.

ევროპული რუსეთის გუბერნიებში ბატონყმობა 1861 წელს გაუქმდა. 19 თებერვლის მანიფესტის გამოქვეყნებისთანავე ბარიატინსკიმ ბრძანა თავადაზნაურთა კომიტეტების შედგენა და გლებთა განთავისუფლების პირობების ჩამოყალიბება, რეფორმის შემდგომი აგარაული ურთიერთობის ნორმების დადგენა. სარეფორმო საქმიანობის საერთო ხელმძღვანელობისათვის შეიქმნა გლებთა მომწყობი ამიერკავკასიის ცენტრალური კომიტეტი, რომელშიც შეიყვანეს მხარის დიდი მოხელეები და თავადაზნაურთა რამდენიმე წარმომადგენელი. გლებობას, რომლის სახელითაც რეფორმა მზადდებოდა, არავინ არაფერს ეკითხებოდა, გასათავსუფლებელი ყმების არც ერთი წარმომადგენელი, დაბალი წოდების არც ერთი დამცველი შექმნილ კომიტეტებში დაშვებული არ ყოფილა.

ბარიატინსკიმ გამოაცხადა, რომ ბატონყმობის გაუქმების ადგილობრივ დებულებებს საფუძვლად უნდა დადებოდა 1861 წ. 19 თებერვლის მანიფესტი და მასზე თანდართული კონკრეტული კანონი. მაგრამ ქართველი თავადაზნაურობა ამის შემდეგაც აგრძელებდა თავისებურ საბოტაჟს, მიუღებლად, საქართველოს პირობებისთვის შეუფერებლად ივლიდა 19 თებერვლის კანონს, უარს ამბობდა აგრეთვე სამაზრო კონიტეტების ჩამოყალიბებაზე. მაღალმა წოდებამ უნდობლობა გამოუცხადა თავის მცირერიცხოვან წარმომადგენლობას, მოითხოვა ესოდენ მნიშვნელოვანი საკითხის თავადაზნაურთა საერთო კრებებზე განხილვის ნებართვა. ბარიატინსკი დათმობაზე წავიდა. აღრე განზრახული სამაზრო და საგუბერნიო კომიტეტები არ შექმნა. მიუხედავად ამისა, ერთი წლის განმავლობაში თავადაზნაურთა სამაზრო და საგუბერნიო კრებებს ფაქტიურად არაფერი გაუკეთებია, გლებთა მომწყობ ცენტრალურ კომიტეტში აგარაული რეფორმის თავისი პროექტი არ წარუდგენია.

რუსეთის იმპერიის მმართველი წრე ქართველ თავადაზნაურობას თავის საყრდენ ძალად თვლიდა მთელ ამიერკავკასიაში და სულაც არ აპირებდა მისი ინტერესების შელახვას. საქართველოს მაღალი წოდების უნდობლობა და შიში რომ გაეფანტა, იმპერატორმა წინასწარ აღუთქვა მას გლეხთა პირადი განთავისუფლების საზღაურად სათანადო თანხის მიცემა. ეს იყო უპრეცედენტო შემთხვევა იმპერიის მასშტაბით. ასეთი საზღაური ცენტრალური რუსეთის თავადაზნაურობასაც კი არ მიუღია.

საქართველოს პრივილეგიური წოდება ამოქმედდა. თბილისის გუბერნიის თავადაზნაურობამ ბატონყმობის გაუქმების პროექტის შედგენა თავის ერთგულ, მცოდნე და გამოცდილ წარმომადგენელს დ. ყიფიანს დაავალა. ამ უკანასკნელმა შეადგინა სათანადო კითხვარი, დაუგზავნა იგი მემატონეებს და მოითხოვა პასუხები. დ. ყიფიანთან თანდათან შემოვიდა თავადაზნაურთა წინადადებები. მის განკარგულებაში აღმოჩნდა, კერძოდ, გორის მაზრის 74 მემამულის, თელავის მაზრის 48 მემამულის, სიღნაღის მაზრის 69 თავადაზნაურის—ი. მუხრანბატონის, ტ. ბარათაშვილის, მ. ჯამბაკურ-ორბელიანის, ა. მაღალაშვილის, ზ. რატიშვილის, დ. ციციშვილის, კ. მამაცაშვილის, ი. ანდრონიკაშვილის და სხვ. მემამულეთა ერთმანეთისაგან ზეტნაკლებად განსხვავებული აზრები. რაც საფუძვლად დაედო დ. ყიფიანის მიერ თავადაზნაურთა უმრავლესობის სახელით შედგენილ პროექტს.

1862 წ. 30 აპრილს გაიხსნა თბილისის გუბერნიის თავადაზნაურთა საერთო კრება. დ. ყიფიანის განცხადებით, აქ ბჭობა იყო „ისეთს საქმეზედ, რომლის უმძიმესი არა თუ ჩვენს ხსოვნაში არა მომხდარა რა აქ მხარეში, მამა-პაპათა გადმოცემითაც არა გვსმენია რა: რა ვქენით და, როგორც საქართველოს შვილებს შეეფერება, ისე აუჩქარებლად, ისე მდგრად გავუსწორეთ თვალი საქმესა, რომელიც უბედურების გარდა სხვან არარას გვიქაღდა საშვილიშვილოდ“. თავადაზნაურთა ლიდერი შემდეგ აღნიშნავს, რომ საქართველოს კეთილშობილთა წოდებას არ გამოუთქვამს გულისწყრომა, სიძულვილი, შიში შეუცნობელი მოშავლისადმი და ერთხმად განაცხადა — „მიგვინიჭებია თავისუფლება ყმათა ჩვენთათვისაო“.

ყმა-გლეხთათვის პირადი თავისუფლების მიცემა მემატონეებს არ ეძნელებოდათ, რადგან ამაში დიდ გამოსასყიდს მოელოდნენ. მთავარს, რა თქმა უნდა, მიწის საკითხი წარმოადგენდა, მის ასე თუ ისე გადაწყვეტაზე იყო დამოკიდებული გლეხთა მომავალის ავ-კარგი.

დ. ყიფიანი თავის მოხსენებაში მოკლედ შეეხო ქართულ ბატონყმობას, აღნიშნა, რომ თავიდანვე ყმა გლეხებს ედო პირადი და საადგილმამულო ბეგარა-გადასახადები. მისი ძალიან გადაჭარბებული გაანგარიშებით პირადი ვალდებულებების საშუალო წლიური ღირებულება კომლზე 148 მანეთს შეადგენდა. ღალა კი ზოგან მოსავლის მეათედი იყო, ზოგან მესამედი. „ეს არის ყოველივე ჩვენი საცხოვრებელი, ამ ორგვარ სარგებლობას გარდა არაფერი მოგვეპოვებოდა“. ქართველ თავადაზნაურობას არც ვაჭრობა ეხერხება, არც ფაბრიკა-ქარხნები ვააჩნია. ბევრი ჩვენგანი ხელმწიფის სამსახურშია, მაგრამ ჭამაგირით ჯერ არავის მოუწყვია ცხოვრება. „ვინ იცის, სამსახურის ხარისხებით რომ ამდენი ვართ აღმატებულნი და ორდენებით შემკობილნი, იქნებ ამიტომაც უფრო გვიჭირს ცხოვრება ღირსების შესაფერი“.

ასეთ პირობებში ბატონყმობის გაუქმება, თუ მთავრობა ანგარიშს არ გაუწევდა მაღალი წოდების ინტერესებს და გლეხთა პირადი განთავისუფლების საზღაურად დიდ თანხას არ მისცემდა მას, დ. ყიფიანის აზრით, გაალარიბებდა, ეკონომიურად ძირს დასცემდა თავადაზნაურობას. თავისი ლიდერის პირით აღმოსავლეთ საქართველოს თავადაზნაურობამ ყმების პირადი განთავისუფლებსათვის: ყოველ სულზე 100 მანეთი ოთითხოვა, რაც უნდა გაეღო არა გლეხობას, არამედ სახელმწიფო ხაზინას. „ხარჯის წაყმევებზე შეწერა ეგოდენვე უსამართლო იქნება, რაოდენ უსამაგიეროდ ჩამორთმევა იმათი ჩვენგანო“.

დ. ყიფიანის მოხსენებასა და პროექტში ჩამოყალიბებული იყო თავადაზნაურობის თვალსაზრისი, მისი წინადადებანი მებატონეებისა და განთავისუფლებული გლეხების საადგილმამულო ურთიერთობის ნორმირების თაობაზე. ისინი ღალადებდნენ: „რაც ახლა ჩვენს მამულზე ჩვენს ყმებს სახლკარობა აქვთ და რაც ჩვენი ადგილმამული უჭირავთ, ან რასაც ჩვენს ტყესა და საბალახოსა ხმარობენ, ყოველსავე ამას მათვე მიუვჩემებთ, მხოლოდ პირობითა მით, რომ მიწის შემოსავალს გვაძლევენ და ბეგარას ასრულებდნენ ჩვეულებისამებრ“. მემამულეთა განცხადებით, პირადი ვალდებულებებისაგან განთავისუფლებულ გლეხობას არ გაუჭირდებოდა საადგილმამულო ვალდებულების მოხდა, „როშელსაც ყოველი თავისუფალი კაცი, კეთილშობილი თუ გლეხი მიწის პატრონისათვის ეწეოდა“. პროექტის ციტირებული ადგილებიდან კარგად ჩანს, რომ თავადაზნაურობის სურვილი იყო მიწის მემკვიდრეობით მფლობელი ყმა გლეხები გადაექცია ხიზნებად.

დ. ყიფიანი ცდილობდა დაემტკიცებინა, რომ ხიზანი გლეხების მდგომარეობა შედარებით უკეთესი იყო და ამიტომ ზიზანთა კატეგორია

თანდათან ივსებოდა. „ხიზნობა, — ამბობდა თავადაზნაურთა მეთაუ-
რი, — ძველი დროიდან არსებობს საქართველოში და არა თუ თავი-
სუფალნი, საბატონო გლეხებიც მრავლად ეტანებიან ამ მდგომარეობას,
რადგან საქმით სასარგებლოა ორივე მხარისათვის. სწორედ ამგვარსავე,
მაგრამ უკეთეს მდგომარეობაში იქნებიან ყმანიცა ჩვენნი შემდგომ გა-
ნთავისუფლებისა; უკეთესში იმითი, რომ საუკეთესო მიწები ექნებათ
და უქვევლია ამით მოისპობა ჩვენს შორის ყოველი მიზეზი ერთმანეთ-
ზე დამძღვრებისა და ჩვენს საშინაო საქმეებში მმართველობის ყოველ-
დღე ჩარევისა“.

დ. ყიფიანის ვრცელ მოხსენებასთან შედარებით მისივე შედგენი-
ლი დებულების პროექტი—„ყმობისაგან განთავისუფლებულ გლეხთა-
თვის თბილისის გუბერნიაში“ — მეტად მოკლეა. მასი ძირითადი მუხ-
ლები ასეთი იყო:

1. ხელმწიფე იმპერატორის უმაღლესი ნებით და საქართველოს
თავადაზნაურთა სურვილით, მათი მკვიდრი ყმები განთავისუფლები-
ან მებატონეთა დამოკიდებულებისაგან და ყოველ საქმეში ის უფლება
მიეცემათ, რაც რუსეთის იმპერიაში თავისუფალ სოფლის მოსახლეს
ეკუთვნის.

2. თავისუფალ სოფლის მოსახლეს ნება აქვს თავისუფლად განაგე-
ბდეს ოჯახს, ეწეოდეს ვაჭრობას, ხელოსნობას და სხვა საქმიანობას.

3. ბატონყმური დამოკიდებულების ჩაცვლად, ამიერიდან მხარეებს
შორის დამყარდება ისეთი ნებაყოფლობითი ურთიერთობა, რომელიც
ძველი საქართველოს ჩვეულებით ხიზანსა და შამშლის პატრონს აქვთ.

4. პირადად განთავისუფლებულ და ხიზნების კატეგორიაში გადაყ-
ვანილი გლეხების სარგებლობაში დარჩება მიწის ყველა ის ნაკვეთი,
რაც მათ გააჩნიათ ბატონყმობის გაუქმების წინ.

დებულების ამ პროექტის თანახმად, განთავისუფლებულ გლეხთა
საკუთრებად ჩაითვლებოდა მხოლოდ ის მიწები, რომელზეც მათ გააჩ-
ნდათ კანონიერად დამტკიცებული ნასყიდობის სიგელები.

ამგვარად, ქართველი თავადაზნაურობა იმპერატორის ნებას დაე-
მორჩილა, მზად იყო ყმა გლეხებისათვის პირადი თავისუფლება მიეცა.
მაგრამ სცადა უშუალო მწარმოებლის უფლების შეზღუდვა მიწაზე. ფე-
ოდალურ საქართველოში ყმა გლეხი მიწაზე მკვიდრად იჯდა, ფეოდა-
ლური სამართალი კრძალავდა გლეხის მიწიდან აყრას, მის უმიწოდ გა-
ყიდვას. ხიზნის აყრა კი გაცილებით ადვილი იყო, რადგანაც მას არ
ჰქონდა მემკვიდრეობითი მფლობელობის უფლება.

დ. ყიფიანის მიერ შედგენილ პროექტს საგანგებო კრებაზე დამსწრე 552 თავადაზნაურადან ხელი მოაწერა 536 კაცმა. უმრავლესობის პროექტი 1863 წ. 6 ივლისს გადაეცა მეფისნაცვლის მთავარ სამმართველოს.

თავადაზნაურთა უმცირესობამ თავისი პროექტი შეიმუშავა, რომელიც 14 კაცის ხელმოწერით იმავე წელს წარუდგინეს გლეხთა მომწყობ მთავარ კომიტეტს. ავტორები, მართალია, აღიარებდნენ გლეხთა უფლებას მოძრავ ქონებაზე, სახლსა და სამეურნეო ნაგებობებზე, ბაღვენახების ნარგავებზე და იმ მიწებზე, რომლებზეც გლეხებს ჰქონდათ კანონიერი ნასყიდობის სიგელები, მაგრამ არსებითსა და მთავარს — მიწის საკითხს მემამულეთა სასარგებლოდ წყვეტდნენ. ისინი მიწის ფონდს აცხადებდნენ მებატონეების შეუზღუდავ საკუთრებად და შეუძლებლად მიაჩნდათ გლეხთათვის ნაღვლების გადაცემა მულმივ მფლობელობა-სარგებლობაში იმ მოტივით, რომ მემამულეებს თითქმის აღარაფერი დარჩებოდათ საკუთრებაში. „ჩვენ, — წერდნენ ამ პროექტის ავტორები, — არ უარვყოფთ, რომ გლეხს სჭირია სახნავ-სათიბი ადგილები და სხვა სავარგულები, მაგრამ ყველაფერს ამას ის ადვილად იშოვის თავისუფალი დაქირავების საფუძველზე“. ამდენად, თავადაზნაურობის ერთი ნაწილი გლეხობას სთავაზობდა კაბალური მოიჯარის არასახარბიელო ხვედრს.

სარეფორმო საქმიანობას და ყმა გლეხთა განთავისუფლების პირობათა შემუშავებაში თავადაზნაური ლიბერალებიც მონაწილეობდნენ. მათი გამოსვლების შემორჩენილი ფრაგმენტებიდან ჩანს, რომ ნ. ჭავჭავაძემ, დ. ჯორჯაძემ, ი. ჯორჯაძემ და სხვ. წამოაყენეს გლეხთათვის მიწის გამოსყიდვის უფლების მიცემის წინადადება, რამაც კონსერვატორთა დიდი უკმაყოფილება გამოიწვია. ადგილი ჰქონდა რადიკალურ გამოსვლებსაც რ. ვაჩნაძემ, დ. ფურცელაძემ ოა კ. მამაცაშვილმა მოითხოვეს ყმა გლეხთა მიწიანად განთავისუფლება. განსაკუთრებულ ყურადღებას იქცევს კონსტანტინე მამაცაშვილის წინადადება. იგი მებატონეებსა და მთავრობას ურჩევდა გლეხთა მიწიანად განთავისუფლებას. წინააღმდეგ შემთხვევაში წარმოიშობა პროლეტარიატი, რომელიც დიდ საფრთხეს შეუქმნის მშვიდობასა და წესრიგს. კ. მამაცაშვილი, მართალია, განსაზღვრავდა განთავისუფლებულ გლეხთა საკუთრებაში გადასაცემი მიწის ნორმას, მაგრამ ვისაც ფაქტიურად ნორმაზე ნაკლები მიწა ჰქონდა, ან სულ არ გააჩნდა, იმას არ ჰპირდებოდა მიმატებას და მიცემას, ხოლო ვისაც ნორმაზე მეტი აღმოაჩნდებოდა, უნდა ჩამორთმეოდა მემამულეთა სასარგებლოდ. კ. მამაცაშვილი საჭიროდ თვლიდა მთა-

ურობას დაუყოვნებლივ მიეცა თავადაზნაურობისათვის მიწის გამოსასყიდი თანხა და ამით ბოლო მოეღო ორი წოდების გამწვავებული ურთიერთობისა და კლასობრივი ბრძოლისათვის. ამ ლიბერალის აზრით, გლახთა მიწიანად განთავისუფლება მემამულეებისთვისაც სასარგებლო იქნებოდა. ისინი ჩამონაკრების ხარჯზე გაზრდიდნენ თავიანთი მიწების ფართობს, თანაც მიიღებდნენ დიდ გამოსასყიდს და შესაძლებლობას, რომ ყმის უსასყიდლო, იძულებით შრომაზე დამყარებული მეურნეობა გარდაექმნათ თავისუფლად დაქირავებულ შრომაზე დამყარებულ და უფრო რენტაბელურ მეურნეობად.

გლახთა მომწყობ ამიერკავკასიის ცენტრალურ კომიტეტში ბარათი ვ. სემიონოვმაც წარადგინა. ამიერკავკასიის ადმინისტრაციის ეს მოხელე მიზანშეწონილად თვლიდა და მთავრობას ურჩევდა დაუყოვნებლივ გადაეყვანა საბატონო და სახაზინო გლახები სავალდებულო გამოსყიდვაზე, ხაზინას მყისვე მიეცა მემამულეებისათვის გამოსასყიდი თანხა და მომდევნო 30 წლის განმავლობაში თანდათან ამოეღო იგი გლახობისაგან. მისი აზრით, ამით თავიდან იქნებოდა აცილებული მემამულეებისა და გლახების ურთიერთობის გამწვავება და აგრარული რეფორმა მშვიდობიანად გატარდებოდა.

მეფისნაცვალმა და გლახთა მომწყობ ამიერკავკასიის ცენტრალური კომიტეტის წევრებმა სხვადასხვა მოტივით ყველა ზემოთ დახასიათებული პროექტები და ბარათები დაიწუნეს, არასრულად მიიჩნიეს. მაგრამ მთავარმა კომიტეტმა ანგარიში გაუწია მათ, ამ დოკუმენტებში დატული მასალა და თვალსაზრისი გამოიყენა უფრო სრული და ყოვლისმომცველი რეფორმის დებულებათა შედგენისათვის. მეფისნაცვალს მიჩანდა, რომ ცენტრალური კომიტეტის მიერ შედგენილი, 1864 წ. ღამდევს დასრულებული კანონპროექტი, გლახთა განთავისუფლების ადგილობრივი დებულება შედგენილი იყო 1861 წ. 19 თებერვლის საერთო სარუსეთო კანონის საფუძველზე და ამიტომ მისაღები უნდა ყოფილიყო როგორც მებატონეების, ისე ყმა გლახებისათვის. მაგრამ ეს ოფიციალური კანონპროექტი დაიწუნა საქართველოს დემოკრატიულმა ინტელიგენციამ, რომელიც სარეფორმო საქმიანობაში დაშვებული არ ყოფილა.

აღმოსავლეთ საქართველოს მემამულეთა მიწებზე მცხოვრებ გლახთა საადგილმამულო მოწყობის მთავარი კომიტეტისაგან შედგენილ წინასწარ პროექტზე ნ. ჭავჭავაძის ხელმოწერითა თუ დამოწმებით. ორგზის იქნა წარდგენილი შენიშვნები. ერთი დოკუმენტი ისტორიაში შევიდა „კრიტიკული შენიშვნების“, ხოლო მეორე — „საერთო კრიტი-

კული შენიშვნების“ სახელწოდებით. დღემდე გრძელდება კამათი როგორც ამ დოკუმენტთა ავტორის ვინაობის, ისე მათი შინაარსის შეფასების გარშემო. ზოგს „კრიტიკული შენიშვნების“ ავტორად მიაჩნია დიდი მწერალი და საზოგადო მოღვაწე ილია ჭავჭავაძე, ზოგს კი თბილისის საოლქო სასამართლოს წევრი ნ. ჭავჭავაძე. ჩვენი აზრით, უფრო დამაჯერებლად და დასაბუთებულად იმ მკვლევართა მოსაზრება, რომელნიც „კრიტიკული შენიშვნების“ ავტორად ი. ჭავჭავაძეს აცხადებენ.

საქართველოს ცენტრალურ არქივში შემორჩენილი „კრიტიკული შენიშვნები“ დათარიღებულია 1864 წ. 6 აპრილით. იგი ეხება დებულების წინასწარი პროექტის თითქმის ყველა მუხლს.

ამიერკავკასიის ადმინისტრაციის მიერ შედგენილი დებულების წინასწარი პროექტის მეხუთე მუხლი ითვალისწინებდა გლეხთა მფლობელობაში არსებული მიწის ფონდის შემცირებას, ჩამონაჭრების შემამულეთა უშუალო განკარგულება-საკუთრებაში გადაცემას. ილია ილაშქრებს ამის წინააღმდეგ და წერს: თუკი სასარგებლოდაა ცნობილი, რომ გლეხი მემამულეზე დამოკიდებული დატოვონ, რაღა საჭიროა მოაკლდეს რამე პირადად განთავისუფლებული გლეხის ნადელს. დაე დარჩეს გლეხობას ყველა ის მიწის საკარგულები, რაც ამჟამად აქვს და ამის მიხედვით გადაუხადოს მემამულეებს ღირსება. ეს არც იავადანხანაურობას დააზარალებს, რამდენადაც რეგულარულ შემოსავალს მიიღებს მიწის რენტის სახით. რაც მთავარია, აღარ მოიშლება გლეხთა საცხოვრებელი და მეურნეობა. ეს კი გლეხთა საკითხის გადაჭრაში მთავარია.

დებულების პროექტი საგრძნობლად ზღუდავდა გლეხთა უფლებას საძოვრითა და ტყით სარგებლობის სფეროში. კრიტიკული შენიშვნების ავტორი მოითხოვდა ამ საკითხის გადაწყვეტის დროს დაყრდნობოდნენ ვახტანგის კანონებსა და ძველ ჩვეულებას, რომლის მიხედვითაც საქართველოში ყველა ისევე თავისუფლად სარგებლობდა ტყე-საძოვრებით, როგორც ჰაერით. თუმცა გარკვეულ შეზღუდვას მაინც უშვებს, წერს, რომ ტყით გლეხებმა უნდა ისარგებლონ საკუთარი ოჯახის საჭიროების ფარგლებში, მემამულის მიწაზე გასაყიდ ხეტყეს ვერ დაამზადებენო.

წინასწარი პროექტი გლეხთა ეზო-კარმიდამოს მოცულობას 1 დღიურით (0,5 ჰექტარი) განსაზღვრავდა, ზედმეტი უნდა ჩამოჭრილიყო მემამულის სასარგებლოდ. ილია უკანონოდ თვლის ამ ზომას, აცხადებს — ყველა გლეხს ის უნდა დარჩეს, რაც გააჩნია, წინააღმდეგ

რუმთხვევაში გლეხების უკმაყოფილებას და პროტესტს დაიმსახურებო.

მთავრობის პროექტი უფლებას აძლევდა თავდაზნაურობას, საკუთარი კარ-მიდამოსა და მამულის დამრგვალების მიზნით, სხვაგან გადაეტანა გლეხის სამოსახლო, მოეცვალა სახნავ-სათესი და ვენახი. ყველა ამ მუხლს, — აცხადებდა ილია. — გლეხთა უკმაყოფილება და დავიდარაბა მოპყვება. ჩემი აზრით არ აჩსებობსო არავითარი მიზეზი ხალხის შეწუხების, გლეხთა მამაპაპური ადგილებიდან აყრისათვის. ეს საშიშროებას უქმნის მემამულეს, რომელსაც გლეხობა სამუდამოდ შეიწიზლებს, ეს საშიშია მთავრობისთვისაც: იგი ვერ შეძლებს აღკვეთოს შეხლა-შემოსლა და პრმოლა, რაც მოპყვება ხალხის იძულებით აყრას თავისი ბინადრობიდან. გლეხის აყრა-გადასახლების უფლება, ილიას აზრით „ყველაზე საშინელი და ყოვლად გაუმართლებელი უფლება“ იყო იმათგან, რაც მთავრობის კანონპროექტის ძალით მემამულეს ეძლეოდა. ილია მოითხოვს გლეხს მიეცეს უშფოთველ-უდრტვინველად, ძალმომრეობის გარეშე ცხოვრება-საქმიანობის გარანტია, უამისოდ გლეხს არ ექნება თავის მეურნეობის გაუმჯობესების ხალისი. მთელი მისი ცხოვრება იმათ თვითნებობა-ახირებაზე იქნება დამოკიდებული, ვისთანაც იგი სამუდამოდ გადააბით სავალდებულო პირობათა ძალით. იუ პატივის სცემთ ადამიანის თავისუფლებას, თუ არ გსურთ ყმა გლეხთა სვე-ბედის ასეთი გადაწყვეტით საშინელი არეულობა გამოიწვიოთ, მოსპეთ ყველა ეს სავალდებულო და იძულებითი გადასახლება, ადგილმამულის იძულებითი გაცვლა. ამით თქვენ ერთი ნაბიჯით მიუახლოვდებით ქეშმარიტებას, მაგრამ გლეხთა საკითხის აგრერიგად გადაწყვეტით სრულ სამართლიანობას მაინც ვერ მიაღწევთო.

შემდეგ „კრიტიკული შენიშვნების“ ავტორი ეხება წინასწარი პროექტის სათანადო ადგილს და წერს, რომ 93, 94, 95 და სხვა დანარჩენი მუხლებითაც „ყველა უფლება მემამულეს ეძლევა, ყველა ვალდებულება კი გლეხს ეკისრება“. გლეხი უფრო ტვირთმძიმე ხდება, ვიდრე ბატონყმობის დროს იყო და ამიტომ შეიძლება სანატრელი გაუნდესო ბატონყმობა. მაგალითისათვის ილია მიუთითებს, რომ წინასწარი პროექტი გლეხს ართმევს თავის სანადელო მიწაზე ნადირობა-თევზაობის უფლებას, რაც წინათ არ იყო შეზღუდული.

წინასწარი პროექტით გლეხს უფლება არ ჰქონდა 9 წლის გასვლა-ზღე მიეტოვებინა ნადელი, სხვაგან გადასახლებულიყო. მეფის მთავრობის კავკასიელი მოხელეები, როგორც ჩანს, გრძნობდნენ, რომ სავალდებულო ურთიერთობითა და მძიმე ღალა-გადასახდელებით შევიწრო-

ებული გლეხები, პირადი თავისუფლების მიღების შემდეგ, მასობრივად დატოვებდნენ სოფლებს, ქალაქებს მიაშურებდნენ და სწორედ ამიტომ დააპროექტეს შემზღუდავი წესები. ამით აღმფოთებული ილია წერს: „როგორ უნდა აიძულო თავისუფალი პირი ის მოიხმაროს, რისი მოხმარებაც არ უნდა? თავისუფლება და კაბალა ერთად ვერ თავსდებიან. ვერ გამიგია რამ აიძულა მთავარი კომიტეტი ასეთი ყოვლად გაუმართლებელი კანონპროექტი შეედგინა. თუ გლეხთა აყრა-გადასახლება აშინებთ, განა არა სჯობს ისე გადაჭრან ბატონყმობის საქმე და განთავისუფლებულ გლეხთა ბედი, რომ ისინი აღარ გახდნენ იძულებული დატოვონ თავისი სამკვიდრო. თუ გლეხისათვის ხელსაყრელი იქნება მემამულის მიწაზე დარჩენა, ის ფეხს არ მოიცვლის, თუ არა და მას ვერაფერი დააკავენ. ისედაც, თუ არ უნდა რისთვის უნდა დავაკავოთ, ვის რა სარგებლობა ექნება აქედან? ეს არავის არგებს და არც მემამულეებს, რომელთა გულის მოსაგებად, ჩანს, შეადგინეს ეს კანონპროექტი. მიეცით გლეხს სრული თავისუფლება, ნუ აიძულებთ იქ იცხოვროს, სადაც არ ეცხოვრება. რისი მაქნისია პირადი თავისუფლება, თუკი გლეხი კიდევ 9 წელიწადს ყმად უნდა დარჩეს? გლეხს, რომელიც პირად თავისუფლებას მიიღებს, იმდენი უფლება მაინც უნდა ჰქონდეს, რომ ეს თავისუფლება სურვილისამებრ, სხვათაგან დამოუკიდებლად მოიხმაროს“.

წინასწარი პროექტი გლეხს ავალდებულებდა, თუ მემამულე მოსთხოვდა აუცილებლად გამოესყიდა ნადელი, მემამულე კი არ იყო ვალდებული შეესრულებინა გლეხის სურვილი ნადელის გამოსყიდვის თაობაზე. ილიას საჭიროდ მიაჩნდა ნადელთა სავალდებულო გამოსყიდვა. თუ ეხლავე არ შეიძლება გლეხს მიეცეს საკუთრება, იმედი მაინც ჩაუსახეთ, რომ მომავალში შეძლებს მის შეძენას. გლეხს ყოველ დროს უნდა შეეძლოს ნადელის გამოსყიდვა. საკუთარი მიწის გარეშე გლეხის ბედი დამოკიდებული იქნება მემამულის თვითნებობაზეო.

მთავარი კომიტეტის პროექტი ვენახებით სარგებლობისათვის გლეხებს აკისრებდა მოსავლის მეოთხედის გადახდას. ილია აღმფოთებული წერს: „საქართველოში სად გაგონილა, რომ ბატონს ყმისაგან ყურძნის მოსავლის ერთი მეოთხედი აედოს. საქმარისია დაკმაყოფილდეთ მოსავლის ერთი მეექვსედით, თუ გლეხი ვენახისათვის საჭირო ჰიგოს მემამულის ტყიდან ეზიდება და ერთი ბერვედი ნაწილით, როცა ამ მასალას სხვაგან შოულობს“.

„კრიტიკული შენიშვნების“ ავტორს არ მოსწონს წინასწარი პროექტით ნეგარაუდები მოძრავი ღალა მოსავლის წილის სახით, რაც მისი

აზრით „საშინელი იარაღი“ იყო გლეხების წინააღმდეგ. თუ წილზე ჰქვარა დაკანონდა არ შეიძლება მოველოდეთ რომ გლეხს გაუჩნდება მისწრაფება მეურნეობის გაუმჯობესებისაკენ იმიტომ, რომ როგორც კი იგი თავის ვენახს გაუმჯობესებს, მეტ მოსავალს მიიღებს, მაშინვე ამ მუხლის ძალით კულუხიც გაიზრდება და გლეხი თითქმის ხელცარიელი დარჩება. ილია კანონმდებლებისაგან მოითხოვდა ანგარიში გაეწიათ ხალხის ჩვეულებისათვის, „რომელმაც შეძლო დაეწესებინა მიწით სარგებლობის საზღაურად გადაკვეთილი გამოსაღები“. ხოლო თუ ჩვეულებას უგულვებელყოფთ, „სამუდამაჲმო სარგებლობისა და უცვლელი ბეგარის გადახდის პრინციპისაგან უკან დავიხევთ... ეს მიგვიყვანს საშინელ არეულობამდე, რომელსაც მთავრობა ვერ მოაწესრიგებსო“.

„კრიტიკულ შენიშვნებში“ დაწუნებულია მთავრობის პროექტი, რომელიც, ავტორის აზრით, არახელსაყრელი იყო როგორც მთავრობისათვის, ისე მემამულეებსა და გლეხებისათვის. წინადადებას იძლეოდა რეფორმისათვის საფუძვლად დაედოთ აღიარება ორივე მხრის საკუთრების უფლებისა მიწის გარკვეულ ნაწილზე.

ბოლოს ილია ჭავჭავაძე თითქოს რეზიუმეს უკეთებს თავის მსჯელობას და ხაზს უსვამს წინასწარი პროექტის ძირითად ნაკლს, კატეგორიულად უარყოფს დროებით ვალდებულების ინსტიტუტს. „სავსებით ვუარყოფთ რა სავალდებულო ურთიერთობას, რომლისგანაც ყველა ეს უსიამოვნება იბადება, ვაცხადებ, რომ გლეხთა საკითხის გადაწყვეტასულ სხვა საწყისს უნდა დაეფუძნოს, სახელდობრ კი გლეხისა და მემამულის მეურნეობის საბოლოო გათიშვის საწყისს; მათ შორის უნდა გაწყდეს ყველა ძაფი, რომელიც ნაბატონარსა და ნაყმევს ერთმანეთთან აკავშირებს. გლეხთა საკითხის სხვაგვარად გადაწყვეტა არ იქნება საბოლოო გადაწყვეტა. ეს გაგრძელება იქნება, მხოლოდ შეცვლილი ფორმით, იმავე ბატონყმური მდგომარეობისა, რომლის მოსპობა დროთა ვითარებაში ისევე აუცილებელი გახდება, როგორც აუცილებელი იყო ძველი ბატონყმობის მოსპობა. მიზანშეწონილია ეხლავე საბოლოოდ გადაწყდეს საკითხი. მოვსპოთ შენლა-შემოხლა გასათავისუფლებელ და განმათავისუფლებელ წოდებებს შორის, დავადგინოთ მემამულის სავალდებულო დამოკიდებულებისაგან გლეხისა და მისთვის ბოძებული ნადელის საბოლოო გამოყოფის პირობები. ასეთი გამოყოფა უნდა მოხდეს გლეხისათვის განკუთვნილი ნადელის სავალდებულო გამოსყიდვის გზით“.

ისიც უნდა ითქვას, რომ ილია ჭავჭავაძე ამ დოკუმენტში უფრო თავშეკავებულია და მარჯვნივ დგას, ვიდრე პოზიტივისტები და პუბლიცისტები.

კაში. ეს გასაგებიცაა. მთავრობისათვის რევოლუციური დემოკრატიულ მოთხოვნების წარდგენა შეუძლებელიც იყო და არარეალურიც. ილია თავს იზღუდავდა, მიუდგომლად მსჯელობდა, ცდილობდა მის მიერ წამოყენებული კრიტიკული შენიშვნები მისაღები გამხდარიყო პრივილეგიური წოდებისა და მთავრობისათვის და ამ გზით ნაწილობრივ მაინც დაეცვა გლეხობის ინტერესები. დოკუმენტის ავტორი ხშირად ლაპარაკობს გლეხთა უკმაყოფილებაზე, კლასობრივი ბრძოლის გამწვავებაზე, ხალხის რევოლუციურ პოტენციაზე და ამითაც ცდილობს ზედაფენების დათმობაზე დაყოლიებას, ბატონყმობიდან განთავისუფლებული გლეხობისათვის შრომისა და ცხოვრების შედარებით უკეთესი პირობების შექმნას.

წინასწარი პროექტისა და 1864 წ. 13 ოქტომბრის დებულებათა შედარება ცხადყოფს, რომ გლეხთა მომწყობმა მთავარმა კომიტეტმა ილიას ზოგი მეორეხარისხოვანი შენიშვნა გაითვალისწინა, ზოგი მუხლი საერთოდ ამოიღო პროექტიდან, ზოგში კი რედაქციული ცვლილება შეიტანა. მაგრამ მეფის მთავრობის კავკასიური ადმინისტრაცია გაცილებით მეტ ანგარიშს კონსერვატიული თავადაზნაურების მოთხოვნებს უწყევდა.

გლეხთა განთავისუფლების წინასწარი პროექტი განიხილეს მთავარი კომიტეტის წევრთა და თავადაზნაურთა მიერ გამოყოფილი ექსპერტების გაერთიანებულ სხდომაზე. ამ ექსპერტთა დიდი ნაწილი დაჯგუფდა ი. მუხრანბატონის გარშემო. მან დაიწუნა 19 თებერვლის კანონის საფუძველზე შედგენილი პროექტი. შოთნოვა ტერმინი — „დროებით ვალდებული გლეხები“ შეცვლილიყო ტერმინით — „მემკვიდრეობითი ხიზნები“. ამით ი. მუხრანბატონი და მთლიანად თავადაზნაურობა ვარაუდობდა შეუზღუდავად შეენარჩუნებინა მიწაზე საკუთრების უფლება, გლეხები არსებითად უმიწოდ გაეთავისუფლებინა. ამასთან, ექსპერტებმა მოითხოვეს გლეხთა ნაღვლების შეკვეცა იმგვარად, რომ მემამულეების უშუალო განკარგულებაში დარჩენილიყო სახნავ-სათესი მიწების ორი მესამედი.

მემამულეთა დიდი ნაწილი კატეგორიულად აღუდგა წინ მუდმივი უცვლელი ღალის დაწესებას, რადგან ამით მოიგებდნენ გლეხები და იზარალებდნენ თავადაზნაურნი. ისინი არ სჯერდებოდნენ მოსავლის მეოთხედს, აცხადებდნენ, რომ ნაფუძარი მიწებით საარგებლობის საზღვრად გლეხებმა მოსავლის ნახევარი უნდა გადაიხადონ.

ზემოთ აღნიშნული და ექსპერტთა სხვა შენიშვნების მოსმენის შემდეგ მთავარმა კომიტეტმა გლეხთა განთავისუფლების პროექტი გა-

დაამუშავა. თავადაზნაურთა ბევრი შენიშვნა გაითვალისწინეს, გლეხთა პირადი და საადგილმამულო უფლებები კიდევ უფრო შეკვეციეს და შემამულეთა უფლებების გაფართოება დააფიქსირეს.

1864 წლის 25 ივლისს დამთავრდა გლეხთა განთავისუფლებისა და მიწათმოწყობის პროექტის შედგენა. მეფისნაცვალმა ეს დოკუმენტი პეტერბურგს გაგზავნა და შუამდგომლობა აღძრა უმაღლესი მთავრობის წინაშე მისი დამტკიცების თაობაზე. მიხეილ რომანოვი ხაზს უსვამდა ქართველ თავადაზნაურთა მთავრობის წინაშე დიდ დამსახურებას, ამითაა განპირობებული მათთვის ფულადი საზღაურის მიცემა და სხვა შეღავათები. 1864 წლის 13 ოქტომბერს ალექსანდრე მეორემ მოიწონა კავკასიის ადმინისტრაციის „შემოქმედება“ და უმაღლესად დაამტკიცა შემდეგი საკანონმდებლო დოკუმენტები:

1. ბრძანება სენატისადმი ბატონყმური დაშოკიდებულებიდან თბილისის გუბერნიის გლეხთა განთავისუფლების შესახებ.

2. 1861 წლის 19 თებერვლის დებულების დამატებითი წესები თბილისის გუბერნიის ბატონყმობიდან გამოსული გლეხების შესახებ.

3. ადგილობრივი დებულება თბილისის გუბერნიის თავადაზნაურთა მიწებზე მცხოვრებ გლეხთა მიწათმოწყობის თაობაზე.

4. დებულება სოფლის საზოგადოებრივი მმართველობის შექმნის, გლეხთა მიერ სახელმწიფო და ადგილობრივი გადასახადების გაღების შესახებ.

5. გარიგების სიგელების შედგენის წესები თბილისის გუბერნიაში.

ამ საკანონმდებლო აქტებში ბევრი მუხლი მაღალფარდოვნად დალაგებდა გლეხთა თავისუფლებასა და მათთვის იურიდიული პირის უფლების მიცემაზე, პირადი ვალდებულებიდან გამომდინარე საბატონო ვადასახადთა გაუქმებაზე, მაგრამ სხვა მუხლები არა მარტო გლეხთა ქონებრივ უფლებას კვეცავდა, არამედ მნიშვნელოვნად ზღუდავდა გლეხთა სოციალურ უფლებებსაც.

თბილისის გუბერნიის გლეხთა მიწათმოწყობის დებულებაში ჩაწერილი იყო, რომ განთავისუფლებულ გლეხობას არსებობის შესანარჩუნებლად, მთავრობისა და შემამულეთა წინაშე თავის ვალდებულებათა შესასრულებლად მუდმივ სარგებლობაში ეძლეოდა გარკვეული ფართობის მიწის ნაკვეთები (ნადელები).

გლეხობას უფლება არ ჰქონდა პირადი თავისუფლების მიღებიდან წლის გასვლამდე უარი ეთქვა ნადელებზე, რადგან ამით დაკარგავდნენ გადახდისუნარიანობას, ზარალს მიაყენებდნენ მთავრობასა და მე-

მამულეებს. სანადელო მიწის გამოსყიდვა გლახს შეეძლო მხოლოდ მემამულის თანხმობის შემთხვევაში. ასეთ თანხმობაზე კი ბევრი მემამულე, სხვადასხვა მოსაზრებით, უარს ამბობდა, რაც გლახის თავისუფლების შეზღუდვას მოასწავებდა, მის სამეურნეო საქმიანობას აფერხებდა.

ადგილობრივი დებულების ზოგი მუხლით გლახებს ნადელებად ეძლეოდა რეფორმამდე მათ სარგებლობაში მყოფი მიწები. სხვა მუხლი ნადელის მაქსიმალურ ზომად კომლზე 10 დესეტიანას, მინიმალურ ზომად — 5 დესეტიანას აცხადებდა. მაგრამ დებულება ითვალისწინებდა მრავალ გამონაკლისს, რის შედეგადაც გლახობის მიწათმფლობელობა საგრძნობლად მცირდებოდა. დებულების ერთი მუხლის თანახმად მემამულეს თავის უშუალო განკარგულებაში აუცილებლად უნდა დარჩენოდა სახნავ-სათესი მიწის ნახევარი და ბევრ შემთხვევაში ეს შესაძლებელი იყო მხოლოდ გლახთა ნადელების შემცირების, ჩამონაკრების ხარჯზე. დებულების სხვა მუხლი კი მცირემამულიან მებატონეებს (60 ჰექტარამდე მიწის მფლობელთ) სრულიად ათავისუფლებდა გლახთათვის ნადელის გამოყოფის ვალდებულებისაგან.

თუ მემამულეს საკუთარი ეზო და ბაღი არ გააჩნდა, მას უფლება ჰქონდა დაპატრონებოდა რომელიმე ნაყმევის ეზოსა და ბაღს. მებატონეს იმის უფლებაც ეძლეოდა, რომ გლახი მამაპაპური კარმიდამოდან აეყარა, სხვაგან გადაესახლებინა და მამული დაემრგვალებინა. მემამულეს არ ევალებოდა ნადელი მიეცა. ისეთი გლახისათვის, რომელსაც რეფორმამდე მიწა არ ჰქონდა.

ადგილობრივი დებულებით განისაზღვრებოდა სანადელო მიწებით სარგებლობისათვის გლახებზე დაკისრებული ვალდებულებების, დღისა და კულუხის (იგივე რენტის) ოდენობა. ჩენტა იყო როგორც ფულადი, ისე პროდუქტადი და ცალკე განისაზღვრებოდა ეზოსა, სახნავ-სათესი მიწისა და ვენახისათვის. საკარმიდამო მიწის რენტა გლახებს ფულით უნდა დაეფარათ, ხოლო სახნავ-სათესი მიწისა და ბაღ-ვენახისა ძირითადი პროდუქტებით, მოსავლის მეოთხედის ოდენობით. სათიბიდან გლახებს მემამულისათვის მოთიბულის მესამედი უნდა მიეცათ.

ადგილობრივმა დებულებებმა დააკანონა, ერთი მხრივ, გლახთა სარგებლობაში არსებული მიწების თითქმის ერთი მესამედით შემცირება; ხოლო მეორე მხრივ მიწის რენტის გადიდება. თუ რეფორმამდე ღალის ოდენობა მერყეობდა მოსავლის ერთი შეათედიდან ერთ მეხუთედ ნაწილამდე, ხოლო კულუხი ერთი მეშვიდედიდან ერთ მეხუთედამდე, რეფორმის შემდეგ ორივე სავარგულზე დაწესდა მოსავლის მეო-

თხედი. ამდენად, თავადანაწარმოებამ გლახთა პირადი ვალდებულებების გაუქმებისათვის საზღაური გლახობისაგანაც აიღო და მთავრობისგანაც, აგრარული რეფორმის გატარებით ზარალი არ განუცდია.

აღმოსავლეთ საქართველოში საგლახო რეფორმის მომზადება-გატარების შედეგად, დასავლეთ საქართველოში ანალოგიური მუშაობა გადავიდა და დაჩქარდა. აქაც შემუშავდა ძირითადი დებულების დამატებითი წესები, რომელშიც აისახა ამ მხარის ცალკეული კუთხეების ბატონყმურ-აგრარული წყობის თავისებურებანი. იმპერატორმა იმერეთურია-რაქისათვის ბატონყმობის გაუქმებისა და გლახთა მიწათმოწყობის დებულება დაამტკიცა 1865 წ. 13 ოქტომბერს, სამეგრელოსათვის — 1866 წ. 1 დეკემბერს, აფხაზეთისათვის — 1870 წ. 8 ნოემბერს, სადაღესტანსა სვანეთისათვის — 1871 წ. 8 ოქტომბერს.

დასავლეთ საქართველოს მებატონეები ზევს ლაპარაკობდნენ თავის გაქირვებასა და მცირემიწიანობაზე, ყოველნაირად ცდილობდნენ გლახთა მიწათმფლობელობის შემცირებას, და მათ საადგილმამულო ვალდებულებების გადიდებას. მთავრობამ ანგარიში გაუწია პრივილეგიური წოდების სურვილებს. მაქსიმალურად დაიცვა მისი ინტერესები. მაგრამ იმერეთის, გურიის, სამეგრელოსა და რაჭისათვის შედგენილი გლახთა განთავისუფლება — მიწათმოწყობის დებულებანი არსებითად იმეორებდა 1864 წლის 13 ოქტომბრის დებულებას, უშვებდა მხოლოდ იმ გამონაკლისებს, რაც ქუთაისის გუბერნიის თავისებურებამ მოითხოვა.

განსხვავება იმაში გამოიხატა, რომ ქუთაისის გუბერნიაში საგლახო ნადელის გაცილებით ნაკლები ნორმა დაწესდა (უმალღესი 5 ჰა, უმცირესი — 2 ჰა). მაგრამ ამ მაქსიმუმსა და მინიმუმს არსებითად ანგარიში არ ეწეოდა. რადგან დებულების სხვა მუხლები მცირე მიწიან მემამულეს ათავისუფლებდა არა მარტო აღნიშნული ოდენობის ნადელების გამოყოფის, არამედ საერთოდ გლახთათვის ნადელის მიცემის ვალდებულებისაგან. ვისაც ეს ევალებოდა, რენტის მაღალი განაკვეთის დაწესებით ცდილობდა კომპენსაციის მიღებას, მოითხოვდა მიწით სარგებლობის საზღაურად მოსავლის მესამედს და ნახევარსაც კი, მაგრამ მთავრობამ ვერ გაბედა გლახთა ესოდენ მძიმედ დაბეგვრა და დასავლეთ საქართველოშიც მოსავლის მეოთხედი დააწესა. გამონაკლისი დაუშვა მხოლოდ მაღლარი ვენახებისათვის, რომლით სარგებლობისათვის გლახობას მოსავლის მესამედის გადახდა დააქისრა.

რუსეთის ცარიზმი კარგა ხანს უარყოფდა სომხეთ-აზერბაიჯანსა და საქართველოს გამაჰმადიანებულ რაიონებში ბატონყმობის არსებობას,

არ სცნობდა ბეგ-ალაღარებისა და მელიქების საკუთრების უფლებას მიწაზე. მეფის მთავრობას ამით სურდა გაეადვილებინა სახაზინო მიწის ფონდის შევსება. მხოლოდ 1847 წ. პოლიტიკური მოსაზრებით, მუსლიმანური მალალი წოდების გაერთვულების მიზნით, მეფისნაცვლის ვორონცოვის შუამდგომლობის თანახმად ბეგ-ალაღარებსა და მელიქებს დასაბღბულ მამულებზე მიანიჭეს აზნაურული უფლებები. ამ მიწებზე მცხოვრებ გლეხებს ფორმალურად სახელმწიფო მოსახლეები უწოდეს. მაგრამ ფაქტიურად უშუალო მწარმოებელთა ეს მასა მოექცა მემამულეების დამოკიდებულებაში.

აღნიშნულ კატეგორიის გლეხთა მიწათმოწყობისათვის შეადგინეს სპეციალური დებულება, რომელიც იმპერატორმა 1870 წ. 14 მაისს დაამტკიცა. აგრარული რეფორმის ამ ვარიანტის მიხედვით მუსლიმან მემამულეთა და სომეხ მელიქთა მამულებში მცხოვრებმა გლეხებმა ჭიიდეს სახნავ-სათესი მიწით მუდმივად სარგებლობის უფლება. ტყე და საძოვარი არ შესულა ნადელთა შემადგენლობაში. ამ სავარგულებით სარგებლობის თაობაზე გლეხებს განსაკუთრებული ხელშეკრულება უნდა დაედოთ მემამულეებთან. სანადელო მიწით სარგებლობის საზღაურად გლეხებს დაეკისრათ მოსავლის მეათედის გადახდა და ამის გარდა ყოველ დესეტინაზე 15 კაპიკი (ფულად). ეს წესები გავრცელდა სომხეთსა და აზერბაიჯანზე, აგრეთვე საქართველოს იმ რაიონებზე, სადაც თურქულ-სპარსული მიწათმფლობელობის ფორმები იყო შემოსული (ახალციხის მაზრა, ბორჩალოსა და თბილისის მაზრის ზოგიერთი სოფლები).

მეფის მთავრობის კავკასიური ადმინისტრაციისათვის მალე ცნობილი გახდა, რომ ახალციხის მაზრის დამოკიდებულ გლეხთა ერთი ნაწილი ცხოვრობდა იმ პირთა მიწებზე, რომელნიც არ ეკუთვნოდნენ პრივილეგიურ წოდებას და ამიტომ რუსეთის კანონების თანახმად, არ ჰქონდათ დასახელებული მამულების ფლობის უფლება. ამ კატეგორიის მფლობელთა მიწებზე აღმოჩნდა 1730 კომლი გლეხი. მათი მიწათმოწყობისათვის შეადგინეს 1870 წ. დებულების დამატებითი წესები, რომელიც დამტკიცდა 1877 წ. სექტემბერში. ამ წესებმა არაპრივილეგიურ მფლობელთა მამულებში მცხოვრები გლეხები შედარებით უკეთეს პირობებში მოაქცია. მათ, გამოსყიდვის გარეშე, საკუთრებაში დაუმტკიცდა ეზობი-გლეხთა მუდმივ სარგებლობაში დარჩა ყველა ის მიწები, რასაც დამატებითი წესების დამტკიცებამდე ამუშავებდნენ. თუ მხარეთა შორის ნებაყოფილობითი შეთანხმება ვერ მოხერხდებოდა, მომრიგებელ შუამავალს გლეხთა ღალა-გადასახდელი უნდა განესაზღვრა მოსავლის მეათედის ოდენობით.

ბატონყმური ინსტიტუტების სუსტად განვითარების გამო, მუსლიმანური რაიონების მემამულეებს გაცილებით ნაკლები უფლება ჰქონდა: უბრალო მწარმოებელ მასაზე. ამით იყო განპირობებული ის, რომ რეფორმის შემდეგ ამ რაიონთა გლეხობა შედარებით უკეთეს უფლებრივ-ეკონომიურ მდგომარეობაში აღმოჩნდა ქართული რაიონების გლეხობასთან შედარებით.

აგრარული რეფორმა არ შეხებია საეკლესიო, სახელმწიფო და ხიზან გლეხებს. საეკლესიო გლეხები, მართალია, მალე ხაზინის უწყებაში გადაიყვანეს. მაგრამ ამას მათი სოციალურ-ეკონომიური მდგომარეობა თითქმის არ შეუცვლია. ხიზნების მდგომარეობა კი არა თუ გაუმჯობესდა, გაუარესდა კიდევ.

საქართველოში აგრარული რეფორმის შედეგად მებატონეთა დამოკიდებულებიდან განთავისუფლდა სულ 82680 კომლი, დაახლოებით 0.5 მლნ სული ყმა გლეხი. უდავოა ყმა გლეხთა მიერ პირადი თავისუფლების მიღება დადებითი მოვლენა იყო და ძირითადად ამით განისაზღვრა გატარებული რეფორმის პროგრესული მნიშვნელობა. მაგრამ პირადი თავისუფლება არ კმარადა გლეხთა მდგომარეობის გაუმჯობესებისათვის.

ზედაფენების მიერ გატარებული აგრარული რეფორმის ერთი ძირითადი ნაკლი ის იყო, რომ მან გლეხობას მიწა მისცა არა საკუთრებად, არამედ მუდმივ მფლობელობა-სარგებლობაში. ვიდრე ნაყმევი ამ მიწას არ გამოისყიდდა, მანამდე იგი დროებით ვალდებულ გლეხად ითვლებოდა. ისიც უნდა აღინიშნოს, რომ გარიგების სიგელების შედგენის პროცესში გლეხობას წაართვეს რეფორმამდე მათ სარგებლობაში მყოფი მიწის თითქმის მესამედი.

თბილისის გუბერნიის ყმა გლეხები (17261 კომლი) რეფორმამდე 81 ათას ჰა მიწას ფლობდნენ, რეფორმის შემდეგ მათ სარგებლობაში დარჩა 55 ათასი ჰა. კომლზე საშუალოდ 3,9 ჰა. თბილისის მაზრაში გლეხებმა ჩამონაჭრების სახით დაკარგეს თავის სამფლობელო სახნავ-სათესი მიწის 50,8%, გორის მაზრაში—45%, დუშეთის მაზრაში—22%, სიღნაღის მაზრაში—36%, თელავის მაზრაში—7,8%.

ცალკეული სოფლების დროებით ვალდებულმა გლეხებმა ჩამონაჭრების სახით ამ საშუალო მოცულობაზე გაცილებით მეტი მიწა დაკარგეს. თბილისის მაზრის სოფ. კოდაში თავადმა ალექსანდრე საგინაშვილმა თავის 7 კომლ გლეხს 53 ჰა სამფლობელო მიწიდან ნადელის სახით დაუტოვა მხოლოდ 13 ჰა. იმავე სოფელში ელენე ერისთავმა თავის 10 კომლ გლეხს 91 ჰა მიწიდან ნადელის სახით გამოუყო მხოლოდ 6 ჰა. სოფ. გო-

უბანში ორბელიანმა 24 კომლ გლეხს 159 ჰა მიწიდან სარგებლობაში და-
უტოვა 60 ჰა. სოფ. მულანლოში დ. ჭავჭავაძის 71 გლეხს რეფორმამდე
2 ათასი ჰა მიწა ჰქონდა, რეფორმის შემდეგ მათ სარგებლობაში დარჩა
180 ჰა. სოფ. სადახლოში ი. მელიქიშვილის 57 გლეხი ფლობდა 800 ჰა
მიწას, რეფორმის შემდეგ მათ ნაღელად დარჩა 227 ჰა.

გორის მაზრის სოფ. კარალეთში ერისთავის 44 კომლი გლეხი რე-
ფორმამდე 268 ჰა სახნავ-სათეს მიწას ფლობდა, რეფორმის შემდეგ მათ
ნაღელთა სახით შერჩა 78 ჰა. სოფ. ბევერაში თავად ი. აფხაზის 4 კომლი
გლეხი ბატონყმობის გაუქმებამდე სარგებლობდა 7 ჰა მიწით, რეფორ-
მის შემდეგ მათ დარჩათ 1.6 ჰა. იმავე სოფელში ჭავჭავიშვილის 4 კომ-
ლი გლეხი რეფორმამდე ფლობდა 9 ჰა მიწას, რაც მთლიანად მემამ-
ულემ დაისაკუთრა. სოფ. მერეთში მიწა მთლიანად დაკარგა 34
გლეხმა.

ასე და ამგვარად, „გამანთავისუფლებელმა“ რეფორმამ ბევრი გლეხი
მთლიანად გაანთავისუფლა წარმოების ძირითადი საშუალებებისაგან. ში-
ნაყმები, ქალაქს წასული გლეხები და ხიზნები არც რეფორმამდე ფლობ-
დნენ მიწებს და არც მის შემდეგ მიუღიათ იგი. მათი რიცხვი კი 8 ათასს
აჭარბებდა. აღმ. საქართველოში უმიწოდ დარჩა 5 ათასი კომლი (20 ათასი
სული) გლეხი.

აგრარული რეფორმის გატარების პროცესში დიდად დაზარალდნენ
დასავლეთ საქართველოს დროებით ვალდებული გლეხებიც. მათ ნაღე-
ლებად გამოუყვეს: შორაპნის მაზრაში კომლზე 2,7 ჰა, რაჭაში — 1,9 ჰა,
ჯურიაში — 1,3 ჰა, ლეჩხუმში—2 ჰა მიწა. დასავლეთ საქართველოში
სრულიად უმარწაწყლოდ დარჩა 6 ათასი კომლი (25 ათასი სული)
გლეხი.

მეფის მთავრობისა და მემამულეების მიერ გატარებული საგლეხო
რეფორმა თავიდანვე მოექცა კრიტიკის ცეცხლში. ამ მოვლენის თანადა-
მსწრე ნ. ნიკოლაძემ 1865 წ. გერცენის „კოლოკოლში“ გამოაქვეყნა სტა-
ტია—„გლეხთა განთავისუფლება საქართველოში“, ახალგაზრდა პუბლი-
ცისტი მკაცრად დაეხსა თავს რეფორმატორებს (მათ მიერ შედგენილ
კანონ-დებულებას), რომლებმაც ყველა უფლება-პრივილეგია მემამუ-
ლეებს უბოძეს. ყველა მოვალეობა კი განთავისუფლებულ გლეხებს და-
აკისრეს. „კაცმა რომ იკითხოს, — წერდა ნ. ნიკოლაძე „—სადაა აქ
ბატონყმობის მოსპობა? ცარიელი სიტყვით შეგიძლიათ ბევრი რამე ილა-
ქლაქოთ, მაგრამ თქვენს სიტყვებს ვინ რას დაუჭერებს, როცა საქმე არ
აგვირგვინებს მას. აბა სადაა გლეხთა ყოფა-ცხოვრების გაუმჯობესება?
საკმარისია ოღნავ ჩაუფიქრდეს კაცი თქვენს კანონმდებლობებს, რომ

ცამდე აიყვანოს ძველი ბატონყმობა... ერთი გვითხარით თუ ღმერთი გწამთ, მოეპოვებათ თუ არა რაიმე აზრი თქვენს ეგრეთ წოდებულ რეფორმას. როდესაც მემამულეს გლეხობის მთელი მიწის მესაყუთრედ აცხადებთ, როდესაც გლეხს წინანდელზე უარესად აბამთ მიწაზე, როდესაც, ბოლოს, მემამულეს დაუსჯელად შეუძლია ჩამოაჭრას გლეხს მისი მიწის ნახევარი, როდესაც გლეხს ხელიდან ეცლება მიწა, წყალი, ტყე და თითქმის ჰაერიც კი. რაღა შეადგენს თქვენი რეფორმის შინაარსს? ყოველივე, ამის გამო წერილის ავტორი გაოცებას გამოთქვამდა, რომ გელანმა აიტანა და სირცხვილისაგან არ გაწითლდა, როცა დღის სინათლეზე გამოჰქონდა სიყალბისა და მძარცველობის ეს დაკანონება.

ვ. ი. ლენინის აზრით საგლეხო რეფორმა იყო გლეხობის ყოველად უსინდისო გაძარცვა, იგი წარმოადგენდა სოფლის უშუალო მწარმოებელი მასის მიმართ „მთელ რიგ ძალმომრეობას და პირდაპირ დაცინვას“. მიუხედავად ამისა, ლენინი რეფორმას თვლიდა ფეოდალურ და კაპიტალისტური ფორმაციების წყალგამოყოფად. და მართლაც რეფორმამ შექმნა რა პირადად თავისუფალი, საწარმოო საშუალებებისაგან მნიშვნელოვანწილად გაძარცვული ხალხის მასა, პირობები მოამზადა კაპიტალიზმის გარკვევისათვის.

დროებითი ვალდებულებების ანტიტიტუტის და აგრარული ჯრთიერთობის სხვა კაბალური ფორმების შემორჩენის საფუძველი იყო მცირის საკუთრებაზე მემამულეთა კლასის მონოპოლია, რაც აგრარულმა რეფორმამ ხელუხლებელი დატოვა. მემამულეთა უშუალო განკარგულებაში მყოფი მიწები ჩამონაჭრების წყალობით კიდევ უფრო გაიზარდა. თავდაზნაურობას არც გლეხთათვის პირადი თავისუფლების მინიჭებით განუცდია დიდი ზარალი. ამის საზღაურად მათ მიიღეს მამაკაცის ყოველ სულზე 25—50 მანეთი, მთლიანად 7 მლნ მანეთი. ზოგმა მემამულემ ერთდროულად მიიღო 10—15 ათასი მანეთი. ეს თანხა და დამატებით გლეხთა სანადელო მიწების ყოველწლიური რენტა საკმარის საფუძველს ქმნიდა მეურნეობის კაპიტალისტურად გარჟაქმნისათვის, მაგრამ რაციონალიზატორ მემამულეთა რიცხვი შედარებით ნელა იზრდებოდა.

მიწის საკუთრების მონოპოლია საშუალებას აძლევდა თავადაზნაურობას ძველი წესით განეგრძო მეურნეობა. გლეხობის დიდი ნაწილის უმწიფელობისა და მცირემიწიანობის პირობებში მეტად ხილსაყრილი გახდა მიწის იჯარით გაცემა. მემამულურ მეურნეობაში კი „მიწის იჯარით გაცემას საწინააღმდეგო მნიშვნელობა აქვს: ხან ეს არის მეურნეობის გადაცემა სხვა პირისათვის და სამაგიეროდ რენტის მიღება, ხან კი არის

საკუთარი მეურნეობის წარმართვის წესი, მუშახელით მამულის უზრუნველყოფის საშუალება“¹.

ქართველი მემამულეები მიწის იჯარით ორივე მიზანს აღწევდნენ. მაგრამ უმრავლესობა ერიდებოდა საკუთარი მეურნეობის მოწყობის სიძნელეებს და მიწის რენტით ცხოვრებას ამჯობინებდა. მათ ჩამონაჭრებიც გლეხებს დაუტოვეს საიჯარო სარგებლობაში და სხვა სავარგულესაც მათვე აწლევდნენ იჯარით.

60-იანი წლების რეფორმამ, მართალია, საფუძველი ჩაუყარა გლეხობისა და მემამულეთა კლასის საადგილმამულო გამიჯვნას, გლეხური მეურნეობის დამოუკიდებლობას, მაგრამ უშუალო მწარმოებლის განთავისუფლების დიდი საქმე ბოლომდე არ ყოფილა მიყვანილი. ნადელების გამოსყიდვამდე გლეხთა მიწის იურიდიულ მესაკუთრედ მემამულე რჩებოდა, რაც საშუალებას აძლევდა მას შეეკვეცა განთავისუფლებული გლეხის უფლებები, ეკონომიკურად დაექვემდებარებინა გლეხის მეურნეობა. მთავრობის დახმარებისა და მიწის საკუთრების მონოპოლიაზე დაყრდნობით, თავადაზნაურობამ გლეხობას დააკისრა მძიმე საადგილმამულო ვალდებულებანი.

XIX ს-ის 70-იან წლებში, მეფისნაცვლის კანცელარიის გაანგარიშებით, საქართველოს დროებით ვალდებული გლეხები ერთ ჰექტარ სანადელო მიწაზე იხდიდნენ 9 მანეთს. სულ კი 262 ათასი ჰა მიწით სარგებლობისათვის 2.4 მლნ მანეთს. ამის გარდა გლეხები საძოვრებით სარგებლობისათვის მემამულეებს აძლევდნენ ე. წ. „საბალახოს“, ტყით სარგებლობისათვის გარკვეულ თანხას. ორივე ერთად კომლზე საშუალოდ შეადგენდა 5 მანეთს, სულ კი 438 ათას მანეთს.

დროებით ვალდებული გლეხები მიწის რენტას იხდიდნენ აგრეთვე ნადელგარეშე მიწებით სარგებლობისათვის. აქ ძირითადი იყო ჩამოჭრილი ნაკვეთები, ორმხრივი შეთანხმებით ისევე გლეხთა სარგებლობაში რომ დარჩა, მაგრამ გადიდებული ღალის გადახდის პირობით. თუ სანადელო მიწებში გლეხები მოსავლის მეოთხედს აძლევდნენ ნაბატონარს, ჩამოჭრილი მიწებით სარგებლობისათვის იხდიდნენ მოსავლის მესამედსა და ნახევარს. ამას ემატებოდა სხვადასხვა ძღვენი, რასაც დებულება მართალია კრძალავდა, მაგრამ მემამულეები ახერხებდნენ ამ ძველი „ჩვეულება-ტრადიციის“ შენარჩუნებას.

ამგვარად, დროებით ვალდებულება, შეიძლება ითქვას, იყო ბატონყმობის ნაირსახეობა, რომელმაც ძალიან მალე გლეხთა სიძულვილი და პროტესტი გამოიწვია.

¹ ვ. ი. ლენინი, თხზ., ტ. 3, 1948, გვ. 218.

გლეხთა მოძრაობა XIX ს. 60-70-იან წლებში

აგრარულ რეფორმას გლეხური უწოდეს, მაგრამ იგი მაქსიმალურად იცავდა მემამულეთა ინტერესებს დროებითვალდებულ გლეხთა ხარჯზე. დებულების თანახმად, აგრარული ურთიერთობის ფორმები მემამულეთა და გლეხთა „ნებაყოფლობითი“ შეთანხმებით და მომრიგებელ შუამავალთა აქტიური მონაწილეობით უნდა განსაზღვრულიყო. ეს შეთანხმება იწერებოდა განსაკუთრებულ დოკუმენტში, რომელსაც გარიგების სიგელი ეწოდებოდა.

გარიგების სიგელში აღინიშნებოდა დროებითვალდებული გლეხისათვის გადაცემული მიწის ნაკვეთის (ნადელის) ოდენობა, ჩამოჭრილი მიწის ფართობი. იქვე ფიქსირდებოდა გლეხის საადგილმამულო გადასახდელის ფორმა და მოცულობა.

მემამულეებს დაევალა გლეხებთან შეთანხმებით გარიგების სიგელთა შედგენა დაემთავრებინათ რეფორმის გამოცხადების ორი წლისთავზე. ორივე მხარის ხელმოწერილ სიგელს მომრიგებელი შუამავალი ამტკიცებდა. ხოლო გლეხთაგან ხელმოუწერელ სიგელებს საგლეხო საქმეთა საგუბერნიო საგანგიოს უგზავნიდა. ეს უკანასკნელი გლეხების „დამუშავებისათვის“ ქმნიდა დროებით კომისიას. თუ დროებით ვალდებული გლეხი განმეორებით იტყოდა უარს სიგელის ხელმოწერაზე, ეს დოკუმენტი მის გარეშეც შედიოდა ძალაში და ორივე მხარეს იქ ჩაწერილი პირობები უნდა დაეცვა.

გარიგების სიგელთა შედგენის დროს მემამულეები გლეხთა დიდ წინააღმდეგობას წააწყდნენ. ამიტომ, საკმარისი არ აღმოჩნდა ორწლიანი ვადა. ამ დოკუმენტების შედგენა-დამტკიცება ოთხი წლის თავზეც არ იყო მთლიანად დამთავრებული.

1868 წლის ოტომბრისათვის აღმოსავლეთ საქართველოში შეადგინეს 2360 გარიგების სიგელი, რომელიც ეხებოდა თეადაზნაურთა 3015 მამულს და 48675 სულ დროებითვალდებულ გლეხს. დიდი დავა-კამათის შემდეგ გლეხებმა ხელი მოაწერეს 2056 სიგელს, ხოლო 304 სიგელი დაიწუნეს — ხელმოუწერელი დატოვეს. მემამულეთა თვითნებობას არ დემორჩილა 4871 გლეხი.

კიდევ უფრო დაძაბულად მიმდინარეობდა გარიგების სიგელთა შედგენა დასავლეთ საქართველოში. აქ მხარეების დიდ დავას ჰქონდა აღ-

გილი ნადელებისა და ჩამოჭრილი მიწების განსაზღვრის დროს მეფის-ნაცვლის განკარგულებით 1867 წ. ქუთაისის გუბერნიის ღოგ მაზრაში გაიგზავნა საგლეხო საქმეთა საგუბერნიო საგანგოს მოხელენი და მიწისმეზომელთა ჯგუფი. მათ დაევალა ადგილზე გაერჩიათ სადავო საქმეები, ხელმეორედ გადაეზომათ სადავო ნაკვეთები, რაც შეიძლება დაეჩქარებინათ გარიგების სიგელთა შედგენა-დაპტიკება. ქუთაისის საგუბერნიო ადმინისტრაციის მოხელეებმა ამ დაჩქარებას იმით მიადწიეს, რომ არ ელოდებოდნენ მემამულეთა და გლეხთა მორიგებას, თვით ადგენდნენ გარიგების სიგელებს და მხარეების თანხმობის გარეშე ამტკიცებდნენ კიდევ. 1868 წ. ივლისამდე დასავლეთ საქართველოში შედგენილ-დამტკიცებულ იქნა 5516 გარიგების სიგელი.

გარიგების სიგელების შედგენის პროცესში მემამულეთა და გლეხთა ანტაგონიზმი ჩვეულებრივზე მეტად გამწვავდა, აგრარულმა მოძრაობამ საკმაოდ ფართო მასშტაბი მიიღო. მთავრობისა და მემამულეებისა-გან დაჩაგრულ დაბალ მასას ხელმძღვანელები და მეთაურებიც აღმოუჩინდა. თითქმის ყოველ დიდ სოფელში იყო თითო-ორთა განათლებული, სოციალური უსამართლობისადმი სიძულვილით განმსჭვალული ადამიანი, რომელნიც თვალს უხელდნენ გლეხებს, განუმარტავდნენ მათ ზედაფენების მიერ გატარებული რეფორმის მძარცველურ ხასიათს, მოუწოდებდნენ არ დამორჩილებოდნენ მემამულეებს, ხელი არ მოეწერათ ძალადობისა და მძარცველობის დამაკანონებელ გარიგების სიგელებზე.

მთავრობის მოხელეებს შეუშინვეელი როდი დარჩათ წამქეზებელთა და აგიტატორთა საქმიანობა. ერთ-ერთი მათგანი მეფის ნაცვალს აცნობებდა, რომ რეფორმის წარუმატებლობის მიზეზია ამ ნახევრად განათლებულ ადამიანთა მოქმედება, მათი მისწრაფება, უკმაყოფილება და მღელვარება გამოიწვიონო ხალხის ფართო მასაში. ეს მოხელეები გლეხთა ინტერესების დამცველ ადამიანებს „საეკვო პირებს“, „ბოროტ საქმეთა წამქეზებლებს“, „მშვიდობისა და წესრიგის მტრებს“ უწოდებდნენ. სწორედ მთავრობის წინააღმდეგ განწყობილი „მოუსვენარი ადამიანების“ ჩაგონებით ამბობენო გლეხები უარს მემამულეებთან მორიგეობაზე, გარიგების სიგელების ხელმოწერაზე. ასეთი პირების მავნე მოღვაწეობა, მემამულეებისა და გლეხების ურთიერთობაში მათი არამკითხვ ჩარევა იყო მაზრის უფროსების აზრით, კლასობრივი ბრძოლის გამწვავების მიზეზი.

გლეხობის მნიშვნელოვან ნაწილს მებატონეთა წინააღმდეგ ბრძოლის საკმაოდ დიდი გამოცდილება ჰქონდა. მეფის მთავრობის კავკასიის მოხელეთა ოფიციალურ მიმოწერიდან ჩანს, რომ ყინწვისელი სააკაშვილი

რეფორმამდე კარგა ხნით ადრე ეწეოდა ანტიმატონუმურ აგიტაციას და ამისათვის საპატიმროშიც იჯდა. არც ყმობიდან გახთავისუფლებისა და დროებით ვალდებულების უღელში გაბმის შემდეგ შეუწყვეტია ამ გათვითცნობიერებულ გლეხს უსამართლობის წინააღმდეგ ბრძოლა. სააკაშვილი თანასოფლელებს მოუწოდებდა არ დამორჩილებოდნენ მემამულეთა თვითნებობას. უარი ეთქვათ გარიგების სიგელთა ხელმოწერაზე, არ დაეთმოთ თავის ოფლით განოციერებული ნაყიდი მიწები, რომელთა მითვისებასაც მთავრობის დახმარებით ცდილობდნენ მემამულეები.

თბილისის მაზრის სოფ. გერანში დროებითავალდებულების დაწესების წინააღმდეგ აგიტაციას ეწეოდა მთავრობის მოხელეთა მიერ „მემამოხე გლეხად“ წოდებული არსენ ასლამაზიშვილი. 1866 წ. იანვარში აღნიშნულ სოფელს ესტუმრა მომრიგებელი შუამავალი, შეკრიბა გლეხები და ახსნაგანმარტებას აძლევდა აგრარული რეფორმის დებულებათა შესახებ. არსენ ასლამაზიშვილი არ შეუშინდა პოლიციელთა რაზმს, სასტრუქად გააკრიტიკა შუამავლის მიერ ჩამოტანილი დებულების ტექსტი, გლეხებს მოუწოდა არ დათანხმებოდნენ მემამულეთა მოთხოვნებს, ხელი არ მოეწერათ გარიგების სიგელზე, უარი ეთქვათ დალაკულუხის გადახდაზე. არსენ ასლამაზიშვილი გლეხებს არწმუნებდა, რომ მიწით სარგებლობის საზღაურად მოსავლის მეოთხედის გადახდა მემამულეთა გამონაგონია. ჰემმარიტ საგლებო დებულებაში, რომელიც მოხელეებმა დამალეს, სულ სხვა რამ სწერიაო. მომრიგებელმა შუამავალმა მყისვე დააპატიმრა თავხედი და მემამოხე გლეხი. როცა არსენ ასლამაზიშვილი შებოქვს და საპატიმროსაკენ გაუყენეს გზას, მან კიდევ მოასწრო თანასოფლელებთან გამოლაპარაკება, მოუწოდა გლეხებს შემამულეებისათვის არ დაეთმოთ, უარი ეთქვათ გადასახადების ვალდებულებაზე.

დიდი სახალხო გმირის არსენა ოძელაშვილის სეხნია და საქმის გამგრძობი არსენ ასლამაზიშვილი მთავრობამ სასტიკად დასაჯა, დიდი ხნით გადაასახლა ტამბოვის გუბერნიაში.

გორის მაზრის სოფელ გორგაშენში ძმები გურაშვილები თავაკობდნენ. მათ მიუღებლად, გლეხთა ინტერესების შემლახველად მიაჩნდათ რეფორმის დებულება და მეზობლებს გულახდილად ესაუბრებოდნენ ამაზე, ურჩევდნენ გლეხებს უარი ეთქვათ ადგილობრივი დებულებით დაკისრებულ დალა-გადასახადებზე. გორის მაზრის ადმინისტრაცია „წამქეზებულთა“ რიცხვში ასახელებდა აგრეთვე სოფ. ფორმისის მკვიდრ გლეხებს ჭეტაშვილსა და კეზოშვილს. რომელნიც კარდაკარ დადიოდნენ, „სხვადასხვა დაუჯერებელ ხმებს ავრცელებდნენ“, აცხადებდნენ, რომ გლეხები ძალიან ბევრს აკეთებენ მთავრობისა და მემამულეების გასამდიდრებლად და ძალიან ცოტას თავის საზოგადოების საჭიროებისათვის. მოუწო-

დებდნენ თანამემამულეებს არ დამორჩილებოდნენ ადგილობრივ მოხელეებს, რომელნიც მხოლოდ მემამულეთა ინტერესებს იცავდნენ და სოფელს უკანონო მოთხოვნებს უყენებდნენ.

სენაკის მაზრაში დროებითვალდებულ გლეხთა ერთ-ერთი თავაკაცა და უსამართლობის წინააღმდეგ უშიშარი მებრძოლი იყო ნიკო გრიგოლია. შორაპნის მაზრაში პროტესტანტულად განწყობილი გლეხები შემოკრებილი იყვნენ ლომიძეების გარშემო. გურიაში ოფიციალური კანონდებულების საწინააღმდეგო აგიტაციას ეწეოდნენ ბასილა ვაჩიიშვილი, გაბილა ძნელაძე, ივანე მიქაშავიძე, ოტია მღვლარია, ივანე კეშელავა და სხვ. ისინი გლეხებს მოუწოდებდნენ არ დამორჩილებოდნენ მემამულეებს, არ შეესრულებინათ გარიგების სიგელებით მათზე დაკისრებული ვალდებულებანი.

მთავრობის ადმინისტრაციისა და მემამულეებისაგან შეიწროებული გლეხები თავიანთ რწმუნებულებად ირჩევდნენ შედარებით განათლებულ და გამბედავ სოციალურ თანამომხმეებს, რომელთაც უნარი ჰქონდათ საჩივარი დაეწერათ, სხვადასხვა ინსტანციის სასამართლოებში დაეცვათ სოფლის მშრომელი მოსახლეობის ინტერესები. ოზურგეთის მაზრის სოფ. ნანეიშვილისეულის მკვიდრი გიორგი გიორგაძე, მაგალითად, რწმუნებულის რანგში იცავდა თანასოფელელ გლეხთა ინტერესებს საგლეხო საქმეთა საგუბერნიო საგანგისოში, რომლის ერთ-ერთ სხდომაზე იხილებოდა რამდენიმე მემამულისა და დროებითვალდებული გლეხების დავა. იგი არ შეუშინდა დასახელებული დაწესებულების დიდ ძალას, ამკარად გამოთქვამდა უპატივცემულობას ქუთაისის გუბერნიის მოხელეებისადმი, ამკარად გამოხატავდა ურჩობასა და უსამართლობის წინააღმდეგ ბრძოლის სულისკვეთებას.

ქუთაისის მაზრის სოფ. ვანის დროებითვალდებულ გლეხთა უსამართლობის წინააღმდეგ ბრძოლას ლევან ვაშაყმაძე ხელმძღვანელობდა, საკმაოდ განათლებული, დიდი ავტორიტეტით მოსილი ეს გლეხი ვანელებმა თავის რწმუნებულად აირჩიეს, იგი თავის თანასოფელელთა დავალებით თბილისში მეფისნაცვალთან წავიდა. რათა გაერკვია სწორად მიიტანეს თუ არა ქუთაისის მაზრის მოხელეებმა გლეხებამდე მათი ყმობიდან განთავისუფლების პირობები, ხომ არ დამალეს კარგი დებულება და საკუთარი ცუდი გამონაგონი ხომ არ სურდათ მოეხვიათ თავს გლეხობისათვის.

ამგვარად, საქართველოში, ისევე როგორც უფრო ადრე რუსეთში. მშრომელი გლეხობა დიდი რმდით შეპყურებდა მეფე „გამანთავისუფლებლის“ სარეფორმო საქმიანობას, ყოვლად მოწყალე იმპერატორისაგან ჭეშმა-

რატ თავისუფლებასა და მიწას მოელოდა. რაკი ეს იმედი არ გამართლდა, გლახთა დიდმა ნაწილმა ხმა აღიმალა მძარცველური რეფორმის წინააღმდეგ, უარი თქვა მორჩილებაზე, გარიგების სიგელების ხელმოწერასა და დაკისრებულ ვალდებულებათა შესრულებაზე.

1869 წ. საქართველოში ჯერ კიდევ არ იყო დამთავრებული გარიგების სიგელთა შედგენა. გაფორმდა სულ 13034 სიგელი. აქედან, გლახობამ ხელი არ მოაწერა 3740 სიგელს. კლასობრივი ბრძოლის ამ ფორმას მიმართა 21 ათასმა დროებითვალდებულმა გლახმა.

გარიგების სიგელების უმეტესი ნაწილი, მართალია, გლახთაგან დადასტურებულად და ხელმოწერილად შევიდა სტატისტიკაში, მაგრამ ხელმოწერილ სიგელთა მიღმა მხარეთა წინააღმდეგობა და კლასობრივი ბრძოლის ფაქტები იმალებოდა. არქივის მასალებიდან ჩანს, შემამულეები და მომრიგებელი შუამავლები ხშირად მიმართავდნენ მუქარას, ძალდატანებას, მოტყუებას. მიხეილ, ბიძინა, სოლომონ და გრიგოლ ერისთავებს (გორის მაზრა), ჯორჯაძეებს, ანდრონიკაშვილებს (თელავის მაზრა), აბაშიძეებს, მიქელაძეებს (ქუთაისის მაზრა) და სხვა შემამულეებს უკმაყოფილო გლახებმა გამოუცხადეს, რომ არ ეთანხმებიან სადავო საკითხების მათებურ გადაწყვეტას და ამიტომ გარიგების სიგელებზე ხელს არ მოაწერენ. მაგრამ თავადებმა ძალას მიმართეს, ყველაზე ურჩი გლახები პოლიციას დააპატიმრებინეს, სხვებიც სხვადასხვა საშუალებებით დააშინეს და სიგელების ხელმოწერაზე „დაითანხმეს“. ცხადია, ასეთი მეთოდებით შედგენილ-ხელმოწერილი სიგელები ნებაყოფლობითი გარიგების აქტად არ ჩაითვლებოდა. ამიტომ გასაგებია, რომ ვერც ხელმოწერილმა სიგელებმა დაამყარეს თანხმობა და სიყვარული მხარეებს შორის. დროებითვალდებულების მძიმე ტვირთის წინააღმდეგ თითქმის თანაბრად იბრძოდნენ ხელმოწერილ და ხელმოწერეულ გარიგების სიგელებში ფიქსირებული გლახები.

გარიგების სიგელების ხელმოწერაზე უარის თქმა გადაჯღაღათა დროებითვალდებულ გლახთა ბრძოლის სხვა ფორმებს. 1869 წ. ივლისში აქტიურად გამოვიდნენ კახეთის მთელი რიგი სოფლების (ურიათუბანი, ნაფარეული, წინანდალი და სხვ.) დროებითვალდებულ გლახები, არა მარტო დახიეს სიგელები, არამედ გაანადგურეს საბატონო და საგლახო მიწებს შორის დასმული მიჯნები და საფრთხე შეუქმნეს შემამულეთა სიცოცხლესაც კი. ინციდენტის ადგილზე სწრაფად ჩავიდნენ თელავის მაზრის უფროსი, მომრიგებელი შუამავალი და მიწის მზომელი, მაგრამ მათ ვერ შესძლეს აღმფრთხილებელი გლახების შემამულეებთან შერიგება.

ასეტივე ფაქტებს ადგილი ჰქონდა ქუთაისის მაზრის სოფ. ვანში, აქაური გლეხები არ დაემორჩილენ თავად ჩიჭავაძეს, ზელი არ მოაწერეს მის მიერ შეთხზულ სიგელს, მოითხოვეს ნადელების გაფართოება, ლა-კულუხის შემცირება. ქუთაისის გუბერნატორმა აცნობა მეფისნაცვლის მთავარსამმართველოს უფროსს ბარონ ნიკოლაის, რომ ვანელი ურჩი გლეხების საბრძოლო განწყობილება თანდათან ძლიერდება და მოსალოდნელია მისი არეულობაში გადაზრდა.

დიდ წინააღმდეგობას უწყევდნენ მემამულეებსა და მთავრობის ადგილობრივ ადმინისტრაციას სამეგრელოსა და გურიის გლეხები. ისინი ყოველგვარ საშუალებას მიმართავდნენ ძალაში რომ არ შესულიყო ძალდობა-უსამართლობის აქტები, გარიგების სიგელები, უარს ამბობდნენ “ხედმეტი მიწების“ (ჩამონაჰრების) დათმობაზე, მიწის რენტის გადახდაზე.

გლეხთა ანტიბატონყმურმა მოძრაობამ აიძულა მეფის მთავრობა გაეტარებინა აგრარული რეფორმა. მაგრამ გლეხობამ ვერც სრული თავისუფლება მიიღო და ვერც მიწა. დროებითვალდებულება ბატონყმობის ნაირსახეობა იყო, ხოლო დროებითვალდებულების წინააღმდეგ ბრძოლა არსებითად ანტიბატონყმური ბრძოლის გაგრძელებას წარმოადგენდა.

ამ პერიოდის გლეხთა მოძრაობა თავის არსით სტიქიური, ობიექტური პირობებით გამოწვეული მოვლენა იყო. მაგრამ მასზე გარკვეულ გავლენას ახდენდა სუბიექტური ფაქტორიც. გლეხთა უკმაყოფილების გაძლიერებას, მათი პროტესტანტულ განწყობილების გაღვივებას, მასობრივ აჯანყებებს ხელს უწყობდნენ თვით გლეხთა წრიდან გამოსული აგიტატორები და რევოლუციონერი ხალხოსნები, რომლებმაც თავიანთი ორგანიზაციები საქართველოს თითქმის ყველა კუთხეში ჩამოაყალიბეს.

ქართველ ხალხოსანთა საგრძნობმა ნაწილმა განათლება რუსეთის უმაღლეს სასწავლებლებში მიიღო. სწავლის დროს ისინი რუს ხალხოსანთა ორგანიზაციების წევრები იყვნენ. აქტიურად მონაწილეობდნენ რევოლუციურ საქმიანობაში. ამისათვის ბევრი მათგანი დააპატიმრეს და შორეულ გუბერნიებში გადასახლეს.

XIX-ის 70-იან წლებში ხალხოსნური ორგანიზაციები საქართველოშიც დაარსდა, აქაც დაიწყო რევოლუციური პროპაგანდა. საქართველოში მოღვაწეობდნენ ანტონ ფურცვლაძე, ისიდორე ქიქოძე, მიხეილ ყიფიანი, შიო დავითაშვილი, რომან ფავლენიშვილი, ეგნატე იოსელიანი, ჯაბადარი და სხვ. ცნობილი ხალხოსნები.

კახეთის სოფლებში ხალხოსნურ იდეათა პროპაგანდას ეწეოდნენ სოფიო და იოსებ ჯორჯაძეები, ნიკოლოზ მრეველიშვილი, ივანე როსტო-

მაშვილი, ალექსანდრე ცხვედაძე, იოსებ გულისაშვილი, შიო შიუქაშვილი, ილიკო ჩერქეზიშვილი და სხვ. მათ მოახერხეს კავშირის დამყარება მოსწავლე ახალგაზრდობასთან და მიწის მუშა გლეხებთან. ხალხის მასაზე ზემოქმედების, მისი გააქტიურების მიზნით კახელი ხალხოსნები პროკლამაციებსაც კი ავრცელებდნენ.

ხალხოსნური მოძრაობა კიდევ უფრო ფართოდ დასავლეთ საქართველოს მოედო. წრეები და ორგანიზაციები ჩამოყალიბდა იმერეთში, რაქაში, გურიასა და სამეგრელოში. ეანდარმერიას მიაჩნდა, რომ ხალხოსნები აქტიურად მუშაობდნენ გლეხთა საყოველთაო აჯანყების მოსამზადებლად. სამეგრელოს გლეხობაში სათანადო პროპაგანდას ეწეოდნენ ანტონ იოსელიანი, ანთიმოზ ჭულელი, ნესტორ კანდელაკი, ივანე ირემაძე, ანტონ შენგელია, ალექსი გოთუა და ბათუ აფაქიძე.

1876 წლის მაისში, ივნისსა და ივლისში ჩატარდა ხალხოსანთა თათბირები, მთავარი იყო გლეხთა შორის აგიტაცია-პროპაგანდის გაფართოების საკითხი. ისიდორე ქიქოძის ინიციატივით გურიაში ჩატარებულ თათბირს საქართველოს ყველა ხალხოსნურ ორგანიზაციათა წარმომადგენლები ესწრებოდნენ. თათბირის მონაწილეებს შეხვედრები ჰქონდათ გლეხებთან, სოფელ ნაგომარში მათი თავყრილობაც მოაწყვეს. ორატორების გამოსვლამ ცხადყო, რომ ქართველი გლეხობა ყველგან იბრძოდა უსამართლობის წინააღმდეგ, მაგრამ აკლდა ერთიანობა და ორგანიზებულობა.

ხალხოსნები გლეხთა ინტერესებს გამოხატავდნენ და გლეხობა რევოლუციის მთავარ ძალად მიაჩნდათ. მათ, როგორც ჩანს, მოახერხეს კავშირის დამყარება გლეხ აგიტატორებთან, ცდილობდნენ მათი მეშვეობით მოეპოვებინათ სოფლის მშრომელთა ნდობა. ხალხოსანთა აგიტაციაში მთავარი ადგილს ეკავა ბატონყმობის ნაშთებისა და მეფის მთავრობის ანტიხალხური პოლიტიკის კრიტიკას. ისინი განუმარტავდნენ სოფლის მცხოვრებთ, რომ საზოგადოება გათიშულია ორ მოწინააღმდეგე ბანაკად. პირველ ბანაკში შედიან მემამულეები, მეორეში მშრომელი გლეხობა, რომლის ნაოფლარსაც ითვისებდნენ ზედაფენები. ხალხოსნები განუმარტავდნენ გლეხებს, რომ მთავარი მჩაგვრელი ძალა და ექსპლუატატორი თვით სახელმწიფო, მისი ბიუროკრატიული აპარატი იყო.

არსებული წყობილების წინააღმდეგ სოფლად გაშლილ აგიტაციაში დიდი ადგილი ეკავა აგრარულ საკითხებს. ხალხოსნები გლეხებს შთაავონებდნენ, რომ ბუნებისაგან ბოძებული მიწა მისი საკუთრებაა, ვინც ამუშავებს, არავის აქვს უფლება გლეხს გადასახადი დაადოს, მოსავლის წილი მოსთხოვოს. ზუგდიდის მაზრაში მემამულეთა საწინააღმდეგო აგი-

ტაციას ალექსი გოთუა ეწეოდა. სამეგრელოს ყველაზე მსხვილი მემამულე ნ. მინგრელსკი მთავრობას შესჩიოდა: დიდი ხანია გლეხებს ჩემს წინააღმდეგ ამხედრებს გადაგვარებული აზნაური ალექსი გოთუა, მოუწოდებს მათ საერთოდ კანონსაწინააღმდეგო მოქმედებისაკენ. ყველაფერს იგი აქამდე ფარულად სჩადიოდა და ამიტომ თავს ვიკავებდი ოფიციალურად ძომებისგან მთავრობისათვის. ახლა კი ა. გოთუამ საჯაროდ, სოფლის გლეხთა ყრილობაზე მაზრის უფროსისა და მომრიგებელი შუამავლის და მთელი მოსახლეობის გასაგონად განაცხადა, რომ მე, მთავრის უძრავ-მოძრავი ქონების მემკვიდრედ თვით იმპერატორისაგან დამტკიცებულ ნიკოლოზ მინგრელსკის, არ შეკუდვნიის არაფერი მამული, რომ გარიგების მიხედვით გლეხებზე მიმაგრებული მიწები მათი სრული საკუთრებაა და ღალა-გადსახადით არ უნდა იბეგრებოდნენ. კიდევ მეტიც ისიც თქვა, რომ საქართველოში არაფერია საბატონო, ყველაფერი გლეხობას ეკუთვნისო.

ხალხოსნებმა თავიანთი აგიტაციით მოახერხეს საგრძნობლად შეერყიათ რწმენა და ნდობა მეფისადმი. მათ დაარწმუნეს უშუალო მწარმოებელი მასის დიდი ნაწილი იმაში, რომ მეფე თავის მოხელეებით ხალხს აწევს ზურგზე მძიმე ტვირთად, რომ ზედაფენები პარაზიტულ ცხოვრებას ეწევიან. არქივის მასალებიდან ჩანს, რომ ხარშილაძე, მალალურიძე, ამა-შუკელი, ჩარგეიშვილი, მურუსიძე, გაბუნია და სხვა გლეხები საჯაროდ გამოდიოდნენ მეფისა და მისი მთავრობის წინააღმდეგ. ხოლო იოსებ გაბუნია, როგორც მაზრის უფროსი აუწყებდა ზემდგომ ინსტანციას, იმასაც კი ამბობდა თურმე, იარალი რომ მომცა პირველად იმპერატორს დავხვრეტლიო.

ხალხოსანთა აგიტაცია, მათი გამოსვლების შინაარსი ასახავდა სოფლად შექმნილ რეალურ ვითარებას, მშრომელი მოსახლეობის მძიმე სოციალურ-ეკონომიკურ მდგომარეობას და ამიტომ გასაგები იყო გლეხობისათვის, გულზე ხვდებოდა დაჩაგრულ მასას, უსამართლობის წინააღმდეგ საბრძოლველად განაწყობდა ხალხს.

სამეგრელოს გლეხთა 1878—1876 წწ. აჯანყება. დროებითვალდებულ გლეხთა მასობრივი, რუსეთის იმპერიის მასშტაბით ყველაზე დიდი აჯანყება სამეგრელოში მოხდა. იგი დიდი ხნის განმავლობაში მწიფდებოდა. 1876 წელს ქუთაისის გუბერნატორი მეფისნაცვალს მოახსენებდა: არ შეიძლება უყურადღებოდ დავტოვოთ ის ფაქტი, რომ უკანასკნელი ათი წლის განმავლობაში ზუგდიდის მაზრის გლეხებმა არაერთხელ თქვეს უარი მემამულეთა წინაშე თავის ვალდებულებათა შესრულებაზე, მაგრამ დამსჯელი რაზმების გამოჩენას გონზე მოჰყავდა ურჩნი და იარალის

გამოყენება საჭირო არ გამხდარაო. ეს ცნობა ცხადყოფს, რომ საქართველოს ყველაზე მსხვილი მიწათმფლობელი ნ. მინგრელსკი და ამ კუთხის სხვა მემამულეები მხოლოდ მეფის ჯარის დახმარებით და დამსჯელი ეგზეკუციებით ახერხებდნენ ლაღ-გადასახადების აკრეფას. ძალადობა კი უფრო ზრდიდა უკმაყოფილებას, მასობრივ აჯანყებას ამზადებდა.

ხალხს ნებს მიაჩნდათ, რომ გადამწყვეტი გამოსვლა-აჯანყებისათვის ჯერ კიდევ არ იყო მომზადებული პირობები და ამიტომ მათ სცადეს ლოკალური ბუნტების შეჩერება. 1876 წ. მიხეილ ყიფიანი სწერდა აფაქიძეს, რომ სამეგრელოს გლეხთა გამოსვლა დროებით შეეჩერებინა, რადგან სხვა კუთხეებში გლეხობა საერთო გამოსვლისათვის ჯერ მზად არ არის, როცა ნიშანს მოგვემთ, მაშინ ააფრთხილეთ აჯანყების დროშაო.

მაგრამ სამეგრელოს გლეხთა დაოკება შეუძლებელი გახდა. 1873 წ. მღელვარება მოხდა ზუგდიდსა და კირცხში. იგი დაკავშირებული იყო მიწების გაშიჯენასთან. მემამულეები შეეცადნენ საუკეთესო მიწები თავისთვის დაეტოვებინათ, მწირი და უვარგისი კი გლეხებისათვის მიეზომათ. ამან გლეხთა აღშფოთება და აჯანყება გამოიწვია. ა. გოთუას რჩევით გლეხებმა შეაჩერეს გამიჯვნა, მიწისმზომელს გამოუცხადეს, თუ არ გაგვეცლები ადგილზე მოგკლავთო. ამასთან ერთად, ნ. მინგრელსკის გლეხებმა უარი თქვეს გადასახადების დაფარვაზე. კავკასიის ადმინისტრაცია შეშფოთდა. მთავარსამმართველოს უფროსი ქუთაისის სამხედრო გუბერნატორს სწერდა გლეხთა დასამშვიდებლად ენერგიული ზომები უნდა მიიღოთო.

1873 წ. 20 სექტემბერს თვით გუბერნატორი ჩავიდა ზუგდიდში, მიიღო კირცხის, ზუგდიდისა და სხვა სოფლების დროებითად დებულ გლეხთა დელეგაცია, საყვედურით აავსო ურჩი გლეხები, არასწორად რომ განმარტავდნენ გლეხთა განათვისუფლების დებულებას, უარს ამბობდნენ ლაღ-კულუხის გაღებაზე, წინააღმდეგობა კარგს არაფერს მოგიტანთ, სჯობს უსიტყვოდ დაემორჩილოთ მემამულეებსო. მაგრამ გლეხებს დაშორჩილება აზრადაც არ მოსვლიათ. სამხედრო გუბერნატორმა წესრიგის დასამყარებლად ზუგდიდში ჟანდარმთა ოფიცერი გაგზავნა პოლიციელთა ჩაზმებით. საეკვო პირები დააპატიმრეს, გლეხები დროებით დააწყნარეს.

1874 წ. აპრილში გლეხთა ამბოხებამ სოფ. კოკში, ლიაში, ხიბულასა და ნოსირში იფეთქა. გლეხებმა უარი თქვეს ნ. მინგრელსკისა და კ. დადიანის მორჩილებაზე, ლაღ-გადასახადების გაღებაზე. მემამულეთა ცდა, საკუთარი ძალების გამოყენებით წაერთმიათ გლეხთათვის წინა წლებიდან დარჩენილი და მიმდინარე წლის ლაღი, მარცხით დამთავრდა. მემამულეებმა დახმარების თხოვნით საგუბერნიო ადმინისტრაციას

მიმართეს. ქუთაისის გუბერნატორმა ურჩი გლეხების წინააღმდეგ მკაცრი ზომების მიღება ზუგდიდის მაზრის უფროსს დაავალა, ამ უკანასკნელმა კი მღელვარებით მოკულ სოფლებში ბოქაული ქავთარაძე გაგზავნა, დამსჯელი რაზმით. 11 აპრილს კახაკთა და პოლიციელთა რაზმმა პირველი იერიში სოფ. ლიაზე მიიტანა. გლეხები სახლებში ჩაიკეტნენ. კახაკებმა ძალას მიმართეს და სოფელი ააოხრეს. აღშფოთებულმა გლეხებმა იარაღს მოკიდეს ხელი, მომხდურთ მედგრად შეებრძოლენ. კახაკებმა უკან დაიხიეს, საიმედო პოზიციებზე გამაგრდნენ. სოფ. ლიაში თოფის გასროლას მთელ სამეგრელოში ჰქონდა ეხო. სიტუაცია დაიძაბა.

სამეგრელოს გლეხობას მემამულეებისა და მთავრობის მოხელეთა წინააღმდეგ ბრძოლის დიდი ტრადიცია ჰქონდა. ჯერ კიდევ ცოცხლობდნენ 1857 წლის აჯანყების მეთაურები და მონაწილენი. ამიტომ მდგომარეობის ყოველი გართულება ადგილობრივი ადმინისტრაციის შესწოთებას იწვევდა. ამჯერადაც სოფ. ლიაში მომხდარი ინციდენტის ამბავი სწრაფად აცნობეს ქუთაისის გუბერნატორს. მისი ბრძანებით სოფ. ლიაში მოქმედი რაზმის დასახმარებლად მეორე უფრო მრავალრიცხოვანი რაზმი გაიგზავნა. უთანასწორო ბრძოლაში გლეხები დამარცხდნენ. მათ თავის სარჩო-საბადებელი გადაამალეს და ტყეს შეაფარეს თავი. ლიაში „წესრიგის“ დამყარების შემდეგ კახაკთა რაზმი სოფ. კოკს შეესია, აქაც გატეხა გლეხთა წინააღმდეგობა და ძალით აკრიფა სათავადო გადასახადები.

მალე სოფ. ხიბულას ჯერიც დადგა, მაგრამ ადგილობრივი პოლიციის ძალებით ამბოხებულ გლეხთა დამორჩილება შეუძლებელი გახდა. კ. დადიანმა ქუთაისის გუბერნატორს სთხოვა დახმარება. ამ უკანასკნელის განკარგულებით სოფ. ხიბულაში ბოქაულ დგებუაძის მეთაურობით დამსჯელი რაზმი გაიგზავნა. გლეხები მოძალადეთა თავდასხმას მომზადებული შეხვდნენ. ბევრს ჭეჭები და კეტები ჰქონდა მომარაგებული, ზოგიერთები ცეცხლსასროლი იარაღითაც იყვნენ აღჭურვილი. ბოქაულ დგებუაძეს მდგომარეობის კიდევ უფრო გართულების შეეშინდა, თავის ხელქვეითებს უბრძანა გლეხთა შეკრება და თავდაპირველად რჩევა-დარიგებით სცადა მათი მორჩულება. რაკი გლეხები დანიშნულ ადგილზე არ გამოცხადდნენ, კახაკებმა ძალას მიმართეს, ბევრ გლეხს სცემეს, მიიტაცეს მათი ქონება. ხალხმაც ხელი გამოიღო, ჯერ ჭეჭები დაუშინეს კახაკებს, შემდეგ თოფებიც აამოქმედეს. ფიცხელი ბრძოლა გაჩაღდა. უკეთ შეიარაღებულმა კახაკებმა გაიმარჯვეს, გლეხები მიიმაღნენ. ბრძოლის ველზე მოკლული დარჩა ორი გლეხი და ერთი კახაკი. რამოდენიმე კაცი დაიპრა.

თითქოს დამარცხებულ, მაგრამ დაუმორჩილებელ ხიბულაში თვით ზუგდიდის მაზრის უფროსი ჩავიდა შეიარაღებული რაზმის თანხლებით, მან ვლუხებს მოსთხოვა იარაღის დაყრა და დანაშაულის მონანიება, გლუხებმა კატეგორიულად უარყვეს მეფის მთავრობის წარმომადგენლის ბრძანება და საბრძოლველად გაემზადნენ. აჯანყებულებმა თათბირეს. აწონდაწონეს შექმნილი მდგომარეობა და იმ დასკვნამდე მივიდნენ, რომ მათ არ შეეძლოთ სოფლის ახლოს ჩასაფრებულ დგებუაძის რაზმისა და მაზრის უფროსის თანხლებე პოლიციელთა გაიადგურება. მოერიდნენ ამო მსხვერპლის გაღებას, ხელი აიღეს შეიარაღებულ ბრძოლაზე და მიიმალნენ. ამის შემდეგ თვით გუბერნატორი ეწვია ხიბულას, მოიარა მღელვარება გამოვლილი ზუგდიდის მაზრის სხვა სოფლები, ყველგან ჩაატარა გლუხთა კრებები, ხალხს ელაპარაკა მღელვარება-აჯანყების უკანონობაზე და მის უაღრესად უარყოფით შედეგებზე. ურჩ გლუხთა ასეთი დამოძღვრის შემდეგ გუბერნატორმა მკაცრი ზომები მიიღო გადასახადთა აკრეფისათვის და რამდენიმე სოფელში ეზზეკუციაც ჩააყენა. ამბოხების მეთაურები—ივანე ირემაძე, ანტონ შენგელია და ალექსი გოთუა დააპატიმრეს, შემდეგ კი ხარკოვის გუბერნიაში გადაასახლეს.

1874 წლის გლუხთა აჯანყების ჩაშობის შემდეგ დადიანებმა კიდევ უფრო გააღიღეს სანადელო მიწებზე დაღებული ღალა და დაბეგრეს გლუხთა ნაყიდი საკუთარი მიწებიც კი. ამან კვლავ გაამწვავეა მემამულეთა და გლუხთა ურთიერთობა. 1875 წ. სოფ. ნოსირში ადგილი ჰქონდა გლუხთა მღელვარებას, რომელიც მემამულესთან შეტაკებაში გადაიზარდა.

1873—1875 წწ. სამეგრელოს გლუხთა გამოსვლები მარცხით დამთავრდა, მშრომელმა მასამ პოზიციები დათმო, თითქოს დაემორჩილა მთავრობისა და მემამულეების ძალადობას, უკან დაიხია, მაგრამ ამას დროებითი ხასიათი ჰქონდა, ისეთი უკანდახევა იყო, რომელსაც უახლოეს მომავალში აჯანყებათა ახალი ტალღა უნდა მოჰყოლოდა.

1876 წლის თებერვალში სამეგრელოში ბატონყმობის გაუქმებიდან 9 წელი სრულდებოდა. ამ კუთხეშიც გავრცელდა ხმები, რომ დროებითვალდებულება გაუქმდება, გლუხობას ღალა-გადასახადები მოეხსნება და სანადელო მიწები მათ საკუთრებად გამოცხადდებო. როგორც ჩანს, გლუხობამ თავიდანვე არასწორად გაიგო სიტყვა „ნადელის“ მნიშვნელობა. უმრავლესობა ნადელს ეძახდა მემამულეთა სასარგებლოდ დაწესებულ ღალა-გადასახდელს. და რაკი დებულებაში ეწერა ბატონყმობის გაუქმებიდან 9 წლის გასვლამდე გლუხს უფლება არ აქვს ნადელზე უარი თქვასო, დროებითვალდებული გლუხები მოუთმენლად ელოდნენ ამ ცხრაწლიანი ვადის გასვლას, რომ მემამულეთა სასარგებლოდ ღალა-კულუხის გაღება

შეეწყვიტათ, რაც თავისთავად ნიშნავდა სანადელო მიწებზე საკუთრების უფლების მიღებას.

ღარხეულმა ხმებმა მთავრობის მოხელეთა ყურამდე მიაღწია. თვით მეფისნაცვალი წერდა, რომ ცხრაწლიანი ვადის შესახებ გავრცელებული ყალბი ხმების გამო მოსალოდნელია სამეგრელოს გლეხთა ამბოხებაო. ამავე აზრს გამოთქვამდა მეფისნაცვლის მთავარსამმართველოს უფროსიც. იგი ზემდგომ ინსტანციას აცნობებდა: „ღებულების გამოქვეყნებიდან ცხრაწლიანი ვადის გასვლის გამო, გლეხებს შორის გავრცელდა ხმები სანადელო მიწების მათ საკუთრებაში გადაცემის თაობაზე. გლეხები აცხადებდნენ, რომ ამის შემდეგ აღარ ევალებათ მემამულეთათვის გადასახადების მიცემა. გლეხთა ამგვარი განწყობილება კიდევ უფრო გაამწვავებს მათ ურთიერთობას მემამულეებთან, შფოთსა და არეულობას გამოიწვევსო“.

მეფის მთავრობის კავკასიური ადმინისტრაციის დიდმოხელეთა ეს ვარაუდი გამართლდა. ბატონყმობის გაუქმების ცხრა წლის თავზე სამეგრელოში მართლაც მოხდა გლეხთა მასობრივი აჯანყება. თავდაპირველად გლეხთა გამოსვლები გრიგოლ დადიანის კუთვნილ სოფლებში — ლიასა და ფახულანში დაიწყო. რუსული გაზეთი „თბილისის მოამბე“ ამ ამბებთან დაკავშირებით წერდა: ქუთაისის გუბერნიის ზუგდიდის მაზრიდან გვაცნობებენ რომ იქაურ გლეხთა შორის თავი იჩინა მოძრაობა მსანადელო მიწებიდან მოსავლის ერთი მეოთხედის აკრეფის გამო. გლეხები ამტკიცებენ, რომ ეგრეთწოდებული სანადელო მიწები მათს საკუთრებას შეადგენს და ამის დასამტკიცებლად მომრიგებელ მოსამართლესთან სათანადო საბუთები მიაქვთ. მომრიგებელმა სასამართლომ ამ საბუთების გარჩევა გადადო იმ იმედით, რომ გლეხები მშვიდობიანად მოურიგდებოდნენ მემამულეებს ამ მიწების გამოსყიდვის თაობაზე. რაც შეეხება ამ მიწებიდან მემამულეების მიერ მოსავლის ერთი მეოთხედის აღებას, ეს ხშირად იწვევდა გლეხობის მხრიდან აშკარა წინააღმდეგობასო. თბილისური პრესა შემდეგაც საკმაოდ სრულ ინფორმაციას აწვდიდა მკითხველ საზოგადოებას სამეგრელოს გლეხთა აჯანყების მიმდინარეობის შესახებ.

ლიასა და ფახულანში დაწყებული აგრარული მოძრაობა მალე მეზობელ სოფლებსაც მოედო, თანდათან გაფართოვდა და გაძლიერდა. სიმკაცრით, სახელგანთქმული დადიანებიც კი იძულებული გახდნენ ზოგ დათმობაზე წასულიყვნენ, საგრძნობლად შეამცირეს გლეხთა საადგილმამულო ვალდებულებები. კონფლიქტში მომრიგებელი შუამავალი, საგლეხო საქმეთა საგანგოს წევრები და თვით გუბერნატორიც ჩაერჩნენ.

მაგრამ უჩი გლახთა დაწყნარება-დამშვიდებისათვის ნახმარი თავდაპირველი საშუალებანი უშედეგო აღმოჩნდა.

გლახთა მღელვარებამ თითქმის მთლიანად მოიცივა ზუგდიდის მაზრა. კავკასიის ადმინისტრაციის მოხელეებმა შემთხვევით როდი გაიხსენეს მრისხანე 1857 წელი. სამეგრელოს გლახთა 1876 წ. აჯანყება თავის მასწავლებელი და გაქანებით თითქმის 1857 წ. აჯანყებას გაუსწორდა.

1872—1874 წწ. ლოკალური და არაორგანიზებულ აჯანყებათა მარცხიდან. სამეგრელოს გლახობამ, როგორც ჩანს, მწარე გაკვეთილი მიიღო, სათანადო დასვენა გააკეთა. 1876 წლის აჯანყება მოფიქრებულად, შედარებით ორგანიზებულად დაიწყო. ხელმძღვანელებმა თავიდანვე მიზნად დაისახეს რაც შეიძლება მეტი გლახი ჩაებათ მოძრაობაში. საყვირებით მთუწოდებდნენ ხალხს, ცეცხლსასროლ და ცივ იარაღს იმარაგებდნენ. მეზობელ სოფლებში მოციქულებს გზავნიდნენ, ყველას აჯანყებულთა ლაშქარში იწვევდნენ. მთავარსამმართველოს უფროსი წერდა მ. რომანოვს—აჯანყების მეთაურები ცდილობენ მთელი სამეგრელო აამხედრონ მთავრობის უსამართლო პოლიტიკის წინააღმდეგ საბრძოლველად ამან სათანადო შედეგიც ეძლეოდ. მთავრობა იძულებული გახდა სამეგრელოში მსხვილი საჯარისო ერთეულები გაეგზავნა.

სამეგრელოში აჯანყებულთა წინააღმდეგ გაგზავნილი შეიარაღებული ძალების საერთო ხელმძღვანელობა მეფისნაცვლის საბჭოს წევრს თავად ჯორჯაძეს დაევალა. მთავარსამმართველოს მითითების თანახმად მას ხალხის დასაწყნარებლად თავდაპირველად მშვიდობიანი საშუალებები უნდა გამოეყენებინა, მაგრამ ეს სულაც არ გამოირიცხავდა საჭიროების შემთხვევაში იარაღის ამოქმედებას.

1876 წლის 15 ივნისს მეფისნაცვლის საბჭოს წევრი თავადი ჯორჯაძე და ქუთაისის გუბერნატორი ზუგდიდის მაზრაში ჩავიდნენ. მათ ჯარის ნაწილები საბრძოლველად გაამზადეს. არც გლახები იდგნენ გულხელდაკრეფილი. აჯანყების ხელმძღვანელებმა შეიმუშავეს სენაკის მაზრასთან და მეზობელ სოფლებთან კავშირის დამყარების გეგმა. ბრძოლის ველზე უკვე გამოსული გლახთა ლაშქარი სამ ჯგუფად გაიყო. ერთს სენაკის მაზრაში გადასვლა და იქაურ გლახთა აჯანყებაში ჩაბმა დაევალა. ხოლო ორი ჯგუფი სხვადასხვა სოფლებზე განაწილდა იმავე მიზნებით.

მეფის მთავრობის ადგილობრივი ადმინისტრაციის მოხელეებმა ადვილად ამოიცნეს გლახთა გეგმა და მიზანი. გადაწყვიტეს სენაკისაკენ მიმავალ გლახთა რაზმებისთვის გზის გადაკვეთა და ამდენად სენაკის მაზრის გლახთა აჯანყების თავიდან აცილება. მალე თავად ჯორჯაძის ინიციატივით შეიქმნა სპეციალური ე. წ. მფრინავი რაზმი, რომელსაც პოდ-

პოლკოვნიკი პრინცი ჩაუდგა სათავეში. სწორედ ამ რაზმმა გადაკეტა სენაკისაკენ მიმავალი გზები. შემდეგ მთავრობის ჯარი ზემო სამეგრელოს შეესია და სოფ. ლეწურწუმეს მახლობლად შეება აჯანყებულთა რაზმებს. გლეხები ძალიან ცუდად იყვნენ შეიარაღებული, დამბაჩები და თოფები მხოლოდ მცირე ნაწილს ჰქონდა, უმრავლესობა კეტებსა და ქვებზე ამყარებდა იმედს. ამიტომ სახალხო ლაშქარს, ბუნებრივია, გაუძნელდებოდა რეგულარული ჯარის ნაწილების წინააღმდეგ ბრძოლა. სრული უპირატესობის მიუხედავად, პოდპოლკოვნიკმა პრინცმა ჯერბს მიმართა, მოწინააღმდეგეს მოაჩვენა ვითომ საქმის მშვიდობიანად დამთავრების დიდი სურვილი ჰქონდა და გლეხებთან შუაქაცები გაგზავნა, დიდი შეღავათები აღუთქვა აჯანყებულებს. გულუბრიყვილო აჯანყებულები ენდვნენ პრინციის სიტყვას, დაპირებას და ისინი რაზმი სოფელში შეუწვეს. გლეხთა შეცდომა კარგად გამოიყენა დამსჯელი რაზმის უფროსმა და 99 კაცის დაპატიმრება შეძლო. პრინცს და მის მფრინავ რაზმს ძვირად დაუჯდა ეს საქციელი. მეფის მოხელის თვალშაქცობამ და ვერაგობამ გლეხები აღაშფოთა. აჯანყებულთა საბრძოლო სულისკვეთება კიდევ უფრო ამაღლდა. ურჩი გლეხების დაპატიმრებით პრინცმა ვერავინ დააშინა, პირიქით, აჯანყების ცეცხლი საგრძნობლად გაფართოვდა.

აჯანყებულთა ცხენოსანი რაზმი ლეწურწუმეს მიმართულებით წავიდა. მთავრობის ჯარის განლაგებაში შეიქრა და დაპატიმრებულ გლეხთა განთავისუფლება კატეგორიულად მოითხოვა. პოდპოლკოვნიკმა პრინცმა არამარტო უარყო ეს მოთხოვნა, არამედ კონტრმოთხოვნა წამოაყენა და გლეხებს დაშლა და იარაღის დაყრა უბრძანა. გაიმართა ხანგრძლივი მოლაპარაკება, რომლის დროსაც ორივე მხარე ერთმანეთს აშინებდა, იარაღის გამოყენებით იმუქრებოდა. 17 ივნისს აჯანყებულმა გლეხებმა ბუეს ჩაბერეს და იერიშზე გადავიდნენ. მფრინავი რაზმი თითქოს წინააღმდეგობას არ აპირებდა, იარაღს არ იყენებდა, ძალიან ახლოს მიუშვა აჯანყებულები. ბოლოს გაისმა პრინციის ბრძანება და ბატალიონმა ცეცხლი გახსნა, თოფებთან ერთად არტილერიაც ამოქმედდა. აჯანყებულთა ლაშქარმა ვერ გაუძლო რეგულარული ჯარის მიერ დანთებულ ტყვიის ცეცხს, უკან დაიხია და ბრძოლის ველზე დატოვა 19 მოკლული და 30 დაჭრილი. ამ დაჭრილთაგან 10 კაცი მალე გარდაიცვალა.

ლეწურწუმესთან სახალხო ლაშქარი მართალია, დამარცხდა, მაგრამ ეს ჯერ კიდევ არ ნიშნავდა აჯანყების მთლიანად ჩახშობას. მეამბოხეთა ცალკეულმა ჯგუფებმა წინააღმდეგობა გააგრძელეს. თვით დამსჯელმა ექსპედიციამ, „გენერალური ბრძოლის“ მოგების შემდეგ, ტაქტიკა შეცვალა. საარტილერიო ზალპებიდან გლეხთა დაშოშმინებაზე გადავიდა.

ჯორჯაძემ დაპატიმრებული 99 კაცი გაანთავისუფლა, მფრინავმა რაზმმა კი ლეწერწუმედან კირცხისაკენ დაიხია, იქ დაიკავა უფრო საიმედო პოზიცია. აჯანყების ძირითადი კერის იზოლირების მიზნით მთავრობამ ჯარების გადაჯგუფება მოახდინა, ზუგდიდის მაზრაში დამატებით ერთი ქვეითი ბატალიონი გაგზავნა, სენაკის საზღვრის გასწვრივ განალაგა და აჯანყებულ გლეხთა მოქმედებისათვის თვალის დევნება დაავალა. ზედა ფენებს არც რეპრესიებზე უთქვამთ უარი, აჯანყების 14 მონაწილე დააპატიმრეს, ზოგს ხანგრძლივი პატიმრობა მიუსაჯეს, ზოგიც ადმინისტრაციული წესით გადაასახლეს.

სამეგრელოს გლეხთა 1876 წ. აჯანყება მართალია დამარცხდა, მაგრამ იგი ბრწყინვალე ფურცლებად დარჩა გლეხთა გამათავისუფლებელი მოძრაობის მატრიანეში. ამ აჯანყებამ დიდი გავლენა მოახდინა საქართველოს სხვა კუთხეთა მშრომელი მოსახლეობის განწყობილებაზე. ქუთაისის ჟანდარმთა სამმართველოს უფროსი აღიარებდა, რომ ზუგდიდის მაზრის გლეხთა ამბოხებამ შესძრა დასავლეთ საქართველოს გლეხობა. მკაცრი ღონისძიებები რომ არ ყოფილიყო მიღებული, მოძრაობა მთელ გუბერნიას მოედებოდაო. ამიტომ იყო, რამ მეფისნაცვალს დიდად გაახარა ცნობამ აჯანყების ჩახშობის შესახებ და დამსჯელი ექსპედიციის ყველა მონაწილეს მადლობა გამოუცხადა.

მეფისნაცვლის მიერ საგანგებო უფლებით აღჭურვილმა თავადმა ჯორჯაძემ აჯანყების დათრგუნვის შემდეგ საეგზეკუციო რაზმები სოფლებში ჩააყენა, დამარცხებული გლეხები აიძულა უკლებლივ მიეცათ მემამულეებისათვის როგორც წინა წლების გადასახადთა ნარჩენები, ისე მიმდინარე წლის ღალა-კულუხი. გლეხებს გამოუცხადეს, რომ 9 წლიანი ვადის გასვლა სულაც არ ნიშნავს დროებითვალდებულების დამთავრებას, ნადელების გამოსყიდვამდე მემამულეებს ღალა-გადასახადები სრულად და თავის დროზე უნდა აძლიოთო.

სვანეთის გლეხთა 1875—1876 წწ აჯანყება. 'სადადეშქელიანო სვანეთი რუსეთის ცარიზმის მფარველობის ქვეშ 1833 წ. შევიდა. ამიერიდან მებატონე დადეშქელიანები ყოველნაირად ეხმარებოდნენ მეფის მთავრობის კავკასიურ ადმინისტრაციას თავისუფალი სვანეთის დამორჩილებისათვის ბრძოლაში. მეფის მოხელეები თავისუფალი სვანეთის მოსახლეობას შეღავათებს, მატერიალურ დახმარებას, გზების კეთილმოწყობას, განათლების გავრცელებას, სამედიცინო მომსახურების დაწყებას და სხვა სიკეთეს აღუთქვამდნენ, მაგრამ ამ კუთხის რუსეთთან შეერთების შემდეგ თითქმის ყველა დაპირება დაივიწყეს. ისტორიული პერსპექტივის თვალსაზრისით რუსეთთან შეერთებას სვანეთისათვის, ისევე როგორც მთელი

საქართველოსათვის, ობიექტურად პროგრესული მნიშვნელობა ჰქონდა, მაგრამ უბატონობას მიჩვეული თავისუფალი სვანეთი ძნელად ურიგდებოდა ცარიზმის პოლიტიკას და მის მოხელეთა თვითნებობას. თავისუფალმა სვანებმა არაერთხელ სცადეს მეფის მოხელეთა განდევნა. XIX ს-ის 60-იან წლებამდე კავკასიის ადმინისტრაცია ამ მაღალმთიან კუთხეში ძალიან ფრთხილობდა, მოსახლეობის შეწუხებას, მისი გადასახადებით დაბეგვრას ერიდებოდა. გარკვეულ ფარგლებში ითმენდა თავისუფალ სვანთა ტრადიციულ თვითმმართველობას. მაგრამ კავკასიის ომის დაპთავრების შემდეგ მეფის მთავრობამ თავისუფალ სვანეთშიც რუსული სამოქალაქო მმართველობის ორგანოები შექმნა. 1870 წ. სვანები სახელმწიფო გადასახადებით დაიბეგრენ. ჩუბუხევისა და ფარის სახაზინო გლეხებს კომლზე 5 მანეთი, ხოლო სხვა სოფლების მცხოვრებთ კომლზე 2 მანეთი შეაწერეს. 1873 წელს სცადეს ამ კუთხეში სააქციზო წამოსადების შემოღება. 1875 წ. მთავრობამ გადაწყვიტა სვანთა მიწების აღრიცხვა და საადგილმამულო გადასახადის დაწესება. მეფის მოხელე-პოლიციელებთან ერთად თავისუფალ სვანეთს კვლავ ავიწროებდნენ დადემქელიანები, რომლებიც მოსახლეობას ორსახოვანი მჩაგვრელის სახით მოეკლინენ. ისინი კარგად იყენებდნენ მთავრობის მოხელის ძალაუფლებას თავიანთი მამულების გაფართოების და გლეხობის ხარჯზე ხელის მოთბობისათვის. გახშირდა შეტაკებები მეფის მოხელეებსა და მოსახლეობას შორის, დადემქელიანებსა და თავისუფალ სვანებს შორის. ბალს ზემო სვანეთის სოფლები არც XIX ს. 70-იან წლებში დალატობდნენ მამაპაპერ ტრადიციას და ხშირად გაერთიანებული ძალით გამოდიოდნენ რუსეთის მთავრობის ადგილობრივი მოხელეებისა და დადემქელიანთა წინააღმდეგ, ცდილობდნენ თავისუფლების შენარჩუნებას.

ასეთ სიტუაციაში შენელებული მოქმედების ბომბის როლი შეასარულა მიწის მზომელთა გამოცხადებამ და სვანთა მიწა-წყლის აზომვადაბეგვრის დაწყებამ. ბალს ზემო სვანეთის მოსახლეობა გაბედულად წინ აღუდგა ბოქაულ ჯორჯაძეს, რომელიც ფაქტიურად ახორციელებდა ქუთაისის გუბერნატორის ბრძანებას მიწების აღწერის თაობაზე. მღელვარება თითქმის ყველა სოფელს მოედო, მთელი გლეხური მოსახლეობა დაირაზმა თავის ეკონომიკური და სოციალური ინტერესების დასაცავად.

1875 წლის 4 ივნისს ქუთაისის გუბერნატორმა ძალაფეევმა მიიღო ლეჩხუმის მაზრის უფროსის მოხსენება იმის შესახებ, რომ ბალს ზემო სვანეთის სასოფლო საზოგადოებათა (უშგული, კალა, იფარი, მულახი, შესტია, ლენჯერი, ლატალი) მცხოვრებნი—700 შეიარაღებული კაცი შეიკრიბა და ფიცი დასდო ხატისა და ერთმანეთის წინაშე, რომ არ შე-

ეშვათ სოფლებში მთავრობის მიერ გამოგზავნილი მიწის მზომელნი; რადგან დარბეული ხმების თანახმად მთავრობა აპირებდა არა მარტო აზომილ-აღწერილი მიწების, არამედ შინაური პირუტყვის დაბეგვრასაც. ზემო სვანეთის ბოქაულთან, რომლის რეზიდენცია ბეჩოში იყო, ყველა სასოფლო საზოგადოების თავკაცები გამოცხადდნენ და მოითხოვეს მთავრობის მიზანდასახულების განმარტება. ყველა დაინტერესებულ პირს ბოქაული სტანდარტულად პასუხობდა—„მთავრობა მიბრძანებს წარცუდგინო ცნობები თქვენი მიწების რაოდენობის შესახებ“. ამ საჭარბო-როტო საკითხისადმი ჩინოვნიკურმა მიდგომამ კიდევ უფრო გააძლიერა მრისხანების ცეცხლი სვანთა გულში და გააღრმავა მათი ექვი მთავრობის მოხელეთა არაკეთილგანზრახულებათა შესახებ.

აჯანყების პირველი ნაპერწკალი ლატალში გაჩნდა, ცეცხლად მულახში იქცა და მალე მთელ ბალს ზემო სვანეთს მოედო. არქივის მასალებიდან ჩანს, რომ ლატალში ყველაზე ადრე დაიწყო მიწების აზომვა-აღწერა. ნოსახლეობა უნდობლად მოეკიდა ამ ღონისძიებას, მაგრამ აშკარა მთავრობის საწინააღმდეგო გამოსვლამდე საქმე არ მისულა. ლატალის შემდეგ მიწის მზომელნი მესტიისა და მულახის თემებს ეწვივნენ. როცა ბოქაულმა აღწერის დავთრების გადაცემა დააპირა ამ საზოგადოებათა აზნაურებისათვის, ამ უკანასკნელებმა უარი თქვეს დოკუმენტების მიღებაზე. ეს გასაგებია, რადგან აზნაურის მიწის დაბეგვრა უჩვეულო მოვლენა იყო, მათ პირველად აღიმაღლეს ხმა მთავრობის წინააღმდეგ და ამდენად თითქოს ისინი იყვნენ პირველი დამნაშავენი.

მაგრამ ლატალელ გლეხთა ყრუ უკმაყოფილება და მოქმედება უფრო საშიში აღმოჩნდა. აქაურმა გლეხებმა მოციქულები გაგზავნეს ბალს ზემო სვანეთის ყველა სასოფლო საზოგადოებაში, მთავრობის განზრახვა აცნობეს. ერთობლივი გამოსვლისაკენ მოუწოდეს. ამას დადებითად გამოეხმაურა ყველა სოფლის გლეხობა და აზნაურთა ნაწილიც. ყველაზე ადრე „ბუნტი“ მულახელებმა ატეხეს, მალე იგი ბალს ზემო სვანეთის საყოველთაო აჯანყებად იქცა.

აჯანყება 1875 წ. მაისის ბოლოს დაიწყო. მულახში ატყდა ზარების რეკვა. მთელმა ხალხმა თავი მოიყარა სამახვშოზე. ამ კრებაზე სიტყვით გამოვიდა სოფ. მუჟალის თავკაცი 1869 წ. მულახის მამასახლისად არჩეული ყასბულათ შერვაშიძე, მან განაცხადა, რომ მიწების აზომვა უბრალო ცნობისმოყვარეობით არ ხდება, მთავრობას უნდა ახალი გადასახადების შემოღება. კრებამ ასეთი დადგენილება მიიღო: თუ მართალია ჩვენი მიწის დაბეგვრის შესახებ დარბეული ხმები, პირველ რიგში მთავრობას ვთხოვოთ ხელი აიღოს ამ განზრახვაზე, ხოლო თუ თხოვნას

არ შეგვისრულებენ, ყველამ იარაღს მოვკიდოთ ხელი და თავისუფალ სვანთა უფლებები ბრძოლით დავიცვათ, ისე როგორც ჩვენი სახელოვანი წინაპრები იცავდნენ ყოველგვარი ძალმომრეობისაგან თავის დამოუკიდებლობას. ამ დადგებილების თავისუფალი სჯახეთის ყველა სასოფლო საზოგადოებისათვის შესატყობინებლად გამოიყო 50 კაცი.

მეორე დღესვე მოციქულად არჩეული 50 კაცი მესტიის საზოგადოებაში მივიდა. აქ სწრაფად მოიწვიეს სოფლის ყრილობა, რომელმაც მხარი დაუჭირა მულახელთა გადაწყვეტილებას. ამის შემდეგ მოციქულები ლენჭერის საზოგადოებას ესტუმრენ, იქაური გლეხებიც დაიამბანაგეს. ახლა უკვე მრავალრიცხოვანი დელეგაცია ლატალის საზოგადოებაში ჩავიდა. ამ სოფლის ერთ-ერთ ეკლესიაში ატყდა წარცხის რეკვა, გაისმა მძლავრი ზუკის ხმა, შეირყა ხალხი და ლატალელთა ყრილობამაც მოიწონა მუზობელი თემების გადაწყვეტილება. აქ მოხდა ოთხი სასოფლო საზოგადოების წარმომადგენელთა დაფიცება ერთობასა და დაწყებული საქმის ერთგულებაზე. მალე ოთხ საზოგადოებას სამი დახარჩენი — იფარის, კალისა და უშგულის საზოგადოებებიც შეუერთდნენ.

ბაღს ზემო სვანეთის მთელი სრულსაკოვანი და ბრძოლისუნარიანი მოსახლეობა შეიარაღდა და დაიძრა კალისაკენ, სადაც იყო მთელ სვანეთში სახელგანთქმული და ყველას მიერ აღიარებული სალოცავი — კვირიკეს ეკლესია. ერთგულების ფიცის მიღებამდე სოფ. ლალხორში (ლალხორი სვანურად ნიშნავს შესაკრებელ ადგილს, სადაც ადრე საჭიროების დროს იმართებოდა თავისუფალი სვანეთის ყრილობები) ერთხელ კიდევ დაუკანასკნელად გაიმართა აჯანყების გზაზე დამდგარ თავისუფალ სვანთა ყრილობა. პირველი ქვაზე ავიდა ბრძენი მოხუცი გინდარუყ ფარჯიანი, რომელმაც თანამემამულეებს უთხრა: პატივი ვცით ჩემ ჭალარას, დაწყნარდით და მომისმინეთ. ჩემი აზრია ამოვირჩიოთ თავკაცები, ვითათბიროთ და გავარკვიოთ საქმის ვითარება. ჭერჭერობით აჯანყების საფუძველი არ გვაქვს, არ დამდგარა თავგანწირვის ღრო. მაგრამ თუ მომავალში დაერწმუნდებით, რომ მთავრობამ მტკიცედ გადაწყვიტა ჩვენს მიწაზე და შინაურ პირუტყვზე გადასახადის დადება, მაშინ ნამდვილად გვმართებს ვაჟკაცობა და შეურცხვეს ულვაში მას, ვინც მაშინ თავს დაზოგავს. ქალის ლეჩაქი დაიხუროს, თავლაფდასხმული იყოს ის კაცი, ვინც საჭიროების დროს სიკვდილს შეუშინდება.

ხალხმა მოიწონა გინდარუყ ფარჯიანის რჩევა. დაიწყო აზრთა გაცვლა-გამოცვლა. სიტყვა აიღო ყასბულათ შერვაშიძემ. „ამგვარი ყრილობა, — თქვა ყასბულათმა, — ძველ დროში ხშირად იმართებოდა თურმე-ამას იწვევდა მთელი ხევის გაჭირვება. თუ რომელიმე თავადიშვილი მო-

ონდომებდა სვანების დაყმევებას, ჩვენზე ბატონობას, ჩვენი მამა-პაპანი ყრილობას მოახდენდნენ და საერთო მტერს საკადრის პასუხს გასცემდნენ. ჩემზე უფრო მოხუციანი არიან ამ ყრილობაზე და ისინი ჩემზე უკეთ ვეცხვიან, რომ ვისაც კი ჩვენი დამონება მოუნდომებია ჩვენი წერა გამხდარა. თოფი და ხანჯალი ყოფილა ჩვენი დამცველი. სვანეთის სალოცავმა გვაშოროს, რომ იარაღის გამოყენება დაგვჭირდეს ეხლაც. ამგვარი საქმის მოსურნე არავინ ვართ, რადგან სიცოცხლე გვინდა და არა სიკვდილი. ომში რუსებს ვერ გავუმაგრდებით, რადგან ისინი ბევრნი არიან, გამოუღვევლნი და ჩვენ ცოტანი ვართ. მართალია თავს ვისახელებთ, მაგრამ ჩვენ ისეთი საქმე მოგვივა როგორც აფხაზებს. აქამდე რად უნდა მივიდეს ჩვენი საქმე? ჩვენ ხომ იმას არ ვეუბნებით მთავრობას, რომ თქვენს ხელში ყოფნა არ გვინდაო. ამის თქმა შეგვეძლო პირველად, როცა მტერი და მოყვარე ყველა რუსების ხელში გადასვლას გვირჩევდა, მაგრამ არ გვითქვამს უარი. იმიტომ რომ გვარწმუნებდნენ რუსების ხელში უფრო ბედნიერი იქნებით, ვიდრე თავისუფლებაში ხართო, აქეთ ბევრს რამეს ჩამორჩებით და იქით მთავრობა არაფერს მოგთხოვთ. მე თვითონ მთავარმართველის ვორონცოვის მონათლული ვარ და იმისაგან მოკიდებული პატარა მოხელემდე ყველანი გვიმტკიცებდნენ რუსის მთავრობა გაგაკეთებთო, ჩვენ ეს დავიჭერეთ და ამიტომაც ძალადაუტანებლად, ჩვენი ნებით დავუკარით თავი რუსებს. იმ იმედით, რომ მთავრობა ბევრ რამეს შეგვძენდა, მისი ყოველივე მოთხოვნილება ავასრულებთ; გაგზავნა მღვდელი — დავაყებთ, დანიშნა ბიჭაული, მივიღეთ. სოფლის-მოხელეები აირჩიეთო — დავუჭერეთ და ბოლოს ექვს აბაზ უხალთუნიც ბეგარად დავიღვევით. ეს ბეგარა კი ძლიერ გამიკვირდა. გვეუბნებოდნენ გაგაკეთებთო და პირიქით, ბეგარა ჩვენგან წაიღეს: ჯერ ჩვენთვის უნდა შეეძინათ რამე და მერე მოეთხოვათ, თორემ ისე გამოდის, რომ ცხვარი თხას მიადგა მატყლის სათხოვნელად. ეს ასეა, მაგრამ ახლა კიდევ გვეუბნებიან მიწები უნდა გაგიზომოთო, რისთვის?.. ჩვენში ხმა დადის, რომ მათი დაბეგვრა უნდათო. თუ ეს ხმა მართალი გამოდგა, მაშინ კი სწორედ სიცოცხლის პირი არა გვაქვს და მუდამ წვალებას ის გვირჩევნია, ერთ დღეს გავთავდეთ“.

ბოლოს ყასბულათ შერვაშიძემ ურჩია ყრილობას ჩვენი წინადადება მთავრობას შევატყობინოთ და მის პასუხს დაველოდოთ. ამას მხარი დაუჭირა მთელმა ხალხმა. გინდარუყ ფარჯიანმა კი ყ. შერვაშიძის წინადადებას დაუმატა: ყოველთვის, როცა სვანეთში ასეთი დიდმნიშვნელოვანი საკითხები წყდებოდა, ჩვენი წინაპრები ამას წმინდა კვირიკეზე დაფიცებით აძლევდნენ დასტურსა და სიმტკიცესო. საჭიროდ მი-

მაჩნია დღესაც ასე მოვიქცეთ, წავიდეთ ეკლესიაზე და დავიფიცოთ რომ ერთმანეთს არ ვუღალატოთ, ჭირში და ლხინში ვიქნებით განუყრელი როგორც ერთი კაცი. თუ საქმე მოითხოვს უკანასკნელ სისხლის წვეთამდე ვიბრძოლებთ და თავს შევწირავთ საერთო საქმეს.

ამით ყრილობა დამთავრდა. მისი ყველა მონაწილე დაიძრა კვირიკე-საკენ. მოხუცმა მოძღვარმა ფანგანმა ეკლესიიდან გამოიტანა მთელი სვანეთის სათაყვანებელი „შალიანის“ ხატი. ხალხმა ქული მოიხადა, მუხლი მოიყარა, პირჯვრის წერით დადო ფიცი მთავრობის ავ განზრახვათა წინააღმდეგ ერთსულოვან მოქმედებაზე. ყრილობამ „ამენ“ დაიგრიალა, რის შემდეგ ორი ათასმა შეარაღებულმა ვაჟკაცმა დატოვა კვირიკე, ყველამ თავის სოფელს და ოჯახს მიაშურა მტკიცე გადაწყვეტილებით ფრთხილად ედევნებინათ თვალი მთავრობის ადგილობრივი ადმინისტრაციის მოქმედებისათვის და საჭიროების შემთხვევაში წინააღმდეგობა გაეწიათ მთავრობის ძალადობისათვის.

ბალს ზემო სვანეთის მოსახლეობის მღელვარებამ შეაშინა ადგილობრივი ადმინისტრაცია. ბოქაულმა თავადმა ჯორჯაძემ ქუთაისის გუბერნატორს ისე აცნობა მომხდარი ფაქტი, თითქოს სვანეთის მოსახლეობამ ფიცი დადო ბეჩოში დაბანაკებული რუსთა რაზმისა და მოხელეთა განადგურებაზე. ბოქაულმა დახმარება მოითხოვა ქუთაისიდან. დახმარების თხოვნით მიმართა თავად დადემშქელიანსაც. ამ უკანასკნელმა ქუთაისის გუბერნატორს დაასწრო, მთავრობისადმი ერთგულ ქვეშევრდომული გრძნობა დაამტკიცა იმით, რომ თავის რაზმით მყისვე გამოცხადდა ბეჩოში სვანეთის ბოქაულის დასახმარებლად.

თავად დადემშქელიანის მოქმედება ცნობილი გახდა თავისუფალი სვანებისათვის, ხმა დაირხა მთავრობის ერთგული დადემშქელიანის რაზმი ლატალის საზოგადოებაზე თავდასასხმელად ემზადებო. კვირიკეზე ფიცის მიღებიდან რამდენიმე დღის შემდეგ ბალს ზემო სვანები ხელმეორედ შეიყარნენ, ამჯერად უკვე იმ მიზნით, რომ თავს დასხმოდნენ ბეჩოს გარნიზონს. ბალის ქედზე გადასვლისთანავე აჯანყებულებს გზა გადაუჭრა დადემშქელიანთა რაზმმა. თენგიზ დადემშქელიანმა ბალს ზემო სვანებს სთხოვა შეჩერება, მისი სიტყვის მოსმენა. თუ ჩემს რჩევას არ მიიღებთ, ბეჩოში დაბანაკებულ მთავრობის რაზმზე თავდასხმას შემდეგაც მოასწრებთო. აჯანყებულებს არ უნდოდათ შერიგების სიტყვის მოსმენაც კი, მაგრამ მოხუცებმა ხალხი დააშოშმინეს. დადემშქელიანმა ამით ისარგებლა და აჯანყებულთა ლაშქარს უთხრა: თქვენ თვითონ ხედავთ, რომ რუსთა რაზმი ამჟამად ჩვენი ხიზანია, ჩვენ მიწაწყალზე დაბინავებული და სტუმარი, ნუ შეგვარცხვენთ! როგორღა გამოვიჩნდეთ სადმე, თუ ჩვენი სტუ-

მარი ამოსაწყვეტად დაგანებეთ. გვირჩევნია უწინ ჩვენ დაგვხოცოთ, ჩვენა ჳკვდარ სხეულზე გაიაროთ და ისე მიხვიდეთ რაზმის ამოსაწყვეტად, ვიდრე ცოცხალი დავრჩეთ და ასე გიყუროთო. დადეშქელიანების რუსეთის მთავრობის ერთგულებაზე ასეთმა თავგამოდებამ თავისუფალი სვანები კილევ უფრო განარისხა, მათ გზა განაგრძეს ბეროსკენ, მაგრამ ბალს ქვემო სვანებმა კვლავ გადაუღობეს გზა. დადეშქელიანის ერთმა კაცმა თქვა — თუ ბეროსაკენ წასვლას არ დაიშლით თავს შეგაკლავთო, რად რქვევით ასე, რატომ უნდა დაეხოცოთ ერთმანეთი? ამ სიტყვამ და აგრეთვე იპან, რომ სვანებს ორივე ბანაკში ბევრი ნათესავ-მოყვრები აღმოჩნდნენ, აქანყებულნი შეაფიქრიანა. ბოლოს და ბოლოს თავისუფალმა სვანებმა ხელი აიღეს ბეროს გარნიზონის განადგურებაზე და უკან გაბრუნდნენ. ბალის ქედზე მათ ყრილობა ჩაატარეს. გადაწყვიტეს ბალის ქედისა და ლატფარის უღელტეხილის ჩაკეტვა. ბეროში მკდარ ბოქაულსა და მის ჭარს წინადადება მისცეს ადგილზე დარჩენილიყვნენ, ბალს ზემო სვანეთში ფესვანეთის დასავლეთი საზღვრის დაცვა, ხოლო სხვა სოფლების მოსახლეობა დაუყოვნებლივ შესრულდა, თავისუფალი სვანეთისაკენ მიმავალი ყველა გზები აჭანყებულებმა გადაკეტეს.

ბეროში გამოკეტილმა ბოქაულმა ჭორჭაძემ სვანეთში შექმნილი სიტუაცია თავდაპირველად ლეჩხუმის მაზრის უფროსს გრინევსკის გააცნო. შემდეგ კი ქუთაისის გუბერნატორსა და თვით მეფისნაცვალ მიხეილ რომანოვს შეატყობინა. ამ უკანასკნელის ბრძანებით სვანეთში გაიტოვიჩის მეთაურობით. ექსპედიციაში შედიოდა არმიის სხვადასხვა გვარეობის ნაწილები — ერთი ქვეითი პოლკი, რამდენიმე ასეული, საარტიტოვიჩის დამსჯელ ჭარებთან შესაერთებლად მეფისნაცვლის განკარგულებით, თუ ამის საჭიროება შეეჩმნებოდა, ყაბარდოდანაც უნდა გაგზავნილიყო პოლიციის რაზმები. 1875 წ. 10 ივლისს ამ ჭარის ძირითადი ნაწილი ლეჩხუმს ავიდა და მურის ციხესთან დაბანაკდა. დამსჯელი ექსპედიციის მოახლოვება ცნობილი გახდა თავისუფალი სვანებისათვის. მათ გაძლიერეს დაცვა, დაიწყეს მზადება ბრძოლისათვის. ქუთაისის ვიცე გუბერნატორის დავალებით ლეჩხუმის მაზრის უფროსი გრინევსკი ქვემო სვანეთის სოფ. ლუჯრში ავიდა რაზმით და სცადა ზემო სვანეთში შექმნილი მდგომარეობის დადგენა. მან დააკავა 6 კაცი (სვანი მგზავრები),

ოლუჯიში მაზრის უფროსთან გამოცხადდა აგრეთვე თარჯიმნად მიწვეული ბესარიონ ნიჭარაძე. გრინევსკიმ სვან მგზავრებს დაავალა გადაეცათ ამბოხებულთათვის, რომ სვანეთში ახალი გადასახადების დაწესებას არავინ აპირებს, მოითხოვა აგრეთვე მასთან გამოცხადებულებს არეულობის წესებები და რვა-რვა წარმომადგენელი ყოველი სასოფლო საზოგადოებიდან, გრინევსკის გეგმით კავკასიის ადმინისტრაციასა და თავისუფალ სვანებს შორის პირველი მოლაპარაკება ქვემო სვანეთში უნდა მომხდარიყო, რაც შემდეგ ქუთაისში გაგრძელდებოდა. 13 ივლისს ლეჩხუმის მაზრის უფროს გრინევსკისთან მართლაც გამოცხადდა ბალის მთის ზემო სვანეთის 10 კაცისაგან შემდგარი დელეგაცია ყასბულათ შერვაშიძის ხელმძღვანელობით. მაზრის უფროსმა საყვედურებით აავსო ყ. შერვაშიძე. თითქმის 15 წელია მთავრობის სამსახურში ხარ, მამასახლისად მუშაობ, მთავრობამ ორი მედლით დაგაჯილდოვა, შენ კი მის საწინააღმდეგოდ სვანებს ამხედრებ, თუ შენს მიერ აჯანყებულ ხალხს არ დააწყენარებ სასტიკად დაისჯებიო.

• ყასბულათმა ამ ბრალდებაზე უპასუხა: „ტყუილად გგონიათ, რომ მე სვანეთის თავი ვიყო, მე კი არა, მოთავედ, როგორც ხედავთ, რუსთ ხელმწიფესაც უარჰყოფენ. ჩემი მოთავეობა არაფერ შუაშია; სვანეთში არავინ მეგულება, რომ თავის ნებაზე ხალხი ააჯანყოს და დაამშვიდოს. ყველაფერი ყრილობის საქმეა. რასაც ყრილობა დაადგენს ის უნდა ასრულოს ყოველმა სვანმა. მთელმა ხეობამ ყრილობა მოახდინა კალას, ნეც იქ ვიყავი, ჩემი აზრი მეცა ვთქვი. მე მთავრობის სასარგებლოდ ბეჯარი რამ ვთქვი, სხვა უარესს იტყოდა. მადლობას ველოდი. თქვენ კი მიწყობით. თქვენ რომ ხალხის ლაპარაკი გაგეგონათ, მაშინ სულ სხვა აზრზე დადგებოდითო“. ამის, შემდეგ გრინევსკი ყასბულათს შეეკითხა—მაშ არ შეგიძლია ყრილობა დაშალო. ბეჩოსა და ლატვარზე ჩასაფრებული ყარაულები მოხსნა? თავისუფალ სვანთა წარმომადგენელმა უპასუხა—„რა ბრძანება! ყრილობის უნებართვოდ არაფერ გამოვა“. შეფიქრიანებულ-შეშფოთებულმა გრინევსკიმ სვანთა დელეგაცია წაიყვანა და ცაგერში ამობრძანებულ ვიცე-გუბერნატორ მალაფეევს წარუდგინა.

მეფის მთავრობის ამ მოხელემ დელეგაციას ჰკითხა — რა იწვევს უკმაყოფილებასა და მღივარებას. ყასბულათ შერვაშიძემ უპასუხა: უხსოვარი ღრვიდან ჩვენ თავისუფალი ვიყავით, არავის ვემორჩილებოდით, ბეგარასა და გადასახადს არ ვიხდიდით. ამ ბოლო ღრვს ჩვენ ნებაყოფლობით რუსეთს შევუერთდით, გვეგონა მთავრობა დაპირებებს შეასრულებდა, რამე შემწეობას მოგვეცემდა, მაგრამ ნაცვლად ამისა ჩვენვე გვახდევინებენ გადასახადს. ამას მიჩვეული არა ვართ, მონობაში ყოფნისა

არა ვიცით რა და ჩვენი წინაპრების სისხლით მოპოვებულ თავისუფლებას ასე ადვილად ვერვის გავათელვინებთ ფეხქვეშო. მალაფევემა სცადა დაერწმუნებინა სვანთა თავკაცები, რომ მთავრობა საადგილმამულო გადასახადის შემოღებას არ აპირებს, რაც შეეხება ჩვეულებრივ სახელწიფო გადასახადს, ამ გზით შემოსული ფული თქვენთან დანიშნულ მთავრობის მოხელეებს, ხმარდება და ეს უნდა იცოდეთ. ამაზე ყასბულათნა გაბედულად თქვა: თუ მთავრობა ამდენს ხარჯავს თქვენს მიერ ჩამოთვლილ მოხელეთა შესახად, ალბათ იმიტომ, რომ ყველა ისინი თვით მთავრობას სჭირდება. ჩვენ კი არავითარ სარგებლობას ამ პირებისაგან არ მოველით, უკვე დავრწმუნდით იმაში, რომ როცა ისინი არ გვეყვდა, უფრო კარგად ვცხოვრობდით. მფარველი და ბატონი თავისუფალ სვანეთს მრავალ საუქუნეთა განმავლობაში არ ჰყოლია და არც ახლა სჭირდებაო, ვიცე-გუბერნატორი დარწმუნდა, რომ ბალს ზემო სვანები ვერც ადგილობრივ ბატონს იტანენ და ვერც მისულ მოხელეს. მან შეწყვიტა მოლაპარაკება და თავის ჯარით ლატფარის უღელტეხილისაკენ დაიძრა. აჯანყებულებმა თავდასაცავი პოზიციები კიდევ უფრო გაამაგრეს. მალაფევევი შეფიქრიანდა, მოეზიდა სისხლის ღვრას, ჯარი ჩოლურში შეაჩერა და სვანთა დელეგაციის ერთი წევრი ხალხის დასამშვიდებლად გაგზავნა. ყასბულათმა, როგორც ჩანს, აწონ-დაწონა დამსჯელი ექსპედიციის ძალა, აჯანყებულთ, მალაფევევის მიერ გაგზავნილი სვანის პირით, ლატფარის უღელტეხილზე დაცვის მოხსნა, ვიცე-გუბერნატორის თავაზიანი მიღება ურჩია. სვანებმა, მართალია, ლატფარზე დაყენებული დაცვა მოხსნეს, მაგრამ სულაც არ აპირებდნენ დამორჩილებას. ვიცე-გუბერნატორმა აჯანყებულებთან მოსალაპარაკებლად ლეჩხუმის მაზრის უფროსი, 20 თავად-აზნაური და სვანეთის მკვიდრი ბესარიონ ნიჟარაძე გაგზავნა. მთავრობის დელეგაციამ უხიფათოდ გადაიარა ლატფარი და მიუახლოვდა ლალზორს, სადაც 2 ათასი შეიარაღებული სვანი ყრილობაზე ბჭობდა. მათ გრინევსკისთან მოლაპარაკებაზე უარი თქვეს, ბესარიონ ნიჟარაძის პირით ლეჩხუმის მაზრის უფროსს შეუთვალეს ჩვენი მიწა დასტოვე, მოციქულები უვნებლად დაგვიბრუნე, თორემ ბრძოლას დავიწყებთო, გრინევსკი და მისი თანხლები პირნი დარწმუნდნენ, რომ სიკვდილის საშიშროების წინაშე აღმოჩნდნენ, ცხენებს მოახტნენ, ლეჩხუმისაკენ გაუტიეს და ვიცე-გუბერნატორს თავისი წარუმატებელ მისიის შესახებ მოახსენეს. მალაფევემა სვანთა მოთხოვნა შეასრულა, ყასბულათ შერვაშიძე და დელეგაციის სხვა წევრები სვანეთს გაუშვა. რამდენიმე დღის შემდეგ ლატფარისაკენ დაიძრა თვით ვიცე-გუბერნატორი მალაფევევი და გენერალი ციტოვიჩი ჯარით. სვანებმა გარკვეული მოსაზრებით უღელტეხილზე ბრძოლას თავი მოა-

რიდეს, დაუპატივებელი სტუმრები სოფ. კალაში შეუშვეს. აქ, ენგურის ორივე მხარეს ერთმანეთის პირისპირ განლაგდა 2 ათასი შეიარაღებული სვანი და მთავრობის ჯარის ორი ბატალიონი. მალაფეევმა მშვიდობიანი მოლაპარაკება დაიწყო, შეეცადა დაერწმუნებინა ხალხი, რომ მთავრობას სვანეთის მიმართ მხოლოდ კეთილი განზრახვა ამოძრავებდა, ახალი გადასახადების შემოღებას არ აპირებს, დარბეული ხმები სიყალბეაო. ვიცე-გუბერნატორმა სვანთა გათიშვა დაისახა მიზნად; კალასა და უშგულის: სასოფლო საზოგადოებათა მცხოვრებნი დაიბარა თავისთან, სხვა სოფლებიდან გამოსულ მოლაშქრეებს შინ დაბრუნება ურჩია, თქვენთან ცალკე შექნებაო მოლაპარაკება. აჯანყებულებმა ამაზე განაცხადეს, რომ ქუთაისიდან ციტოვიჩის ჯარის შემოსვლა, ხოლო ჩრდილოეთიდან ყაბარდოს მილიციის მოსალოდნელი შემოჭრა თავისუფალ სვანეთს აოხრებას უქადის, ამიტომ გადაეწყვიტეთ ბრძოლაში დავიხოცოთ, ვიდრე ჩვენი ოჯახების დაღუპვის გულგრილ მაცურებლად დავრჩეთო.

მალაფეევი და ციტოვიჩი კვლავ ირწმუნებოდნენ, ჩვენს მიზანს მხოლოდ დარღვეული წესრიგის აღდგენა შეადგენს, ხმები მიწისა და შინაური პირუტყვის დაბეგვრის შესახებ ყოველგვარ საფუძველს მოკლებულია. მთავრობის ამ დიდმოხელეებმა არ დამალეს, რომ მიზნად აქვთ დასახული აღმოაჩინონ და შეიპყრონ ის არასაიმედო პირები, რომლებმაც ყალბი ხმების გავრცელებით ხალხი ესოდენ მძიმე დანაშაულის ჩადენამდე მიიყვანა. თუ განკარგულებას სვანები ნებაყოფლობით შეასრულებენ, მათთან მორჩილებით გამოცხადდებიან, აჯანყების მეთაურთა დაპატიმრებას და დასჯას დავჭერდებითო, ვიცე-გუბერნატორმა და დამსჯელი ჯარის უფროსმა ფარისევლური მოქმედებითა და კეთილგანზრახული დაპირებით მართლაც მოახერხეს თავისუფალ სვანთა უნდობლობის შესუსტება, მათ ერთიანობაში ბზარის შეტანა. 20 ივლისს კალელები და უშგულელები გამოეყვნენ აჯანყებულთა ლაშქარს და დამსჯელი ჯარის მეთაურებთან გამოცხადდნენ. მეორე დღეს თავიანთ სოფლებს დაუბრუნდნენ სხვა აჯანყებულნიც. მაგრამ ხალხის წარმომადგენლებმა კატეგორიული უარი თქვეს აჯანყების მეთაურთა გაცემაზე.

მეთვის ჯარმა მიზანს ძირითადად მიაღწია. ბეჩოსაკენ მიმავალ გზაზე მალაფეევსა და მის ჯარს ხალხის საგრძნობი ნაწილი მორჩილებას აღუთქვამდა, თავის „დანაშაულს“ გულუბრყვილობასა და უცოდინრობას აბრალებდა. მხოლოდ ბალის მთაზე, ლატალსა და ბეჩოს შორის მდებარე უღელტეხილზე შეხვდა დამსჯელი ექსპედიცია შეიარაღებულ სვანთა რაზმს. მართალია, მანაც მორჩილება გამოაცხადა, მაგრამ თავის წარმომადგენელთა მეშვეობით მთავრობის ჯარის უფროსს ისიც მოახსენა, რომ

უნდობლობით ეკიდება მის კეთილ განზრახვას და ღმერთსა თხოვს ამ ჯარის სვანეთიდან გაყვანას, მალაფევეი და ციტოვაჩი კი სვანეთიდან წასვლას არ ჩქარობდნენ. ბეჩოში ჩასვლისთანავე მათ ბოქაულისაგან მიიღეს აჯანყების მეთაურთა და წამქეზებელთა სია, რომელშიც 36 კაცი იყო შეტანილი. ჩატარდა გამოძიება, მოწმეთა დაკითხვა. დაასკვნეს, რომ აჯანყებულებს არჩეული მეთაურები არ ჰყავდათ. მაგრამ მღელვარების პერიოდში თანდათან გამოიკვეთენ ისეთი პირები და მკერმეტყველი ორატორები. რომლებიც მთავრობის საწინააღმდეგო გამოსვლებით ხელს უწყობდნენ აჯანყების გაღვივებას, ახერხებდნენ ერთსულოვან მოქმედებას. მთავარ დამნაშავეებად მიჩნეულ იქნა 16 კაცი: ყასბულათ შერვაშიძე, გინდარუყ ფარჯიანი, სვინჯი ჯაფარიძე, შახუბათ ქურდიანი, ბესი გომთელიანი, ბითე იოსელიანი, გაბილა ფილფანი, ბექმურჯა ცვირიბიანი, თაისაჲ კვანჭიანი, გურმაჩ გასვიანი, ჩარგაზ ჯოხაძე, ედაჲ გირგვლიანი, მურათბი ჩართოლანი, ბექი ფილფანი, ბაბი ნავერიანი და ყაისუნ შერვაშიძე.

ჩამოთვლილ პირთა უმრავლესობა წინააღმდეგობის გაუწევლად ჩაბარდა დამსჯელ ექსპედიციას. დანებებაზე უარი თქვეს გირგვლიანმა, ქურდიანმა. გასვიანმა და ჯოხაძემ. ედაჲ გირგვლიანი, კოჯა და პიკა გირგვლიანებთან ერთად ჩაიკეტა კოშკში. ციტოვიჩის ჯარმა არტილერიის ცეცხლი გაუხსნა გირგვლიანების კარ-მიდამოს, სახლი და კოშკის ნაწილი დაინგრა, ცეცხლი ახლოს მდებარე რამდენიმე სახლსაც მოედო. ბრძოლის დროს გირგვლიანებმა 6 მომხდური დაჭრეს. მაგრამ ბოლოს და ბოლოს ჩაბარდნენ მტერს.

დამსჯელმა ექსპედიციამ თავის მიზანდასახულება თითქმის მთლიანად შეასრულა და ქუთაისში დაბრუნდა. ვიცე-გუბერნატორმა მალაფევემა 1875 წ. 16 აგვისტოს მეფისნაცვალს წარუდგინა თავისი მოქმედების ანგარიში და დამნაშავეთა დასჯის წინადადება, წესრიგის დამყარების წინაპირობად მიიჩნია მათი შორეულ გუბერნიებში გადასახლება. მეფისნაცვალმა დაადასტურა ეს წინადადება. ადმინისტრაციული წესით გადასახლებულთა სიიდან ამოიღეს ყასბულათ და ყაისუნ შერვაშიძეები, ჩარგაზ ჯოხაძე, გურმაჩ გასვიანი, შახუბათ ქურდიანი, თაისაჲ კვანჭიანი, ედაჲ, კოჯა და პიკა გირგვლიანები, რომელნიც სასამართლო პასუხისგებაში იყვნენ მიცემულნი.

დამნაშავენი ქუთაისის საპატიმროში ჩასვეს. თავისუფლების მოყვარე სვანებმა ვერ აიტანეს ტყვეობა. 4 მათგანი საპატიმროში გარდაიცვალა, ერთმა თავის მოკვლა სცადა. ვიცე-გუბერნატორმა მალაფევემა იშუამდგომლა მეფისნაცვლის წინაშე, დამნაშავენი ან სწრაფად გადა-

ესახლებინათ ადმინისტრაციული წესით, ან გადაეყვანათ თბილისის საპყრობილეში. მართლაც მალე მ. რომანოვის განკარგულებით დამნაშავენი სხვადასხვა ვადით გადაასახლეს შიდა რუსეთის გუბერნიებში. გადასახლებულთა სიაში შეტანილი იყვნენ ჩ. ჯოხაძე, გ. გასვიანი და შ. ქურდიანი, რომელნიც ჯერ კიდევ არ იყვნენ დაპატიმრებული.

სვანეთის გლეხთა 1875 წლის აჯანყება ჩააქრეს, მისი მეთაურები დასაჯეს, მაგრამ მეფის მთავრობის კავკასიური ადმინისტრაციის მოხელეებს სულაც არ მიაჩნდათ გამორიცხულად მდგომარეობის კვლავ გამწვავება და ახალი შეიარაღებული აჯანყების დაწყება. ამიტომ მათ სცადეს პროფილაქტიკურ ღონისძიებათა გატარება, ხალხის უკმაყოფილების სოციალურ-პოლიტიკური მიზეზების ნაწილობრივ მაინც აღმოფხვრა. ამ მოხელეებმა აღიარეს, რომ სვანეთში 1869 წელს შემოღებულმა მმართველობამ ვერც მთავრობის იმედი გაამართლა და ვერც ადგილობრივი მოსახლეობისა. ბოქაულის და პოლიციელთა რაზმის საქმიანობა არსებითად პარალიზებული იყო. ოფიციალურ სასამართლოს არავინ მიმართავდა. აღძრული სისხლის სამართლის საქმეები გადაუწყვეტელი რჩებოდა, რადგან დამნაშავეთა დაპატიმრებას ვერავინ ახერხებდა. გადასახადები არ იკრიფებოდა და მისი გაზრდა თითქმის გამორიცხული იყო. გადასახადების გაღების საჭიროებაში სვანთა დარწმუნება მხოლოდ მაშინ მოხერხდებოდა თუ ადგილობრივი მოსახლეობა მიიღებდა ნამდვილ თვითმმართველობას, უზრუნველყოფილი იქნებოდა ხეობის უშიშროება, მართლმსაჯულება და სწავლა-განათლება. მაგრამ ქუთაისის ვიცე-გუბერნატორმა სვანთათვის თვითმმართველობის მინიჭება დაუშვებლად სცნო და მდგომარეობის რამდენადმე გამოსწორების წინაპირობად მიიჩნია: 1. ენგურის ხეობაში გზის მშენებლობის დაუყოვნებლივ დაწყება, 2. ბეჩოში მდგარი მთავრობის ჯარის ადგილობრივი მოსახლეობისაგან გამოყვანილი მილიციით შეცვლა, 3. სვანეთის ბოქაულისათვის მაზრის უფროსისა და მილიციის უფროსის უფლება-კომპეტენციის მინიჭება, 4. სვანეთში მუდმივ მოქმედი სასამართლოს შექმნა, 5. ბოქაულის თანამემწის შტატის დაშვება, 6. სვანეთში მართლმადიდებლური სარწმუნოების განმტკიცება და დაწყებითი სკოლების გახსნა.

მეფისნაცვალმა ქუთაისის საგუბერნიო ადმინისტრაციისაგან სვანეთში ჩასატარებელ ღონისძიებათა გეგმა მოიწონა და დაამტკიცა კიდევ. მაგრამ ვიდრე საჭირო სახსრებს გამონახავდნენ და გეგმის რეალიზაციას დაიწყებდნენ, სვანეთში მდგომარეობა კვლავ დაიძაბა, სისხლიანი ტრაგედია დატრიალდა.

მეფის მთავრობის ადგილობრივ ადმინისტრაციას დაუშვებლად მიაჩნდა თავისუფლად დატოვება იმ პირებისა, რომელნიც მეფისნაცვლის ბრძანებაში იყვნენ მოხსენებული და დასჯა-გადასახლებას ექვემდებარებოდნენ. 1876 წ. ივნის-ივლისში ლეჩხუმის მაზრის უფროსს გრინევსკის დაევალა შახუბათ ქურდიანის, გურმაჩ გასვიანისა და ჩარგაზ ჯოხაძის შეპყრობა.

გრინევსკი ივლისის ბოლოს ჩავიდა ბეჩოში და იქ მდგარ გარნიზონის უფროსს მაიორ ლეუსს დამნაშავეთა შესაპყრობად რაზმი მოსთხოვა. მალე თვით მაზრის უფროსი გრინევსკი, მაიორი ლეუსი, ექიმი ბელსკი და 100 ჯარისკაცი მულახისაკენ გაუდგა გზას. ამ რაზმმა რაკი მულახში შ. ქურდიანი ხელთ ვერ ჩაიგდო, მისი ორი შვილი დააპატიმრა და მძევლად აიყვანა. ამის შემდეგ გრინევსკი თავის თანმხლებ პირებით კალას ჩავიდა და მოლაპარაკება გამართა ხალდელებთან, მათგან დამნაშავეების (გ. გასვიანი, ჩ. ჯოხაძე) გაცემა მოითხოვა. ასეთ მუხანათურ საქციელზე სოფელმა უარი განაცხადა. ხალდელებმა მოციქულებს მოახსენეს, მთავრობა თუ თვითონ დაიჭერს დამნაშავეებს, ჩვენ მათ დაცვაზე თავს არ გამოვიდებთო. ამ პასუხით განრისხებულმა გრინევსკიმ მთელი მოსახლეობა თავისთან დაიბარა. სოფელმა მაზრის უფროსის ამ მოთხოვნაზეც უარი თქვა—თქვენ დამნაშავე მამის მაგიერ მისი შვილები დააპატიმრეთო, რა გარანტია გვაქვს რომ ხალდელებსაც ასე არ მოექცევითო.

სოფ. ხალდე აღელვებამ მოიცვა. ოჯახის ბევრმა მეთაურმა ცოლ-შვილი მთებში გახიზნა. მათ არ მიიღეს ბ. ნიჟარაძის რჩევა, გრინევსკისთან გამოცხადებაზე კვლავ უარი თქვეს, მოციქულს შეახსენეს, რომ გასულ წელს დაპატიმრებულნი ქუთაისის ციხეში დაიხოცნენ, თუ გრინევსკის ჩავბარდებით ჩვენც ეს ბედი მოგველის, საპატიმროში სიკვდილს აქ სიკვდილი გვირჩევენიაო. მაიორმა ლეუსმა თავის დამცირებლად მიიჩნია გაქიანურებული მოლაპარაკება და ხალდესაკენ დაიძრა. მას გაყვნენ სხვა მოხელეები და კაზაკთა რაზმი.

სოფ. ხალდეში იმ დროს 19 კომლი გლეხი ცხოვრობდა და 40 შეიარაღებული მამაკაცი ითვლებოდა. ყოველ მოსახლეს ერთი-ორი ქვიტკირის სახლი და კოშკი ჰქონდა. როგორც კი მთავრობის შეიარაღებული რაზმი სოფელს მიადგა, ხალდელი ვაჟაკები კოშკებში ჩაჯდნენ და ბრძოლისათვის მოემზადნენ. მოხუცები კი სოფლის შუაგულში დაელოდნენ დაუპატიებელ სტუმრებს. მათ თავაზიანად სთხოვეს მაზრის უფროსს უბედურებას ნუ დაგვატეხთო თავს, ამაღამ გიმასპინძლებთ, ვახშამს ვაგვიმართავთ, ხვალ კი თქვენი სურვილის შესრულებას შევეცდებითო, გრინევსკის საქმის მშვიდობიანი მოგვარების იმედი მიეცა, მაგრამ შეიარაღე-

ბული რაზმის უფროსი მაიორი ლეუსი გამომწვევად მოქმედებდა. მან არ დაუცადა მოლაპარაკების შედეგს და 1 აგვისტოს ხალდეს ალყა შემოარტყა, თავისი რაზმი გადამწყვეტი ბრძოლისათვის გაამზადა. სოფლის შუაგულში დამსჯელი ექსპედიციის მესვეურებს სვანთა წარმომადგენლები გეგი და გიორგი გირგვლიანები შეხვდნენ. მათ მოლაპარაკების გაგრძელება ჰქონდათ დავალებული. მაგრამ მაიორმა ლეუსმა ამ ორი სვანის ხიშტებზე აგება ბრძანა და ამის შესრულება მ კაცს დაავალა. ჭარისკაცებმა გიორგი მყისვე გამოასალმეს წუთისოფელს, მსუბუქად დაჭრილმა გეგიმ ხანჯალი იშიშვლა, სამი ჭარისკაცი მოკლა და თვითონაც ზედ შეავდა მომხდურებს. რაკი მთავრობის ჯარმა პირველმა დაიწყო სისხლიანი ანგარიშსწორება, კოშკებში გამაგრებულმა ხალდელებმაც ცეცხლი გახსნეს, რამდენიმე წუთში მოკლეს მაიორი ლეუსი, უნტერ-ოფიცერი ტიშჩენკო და რამდენიმე ჭარისკაცი. დაჭრეს ბოქაული მიქელაძე და 9 ჭარისკაცი. ბრძოლა გვიან ღამემდე გაგრძელდა. უმეთაუროდ დარჩენილი ჭარისკაცები პანიკამ მოიცვა, გაქცევით სცადეს თავის გადარჩენა, მაგრამ სიბნელის გამო რამოდენიმე უფსკრულში გადაიჩენა. გადარჩენილებმა სოფელ ლალხორს მიადწიეს და იქ დაიბანაკეს.

პირველ შეტაკებაში გადარჩენილი გრინევსკი, მძიმედ დაჭრილი მიქელაძე, ექიმი ბელსკი, სასამართლოს ბოქაული ასათიანი სოფლის განაპირა სახლს შეეფარნენ. მაგრამ ხალდელებმა მათი სამალავი მალე აღმოაჩინეს და ყველა სიცოცხლეს გამოასალმეს.

მეორე დღეს ხალდელები სოფლის ცენტრში შეგროვდნენ. მოკლული მოხელები და 17 ჭარისკაცი დაასაფლავეს. აჯანყებულებმა კარგად იცოდნენ, რომ მათ ჩადენილ დანაშაულს არავინ აპატიებდა. გადაწყვიტეს თავდაცვა, სისხლის უკანასკნელ წვეთამდე ბრძოლა. მთავრობის ჯარის ახალი ნაწილების თავდასხმის მოლოდინში ხალდელთა ნაწილმა სოფლის მისადგომები გაამაგრა. სხვები ხიდების ჩაგდებას, გზების ჩახერგვას შეუდგნენ. იზრუნეს ტყვია-წამლის მომარაგებაზეც, რამდენიმე კაცი ბალს ზემო სვანეთის სოფლებში გაგზავნეს. მეზობლებს ამ დიდ გასაჭირში დახმარება სთხოვეს.

ხალდეში დატრიალებული სისხლიანი ტრაგედიის ამბავი როგორც კი მისწვდა კავკასიის ადმინისტრაციის დიდ მოხელეთა ყურს, მაშინვე შეადგინეს ურჩი ხალდელების ამოწყვეტისა და სოფლის ძირიანად დანგრევის გეგმა. დამსჯელი ექსპედიციის მეთაურობა ამჟერადაც გენერალ ციტოვიჩს მიანდეს. 1876 წლის 19 აგვისტოს მან გადალახა ლატფარის უღელტეხილი და დაბანაკდა მიჯვრისში, საიდანაც სოფ. ხალდე ხელის

გულივით ჩანდა. დამსჯელი ექსპედიციის ოფიცრებმა ზუსტი ცნობები შეკრიბეს მოწინააღმდეგეზე. დაადგინეს, რომ ჭალდეში იყო 11 მაგარი კოშკი: 50 კარგად შეიარაღებული კაცი ტყვია-წამლისა და სურსათის საკმოდ დიდი მარაგით. 20 აგვისტოს გენერალ ციტოვიჩის ჯარის ავანგარდმა ხალდეს მისადგომებზე გადაინაცვლა, იერიშისათვის მოემზადა. 21 აგვისტოს ციტოვიჩის არტილერიამ ცეცხლი გახსნა, მაგრამ სევანურ კოშკებს ვერაფერი დააკლო. 22 აგვისტოს დამსჯელი ექსპედიციის უფროსმა ხალდელებს წინააღმდეგობის შეწყვეტა, დანებება მოსთხოვა, მაგრამ ამოდ. კოშკებზე გამაგრებულ აჯანყებულნი უთანასწორო ბრძოლას განაგრძობდნენ. რაკი შორიდან მეზარბაზნეებს მიზანში ვერ ახვედრებდნენ. 6 კაცი გამოყვეს, რომლებმაც უჯზო-უკვლო ხეობა გაიარეს. ჩიემებებს უკანიდან მიაღდგნენ და 7 მეზარბაზნე მწყობრიდან გამოიყვანეს (სამი მოკლეს, ოთხი მძიმედ დაჭრეს).

დამსჯელი ჯარის მთავარი ძალები 25 აგვისტოს კიდევ უფრო მიუახლოვდნენ სოფელს და სამხმრივ ალყაში მოაქციეს. შემდეგ იერიში წამოიწყეს, სოფლის დასავლეთ მისადგომებთან ხელსაყრელი მდებარეობის ბორცვს. ხოლო აღმოსავლეთის მხრიდან ხალდეს განაპირა სახლებს დაიფოლნენ. ამ ბრძოლების დროს აჯანყებულებს ზარალი არ უნახავთ, ხოლო მთავრობის ჯარში რამდენიმე ჯარისკაცი დაიჭრა. იმავე დღის მორე ნახევარში მოალყე ჯარებმა სცადეს ხალდეს ყველაზე დიდი კოშკის აფეთქება. მაგრამ ვერაფერს გახდნენ. აჯანყებულები თითქმის განუწყვეტილ ისროდნენ, მესანგრეებს კოშკების ასაფეთქებელი სამუშაოების წარმოების შესაძლებლობას არ აძლევდნენ.

მოალყეებმა დამხმარე ჯარები მიიღეს და ალყა კიდევ უფრო შეავიწროვეს. გენერალმა ციტოვიჩმა ხალდეს განადგურებისათვის ბრძოლაში ქართული და სევანური მილიციაც კი ჩააბა. განსაკუთრებით აქტიურობდნენ დადემშქელიანები და გარდაფხაძეები, რომლებსაც თავისუფალ სვანებთან ისტორიული მტრობა ჰქონდათ.

ხალდეს ერთმა მუჰა დამცველებმა ერთ კვირას გაუძლეს მრავალრიცხოვანი ჯარის იერიშებს. 27 აგვისტოს დამსჯელმა ექსპედიციამ გადამწყვეტი იერიში წამოიწყო. ხალდეს გარს შემოვლებული ცოცხალი კედელი თანდათან შევიწროვდა. მოალყეებმა დაიწყეს კოშკებში ასაფეთქებელ ნივთიერებათა ჩაწყობა. ხალდეს დამცველებს ტყვია-წამალი შემოაკლდათ. მათ დაჭრილებისათვის საკაცეები გააკეთეს, სცადეს აღმოსავლეთის გზით მთისკენ გაქრა, მაგრამ მთავრობის ჯარს წააწყდნენ და უკან

მობრუნდნენ. ამის შემდეგ ჩრდილოეთის მიმართულებით კლდეებისაკენ აიღეს გეზი. ამ მხარეს ალყას თენგიზ დადუშქელიანის მიერ თანამომეტა შესაპყრობად ძალად წამოყვანილი ქვემო სვანეთის გლეხები კრავდნენ. მათ უთანასწორო ბრძოლაში დაღლილ-დატანჯულ ხალდევებს გზა მშვიდობისა უსურვეს და გაატარეს.

ციტოვიჩს ხალდეს დამცველთა ძირითადი ნაწილის გასხლტომა გვიანობამდე არ გაუგია, 28 აგვისტოს დილაადრიან მის ბრძანებაზე წაყვარობის ჯარი სოფლის ცენტრში შეიჭრა, მოიერიშეებს წინააღმდეგობა თითქმის არ შეხვედრია. როცა მესანგრეები მთავარი კოშკის აფეთქებას შეუდგნენ, მეზობელი კოშკიდან სროლა ატეხეს. ერთი ჯარისკაცი მოკლეს, სამი კი დაჭრეს. მაგრამ მესანგრეებმა თავისი საქმე მაინც გააგრძელეს. მალე რამდენიმე კოშკის აფეთქების ხმა გაისმა. პირველი კოშკის ნანგრევებში დაჭრილი გეგი და გიორგი გასვლიანები მოჰყვნენ, დანარჩენ ორში არაფერ არ აღმოჩნდა. დამსჯელმა ექსპედიციამ გააგრძელა „გმირული“ მოქმედება, მიწასთან გაასწორა ხალდეს ყველა კოშკი, ლამაზი სოფელი ნანგრევების გროვად გადააქცია. ცოცხლად დარჩენილნი შეიპყრეს. სოფლის ტერიტორია გადახნეს, ხალდელთა მოსამკელ ყანებს ცეცხლი წაუკიდეს. ხალდეს დამცველთა დედამწულმა სვანეთის სხვადასხვა სოფლებში პოვა თავშესაფარი. მხოლოდ რამდენიმე წლის შემდეგ მიიღეს მათ მშობლიურ ხალდეში დაბრუნების უფლება და ნანგრევებზე რამდენიმე სახლი აღადგინეს.

ამგვარად, სვანეთის გლეხთა 1875—76 წწ. სახალხო გამათავისუფლებელი მოძრაობა ორეტაპოვანი იყო. პირველი ეტაპი მიმდინარეობდა 1875 წ. მაისიდან აგვისტოს ბოლომდე. იგი შედარებით მშვიდობიან ხასიათს ატარებდა და მასში თავისუფალი სვანეთის მთელი ბრძოლისუნარიანი მოსახლეობა მონაწილეობდა. მთავრობის ჯარმა სისხლიანი რეპრესიების გარეშე შეძლო აჯანყების დროუბით შეჩერება. მის მეთაურთა შეპყრობა. სახალხო მოძრაობის მეორე ეტაპი დაიწყო 1876 წ. ივლისში და დამთავრდა აგვისტოში. ამ პერიოდში მოძრაობა, მართალია, ლოკალური იყო, ხალდეს არ გასცილებია, მაგრამ მიიღო შეიარაღებული ბრძოლის. სისხლიანი ტრაგედიის ხასიათი. ხალდეს ერთმა მუქა დამცველებმა დიდი ვაეკაცობა და საზრიანობა გამოიჩინეს, მეფის მთავრობის მოხილეთა, დამსჯელი ექსპედიციის ძალადობას ძალა დაუპირისპირეს და პირველი შეტაკების დროს შეძლეს მოწინააღმდეგის დამარცხება. ხალდეს ვაეკაცთა გმირობა მთავრული ასოებით ჩაიწერა ქართველი ხალხის განმათავისუფლებელი ბრძოლის მატრიანეში. ხალდეს განადგურება-დანგრევის დროს შეიპყრეს 9 კაცი: ჩოფი, ბითე, ბექა, კაცია, გიერგ, გუა გასვლიანე-

ბი, გეგი ჩოფლიანი და ბადი ჯოხაძე. ისინი სწრაფად გაასამართლეს, ზოგს ჩამოხრჩობა მიუსაჯეს, ზოგსაც სამუდამო კატორღა. მთებსა და მეზობელ სოფლებში გახიზნულ ხალხელთა შეპყრობა დაევალა სვანეთის ბოქაულის თანამემწეს თენგიზ დაღეშქელიანს. პოლიციელთა რაზმი მთაში წააწყდა გახიზნულ აჯანყებულთა ბუდე-სამალავს და ალყა შემოარტყა. ხალდელები ორ კვირას უწყედნენ წინააღმდეგობას მომხდურთ, შემდეგ მოახერხეს ალყის გარღვევა და სხვადასხვა მიმართულებით გაფანტვა, მაგრამ ზამთრის პირზე გაქცეულების ნაწილი ნებაყოფლობით ჩაბარდა მთავრობას, ზოგი კი შეიპყრეს დაღეშქელიანის რაზმელებმა. 22 დაპატიმრებული ხალხელი ეტაპით გაგზავნეს ქუთაისში. შეპყრობილთა შორის იყვნენ წინააღმდეგობის პირველი წამომწყებნი გურმაჩ გასვიანი და ჩარგაზ ჯოხაძე.

მეფის მთავრობის კავკასიურ ადმინისტრაციას სურდა 22 პატიმარს. სამხედრო კანონების მეშვეობით, ისევე სწრაფად გასწორებოდა, როგორც უფრო ადრე შეპყრობილი 9 სვანის საქმე გადაწყვიტა. მაგრამ ასეთი თვითნებობის წინააღმდეგ ხმა აღიმალა მოწინავე საზოგადოებამ. თავისუფლების მოსაპოვებლად ამხედრებულ სვანთა დასაცავად აღდგა ქართველი ინტელიგენცია.

სვანეთის ანტიცარისტულ აჯანყებას ერთ-ერთი პირველი გამოცხმაურა ნ. ნიკოლაძე, მან რუსულ გაზეთ „თბილისის მოამბეში“ გამოაქვეყნა ვრცელი წერილი, რომელშიც აჯანყების გაპროგრესი მიზეზად ლეჩხუმის სამაზრო ადმინისტრაციის უგუნური მოქმედება და ბოროტმოქმედება გამოაცხადა. ნ. ნიკოლაძემ მშვიდობით დააჩასიათა ერთი მხრივ სვანეთი და მისი მოსახლეობა, ხოლო მეორე მხრივ მეფის მთავრობის ადგილობრივი ადმინისტრაცია. სვანები საუკუნეების განმავლობაში თავისებურ პირობებში ცხოვრობდნენ და ისინი, ნ. ნიკოლაძის განცხადებით, XIX ს-ის 70-იან წლებშიც გამოირჩეოდნენ სწრაფებით. უანგარობით, რაინდული გმირობითა და მაღალი ზნეობით. თუ ადგილობრივ ადმინისტრაციას სურდა სვანთა თანაგრძნობის მოპოვება, მათი პოლიტიკური ცხოვრების ახალი პირობებისადმი შეგუება, ამისათვის ტაქტიანი მოქმედებითა და ახალი ადმინისტრაციის უპირატესობის ჩვენებით უნდა მიედგინათ. მრავალგვარი ექსცესებია მოსალოდნელი ქვეყანაში, სადაც ადმინისტრაციის უმეცარი წარმომადგენელნი მხოლოდ იმაზე ზრუნავენ, რომ ვინმე დაჩაგრონ, თავის უპირატესობა უხეში ძალის გამოყვანებით დაამტკიცონ. ხალხი, რა თქმა უნდა, ასეთი ადმინისტრატორთადმი პატივისცემით ვერ განიმსჯვალებოდა, თავის ყველგასულ, მაგრამ სამართლიან თვითმმართველობას ვერ დათმობდა. ნ. ნიკოლაძემ სვანეთის გლეხთა

აჯანყებაში, ხალდეს ტრაგედიაში მთელი პასუხისმგებლობა მეფის მთავრობის ადგილობრივ ადმინისტრაციას დააკისრა.

მეფის მთავრობის ადგილობრივმა მოხელეებმა სვანეთის შეიარაღებული აჯანყების 9 მონაწილის გასამართლება-დასჯით „გამოცდილება მიიღეს“ და 22 დამნაშავეზეც სწრაფად შეადგინეს საბრალდებო დასკვნა. ხალდელებს სახელმწიფო დანაშაული დაბრალდა და ომიანობის პირობების კანონის შესაბამისად მათი გასამართლება, სამხედრო-საველე სასამართლოს დაავალეს. სასამართლო პროცესი ქუთაისში 1876 წ. 27 ნოემბერს დაიწყო. მაგრამ საქართველოს ფართო საზოგადოებრიობამ მოითხოვა და მთავრობა იძულებული გახდა საველე სასამართლო საქაროდ ჩაეტარებინა, რომლის დროსაც ბრალდებას სამხედრო პროკურორი ასაბუთებდა, ხოლო ბრალდებულებს ადვოკატები იცავდნენ.

სამხედრო პროკურორმა შლეტინსკიმ მომხდარი სისხლისღვრისათვის მთელი ბრალი ხალდელებს დააკისრა, მეფის მთავრობის მოხელეები კი უცოდველ კრავებად წარმოადგინა, მან ბრალდებულთა უმკაცრესად დასჯა, ნაწილის ჩამოხრჩობა, სხვების სამუდამო კატორღაში გაგზავნა მოითხოვა.

სასამართლო პროცესზე ბრალდებულებს იცავდნენ ადვოკატები— დავით ლორთქიფანიძე და ლუარსაბ ლოლუა. მათ აღნიშნეს, რომ ბრალდებულები აღიარებენ ხელისუფლებისათვის წინააღმდეგობის გაწევის, რამოდენიმე მომხდურის მოკვლის ფაქტს. მაგრამ ამასთან, მტკიცედ აცხადებდნენ, რომ დამნაშავენი არ არიან: შექმნილმა გარემოებამ აიძულა ისინი თავი დაეცვათ და ამ თავდაცვის დროს შემოაკვდათ რამოდენიმე მოხელე და ჯარისკაცი. ადვოკატებმა სცადეს სამხედრო სასამართლოსათვის დაემტკიცებინათ, რომ ხალდეს სისხლიანი ტრაგედია სვანებისათვის უცხო კანონების თავსმოხვევის, ადგილობრივი ადმინისტრაციის ბოროტმოქმედების და მთავრობის ჯარის უფროსის ახირება-ძალადობის შედეგი იყო. ადვოკატებმა ისიც აღნიშნეს, რომ ლეჩხუმის მაზრის ადმინისტრაციას მარტო ჯონაძისა და გასვიანის დაპატარება არ ჰქონდათ მიზნად. მას სურდა ორი კაცის დაუმორჩილებლობა საბაბად გამოეყენებინა და რეპრესიებისათვის ფართო მასშტაბი მიეცა, მეფის მოხელეებმა არც კი დაუცადეს ხალდელთა პასუხს და დაშსკელი რაზმით სოფელს მიადგნენ, მათ პირველებმა გამოიყენეს იარაღი და მხოლოდ ამის შემდეგ იწვნიეს ხალდელთა საპასუხო გასროლის ძალა. ხალდელები თავს იცავდნენ, წინასწარგანზრახული დანაშაული არ ჩაუდენიათ. ამიტომ მათ არ შეიძლება მივეყენოთ სამხედრო კანონით გათვალისწინებული უმა-

ლესი სასჯელი. სამართალში მიცემულთა მკაცრი დასჯა არავითარი თვალსაზრისით არ იქნება გამართლებული.

სასამართლო პროცესზე ბრალდებულთა არაოფიციალური დამკვე-
ლის როლში დიდი პოეტი აკაკი წერეთელი გამოვიდა. მკვლელობა,—განა-
ცხადა პოეტმა,—ყოველთვის დიდ დანაშაულად იყო მიჩნეული. ხალხი
გმობდა და ზიზღით უყურებდა მკვლელს. ჩვენს წინაშეც თითქოს მკვლე-
ლები სხედან. მაგრამ დახეთ საკვირველებას, არავითარ ზიზღს ჩვენ მათ-
დამი არ განვიციდით. დამსწრე საზოგადოება მათი ბედ-იღბლისადმი ერთ-
ნაირი თანაგრძნობითაა გამსჭვალული. იმისათვის რომ ხალდელები გაე-
მართლებინა ა. წერეთელმა ყურადღება გაამახვილა სვანეთის ადმინის-
ტრაციისა და ჯარის ნაწილის უკანონო მოქმედებაზე. მან აღნიშნა, რომ
ზნეობრივად და გონებრივად ადმინისტრაცია სვანებზე უფრო მალა უნდა
დამდგარიყო. მას ახალი და უცხო კანონები ძალადობით არ უნდა მოე-
ხვია ხალხისათვის, წინასწარი ახსნა-განმარტებითი მუშაობა უნდა ჩაეტა-
რებინა, მაგრამ სინამდვილეში პირიქით ხდებოდა. თავის სიტყვაში პო-
ეტმა მოურიდებლად ამხილა მაიორ ლეუსის ბოროტმოქმედებამდე მი-
სული თვითნებობა და სიმკაცრე. ისიც აღნიშნა, რომ ადმინისტრაციას
ფაქტიურად არაფერი გაუკეთებია კონფლიქტის მშვიდობიანი მოწესრი-
გებისათვის, დამსჯელი ფუნქციის არაადამიანურად მკაცრი შესრულებით
გამოიწვიაო ხალდელთა საპასუხო გასროლა. ა. წერეთელი შეეხო საქმის
ფორმალურ მხარესაც, აღნიშნა, რომ სვანები კანონის თანახმად ვალდე-
ბულნი იყვნენ ხელისუფლების ყოველ ბრძანებას და მათ შორის კანონ-
საწინააღმდეგოსაც დამორჩილებოდნენ. ხელისუფლების წინააღმდეგ
აუცილებელი მოგერიებაც დაუშვებელია და ამდენად,—ირონიულად
განაცხადა პოეტმა,—სვანებს, რომლებსაც ხიშტებზე აგებდნენ. არავი-
თარი წინააღმდეგობა არ უნდა გაეწიათ. მაგრამ თავისუფლებისმოყვარე
სვანები ასეთ კანონებს პატივს არ სცემენ. და ძალადობას სამართლიანი
წინააღმდეგობა გაუწიესო. ერთი სიტყვით თავის კარგად დასაბუთებულ
დაცვით სიტყვაში ა. წერეთელმა მოურიდებლად ამხილა მეფის მოხელეთა
თვითნებობისა და ძალადობის მრავალი ფაქტი, ცხადყო, რომ ხალდეს
სისხლიანი ტრაგედია მთავრობის მოხელეთა უკანონო მოქმედების, ძალა-
დობა-გაუკითხაობის შედეგი იყო და ამიტომ ხალდელები არ იმსახურებ-
დნენ დიდ სასჯელს. მან მოუწოდა სამხედრო სასამართლოს წევრებს კა-
ნონის სიმტკიცე შეეთავსებინათ სამართლიანობა-პუმანურობის გრძნო-
ბასთან. სიმართლისა და შეწყალების პრინციპი მიეყენებინათ ხალდე-
ლებისათვის.

მიუხედავად იმისა, რომ დაცვამ გააქარწყლა ბრალდების ძირითადი ნაწილი, პროკურორმა ხალდელოთა სასტიკი დასჯა მოითხოვა. სასამართლომ განაჩენი 1876 წ. 1 დეკემბერს გამოიტანა 4 კაცს მიუსაჯეს სამუდამო კატორღა, ერთს—20 წლით საკატორღო სამუშაოები, 12 კაცს — ციმბირის შედარებით ახლო გუბერნიაში სამუდამო გადასახლება, 5 კაცს გადასახლება იმპერიის რომელიმე სამხრეთ გუბერნიაში. პროკურორი უფრო მკაცრ სასჯელს მოელოდა, მაგრამ სამხედრო საველე სასამართლო იძულებული გახდა ანგარიში გაეწია საზოგადოებრივი აზრისათვის, მან ვერ გაბედა სახელმწიფო დამნაშავეებად გამოცხადებული ხალდელების სიკვდილით დასჯა, მათ სამუდამო კატორღა და გადასახლება „აკმარა“.

სვანეთის გლეხთა აჯანყება ერთი შეხედვით თითქოს იზოლირებულ იყო, მას კავშირი არ ჰქონდა საქართველოს სხვა კუთხეების გლეხთა აჯანყებებთან, მაგრამ თუ გაივალისწინებთ გლეხთა განმათავისუფლებელი მოძრაობის მიზეზებს, ხასიათსა და ამოცანებს იმ დასკვნამდე მივდივართ, რომ ყველა ეს ლოკალური გამოსვლები და მათ შორის სვანეთის გლეხთა აჯანყება ერთი დიდი მოვლენის—განმათავისუფლებელი მოძრაობის შემადგენელი რგოლები იყო. ამ ასპექტში ხედავდნენ თერგდალეულები, ხალხოსნები და სხვა პროგრესულ მიმდინარეობათა ყველა წარმომადგენელი რუსეთის იმპერიის სხვადასხვა რეგიონებში მიმდინარე გლეხთა მოძრაობას და ცდილობდნენ დაემყარებინათ მათ შორის იდეურ-პოლიტიკური და ორგანიზაციული კავშირი. მშრომელი მასა დაერაზმათ ცარიზმის წინააღმდეგ საყოველთაო ბრძოლისათვის.

კახეთის გლეხთა 1878 წლის აჯანყება. საჯლეხო რეფორმამ კახეთის გლეხთა მიწათმფლობელობაც შეამცირა. მათაც მძიმე სააღვლამაშულო ვალდებულებანი დააკისრა. ბევრად უკეთესი არც სახაზინო გლეხთა და ხიზანთა მდგომარეობა იყო. ყველა იჩაჩებოდა ცარისტული რეჟიმის ქვეშ, ყველას უკმაყოფილებას იწვევდა მეფის მოხელეთა თვითნებობა და ბოროტმოქმედება.

საქართველოს მშრომელი მოსახლეობის მდგომარეობა კიდევ უფრო გაუარესდა რუსეთ-თურქეთის 1877—1879 წწ. ომის დროს. გლეხთა ნაწილი სახალხო მილიციაში გაიწვიეს. უფრო მეტს მძიმე სატრანსპორტო და საგზაო ბეგარა დააკისრეს. მიწას მოწყვეტილი გლეხობა სათანადო ყურადღებას ვერ აქცევდა მეურნეობას, მოსავლიანობა კატასტროფულად შემცირდა, რამაც შიმშილობა გამოიწვია.

1877—1878 წწ. რუსეთ-თურქეთის ომს ქართველი ხალხი ეროვნული ინტერესების პრიზმაში ხედავდა, დარწმუნებული იყო, რომ ამ ომის

ძლევამოსილად დამთავრებას თურქთაგან ადრე მიტაცებული მიწების განთავისუფლება, საქართველოს ისტორიული საზღვრების აღდგენა მოჰყვებოდა. ქართველები და მათ შორის კახელებიც მრავლად ჩაეწერენ სახალხო ლაშქარში და თავისი წვლილი შეიტანეს მტრის დამარცხებაში.

ასეთი პატრიოტული აღმავლობის დროს მოხდა სწორედ კახეთის გლეხთა აჯანყება, რომლის უშუალო მიზეზი გახდა სავალდებულო სამხედრო ბეგარის შემოღების შესახებ დარჩეული ხმები. კახელები, მართალია, პატრიოტები იყვნენ და შესაძლებლობის ფარგლებში კიდევ მონაწილეობდნენ თურქეთის წინააღმდეგ ომში, მაგრამ არ სურდათ ჯარისკაცის ფარჯის ჩაცმა, არმიაში ხანგრძლივი სამსახური და სწორედ ამის წინააღმდეგ გამოთქვეს პროტესტი, აჯანყების დროშა ააფრიალეს. გლეხთა უკმაყოფილების მიზეზები უფრო ღრმა და მრავალმხრივი იყო, არქივის საბუთებიდან ჩანს, რომ გლეხები აცხადებდნენ—მემამულეებს არ მივცემთო ღალას. კიდევ მეტი, აჯანყებული გლეხები არბევდნენ მემამულეთა სახლ-კარს, თავადაზნაურთა წინამძღოლი ვაჩნაძე მიიჩნიეს მთავარ დამნაშავედ და ცემა-ტყუპით გაუმასპინძლდნენ მას. ერთი სიტყვით, 1878 წ. აჯანყებაში ყველა კატეგორიის გლეხები მონაწილეობდნენ, მაგრამ განსაკუთრებით აქტიურობდნენ დროებითვალდებული გლეხები. ეს გამოსვლა სოციალურმა და პოლიტიკურმა უსამართლობამ გამოიწვია, აჯანყების მახვილი მიმართული იყო როგორც ქართველი მემამულეების, ისე მეფის მთავრობის მოხელეთა წინააღმდეგ.

კახეთის გლეხთა აჯანყების უშუალო მიზეზი გახდა კავკასიის აღმინისტრაციის მეთაურის, მეფისნაცვლის განკარგულება საქართველოდან ახალგაზრდობის მილიციაში გაწვევის შესახებ. შემუშავებული წესის თანახმად მილიციაში გაწვევა ხდებოდა არა სასოფლო საზოგადოების შერჩევით, არამედ კენჭისყრის საფუძველზე, როგორც ამას ადგილი ჰქონდა რუსეთის ცენტრალურ გუბერნიებში მოსახლეობის ჯარისკაცებად გაწვევის დროს. სწორედ ამიტომ სიღნაღის მაზრის მცხოვრებთა შორის გავრცელდა ხმები, რომ მთავრობას ახალგაზრდობა მილიციაში კი არა ჯარში მიჰყავსო, სწორედ ამან შეაშფოთა კახეთის მოსახლეობა.

1878 წ. მაისის ბოლოს ქვემო მაჩხაანის, ანაგის, ვაქირის, კარდენახის, ბაკურციხის და სხვ. სოფლების გლეხებმა ჩვეულებრივ საქმიანობას თავი ანებეს, შეიკრიბნენ და ერთხმად დაადგინეს არ მიეცათ მთავრობისათვის ახალგაზრდები „სალდათებად“. მილიციაში გასაწვევთა კენჭისყრა 5 ივნისისათვის იყო დანიშნული. წინა დღეს ქიზიყელები ზემო მაჩხაანში შეიკრიბნენ, გამოიძახეს ამ სოფლის მამასახლისი ბოსტალანაშვილი და

მილიციაში გასაწვევთა სიები მოსთხოვეს. აბობოქრებული ხალხით შე-
შინებულმა მამასახლისმა განაცხადა, ხედავს მარტო სიების ასლა ანა-
ხება, დედანი მაზრის უფროსს ჩაბარდაო. აღშფოთებულმა გლეხებმა
მამასახლისს მუშტები უთავაზეს და მაზრის ცენტრისაკენ დაიძრნენ.

სილხალის მაზრის უფროსმა აჯანყებულ სოფლებში ხალხის დასაწ-
შიდებლად ბოქაული ჯანშიევი და ჩაფრების რაზმი გაგზავნა. ბოქაულმა
ვერც ტკბილი სიტყვით და ვერც მუქარით ხალხის დამწვიდება ვერ შე-
ძლო. გლეხები ერთსულოვნად გაიძახოდნენ, „არ მოგცემთ მილიციონე-
რებს სალდათებადო“. კიდევ მეტი, ქვემო მაჩაიაწელება მალე შეუკრ-
დნენ ბოღბოსხველი, საქობოელი და ანაგელი გლეხები. ეოჯბად და-
ადგინეს წინააღმდეგობა გაეწიათ მთავრობისათვის. ბოქაული გაწბილე-
ბული დაბრუნდა სილხალში და მაზრის უფროსს საკმაოდ სრული ინფორ-
მაცია მიაწოდა შექმნილი მდგომარეობის შესახებ.

სილხალის მაზრის უფროსმა ტიზენჭაუზენმა გადაწყვიტა კენჭისყრა
და ახალგაზრდების მილიციაში გაწვევა სამხედრო ძალის დახმარებით
ჩაეტარებინა. ამისათვის მან არ იკმარა ჩაფართა რაზმი და გაეშურა ალაზ-
ნის პირებში მდგარი ჯარის უფროს გენერალ-მაიორ იოსებ ორბელიანი-
საკენ, რათა მისთვის გამოეთხოვა კაზაკთა ასეულები. გენერალი ამ დროს
თავად ვაჩნაძესთან ქეიფობდა ბაკურციხეში და ტიზენჭაუზენმაც იქით
აიღო გეზი. სოფ. ანაგასთან მაზრის უფროსს გზა გადაუჭრეს რამდენი-
მე საზოგადოების გლეხებმა და განუცხადეს: „სალდათებს წილის ყრით
არ მოგცემთ, მაგრამ თუ ხელმწიფე გვიბრძანებს ყველანი გამოვალთ ლაშ-
ქარში სამშობლოს დასაცავადო“. მაზრის უფროსმა სცადა გლეხების
დამშვიდება, არწმუნებდა მათ, რომ ახალგაზრდებს მილიციაში იწვევენ
და არა ჯარში, რაც შეეხება კენჭისყრას. თქვენივე სარკებლობისათვის
კეთდება, ამით თავიდან აიცილებთ მამასახლისთა ბოროტმოქმედებასო.
ამ სიტყვებმა სათანადო შედეგი არ გამოიღო. გლეხთა თავყრილობაში
გარეული ქალები აყვირდნენ—„არ შეიძლება. არ მოგცემთ სალდათებსო“.
გლეხთა ერთი ჯგუფი მაზრის უფროს მიუახლოვდა და მილიციაში გა-
საწვევთა სიები მოითხოვა. შეფიქრებულ ტიზენჭაუზენს მამასახლისი
მჭედლიშვილი აეფარა. გლეხებს წესრიგისაკენ მოუწოდა. აღშფოთებულ-
მა ხალხმა თავხედ მამასახლისს თანამდებობის ნიშანი ჭვარი ჩამოგლიჯა
კისრიდან და კარგადაც სცემა. ამ მომენტით ისარგებლა მაზრის უფროსმა
და ბაკურციხისაკენ გაქუსლა.

ტიზენჭაუზენი ვაჩნაძის სასახლეში განიკვამიდა. აქ მას დახვდა
სამხედრო და სამოქალაქო მოხელეთა მთელი კრებული: გენერალი ი.

ორბელიანი, გენერალი კურილო, პოლკოვნიკი კოლაკუცი, თბილისის საოლქო სასამართლოს პროკურორის თანაშემწე ლევცოვიჩი, მომრიგებელი მოსამართლის თანაშემწენი—ხოსროვეი და დრაგომირეცი. გაიმართა თათბირი. მაზრის უფროსი და ი. ორბელიანი შეთანხმდნენ, რომ მღვლვარებით მოკულ სოფლებში ჯარის ნაწილები გაეგზავნათ. მაგრამ მათდა გასაოცრად 5 ათასი აჯანყებული ბაკურციხეში ჩამოვიდა და თავისი უკმაყოფილების მიზეზი მოხელეთა ამ ჯგუფს მოახსენა. შეშფოთებულმა გენერალმა შიკრიკი აფრინა, ჯარის ნაწილი გამოითხოვა. აჯანყებულები მიხვდნენ უფროსების განზრახვას, შიკრიკი გზაზე დააკავეს და წერილი ჩამოართვეს. აღშფოთებული გლეხთა ნაწილი ხანჯლებითა და კეტებით შეიარაღებული შეიქრა ვაჩნაძის სახლში. სახლის პატრონმა რ. ვაჩნაძემ. თავადმა ი. აფხაზმა, მომრიგებელი მოსამართლის მოადგილე ხოსროვემა სცადეს გლეხთა დამწვიდება, ურჩიეს მათ გონზე მოსვლა და დაშლა, მაგრამ ამაოდ. აჯანყების თავკაცებმა მოითხოვეს მაზრის უფროსის, მისი თანმხლები მოხელეების და მილიციის გამწვევი კომისიის წევრების ხალხისათვის გადაცემა. ისინი არიან ჩვენი მჩაგვრელები და მძარცველები, მათ შეადგინეს მილიციის გასაწვევთა სიები. გარკვეულა, რომ წილისყრით მილიციელების გაწვევას არ დავუშვებთო.

ამ აჯანყების დროს განსაკუთრებით აქტიურობდნენ ქალები. იყო მომენტი, როცა გენერალ ორბელიანის ახსნა-განმარტებამ და რჩევა-დარიგებამ თითქოს გაჭრა, ხალხი დაშლას აპირებდა, მაგრამ მანდილოსნები თავიანთ ქმრებსა და ვაჟიშვილებს მიუბრუნდნენ და შემდეგი სიტყვებით მიმართეს: თქვენ 'რა კაცები ხართ, მოიხადეთ თქვენი მამაკაცური ქულები და ჩვენ დედაკაცებს მოგვეცით. სიტყვიერ ზემოქმედებასაც არ დაჯერდნენ. გაბედულების მაგალითიც მისცეს ვაჟკაცებს—ვაჩნაძის სახლის ფანჯრებს ქვები დაუშინეს. ბოლოს ერთი მანდილოსნის მოწოდებაზე ხალხი იმ ოთახში შეეკვივდა სადაც მაზრის უფროსი ტიზენჰაუზენი იმყოფებოდა და მისთვის მილიციაში გასაწვევთა სიების წართმევას შეეცადა.

შეშინებულმა ტიზენჰაუზენმა, გლეხებს გამოუცხადა მზად ვარ თქვენივე წარმომადგენლის ხელით წერილი გავგზავნო სამაზრო სამართველოში, იქ ჩემი მოადგილე მილიციაში გასაწვევთა სიებს გადმოგცემთო. აჯანყებულთა უმრავლესობას სარწმუნოდ მოეჩვენა მაზრის უფროსის

სიტყვა და დაპირება. მაგრამ ერთმა ქალმა შეჰყვარა—ეს გაიქვერა მოტყუებას გვიპირებსო. მაშინ რამოდენიმე გლეხი მიუვარდა ტიზენჰაუზერს-რალაც ნაწერები გამოგლიჯეს ხელიდან.

ხალხმა უფროსების მოთვინიერება ძალის გამოყენებით სცადა. მაზრის უფროსი ეზოში ჩაათრიეს და კარგად მიბეგვეს. გლეხთა ერთმა ჯგუფმა ტიზენჰაუზენი სიღნაღში ჩაიყვანა, მაგრამ იქ პოლიციელთა რაზმმა მას გაბედულება შემატა, ფიქრი იმაზე დაიწყო თუ როგორ დაესაჯა თავგასული გლეხები. სიღნაღის მაზრის უფროსმა თბილისის გუბერნატორს სასწრაფოდ გააცნო შექმნილი ვითარება და შეიარაღებული ძალები მოითხოვა.

ამასობაში აჯანყებულთა მეორე ჯგუფმა სიღნაღის მაზრის თავადაზნაურთა წინამძღოლს ანდრონიკაშვილს დაუწყო ძებნა. გზაზე შემთხვევით შეხვდნენ გენ. ი. ორბელიანს. ეს არის ჩვენი დამლუბველიო, შესძახეს გლეხებმა და ცემა დაუწყეს. შემდეგ აჯანყებულებმა ჩამოიარეს სოფლები, დაარბიეს კარდანახის, ვაჭირის, საქობის, ანაგის და სხვა სასოფლო საზოგადოებათა მამასახლისების სახლ-კარი, მილიციაში გასაწვევთა სიების შედგენაში ბრალდებულ სანდრო კრელაშვილის დუქანი, მკაცრად მოექცნენ ზოგიერთ სხვა ვაჭარ-მეღუქნეებსაც. ასე ჩათავდა 1878 წლის 5 ივნისი, სიღნაღის მაზრის გლეხობისა და სამაზრო ადმინისტრაციისათვის მეტად დაძაბული დღე.

კახეთში გლეხთა მოძრაობის დაწყების თაობაზე ცნობის მიღებისთანავე თბილისის გუბერნატორი შეიარაღებული რაზმით სიღნაღისაკენ გაემართა. დაიწყო რეპრესიები. გუბერნატორის ბრძანების თანახმად ჯარისა და პოლიციის რაზმებმა განახორციელეს დამსჯელი ოპერაციები, შეიპყრეს აჯანყების მეთაურები და წამქეზებელნი.

კახეთის გლეხთა აჯანყების ფაქტი ფართოდ გახმაურდა. მეფისნაცვალმა მიხეილ რომანოვმა ჯერ კავკასიის კომიტეტს გააცნო შექმნილი ვითარება და შემდეგ ეს სამწუხარო მოვლენა იმპერატორს შეატყობინა. ალექსანდრე მეორემ საქმის დეტალური გამოძიება, დამნაშავეთა სასტიკი დასჯა თავის მოხელეებს დაავალა. პეტერბურგიდან საქართველოში (კახეთში) გამოგზავნა სპეციალური კომისია სენატორ სტარიცკის მეთაურობით.

სტარიცკის კომისიამ თითქმის სამ თვეს იმუშავა და 1878 წ. 3 ოქ-

ტომბერს ვრცელი მოხსენებით: ბარათი კავკასიის კომიტეტში და მისი შემვეობით უმაღლეს მთავრობაში წარადგინა. მეფის მთავრობის მოხელეებმა აღიარეს, რომ ქართველმა ხალხმა აქტიური მონაწილეობა მიიღო თურქეთის წინააღმდეგ ბრძოლაში და არასოდეს უთქვამს უარი კილიციაში გაწვევაზე; საომარი მოქმედების დაწყებისთანავე თვით საზოგადოების ინიციატივით, არჩეული პირების ხელმძღვანელობით ჩამოყალიბდა ქართული მილიციის რაზმები, რომლებმაც სასახლო ფურცლები ჩაწერეს მტრის წინააღმდეგ ბრძოლის მატთანავე. დიდმოხელეებმა ისიც აღნიშნეს, რომ ადგილობრივი ხელისუფლების მიერ დაშვებული შეცდომები, მილიციაში გაწვევის ახალი, არასწორი წესის შემოღება გახდა აჯანყების უშუალო მიზეზი და ამიტომ აჯანყების ხელმძღვანელთა და აქტიურ მონაწილეთა სასტიკი დასჯა გამართლებული არ იქნება.

გამოძიებამ კახეთის გლეხთა აჯანყების მოთავეებად დაასახელა 22 კაცი: დიმიტრი კუდაშვილი, თომა მირიანაშვილი, გეგენა აღხანაშვილი, ილია წალბანდიშვილი, ილია მჭედლიშვილი, სესია მეკელიშვილი, იასენარეკლიშვილი; გეგენა სვიმონიშვილი, გაბრო კასრიძე, ილია კვირიკაშვილი, მელანია ხელაშვილი, კეკე დავითაშვილი, საბედა გულსადარიშვილი, გიორგი შიოშვილი, ჯანდიერ სიფრაშვილი, ივანე ბაყაშვილი, ილია მირიანაშვილი, გეგენა დარჩიაშვილი, ზაზიკა გონებაშვილი და სხვები.

მეფისნაცვლის განკარგულებით აჯანყების ხელმძღვანელობაში ბრალდებულ კახელ გლეხთა საქმე განსახილველად სამხედრო-საველე სასამართლოს გადაეცა. სასამართლო პროცესს თვალყურს ადევნებდა იუსტიციისა და სამხედრო სამინისტროები, კავკასიის კომიტეტი, თბილისის გენერალ-გუბერნატორი და სხვა დიდი მოხელეები. პასუხისგებაში მიცემული 22 კაციდან სასამართლომ დამნაშავედ სცნო 9 მამაკაცი და ორი ქალი, რომლებსაც 3-დან 15 წლამდე საკატორლო მუშაობა მიუსაჯა.

ამგვარად, კახეთის გლეხთა 1878 წ. აჯანყება სოციალური უთანასწორობისა და დესპოტური პოლიტიკური რეჟიმის წინააღმდეგ იყო მიმართული. მართალია, მას ფართო მასშტაბი არ მიუღია, სწრაფად იქნა ლიკვიდირებული, მაგრამ ქართველ გლეხთა განმათავისუფლებელი მოძრაობის დიდ მატთანავე კახელ გლეხთა ამ აჯანყებას სათანადო ადგილი უკავია.

ქართველი გლეხობა XIX ს-ის 80—90-იან წლებში

აგრარულმა რეფორმამ ყმა გლეხები დროებითვალდებულ გლეხებად აქცია. ისინი შეადგენდნენ გლეხური მოსახლეობის ნახევარზე ოდნავ მეტს. ეს რეფორმა სხვა კატეგორიის გლეხებს უშუალოდ არ შეხებია, მაგრამ XIX ს-ის 70-ანი წლებიდან საგრძნობი ცვლილებები მოხდა საეკლესიო, ხიზანი და სახელმწიფო გლეხების ცხოვრებაშიც.

1869 წ. 13 ნოემბერს ალექსანდრე მეორის ბრძანების თანახმად აღმოსავლეთ საქართველოს მართლმადიდებლური ეკლესიის ადგილ-მამული სახელმწიფო საკუთრებად გამოცხადდა. ხაზინის ხელში გადავიდა 176 ათასი ჰექტარი ტყე და სახნავ-სათესი მიწები. საეკლესიო გლეხებს კი საზეიმოდ გამოუცხადეს, რომ ისინი განთავისუფლებული არიან ეკლესიის დამოკიდებულებისაგან და ენიჭებათ სახელმწიფო გლეხთა უფლებები. ყოფილი საეკლესიო გლეხები დაიბეგრნენ სახელმწიფო საკომლო გამოსაღებით. მაგრამ მათ ნაღვლები მუდმივ სარგებლობაში არ გამოყოფიათ. ხაზინის ამ ახალ ქვეშევრდომთა ფაქტიურ მფლობელობაში მყოფი ნაკვეთები შეიტანეს საღალოდ გასაცემი მიწების კატეგორიაში და მათვე დაუტოვეს სარგებლობაში უვადო საიჯარო პირობით. ამდენად, ყოფილ საეკლესიო გლეხებს ერთი და იგივე მიწებით სარგებლობისათვის ახდევინებდნენ როგორც სახელმწიფო საკომლო გამოსაღებს, ისე საიჯარო ჭირას, რასაც მეფის მთავრობის მოხელეები დალას უწოდებდნენ. ამან, როგორც ჩანს, დიდი უკმაყოფილება გამოიწვია გლეხობაში, რამაც აიძულა მეფის მთავრობის კავკასიური ადმინისტრაცია „აღმოეჩინა“ დაშვებული „შეცდომა“ და უშუალო მწარმოებელი მოსახლეობის ამ ნაწილისათვის უკანონო საიჯარო გადასახადი მოეხსნა.

ზემოაღნიშნული ღონისძიება XIX ს-ის 70-იან წწ. დასავლეთ საქართველოზეც გავრცელდა. სახელმწიფო ხაზინის ხელთ გადავიდა იმერეთის, გურიისა და სამეგრელოს ეკლესია-მონასტრების ყმა-მამული, რის შედეგადაც სახელმწიფო გლეხთა კატეგორია კიდევ უფრო გაიზარდა.

1868 წ. კავკასიაში შეიქმნა სახელმწიფო ქონებათა სამმართველო-გუბერნიებსა და მაზრებში სახაზინო ქონებისა და სახაზინო გლეხთა გამგებლობა დაევალა პოლიციის მოხელეებს. პოლიციის ამ არაპირდაპირი მოვალეობისაგან განთავისუფლების მიზნით, 1874 წ. სახელმწიფო ქონე-

ყველა ის მიწები, ხიზნები რომ 1891 წ. დებულების გამოცემამდე ფლობდნენ მათვე რჩებოდათ სარგებლობაში, რის საზღაურადაც მემამულეთა წინაშე ასრულებდნენ გარკვეულ ვალდებულებებს. ხიზნების მიერ მემამულეთა მიწებზე აგებულნი სახლი, სამეურნეო ნაგებობანი, მათგან გაშენებული ბღ-ვენახთა ნარგავები ხიზნთა საკუთრებად იქნა ცნობილი.

თუ მემამულე მოისურვებდა ხიზნის აყრას, მას ერთი წლით ადრე უნდა გაეფრთხილებინა ხიზანი და თანაც აენაზღაურებინა მისთვის ნაგებობა-ნარგავებისა და მიწის გაუმჯობესებისათვის გაწეული ხარჯები. ხოლო ხიზნის გაუფრთხილებლად აყრის შემთხვევაში მემამულეს საზღაური ორმაგად უნდა გადაეხადა.

შექმნილ პირობებში 1891 წ. 3 ივნისის დებულებას ხიზნათვის დადებითი მნიშვნელობა ჰქონდა, მაგრამ მას გააჩნდა არსებითი ნაკლი. კანონში განსაზღვრული არ იყო ხიზნთა ვალდებულებები. იგი მემამულეს აძლევდა რენტის შეცვლის (გადიდების) და ხიზნის აყრის იურიდიულ უფლებას. ამდენად, 1891 წლის 3 ივნისის დებულებამ ხიზნთა უფლებები რამდენადმე შეკვეცა, ხოლო მემამულეთა თვითნებობას კვლავ დაუტოვა ასპარეზი.

მიუხედავად ამისა, თავადაზნაურობას არ მოეწონა დებულება ხიზნთა შესახებ. 1893 წ. ქართველმა თავადაზნაურობამ იმპერატორს გაუგზავნა საჩივარი, რომელშიც თავს ესხმოდა დებულების მისთვის არასასურველ მუხლებს.

უმალესი ბრძანებით 1891 წ. 3 ივნისის დებულების გადასინჯვა დაეწყო სპეციალურად ამ მიზნისათვის შექმნილ კომისიას. კომისიის ოქმების საფუძველზე 1895 წ. ამიერკავკასიის მთავარმმართველის საბჭოში შემუშავებული იქნა კანონპროექტი. მალე 1891 წ. 3 ივნისის დებულების დამატების სახით გამოქვეყნდა 1900 წ. 5 ივნისის კანონი, რომელშიც გათვალისწინებული იყო თავადაზნაურთა ზოგიერთი მოთხოვნები.

ახალ კანონს ცვლილება შეჰქონდა ხიზნის განსაზღვრებაში. ხიზნად ჩაითვლებოდა ის გლეხი, რომელიც საადათო სამართლის საფუძველზე მემამულის ნებართვით დაესახლა მის მიწაზე. ამ ცვლილების შედეგი იყო ის, რომ ბევრი გლეხი (თვითნებურად ჩამოსახლებულნი) ჯერ კიდევ ახერხებდა თავისი ხიზნობის დამტკიცებას და იძულებული იყო ჩვეულებრივი მოიქარის უფლებებს დასჯერებოდა. თვით ნამდვილი ხიზნების მდგომარეობაც უფრო მერყევი გახდა. ახალი კანონი აუქმებდა ხიზნის გაუფრთხილებლად აყრის შემთხვევისათვის დაწესებულ ორმაგ საზღაურს და ამით მემამულეებს არასასურველი ხიზნებისაგან მიწის გაწმენდას შესაძლებლობას უადვილებდა. თუ ხიზანი თვით იტყოდა უარს

ქართველი გლეხობა ყოველწლიურად ეწეოდა შრომასა და ხარჯს, რომლის ფულადი გამოხატულება იყო 400—500 ათასი მანეთი.

ხიზან გლეხთა კატეგორია, როგორც აღვნიშნეთ, XVII—XVIII საუკუნეებში ჩამოყალიბდა. გაუთავებელი ომებით გაპარტახებულ საქართველოში მიწა შედარებით ბევრი იყო, მიწის მუშა კი ნაკლები. ასეთ პირობებში ყველა მემამულე ხალისით ღებულობდა კარზე მიმდგარ ხიზნებს, რომელთა შემწეობითაც მიტოვებულ მიწებს ამუშავებდნენ, ყამირს ტეხდნენ და თავის შემოსავალს ზრდიდნენ.

ხიზნური ურთიერთობა ამჟღავნებდა გამარადისობის ტენდენციას და ყალიბდებოდა ჩვეულება-ადათის საფუძველზე, რასაც ფეოდალურ საქართველოში დაწერილი კანონის ძალა ჰქონდა. ხიზანს მიწა უვადო სარგებლობაში ეძლეოდა და იხდიდა გადაკვეთილ გადასახადს (რენტას), რომლის თვითნებურად შეცვლა არც ერთ მხარეს არ შეეძლო. რუსეთის ცარიზმის კავკასიური მოხელეები ხიზნობას თვლიდნენ საადგილმამულო ურთიერთობის ბედნიერ გამონაკლისად. 1861 წ. თბილისის გუბერნატორი წერდა, რომ ქართული ხიზნობა ფერმერობის პირველსახე არისო. მეფის მთავრობის ეს მოხელე დიდად როდი ცდებოდა რეფორმამდელ საქართველოს პირადად თავისუფალ ხიზნებს ზოგი რამ მართლაც ჰქონდათ საერთო ინგლისელ ფერმერებთან, რომლებიც მიწებს საიჯაროდ 99 წლის ვადით იღებდნენ და თანაც გადაკვეთილი რენტის გადახდის პირობით.

მიწაუმფლობელს ხიზნის პიროვნებაზე ხელი არ მიუწვდებოდა. ხიზანი მხოლოდ საადგილმამულო ვალდებულებით იყო მასზე დამოკიდებული. ბუნებრივია, მემამულეები ცდილობდნენ ხანმოთეული ხიზნებისათვის პირადი ვალდებულებების დაკისრებას, მათ დაყმევებას, რასაც არც თუ იშვიათად ახერხებდნენ კიდევ. მაგრამ გლეხთა გაქცევა-გახიზვნისა და ხიზნად ქცევის მასშტაბი გაცილებით ფართო იყო, ვიდრე ხიზანთა დაყმევების შემთხვევები და ამიტომ გვიანფეოდალური ხანის საქართველოში ხიზან გლეხთა კონტინგენტი თანდათან იზრდებოდა. რეფორმის წინ საქართველოში 7000-მდე კომლა ხიზანი ითვლებოდა.

1864 წ. 13 ოქტომბრის დებულების მეორე მუხლის ძალით ყმური წარმოშობის ხიზნები თავისუფლდებოდნენ ძველი მებატონის ყმობისაგან და ახალი მემამულის მიწაზე რჩებოდნენ ხიზნის მდგომარეობაში საადგილმამულო ურთიერთობის ნორმათა ყოველგვარი შეცვლის გარეშე. ეს მუხლი ისე იქნა გაგებული ხიზნების მიერ, თითქოს საკანონმდებლო წესით მიემაგრათ მათ სარგებლობაში მყოფი მიწები. ამიტომ უნადელოთ

დარჩენილ განთავისუფლებულ ყმა გლეხთა თვალში ხიზნურ მდგომარეობას მიმზიდველობა პიემატა და რეფორმის გატარებიდან რამდენიმე წელში ხიზანთა რიცხვი მნიშვნელოვნად გაიზარდა. მიუხედავად ამისა დრო ხიზნობის ინსტიტუტის წინააღმდეგ მოქმედებდა.

საგლეხო რეფორმა არ შეგებია ხიზნურ პიწათსარგებლობას, მაგრამ რეფორმის შედეგები ხიზანთა უფლებრივ-ეკონომიური მდგომარეობის გაუარესების მიზნად იქცა. იმის გამო, რომ რეფორმის გატარებისას დროებითვალდებულმა გლეხებმა დიდი რაოდენობით მიწები დაკარგეს ჩამონაქრების სახით, მიწაზე მოთხოვნილება გაიზარდა. და სწრაფად აიწია საიჯარო ფასმა. ასეთ პირობებში ძველი საადათო ურთიერთობის ნორმებით ხიზნებისათვის მიწის სარგებლობაში დატოვება მემამულეებს უკვე აღარ მიაჩნიათ ხელსაყრელად. თავადაზნაურობამ დაიწყო ბრძოლა ხიზნობის ინსტიტუტის წინააღმდეგ, ხიზანთა ჩვეულებრივ მოიჯარადრეგებად გადაქცევისათვის.

დავიწყებული იქნა ის დიდი დამსახურება, რაც ხიზნებმა გასწიეს ყამირი მიწების სახნავ-სათესად და ბალ-ვენახად. გადაქცევის საქმეში. გაწეული შრომისა და ხარჯის საზღაურად ხიზნებმა, უდაოდ, დიდი უფლება მოიპოვეს მათ მიერ დამუშავებული ნაკვეთების მიმართ, მაგრამ მემამულეებმა ხიზნების სამფლობელო მიწები თავისი შეუზღუდავი საკუთრების ობიექტად გამოაცხადეს. ძველი საადათო სამართლის დარღვევა ხიზნობის ინსტიტუტის ორი მთავარი ნიშნის უარყოფაში გამოიხატებოდა: 1. მემამულეები უარყოფდნენ მიწის რენტის უცვლელობის პრინციპს და ხიზანთა საადგილმამულო ვალდებულებებს (ღალა-კულუხი; მუშაობა) აღიღებდნენ. 2. უარყოფდნენ ხიზნების მიერ მიწით სარგებლობის უვადობის პრინციპებს, გადაჰყავდათ ისინი ვადიან წერილობით საიჯარო ურთიერთობაზე, ან სულაც ერეკებოდნენ მათი მამაპაპეული ადგილებიდან, რათა მიწები სხვებზე გაეცათ უფრო ხელსაყრელი გარიგებით.

დაიწყო მწვავე აგრარული ბრძოლა. თავადაზნაურობა ხიზნებს აცხადებს ჩვეულებრივ მოიჯარეებად, რომელთა აყრა-გადასახლების უფლება მათ ყოველთვის ჰქონდათ და მომავალშიც უნდა ჰქონოდათ. ხიზნების დამცველად გამოდის მოწინავე საზოგადოებრიობა (დავით ყიფიანი, ილია ჭავჭავაძე, ნიკო ნიკოლაძე და სხვ.). ისინი იცავდნენ ხიზნების უფლებას, მათ მიერ დამუშავებულ მიწებზე, რომელთა მიმართ მემამულეების საკუთრება მნიშვნელოვნად იყო შეზღუდული.

მთავრობის დაწესებულებებისაყენ საჩივრების ნიაღვარი დაიძრა ჩიოდნენ როგორც მემამულეები, ისე ხიზნები. გამოვიდა სასამართლოს

რამდენიმე დადგენილება ხიზანთა აყრის შესახებ, რამაც დიდი დავა და სერიოზული არეულობა გამოიწვია. ხიზნებმა საჩივარი უმაღლეს მთავრობაში გადაიტანეს. ასეთ პირობებში მოხდა მთავრობის პირველი ჩარევა მემამულეებისა და ხიზნების აგრარულ ურთიერთობაში. 1876 წ. 12 ივნისს თბილისის გუბერნატორ ორლოვსკის წინადადებით გლეხთა შომწყობ მთავარმა კომიტეტმა დაადგინა, რომ ხიზანთა საქმე ამოღებულყო სასამართლოს კომპეტენციიდან და დაქვემდებარებოდა საგლეხო დაწესებულებებს. ამგვარად, თავდაზნაურობამ ვერ შეძლო გაეყვანა თავისი თვალსაზრისი ხიზნების როგორც ჩვეულებრივ მოიჯარეების შესახებ. ხიზანთა საქმის საგლეხო საქმის დაწესებულებებისადმი დაქვემდებარება იმის მომასწავებელი იყო, რომ მთავრობამ ხიზნები აღიარა გლეხთა განსაკუთრებულ კატეგორიად.

1876 წ. დადგენილებამ რამდენადმე შეამცირა ხიზანთა თვითნებური აყრის შემთხვევები. ხიზნების გადაყვანამ ვაღიან საიჯარო ურთიერთობაზე კი ამის შემდეგ უფრო ფართო ხასიათი მიიღო, რასაც თან სდევდა გლეხთა საადგილმამულო ვალდებულებების გადიდება.

1882—1884 წწ. ხიზნების რაოდენობა აღმოსავლეთ საქართველოში 6774 კომლს, ხოლო დასავლეთ საქართველოში 2680 კომლს შეადგენდა. ამ კატეგორიის გლეხთა 70—80% ცხოვრობდა გორის, ბორჩალოსა და ზუგდიდის მაზრებში. იმის გამო, რომ მემამულეთა მოთხოვნით თანდათან მეტი რაოდენობით იღებოდა ვაღიანი საიჯარო ხელშეკრულებანი, XIX ს. 80—90-იან წლებში ხიზანთა რიცხვი მცირდებოდა. 1894 წ. აღმოსავლეთ საქართველოში იყო 6361 კომლი ხიზანი, დასავლეთ საქართველოში კი 1901 წლისათვის 1337 კომლი ხიზანი ითვლებოდა.

მიწის სარგებლობისათვის დაწესებული ხიზანთა ვალდებულების სახეები მრავალგვარი იყო. ისინი იხდიდნენ პროდუქტად ღალა-კულუხს (პურისა და ღვინის მოსავლის გარკვეულ ნაწილს), ფულად გამოსაღებს და განსაზღვრული დროის განმავლობაში მუშაობდნენ მემამულის მიწაზე. საილუსტრაციოდ მივმართოთ ციფრებს: სოფ. მარაბდის 19 კომლი ხიზანი ფლობდა 77 დეს. მიწას, რომლით სარგებლობისათვის მემამულეს უხდიდნენ 55 მანეთს ფულად. ამის გარდა 15 კომლი ნატურით იხდიდა სულ 510 ფუთ ხორბალს, 3 კომლი კი მოსავლის მეოთხედს. სოფ. ახალდაბაში მცხოვრები 3 კომლი ხიზანი 11 დეს. მიწით სარგებლობის საზღაურად მემამულის მეურნეობაში მუშაობდა წლიურად 18 კაცდღეს და იხდიდა 44 კოდ ხორბალს. სოფ. ბოჭორმის 20 კომლი ხიზანი 66 დეს. მიწით სარგებლობისათვის იხდიდა 400 მანეთს და 7 ფუთ კარაქს. ზუგდიდის მაზრის ხიზნები იხდიდნენ წლიურად 7948 მანეთს. ამის გარდა

278 კომლი ნატურით იხდიდა მოსავლის მეოთხედს, 809 კომლი მოსავ-
ლის მესამედს: 35 კომლი — მოსავლის ნახევარს, 24 კომლი მუშაობდა
მემამულეთა მიწაზე 392 კაცდღეს წლიურად, 1 კომლი მუშაობდა მოთ-
ხოვნილების მიხედვით, 4 კომლი კი ვალდებულებას იხდიდა მემამულის
ოჯახში პირადი სამსახურით.

ამგვარად, რეფორმის მომდევნო ხანაში ხიზნების ეკონომიური მდგო-
მარეობა გაუარესდა. დალა-გამოსაღებთა ოდენობით ისინი დროებით
ვალდებულ გლეხებს გაუსწორდნენ, მიწით უზრუნველყოფის მხრივ კი
უარეს მდგომარეობაში ჩავარდნენ. ხიზნები უმიწაწყლოდ დარჩენის მუდ-
მივი საშიშროების ქვეშ იმყოფებოდნენ. ხიზანთა საკითხი მთავრობისა და
ქართული საზოგადოებრიობის ყურადღების ცენტრში რჩებოდა.

ხიზანთა საკითხის გადაწყვეტის აუცილებელ წინაპირობად მიჩნეული
იქნა ფაქტიური მდგომარეობის ადგილებზე შესწავლა. ამ მიმართულებით
XIX ს. 80-იან წლებში მართლაც ჩატარდა გარკვეული მუშაობა. წააღ-
რობის მიერ შექმნილ კომისიებში საკითხით დაინტერესებული მხოლოდ
ერთი მხარე, კერძოდ თავადზნაურთა წარმომადგენლები შეიყვანეს. 1885
წ. ამიერკავკასიის მთავარმმართველის საბჭოში მოსმენილ იქნა 60 თავად-
ზნაურის აზრი ხიზნობაზე. დებატები ეხებოდა როგორც ხიზნობის არსს,
ისე საკითხის გადაჭრის გზებს. მემამულეთა უმრავლესობა აცხადებდა,
რომ ხიზნები ჩვეულებრივი მოიჯარეები არიან და ამიტომ მათი მიწათ-
მფლობელებთან ურთიერთობის სფერო საერთო სამოქალაქო კანონ-
მდებლობას, ტიპობრივ საიჯარო-სამართალს უნდა ექვემდებარებოდესო.
მემამულეთა მცირე ნაწილი ხიზნებზე ასეთ გამაჩტიკებულ შეხედულებ-
ას არ იზიარებდა. ისინი ხიზნების სახით ხედავდნენ გლეხთა გარკვეულ
კატეგორიას, რომლებსაც მემამულეებთან შეთანხმებით მიწის მიღებაც
შეეძლო მუდმივ სარგებლობაში. უმიწოდ დარჩენილი ხიზნები სახაზინო
ნაკვეთებით უნდა იქნეს დაკმაყოფილებულიო.

თბილისის საგლეხო საქმეთა საგუბერნიო საკრებულოში ხიზანთა
საკითხის შესახებ ილია ჭავჭავაძემ წარადგინა საინტერესო მოხსენები-
თი ბარათი, რომელშიც ხიზნობის ინსტიტუტი ისტორიულ ასპექტშია გან-
ხილული. საზოგადოებრივ თანაცხოვრებაში,—წერდა ილია,—თავდაპირ-
ველად გაბატონებული იყო საკუთრების საზოგადოებრივი ელემენტი,
რომელმაც სხვადასხვა მიზეზების გამო (თანდათან დაუთმო ადგილი სა-
კუთრების პირად ელემენტს. ადგილმამული დაგროვდა ცალკეულ პირთა
ხელში და შრომა გამოეყო მისი გამოყენების ობიექტს—მიწას. ამან გამო-

იწვია მიწის მესაკუთრისა და მშრომელის შეთანხმების აუცილებლობა. შეთანხმება შეიძლება მომხდარიყო მხოლოდ პირადის საზოგადოებრივი ელემენტისადმი დათმობის საფუძველზე. ამით განისაზღვრებოდა მიწით სარგებლობის სხვადასხვა ფორმები ოა მათ შორის ხიზნობა. ხიზნობის ინსტიტუტში საკუთრების საზოგადოებრივი ელემენტი თავს იჩენს რენტის უცვლელობასა და მიწათსარგებლობის უვადობაში, რითაც რამდენადმე შეზღუდულია საკუთრების პირადი ელემენტი.

ილია მიუთითებს, რომ ხიზნობა ადათით და ჩვეულებითაა განსაზღვრული. ადათს უპირატესობა აქვს დაწერილ კანონთან შედარებით იმ მხრივ, რომ იგი გამოწვეულია ცხოვრების მოთხოვნილებით. მაგრამ ადათს აკლია ღირსება დაწერილი კანონისა, რომელიც იმით, რომ დაწერილია, თავისუფალია ყოველგვარი შემთხვევითი დანაშრევისაგან. ცხოვრების განვითარებამ და გართულებამ აიძულა ევროპის სახელმწიფოთა მთავრობები საადათო სამართალი შეეცვალათ დაწერილი კანონებით. ადათით განსაზღვრული ბეკლემრეხტი ნიდერლანდებში, აფორამანტო პორტუგალიაში და ოლსტერის ჩვეულება ინგლისში დაკანონებული იქნა წერილობით აქტებით. ასეთივე გზით უნდა წავიდნენ სხვა ქვეყნებიც.

მთელი ჩვენი ამოცანა,—განაგრძობს ილია,—მდგომარეობს იმაში, რომ საადათო სამართალს, რომლითაც განსაზღვრულია ხიზნობა, მივცეთ დაწერილი კანონის უპირატესობა, თანაც შევიწინააღმდეგოთ ამ ინსტიტუტის ყველა ის თავისებურება, რაც შედეგია ხალხის სულის საუკუნოვანი მუშაობისა და რომელიც მიწისა და შრომის გათიშულობის პირობებში მეტად თუ ნაკლებად უპასუხებს სახელმწიფოსა და საზოგადოების ინტერესებს.

მთავრობის ღონისძიებანი ხიზანთა მიწათმოწყობისათვის მუშავდებოდა გლეხთა კლასობრივი ბრძოლისა და პროგრესული საზოგადოებრივი აზრის ზეგავლენით. მაგრამ მთავრობა უფრო მეტ ანგარიშს უწევდა თავის სოციალური საყრდენის—თავადაზნაურთა სურველებს.

1891 წ. 3 ივნისს გამოქვეყნდა დებულება ხიზანთა შესახებ. ეს დებულება წარმოადგენს პირველ იურიდიულ აქტს, რომელშიც ფიქსირებულია ძველი საქართველოს სოციალურ-ეკონომიკური და პოლიტიკური ცხოვრების თავისებურებით წარმოშობილი და საადათო სამართლით განსაზღვრული ორთიერთობა:

დებულების ძალით ხიზნებად ითვლებოდნენ ის გლეხი მიწათმოქმედნი, რომელნიც 1891 წლამდე დასახლდნენ მემამულეთა მიწებზე და რომელთაც მიწათმფლობელებთან არ ჰქონდათ დადებული ვადიანი სააჯარო წერილობითი ხელშეკრულებანი.

ყველა ის მიწები, ხიზნები რომ 1891 წ. დებულების გამოცემამდე ფლობდნენ მათვე რჩებოდათ სარგებლობაში, რის საზღაურადაც მემამულეთა წინაშე ასრულებდნენ გარკვეულ ვალდებულებებს. ხიზნების მიერ მემამულეთა მიწებზე აგებული სახლი, სამეურნეო ნაგებობანი, მათგან გაშენებული ბალ-ვენახთა ნარგავები ხიზანთა საკუთრებად იქნა ცნობილი. თუ მემამულე მოისურვებდა ხიზნის აყრას, მას ერთი წლით ადრე უნდა გაეფრთხილებინა ხიზანი და თანაც აენაზღაურებინა მისთვის ნაგებობა-ნარგავებისა და მიწის გაუმჯობესებისათვის გაწეული ხარჯები. ხოლო ხიზნის გაუფრთხილებლად აყრის შემთხვევაში მემამულეს საზღაური ორმაგად უნდა გადაეხადა.

შექმნილ პირობებში 1891 წ. 3 ივნისის დებულებას ხიზანთათვის დადებითი მნიშვნელობა ჰქონდა, მაგრამ მას გააჩნდა არსებითი ნაკლი. კანონში განსაზღვრული არ იყო ხიზანთა ვალდებულებები. იგი მემამულეს აძლევდა რენტის შეცვლის (გადიდების) და ხიზნის აყრის იურიდიულ უფლებას. ამდენად, 1891 წლის 3 ივნისის დებულებამ ხიზანთა უფლებები რამდენადმე შეკვეცა, ხოლო მემამულეთა თვითნებობას კვლავ დაუტოვა ასპარეზი.

მიუხედავად ამისა, თავადაზნაურობას არ მოეწონა დებულება ხიზანთა შესახებ. 1893 წ. ქართველმა თავადაზნაურობამ იმპერატორს გაუგზავნა საჩივარი, რომელშიც თავს ესხმოდა დებულების მისთვის არასასურველ მუხლებს.

უმალესი ბრძანებით 1891 წ. 3 ივნისის დებულების გადასინჯვა დაეწყო სპეციალურად ამ მიზნისათვის შექმნილ კომისიას. კომისიის ოქმების საფუძველზე 1895 წ. ამიერკავკასიის მთავარმმართველის საბჭოში შემუშავებული იქნა კანონპროექტი. მალე 1891 წ. 3 ივნისის დებულების დამატების სახით გამოქვეყნდა 1900 წ. 5 ივნისის კანონი, რომელშიც გათვალისწინებული იყო თავადაზნაურთა ზოგიერთი მოთხოვნები.

ახალ კანონს ცვლილება შეჰქონდა ხიზნის განსაზღვრებაში. ხიზნად ჩაითვლებოდა ის გლეხი, რომელიც საადათო სამართლის საფუძველზე მემამულის ნებართვით დაესახლა მის მიწაზე. ამ ცვლილების შედეგი იყო ის, რომ ბევრი გლეხი (თვითნებურად ჩამოსახლებულნი) ჯერ კიდევ ველარ ახერხებდა თავისი ხიზნობის დამტკიცებას და იძულებული იყო ჩვეულებრივი მოიქარის უფლებებს დასჯერებოდა. თვით ნამდვილი ხიზნების მდგომარეობაც უფრო მერყევი გახდა. ახალი კანონი აუქმებდა ხიზნის გაუფრთხილებლად აყრის შემთხვევისათვის დაწესებულ ორმაგ საზღაურს და ამით მემამულეებს არასასურველი ხიზნებისაგან მიწის გაწმენდის შესაძლებლობას უადგობლებდა. თუ ხიზანი თვით იტყოდა უარს

მის სარგებლობაში არსებული მემამულის მიწით სარგებლობაზე, ეს ნაკვეთი გლეხის მიერ აგებულ-გაშენებული ყველა ნაგებობითა და ნარგავებით მემამულის ხელში გადავიდოდა ყოველგვარი საზღაურის გარეშე. ახალ კანონში დადებითი მხოლოდ ის იყო, რომ იგი ავალდებულებდა მომრიგებელ შუამავლებს მემამულეებისა და მათი ხიზნების საადგილ-მამულო ურთიერთობის ნორმები ჩაეწერათ ხიზანთა ოქმებში. მხარეების უფლება-ვალდებულებათა ფიქსაცია რამდენადმე ზღუდავდა მემამულის თვითნებობის ასპარეზს. კანონი დასაშვებად მიიჩნევდა მხარეების ნებაყოფლობითი შეთანხმებით უვადო ხიზნური ურთიერთობის შეწყვეტას ვადოანი წერილობითი ხელშეკრულების გაფორმების, ან ხიზნის მიერ მიწის საკუთრებაში გამოსყიდვის გზით. ამ საკანონმდებლო აქტის ცხოვრებაში გატარების შედეგად ხიზნები უფლებრივ-ეკონომიკური მდგომარეობით თითქმის მთლიანად გაუთანაბრდნენ დროებითავალდებულ გლეხებს.

ყველა კატეგორიის გლეხობას მძიმე ტვირთად აწვა აგრარული ურთიერთობის არქაული ფორმები, საადგილმამულო და სხვა სახის გადასახადები, მაგრამ სავალალო ისიც იყო, რომ სოფლის უშუალო მწარმოებელი მასის დიდი ნაწილი. სრულიად უმნიშვნელო რაოდენობით ფლობდა სანადელო მიწებს და იძულებული იყო იჯარისათვის მიემართა.

საქართველოში XIX ს-ის 80—90-იან წლებში მიწის თითქმის მონოპოლიურ მესაკუთრეს სახელმწიფო ხაზინა და თავადაზნაურობა წარმოადგენდა. ისინი იყვნენ ძირითადად მიწის იჯარით გამცემნი. მოიჯარეთა ძირითად კონტინენტს კი გლეხობა ქმნიდა.

სახელმწიფო ხაზინას, გარდა გლეხებისათვის მუდმივ სარგებლობაში გადაცემული ნადელებისა, დიდძალი თავისუფალი მიწის ნაკვეთები ჰქონდა, რომელთა ექსპლუატაცია აგრეთვე მოიჯარეთა მეშვეობით სწარმოებდა. სახელმწიფო ქონებათა საგუბერნიო სამმართველო თითქმის ყოველ ნაკვეთზე ვაჭრობას აცხადებდა, ხელოვნურად ქმნიდა კონკურენციას მიწის მსურველთა შორის და ვინც ყველაზე მეტ ფასს შეაძლევდა, საიჯარო ხელშეკრულებას იმასთან აფორმებდა.

1899 წლისათვის აღმოსავლეთ საქართველოში იჯარით გაცემული სახაზინო მიწის ფართობი უდრიდა 381 ათას, ხოლო დასავლეთ საქართველოში 74 ათას ჰექტარს.

„გლეხურ მეურნეობაში,—წერს ვ. ი. ლენინი,—იჯარას საწინააღმდეგო მნიშვნელობა აქვს, ზოგისათვის ის წარმოადგენს მეურნეობის ხელსაყრელ გაფართოებას, ზოგისათვის კი—გაჭირვებით გამოწვეულ

გარიგებას¹. საქართველოში გლეხური იჯარის ორივე ფორმა იყო გავრცელებული, მაგრამ რამდენაღმე სჭარბობდა გაკირვებით გამოწვეული იჯარა, რაც აიხსნება ჩვენი ქვეყნის გლეხური მოსახლეობის მცირემიწიანობით.

მოსახლეობის ზრდისა და საეკრო მიწათმოქმედების განვითარების პირობებში სანადელო და საკუთარი მიწები სულ უფრო და უფრო არასაკმარისი იყო გლეხობისათვის, თანდათან იზრდებოდა იჯარის როლი გლეხურ მეურნეობაში. ილუსტრაციისათვის ბორჩალოს მაზრა გამოდგება. აქაურ გლეხობას სანადელოდ ჰქონდა 74 ათასი ჰა, საკუთრებაში 28 ათასი, ხოლო იჯარაში 70 ათასი ჰა მიწა. თელავის მაზრაში, მაგალითად, ბევრი იყო სოფლები, რომელთა გლეხობა მთლიანად საიჯარო მიწებზე სახლდებოდა და მეურნეობდა, სხვა საზოგადოებებში კი გლეხთა მიერ იჯარით აღებული მიწის ფართობი სჭარბობდა სანადელო და საკუთარი მიწების ფართობს.

იჯარით აღებული მიწის ნაკვეთების ფართობი უმეტესწილად დამოკიდებული იყო გლეხის მეურნეობაში არსებული მუშახელისა და მუშაპირუტყვის რაოდენობაზე. შეძლებული გლეხობა მიმართავდა მსხვილ გრძელვადიან, ხოლო ღარიბები წვრილ მოკლევადიან იჯარას, რომლის პირობები გაცილებით მძიმე იყო. მოკლევადიანი იჯარა გრძელდებოდა ერთ-ორ წელს. მემამულეები ამჭობინებდნენ იჯარის ამ ფორმას, რადგან იგი საშუალებას აძლევდა მათ სწრაფი ტემპით, ხელშეკრულების ყოველი გაფორმებისას აეწიათ საიჯარო ფასი. 3 წლით და მეტი ხნით დადებული ხელშეკრულება გრძელვადიანად ითვლებოდა.

საიჯარო ურთიერთობაში მიწის რენტის სამივე ფორმა გამოიყენებოდა. ერთდროულად და ერთმანეთის გვერდით არსებობდა შრომითი, პროდუქტადი და ფულადი რენტა, მაგრამ თანდათან იცვლებოდა მათ შორის თანაფარდობა, გაბატონებული ხდებოდა ფულადი რენტა.

XIX ს-ის ბოლომდე შემორჩა საიჯარო ურთიერთობის ყველაზე არქაული ფორმა, რომელსაც ბატონყმობის დროიდან დაედო სათავე. მემამულეები ამ დროსაც კარგად იყენებდნენ მიწის საკუთრების მონობოლას. მათთვის მიწის იჯარით გაკრემა იყო საკუთარი მეურნეობის წარმართვის წესი, მუშახელით მამულის უზრუნველყოფის საშუალება. ასეთ მეურნე-მიწათმფლობელთა სურვილის თანახმად მათი მოიჯარე გლეხები საიჯარო ფასს იხდიდნენ მემამულის მეურნეობაში მუშაობით—შრომამოგებით.

¹ 1 გ. ა. ლენინი, თხზ., ტ. 3, 1948, გვ. 218.

იმდროინდელი დამკვირვებელნი გადმოგვცემენ, რომ შრომამოგების ფორმები მეტად მრავალგვარი იყო და მოიცავდა თითქმის ყველა სასოფლო-სამეურნეო სამუშაოებს. შრომამოგებას განსაკუთრებით ფართოდ ის მემამულეები იყენებდნენ, რომელთაც წარმოების საშუალებანი (მანქანა-იარაღები, გამწვევი პირუტყვი) და მუშების დაქირავებისათვის საჭირო ფული (ცვალებადი კაპიტალი) არ გააჩნდათ. მემამულე გამოსავალს იჭარბის არქაულ და კაბალურ ფორმაში პოულობდა. შრომამოგება შოიჯარეთათვის მეტად მძიმე იყო. და ბუნებრივია, გლეხობა ცდილობდა მისგან თავის დაღწევას, მოითხოვდა ფულად რენტაზე გადაყვანას, მაგრამ მემამულეებისათვის იჭარბის ეს ფორმა იმდენად ხელსაყრელი იყო, რომ კი არ ამცირებდნენ, თანდათან აღიდებდნენ მის მასშტაბს. შრომამოგება ფართოდ იყო გავრცელებული ქუთაისის, თიანეთის, დუშეთის და განსაკუთრებით გორის მაზრაში, სადაც მის მძიმე უღელს ეწეოდა 37 სახაზინო სოფელი.

და მაინც XIX ს-ის 80-იანი წლების ჩაქართველოში უფრო მეტი იყო პროდუქტადი რენტის მასშტაბი. XIX ს-ის ბოლოს კი არსებითად გაბატონდა ფულადი რენტა და ზოგიერთ რაიონებში საკმაოდ ფართო მასშტაბი მიიღო კაპიტალისტურმა რენტამაც.

საიჯარო ქირა საერთოდ საკმაოდ სწრაფი ზრდის ტენდენციას ამჟღავნებდა. მოსახლეობის გამრავლებისა და სავაჭრო მიწათმოქმედების განვითარების კვალობაზე მოთხოვნილება წარმოების ძირითად საშუალებაზე—მიწაზე თანდათან იზრდებოდა, რაც თავისთავად რენტის გადიდებას განაპირობებდა. პროდუქტიული იჭარბის პირობებში ვენახი და კარგი სახნავი მიწა თითქმის ყველგან მოსავლის ნახევრის გადახდის პირობით გაიციემოდა. მენახევრობა საქართველოში ისე ფართოდ გავრცელდა, რომ იგი წვრილი გლეხობის მეტყველებაში მიწის იჭარბის სინონიმად იქცა. თელავის მაზრაში, მაგალითად, სახნავი მიწა გაიციემოდა სანახევროდ, მაგრამ მოთხოვნილება იმდენად დიდი იყო, რომ მემამულე იმას აძლევდა მიწას, ვინც დაწესებული მოსავლის ნახევარს მეტ ფულს წაუშამტებდა. ეს წანამატი ჰექტარზე ზოგ სოფლებში ერთ მანეთს შეადგენდა, ზოგანაც ორ მანეთს აღწევდა.

XIX ს-ის 80—90-იან წლებში ჰექტარი სახნავ-სათესი მიწის საიჯარო ქირა მისი ხარისხის მიხედვით მცირეობდა და შეადგენდა: ქუთაისის მაზრაში 5—30 მან., ზუგდიდ-სენაკის მაზრებში—8—74 მან., ლეჩხუმის მაზრაში—20—22 მან., ოზურგეთის მაზრაში—8—74 მან., რაჭის მაზრაში 4—52 მან., შორაპნის მაზრაში—4—43 მანეთს. კარგი ვენახის საიჯარო ქირა ზემო იმერეთში 56—160 მანეთს უდრიდა.

XIX ს. ბოლოს საიჯარო მიწები მალალ ფასადაც კი ყოველთვის როდი იყო ხელმისაწვდომი გლეხობისათვის. საქართველოს თითქმის ყველა კუთხეში მოთხოვნილება მიწაზე აჭარბებდა მის მიწოდებას. ამის გამო მოიჭარებებს შორის ხშირად კონკურენცია იმართებოდა, რაშიც უმეტესწილად მოსახლეობის შეძლებული ფენები იმარჯვებდნენ. თავისუფალი სახაზინო მიწების დიდ ნაწილს იჯარით იღებდნენ ვაჭრები და კულაკები. ისინი საკუთრად მხოლოდ ბალ-ვესაუჯის ამუშავებდნენ, სხვა ნაკვეთებს კი გლეხებზე სცემდნენ მეორადი იჯარით ზოგჯერ იმაზე 2—3-ჯერ მეტ ფასად, ვიდრე თვით უხდიდნენ ხაზინას. შრომისა და კაპიტალის დაუხარჯავად 'გამდიდრების შესაძლებლობა ააქტიურებდა სხვადასხვა ჯურის საქმოსნებს და ისინი ყოველნაირად ცდილობდნენ ხელში ჩაეგდოთ გლეხთათვის განსაკუთრებით აუცილებელი მიწის ნაკვეთები. მართალია, გლეხებს დიდი სურვილი ჰქონდათ უშუალოდ აეღოთ იჯარით სახაზინო მიწის ნაკვეთები, მაგრამ ისინი ვერ გებულობდნენ საჯარო ვაჭრობის დროსა და ადგილს, ან ვერ ახერხებდნენ ქალაქებში წასვლას, სადაც ჩვეულებრივ იმართებოდა ეს ვაჭრობა, გლეხებს არც წინასწარი ფულადი საწინდარის შეტანა შეეძლოთ და აშინებდათ სახაზინო მიწის აღებასთან დაკავშირებული ფორმალბანი.

წვირლ გლეხობას, ბუნებრივია, უჭირდა საიჯარო ქირის გაღება. ხშირად შათე ირიცხებოდა გადასახდელთა ნარჩენები. ზოგჯერ სეტყვა და სხვა სტიქიური მოვლენები ანადგურებდა ნათესებს, გლეხები შიმშილობდნენ, მაგრამ მიწათმფლობელები მაინც თავისას მოითხოვდნენ. გამოუვალ მდგომარეობაში ჩავარდნილი გლეხები ზოგჯერ მეფესაც კი მიმართავდნენ საჩივრით. სოფ. ჩარდახის (ქართლ.) გლეხები იმპერატორს სწერდნენ: „ჩვენ ვსარგებლობთ საუფლისწულო უწყების მიწებით. მაგრამ ხელშეკრულებით განსაზღვრული საიჯარო ქირა იმდენად მაღალია, რომ ვერ ვუძლებთ მის სიმძიმეს. ამ მიწაზე უარის თქმით ჩვენ გავთავისუფლდებოდით მძიმე საიჯარო მოვალეობისაგან. მაგრამ არ შეგვიძლია ამის გაკეთება იმ მარტივი და ადვილად გასაგები მიზეზით, რომ იქ, სადაც ცხოვრობდნენ ჩვენი წინაპრები და სადაც ახლა ჩვენ ვსახლობთ, მთელი მიწები საუფლისწულო უწყების ხელშია. დიდო ხელმწიფევე, მოგვაქციე ყურადღება უბედურ გლეხებს, უბრძანეთ ვისაც ჭერ არს შეგვიმციროს საიჯარო გადასახდელი ჩვეულებრივი ღალის დონემდე და ამით მოგვეცეს შესაძლებლობა ვიყოთ სასარგებლონი არა მარტო ჩვენი ოჯახების, არამედ მეფისა და სამშობლოსთვისაც“. მაგრამ გლეხები ამოდ ევედრებოდნენ „ყოვლად მოწყალე“ ხელმწიფეს.

ამგვარად, რეფორმის მომდევნო ხანაში ფართოდ გავრცელებული იჯარა სასარგებლო იყო მიწათმფლობელებისა და მსხვილ მწარმოებელთათვის. უმიწაწყო გლეხობა კი მოიჯარეობით თავის მდგომარეობის გაუმჯობესებას იშვიათად ახერხებდა. იჯარით აღებული მიწის დამუშავების მთელ ხარჯებს (სათესლის ჩათვლით) გლეხი ფარავდა. მენახევრობის დროს ეს ხარჯები აქარბებდა ნაკვეთის სუფთა შემოსავალს და ნთქავდა მთელი შემოსავლის 60—65%-ს. ასეთი კაბალური პირობით ვაჭრები და კულაკები მიწას არ იღებდნენ და მით უმეტეს არ ამუშავებდნენ, რადგან მათ მიზანს მოგების მიღება შეადგენდა. წვრილი გლეხობა კი კაპიტალისტური წარმოების კანონებს მიღმა იდგა. საქონელს კი არა თავის საარსებო საშუალებას აწარმოებდა და იძულებული იყო შიწათმფლობელისაგან ნაკარნახევი იჯარის კაბალური პირობები მძიმე ტვირთად ეტარებინა, რათა მიეღო დამატებითი მარცვეული ოჯახის გამოსაკვებად.

* * *

საქართველოს გლეხურ მოსახლეობას არ აკმაყოფილებდა მიწის მფლობელობა-სარგებლობის არსებული პირობები და, ბუნებრივია, იბრძოდა მესაკუთრეთა კატეგორიაში გადასვლისათვის. გლეხობის ამ მისწრაფებას მხარს უჭერდა მოწინავე ინტელიგენცია, რომელიც მთავრობისაგან მოითხოვდა რადიკალური ღონისძიებების გატარებას, სოფლის უშუალო მწარმოებელ მასისათვის სწორი და ცხოვრების ნორმალური პირობების შექმნას.

ბატონყმობის გაუქმების შემდეგ მემამულეებსა და გლეხებს შორის დამყარებულ სავალდებულო საადგილმამულო ურთიერობას მეფის მთავრობა თვლიდა გარდამავალ ღონისძიებად. რეფორმის საბოლოო მიზნად კი გამოცხადებული იყო დროებითვალდებულ გლეხთა მიერ სანადელო მიწების საკუთრებაში გამოსყიდვა. ამით ყველაზე მეტად, რა თქმა უნდა, თვით გლეხები იყვნენ დაინტერესებული.

საგლეხო რეფორმის გატარებისას ჩადენილი ერთ-ერთი დიდი ბოროტება იყო მიწათსარგებლობის საზღაურად გლეხთათვის მძიმე ვალდებულებების დაკისრება. ღალა-კულუხის სიმძიმის გამო ხშირად მემამულეები ხელსაყრელად სთვლიდნენ ჩამოჭრილი მიწებიც გლეხთა ფაქტიურ მფლობელობაში დაეტოვებინათ და ამ გზით უზრუნველყოთ თავიანთის მუდმივი და გარანტირებული შემოსავალი.

ვალდებულების სიმძიმე გლეხს აიძულებდა სანადელო მიწის გამოსყიდვისა და ამდენად სრული განთავისუფლებისათვის ეზრუნა. მაგრამ

გამოსასყიდი ფასების სიდიდის გამო გლენთა დიდი ნაწილი ვერ ახერხებდა „თავის დახსნას“ და მათი დროებითვალდებულება ათეული წლები გრძელდებოდა. გლენობა სულ მზარდი ოდენობით იხდიდა ღალა-კულუსს. თექვსმეტი წლის ღალის ჯამი უდრიდა ოფიციალურად დაწესებულ ნადელის გამოსასყიდ ფასს, მაგრამ ამას მზედველობაში არავინ ღებულობდა.

ვადის გასვლის შემდეგაც დროებ-თვალდებულ გლიზებმა სპეციალური გამოსყიდვის ხელშეკრულების დადება სჭირდებოდა მემამულეებთან და კვლავ დიდი თანხის გაღება იმ მიწების საკუთრებაში მიღებისათვის, რომელთა მაღალი ფასი მათი შრომა-გარჯის შედეგს წარმოადგენდა.

1868 წ. დამტკიცდა დებულება, რომელშიც ჩამოყალიბებული იყო მთავრობის სესხის გამოყენებით ნადელთა გამოსყიდვის წესები. დებულების თანახმად გამოსყიდვით ოპერაციებს განაგებდა მომრიგებელი სასამართლო და საგლეხო საქმის საგუბერნიო საკრებულო. ფულადი ღალის შემთხვევაში ნადელის გამოსასყიდი ფასი გამოიანგარიშებოდა წლიური ღალის 6% საფუძველზე კაპიტალიზაციის ვით. ნატურალური ვალდებულების დროს კი ეს ფასი მხარეების ნებაყოფლობითი შეთანხმებით განისაზღვრებოდა. სხვადასხვა კატეგორიის მიწების ყოველ დესეტიანზე მთავრობის სესხი შეადგენდა 20—60 მანეთს. დაწესებული სესხის ზომა XIX ს. 60—70-იან წლებშიც არ შეადგენდა ნადელთა ღირებულების 50—60%-ზე მეტს. 90-იან წლებში კი ამ თანხას შეიძლება დაეფარა მხოლოდ ნადელთა ღირებულების 30—40%. ამასთან, მთავრობის სესხი არ ვრცელდებოდა ბალ-ვენახებზე და ჩამოჭრილ ნაკვეთებზე.

1876 წ. თბილისისა და ქუთაისის გუბერნიებში 60199 კომლც დროებით ვალდებული გლეხი ითვლებოდა. აქედან 20 ათას კომლს, მოხელეთა განცხადებით, შეეძლო ნადელი გამოესყიდა საკუთარი სახსრებით, 40 ათას კომლს კი დასჭირდებოდა სესხი 12 მლნ. მანეთის ოდენობით. თუ ეს ღონისძიება განტორციელდებოდა, 20 წლის შემდეგ ყველა გლეხი მესაკუთრედ იქნებოდა გადაქცეული, რაც საშუალებას მისცემდა მთავრობას გაეუქმებინა საგლეხო დაწესებულებანი, რომელთა შენახვა საკმაოდ ძვირი უჯდებოდა სახელმწიფოს.

მაგრამ ყველა როდი იზიარებდა გლენთა მომწყობი ცენტრალური კომიტეტის მოხელეთა მოსაზრებას. როგორც ჩანს, ამიერკავკასიის ადმინისტრაციის დიდმოხელეთა შორის სჭარბობდა იმ დროს საკმაოდ ფართოდ გავრცელებული თვალსაზრისი, რომლის მიხედვით გლენობის მესაკუთრედ გადაქცევა არ იყო ხელსაყრელად მიჩნეულ.

მთავრობის აგრარული პოლიტიკა, რა თქმა უნდა, მნიშვნელოვანი ფაქტორი იყო. ძას შეეძლო ამა თუ იმ მოკლენის დაჩქარება ან შეფერხება. მაგრამ ნაღელთა გამოსყიდვის პროცესი, მისი ნელი თუ სწრაფი ტემპი ძირითადად განპირობებული იყო ქვეყნის სოციალურ-ეკონომიკური მდგომარეობით, სასაქონლო-ფულადი და კაპიტალისტური ურთიერთობის განვითარების დონით.

ფეოდალური მეურნეობიდან კაპიტალიზმზე და მიწის თავისუფალ გლეხურ საკუთრებაზე გადასვლის წინაპირობად კ. მარქსს მიაჩნდა ნატურალური რენტის ფულადით შეცვლა, რაც თავისთავად სასაქონლო-ფულადი ურთიერთობის განვითარების შედეგი და ერთ-ერთი გამოხატულება იყო: ნატურალური რენტის ფულად რენტად გადაქცევა მარქსის განცხადებით „ერთი მხრით იმისათვის გამოიყენება, რომ თანდათანობით მოხდეს ძველ მფლობელ გლეხების ექსპროპრიაცია და მათი კაპიტალისტური მოიჭარადრებით შეცვლა; მეორე მხრით, ამას იქამდე მივყავართ, რომ წინანდელი მფლობელი გამოსყიდის რენტის გადახდის ვალდებულებას და იქცევა დამოუკიდებელ გლეხად, სრული საკუთრების უფლებით მის მიერ დამუშავებულ მიწაზე“¹.

ასეთი დასკვნა გამოიტანა კ. მარქსმა დასავლეთ ევროპაში მიმდინარე სოციალურ-ეკონომიკური განვითარების პროცესზე დაკვირვების შედეგად. კაპიტალის პირვანდელი დაგროვების გამოხატულებას ინგლისში წარმოადგენდა გლეხობის დიდი ნაწილის ექსპროპრიაცია და მათ საცხოვრისზე კაპიტალისტ მოიჭარება. ბურჟუა-ფერმერთა ცხვრის ფარების გაშლა („ცხვრებმა შექაშეს ადამიანები“), დასავლეთ ევროპის სხვა ქვეყნებში კ- ფეოდალურ-ბატონყმური მეურნეობის რღვევის გამოვლინების მთავარი ფორმა იყო თავისუფალ გლეხურ და ბურჟუაზიულ საკუთრებაზე გადასვლა.

რეფორმამდელი ხანის ცენტრალურ რუსეთში გლეხთა მიერ მიწის საკუთრებაში შესყიდვა შედარებით იშვიათ მოვლენას წარმოადგენდა. თავის დახსნას თითქმის მხოლოდ გლეხური წარმოშობის ვაჟარ-მრეწველები ახერხებდნენ. მეფის მთავრობა და რუსი მემამულეები ხელოვნურად აფერხებდნენ ამ პროცესს. ეყრდნობოდნენ რა რუსეთში არსებულ პრაქტიკას, ამიერკავკასიის ადმინისტრაციის მოხელეები საქართველოშიც ამუხრუჭებდნენ მიწის ყიდვა-გაყიდვის აქტებში გლეხების მონაწილეობას. რეფორმის გატარების დროს მთავრობის მოხელეებმა და მემამულეებმა უარი თქვეს ეცნოთ გლეხთა საკუთრების უფლება ბატონყმობის

¹ კ. მარქსი, კაპიტალი, ტ. 3. გვ. 317.

დროს შეძენილ მიწებზე იმ საბაბით, რომ ნოტარიალური წესით დამტკიცებული მიწის ნასყიდობის აქტები მათ არ გააჩნდათ. გლახთა ბევრი ნაყიდი მიწის ნაკვეთი საწესდებო სიგელების ძალით ნადელებზე იქნა მითვლილი, ბევრიც ჩამონაჭრების სახით ქემამულეთა სრულ საკუთრებაში გადავიდა.

გლახები, ბუნებრივია, არ შეურიგდნენ აშკარა მძარცველობას. მათ ათასობით საჩივარი აღძრეს მემამულეთა წინააღმდეგ და სასამართლოებში წარადგინეს შინაურული წესით გაფორმებული ნასყიდობის სიგელები. მაგრამ მომრიგებელი შუამავლები და სხვა მოხელეები გლახთა საჩივარ-საბუთების გარჩევას ათეული წლები აჭიანურებდნენ.

მეფის მთავრობის ბიუროკრატი მოხელეები და გაბიუროკრატებული მომრიგებელი შუამავლები თითქმის არავითარ ყურადღებას არ აქცევდნენ გლახთა ვედრებას ან დაუძლეველ დაბრკოლებას უქმნიდნენ მათი კანონიერი პრეტენზიების დაკმაყოფილებას. გაუთავებელი სასამართლო პროცესებით თავმობეზრებულმა გლახებმა დაკარგეს რწმენა თავის საბუთების ძალისადმი და მომრიგებელ მოსამართლეთა სამართლიანობისადმი. უმრავლესობა გამოსავალს იმაში ხედავდა, რომ ნადელთან ერთად ხელმეორედ გამოესყიდა საკუთარი მიწაც როგორც ჩანს. მემამულეებიც ერიდებოდნენ ზედმეტი რისკის გაწევას და ამჯობინებდნენ შედარებით დაბალ ფასად დაეთმოთ დროებითვალდებულ გლახებისათვის ის ნადელები საკუთრებაში, რომელთა დიდ ნაწილს სადაო მიწის ნაკვეთები შეადგენდა. ამან განაპირობა ის, რომ ქუთაისის გუბერნიაში 1876 წლისათვის შეწყდა 30 ათასი ნასყიდობის ჰიგელის საფუძველზე წარმოებული საადგილმამულო დავა.

XIX ს. 80—90-იან წლებში სასაქონლო-ფულადი და კაპიტალისტური ურთიერთობის განვითარება კიდევ უფრო დაჩქარდა. ნატურალური რენტის ხარჯზე ფულადი რენტის მასშტაბი საგრძნობლად გაიზარდა. სახელმწიფო გლახთა გადასახადების სრული კომუტაცია რეფორმამდე მოხდა და რეფორმის შემდეგ სავსებით შესაძლებელი ჩანდა დროებითვალდებულ გლახთა ფულად რენტაზე გადაყვანა, მაგრამ რაკი მემამულეებისათვის გაცილებით ხელსაყრელი იყო მოსავლის წილის მიღება, ისინი ყოყოველნაირად აფერხებდნენ თავის დროებითვალდებულ გლახთა ლალა - გადასახდელების კომუტაციას. ცარიზმის ბიუროკრატიული აპარატაც მემამულეთა ინტერესებს იცავდა. ამიერკავკასიის ადმინისტრაციამ „ვერ მოახერხა“ გლახობის ნატურალურ ვალდებულებათა ღირებულების განსაზღვრა და მისი ფულზე გადატანა. ამ შემადგენლებელი ფაქტორების მიუხედავად საერთოდ საქართველოში XIX ს-ის

80-იანი წლებისათვის უკვე სჭარბობდა ფულადი რენტა და იგი ამყდავ-
ნებდა სრული გაბატონების ტენდენციას, რაც თავისუფალ გლეხურ სა-
კუთრებაზე გადასვლის აუცილებელ წინაპირობას წარმოადგენდა.

სახელმწიფო გლეხებს მესაკუთრეთა კატეგორიაში გადასვლის დიდი
სურვილი ჰქონდათ, მაგრამ მათ ამ მისწრაფებას ფრთებს აკვეცდა სახელ-
მწიფო ხაზინა. მეფის მთავრობამ ამიერკავკასიაზე არ გაავრცელა 1886
წლის კანონი, რომელმაც რუსეთის სახელმწიფო გლეხები მესაკუთრედ
აღიარა. აქაურ სახელმწიფო გლეხებს სანადელო მიწის გამოსყიდვის
უფლება არ მიუღია. მიწის გასაკუთრებისათვის ბრძოლაში მარცხი განი-
ცადეს ხიზნებმაც.

სანადელო მიწების გამოსყიდვისა და მესაკუთრეთა კატეგორიაში
გადასვლის ოფიციალური უფლება (ზოგიერთი შეზღუდვებით) მინიჭე-
ბული ჰქონდათ დროებითვალდებულ გლეხებს და ისინიც, შეძლებისდა-
გვარად, იყენებდნენ ამ უფლებას.

1869 წ. თბილისის საგლეხო საქმეთა საკუბერნიო საგანგომო გან-
სახილველად მიიღო ნადელთა გამოსყიდვის 47 ხელშეკრულება, რომელიც
24 მემამულესა და 581 კომლ დროებითვალდებულ გლეხს შორის იყო
დადებული. გამოსყიდვით ხელშეკრულებაში აღინიშნებოდა მხარეების
ვინაობა, ნადელების ფართობი, რენტის ოდენობა და მისი კაპიტალიზა-
ციის გზით დადგენილი გამოსასყიდი ფასი. დადებული ხელშეკრულების
დამტკიცებისთანავე, თუ ნადელის გამოსყიდვა მთავრობის დახმარებით
ხდებოდა, სახელმწიფო ბანკი მემამულეს გადაურიცხავდა სესხის სახით
დაშვებულ თანხას, რომელიც პროცენტთან ერთად გლეხს უნდა დაეფარა
49 წლის განმავლობაში. თუ გლეხმა ნადელის გამოსასყიდათ სესხად
მიიღო, ვთქვათ 300 მანეთი, 49 წლის განმავლობაში უნდა გადაეხადა აღ-
ნიშნულზე სამჯერ მეტი თანხა.

1869 წლიდან XX ს-ის დამდეგამდე აღმოსავლეთ საქართველოში
ნადელთა გამოსყიდვის გზით მესაკუთრეთა კატეგორიაში გადაირიცხა
4595 კომლი დროებითვალდებული გლეხი. 17 ათასი ჰექტარი მიწის გა-
მოსყიდვისათვის მათ გაიღეს მთავრობისაგან სესხად მიღებული 1 მლნ
მანეთი და დაახლოებით 0,5 მლნ მანეთი საკუთარი ნაღდი ფული. გლეხ-
ობას (უჭირდა ნადელთა გამოსასყიდი სესხისა და მისი სარგებლის და-
ფარვა. 1899 წლისათვის აღმოსავლეთ საქართველოს ნადელგამოსყიდულ
გლეხებზე ირიცხებოდა გადასახდელთა ნარჩენები 270 ათასი მანეთის
ოდენობით.

გლეხებმა კარგად გაიგეს თუ რას ნიშნავდა მთავრობისაგან „დახ-
მარების“ მიღება. მიხვდნენ, რომ გამოსასყიდი ხელშეკრულების გაფორ-

შეზღვევა ეკონომიკის და შექმნა მათ მდგომარეობაში. ნადელგამოსყიდული გლეხები, მართლია, თავისუფლდებოდნენ მემამულისათვის ღალატულუბების გადახდის ვალდებულებისაგან, მაგრამ ექცეოდნენ სახელმწიფო ხაზინის კაბალაში. მიღებული სესხისა და მისი პროცენტის დასაფარავად მათ ყოველწლიურად უნდა გაეღოთ იმაზე რამდენადმე მეტი თანხა ადრე ნადელით სარგებლობისათვის რომ უხდიდნენ მემამულეებს. ამ მიზეზის გამო აღმოსავლეთ საქართველოს დროებითვალდებულ გლეხთა დიდი ნაწილი, რომელსაც არ გააჩნდა საკუთარი სახსრები, უარს ამბობდა მთავრობის „დახმარებით“ ნადელის გამოსყიდვაზე და ფაქტიურად მუდმივვალდებულის მდგომარეობაში ვარდებოდა, ნაყმევ გლეხთა დაახლოებით 75% დარჩა მემამულეთა ეკონომიკურ დამოკიდებულებაში.

დასავლეთ საქართველოს დროებითვალდებულმა გლეხებმა თავიდანვე უარი თქვეს მთავრობის სესხზე, რადგან იგი არახელსაყრელად მიიჩნეს. ისინი საკუთარი სახსრებით ახერხებდნენ სანადელო მიწების გამოსყიდვას. აქაური შეძლებული გლეხები ფულს სოფლის მეურნეობის პროდუქტთა გაყიდვით, ხოლო სხვები ძირითადად საშოვარზე სიარულით იღებდნენ. 1869 წლიდან 1904 წლამდე დასავლეთ საქართველოში ნადელი გამოისყიდა 35 ათასმა კომლმა დროებითვალდებულმა გლეხმა. მათ 149 ათასი ჰექტარი მიწის საკუთრებაში შესყიდვა 7,5 მილ მანეთი დაუჯდათ. დროებითვალდებულებაში დარჩა დაახლოებით 20 ათასი კომლი გლეხი. ქუთაისის გუბერნია იყო ერთადერთი მთელი რუსეთის იმპერიის მასშტაბით, სადაც დროებითვალდებულ გლეხთა 69%-მა საკუთარი სახსრებით გამოისყიდა სანადელო მიწა, სხვა გუბერნიებში საგამოსყიდვო ოპერაციები ძირითადად მიმდინარეობდა მთავრობის სესხის გამოყენებით.

სავაჭრო ბრუნვაში დიდი როდენობით შევიდა ნადელგარეშე მიწებიც. მიწის ყიდვა-გაყიდვის პროცესში, რომელმაც რეფორმის მომდევნო ხანის საქართველოში ფართო ხასიათი მიიღო, ყველა სოციალური ფენა მონაწილეობდა, მიწის გამყიდველთა შორის სჭარბობდა თავადაზნაურობა, მყიდველთა შორის კი გლეხობა. მიწის ფასი სწრაფად ზარდა. ანდრეას ამქლავნებდა XIX ს-ის 80-იან წლებში ერთი ჰა მიწის საშუალო ფასი 200 მანეთს შეადგენდა. 90-იან წლებში 300 მანეთს გადააჭარბა. ნაყოფიერი სახნავ-სათესი და ბალ-ვენახები 1000—2500 მანეთად იყიდებოდა.

სანადელო მიწის ნაკვეთების გამოსყიდვისა და საერთოდ მიწის ყიდვის ოპერაციებში აქტიური მონაწილეობის შედეგად გლეხობის საკუთარი მიწების ფართობი საგრძნობლად გაიზარდა. XX ს-ის დამდეგს დასავლეთ საქართველოს გლეხთა საკუთრებაში იყო დაახლოებით 400 ათასი ჰა მიწა, ხაზინისა და თავადაზნაურთა საკუთრებაში კი რჩებოდა 200 ათასი

ჰა გლესთა სანადელო მიწა. აღმოსავლეთ საქართველოში გლესობის საკუთარი მიწის ფონდი უფრო ნელა იზრდებოდა. XIX—XX სს. მიჯნაზე მათ კანონიერი დოკუმენტებით საკუთრებაში ჰქონდათ 150 ათასი ჰა მიწა. ხაზინისა და თავადაზნაურთა საკუთრებაში რჩებოდა 900 ათას ჰექტარამდე გლესობის სანადელო მიწა.

ამგვარად, სასაქონლო-ფულადი და კაპიტალისტური ურთიერთობის განვითარების ერთ-ერთ შედეგსა და მის გამომხატულებას წარმოადგენდა საკმაოდ მრავალრიცხოვან მესაკუთრე გლესთა კატეგორიის გაჩენა. მიწის წვრილ გლესურ საკუთრებაზე გადასვლას იმ პერიოდში ღადებითი მნიშვნელობა ჰქონდა. „საკუთარი მეურნეობის მქონე გლესობის პარცელური საკუთრების ეს ფორმა,—წერდა მარქსი,—შეადგენს ერთი მხრივ, საზოგადოების ეკონომიურ საფუძველს უძველესი კლასიკური დროის საუკეთესო ხანაში, ხოლო მეორე მხრივ ამავე ფორმას ეპოულობთ ჩვენ თანამედროვე ხალხებშიც, როგორც ერთ იმ ფორმათაგანს, რომელნიც ფეოდალური მიწის საკუთრების დაშლიდან წარმოსდგებიან“¹. კ. მარქსი იმასაც აღნიშნავს, რომ წვრილი წარმოების დროს მიწაზე კერძო საკუთრება პროგრესის აუცილებელი წინაპირობაა. „მიწის საკუთრება წარმოების ამ წესის სრული განვითარებისათვის ისევე აუცილებელია, როგორც იარაღების საკუთრება ხელოსნური წარმოების თავისუფალი განვითარებისათვის. მიწის საკუთრება პიროვნული დამოუკიდებლობის განვითარების საფუძველი და თვით მიწათმოქმედების განვითარებისათვის აუცილებელი გარდამავალი საფეხურია“².

ქართველი გლესი საკუთარ მიწაზე გაცილებით მუყაითად შრომობდა, ყოველნაირად ცდილობდა მეურნეობის გაუმჯობესებას. იგი დარწმუნებული იყო, რომ მიწა ადრე თუ გვიან აუნაზღაურებდა იმ შრომასა და ხარჯს მისი ნაყოფიერების გაზრდისათვის რომ გასწია მემამულეებისა და ხაზინის ეკონომიკურ დამოკიდებულებაში დარჩენილი მიწის რენტის გადამხდელ გლესებს ასეთი სტიმული არ ამოძრავებდა. ბატონყმობის ნაშთები და კაბალური იჯარის ფორმები საგრძნობლად აფერხებდა გლესური მეურნეობის აღმავლობას.

* * *

უკვე ითქვა, რომ გლესობის ქონებრივ დიფერენციას ადგილი ჰქონდა ფეოდალური ფორმაციის თითქმის მთელ სიგრძეზე და იგი უფრო

¹ კ. მარქსი, კაპიტალი, ტ. III, ნაწ. 2, გვ. 431.

² იქვე, გვ. 431—432.

გაღრმავდა გვიანფეოდალურ ხანაში. საღალო მეურნეობისა და პროდუქტადი რენტის ბატონობა, რომლის დროსაც გლეხები შედარებით მეტი დამოუკიდებლობით სარგებლობდნენ, გლეხობის დაშლის თავდაპირველი საფუძველი იყო. საკმაოდ მომრავლდნენ წელმაგარი გლეხები, რომელნიც მიწის შესყიდვასაც ახერხებდნენ, გლეხის ეკონომიურ დაწინაურებას მისი უფლებრივი აღზევებაც თან სდევდა. მაგრამ გარკვეულ დრომდე ყველაფერი ეს თავსდებოდა ფეოდალური წოდებრიობის ჩარჩოებში. ეკონომიურ-უფლებრივად აღზევებულ გლეხებს შესაძლებლობა ჰქონდათ ექსპლუატაცია გაეწიათ თავიანთი სოციალური „თანამომკმეებისათვის“. გლეხის გლეხი (ყმა) თუ ხიზანი ფეოდალურ საქართველოში არცთუ იშვიათი გამონაკლისი იყო. მდიდარი გლეხები ლებულობდნენ თარხნობას, აზატობას, გადადიოდნენ მსახურის კატეგორიაში. მსახურთ კი „აზნაურული თვისებები“ გააჩნდათ. ისინი თან ახლდნენ მეფეებსა და ბატონებს ლაშქრობა-ნადირობაში და მათ შორის უფრო ჩენილნი აზნაურობასაც ლებულობდნენ. ფეოდალიზმის ხანაში გლეხობის ეკონომიურად აღზევებული ფენა იყო, ძირითადად, აზნაურთა წოდების შემავსებელი რეზერვი. ამდენად გლეხობის ქონებრივი დიფერენციაციის ლოგიკურ შედეგს გარკვეულ დრომდე მათი ერთი ნაწილის პრივილეგიურ წოდებაში გადასვლა წარმოადგენდა.

საქართველოს რუსეთთან შეერთების შემდეგ მდგომარეობა საგრძნობლად შეიცვალა. მეფის მთავრობამ თანდათან გააუქმა თარხანი, აზნაურ-და მსახური გლეხების პრივილეგიები, საზღვარი დაუღო თავდაზნაურთა წოდების „დანაგვიანებას“ დაბალი ფენებიდან გამოსული პირებით. ეკონომიურად აღზევებულთა წოდებრივადაც დაწინაურების პირობები თითქმის მთლიანად მოიშალა. ამის შემდეგ გლეხის მდგომარეობა საზოგადოებაში მხოლოდ ეკონომიური შეძლებით განისაზღვრებოდა. ქონებრივ-წოდებრივი დიფერენციაცია თანდათან შეიცვალა ქონებრივ-კლასობრივი დიფერენციაციით. ბურჟუაზიული რეფორმების მომდევნო ხანაში, როცა გლეხებმა მეტი დამოუკიდებლობა მოიპოვეს და როცა სასაქონლო-ფულადი და კაპიტალისტური ურთიერთობა უფრო განვითარდა, გლეხთა კლასობრივი დიფერენციაციის პროცესი გაღრმავდა.

ვ. ი. ლენინი ფაქტობრივი მასალის ანალიზის საფუძველზე წერდა, რომ ჰერ კიდევ ნატურალური მეურნეობის ბატონობის დროს, როცა პროდუქტადი რენტა წაყვანილ გახდა და უშუალო მწარმოებელმა შედარებით მეტი დამოუკიდებლობა მოიპოვა, თავს იჩენს გლეხობის დიფერენციაციის სიმპტომები, მაგრამ ეს ტენდენცია განსაკუთრებით ძლიერდება პროდუქტადიდან ფულად რენტაზე გადასვლის შემდეგ. ამ დრო-

იდან „დამოკიდებული გლეხის ტრადიციული, ადათზე დამყარებულ ღრთიერთობა მიწათმფლობელთან აქ იქცევა წმინდა ფულად ღრთიერთობად... ეს იწვევს, ერთი მხრით, ძველი გლეხობის ექსპროპრიაციას, მეორე მხრით—გლეხის მიერ თავისი მიწის და თავისი თავისუფლების გამოსყიდვას. ...ნატურალური რენტის ფულად რენტად გადაქცევას არათუ აუცილებლად თან სდევს, არამედ წინ უსწრებს კიდევ უქონელი დღიური მუშების კლასის გაჩენა, ... გლეხობის დაშლა საშუალო გლეხობის ანგარიშზე ავითარებს მის უყიდურეს ჯგუფებს და ჰქმნის სოფლის მოსახლეობის ორ ახალ ტიპს. ორივე ტიპის საერთო ნიშანია მეურნეობის სასაქონლო, ფულადი ხასიათი. პირველი ახალი ტიპია სოფლის ბურჟუაზია... მეორე ახალი ტიპია სოფლის პროლეტარიატი, დაქირავებული მუშების კლასი ნადელით“¹.

რეფორმის მომდევნო ხანის საქართველოში წვრილი მიწათმფლობელობა-მეურნეობის დამარღვეველი ფაქტორები გამრავლდა და გაძლიერდა. ამ დროინდელ დამკვირვებელთა განცხადებით, მას შემდეგ, რაც გლეხებს პირადი თავისუფლება და სამეურნეო დამოუკიდებლობა მიენიჭათ, გლეხთა ერთი ნაწილი გამდიდრდა მეორის ხარჯზე. მდიდარი გლეხები მიწების შესყიდვით და იჯარის აღებით აფართოებდნენ თავიანთ მეურნეობას, ღარიბი გლეხები კი თავს ანებებდნენ საკუთარ მინიატურულ მეურნეობას. უშუალო მწარმოებელი მასის დიდი ნაწილისათვის კრედიტი აუცილებელი გახდა და იგი მევახშის კაბალაში მოექცა.

მართალია, თბილისსა და ქუთაისში არსებობდა სათავადაზნაურო-საადგილმამულო ბანკები, თანდათან მრავლდებოდა ფულის შემნახველ-გამსესხებელი ამხანაგობებიც, მაგრამ გლეხური მოსახლეობა ძირითადად სავაჭრო კაპიტალს იყენებდა. ამ უკანასკნელის სარგებელი კი ზაცილებით მაღალი იყო—20—40%-ს შეადგენდა. ზოგჯერ 100%-საც აღწევდა. 1887 წლისათვის თელავის მაზრის 11 სასოფლო საზოგადოებაში გლეხების ვალი ვექსილების მიხედვით 400 ათას მანეთს უდრიდა. ისინი სარგებლის სახით ყოველწლიურად იხდიდნენ თავნის 30—40%. რადგან გლეხობას პროცენტის გადახდა ეძნელებოდა, საყოველთაოდ იყო გავრცელებული სესხის სარგებლის საზღაურად ადგილმამულის „დაწინდვა“, დაგირავება. გლეხები მევახშესთან აგირავებდნენ ეზოს, ვენახს, სახნავ-სათესს და ზოგჯერ მთელ ნადელსაც. გირავნობის ხელშეკრულება ფაქტი-

¹ ვ. ი. ლენინი, თხზ., ტ. 3, 1948, გვ. 189—291.

ურად მიწის გახსვისების აქტს წარმოადგენდა, რადგან ეს მიწა კრედიტორის სრულ განკარგულებაში გადადიოდა სესხის დაფარვამდე. მეურნეობის შეწყვეტის წყალობით გლეხი კარგავდა შემოსავალს. ვალის გადახდის შესაძლებლობას და ამდენად მიწასაც.

XIX ს. 80-იან წლებში აღმოსავლეთ საქართველოს სახელმწიფო გლეხები კომლზე საშუალოდ 17 ჰა მიწას ფლობდნენ, მაგრამ ამ საშუალო ციფრს უკან იმალება გლეხთა შორის მიწის არათანაბრად განაწილების ფაქტი. ამ კატეგორიის გლეხთა უმრავლესობა 1—3 ჰა მიწას ფლობდა. ხუთ პროცენტს კი ჰქონდა 20—50, 100 ჰა და ზოგჯერ მეტი მიწაც. იმავე პერიოდში დასავლეთ საქართველოს სახელმწიფო გლეხები კომლზე საშუალოდ 4 ჰა მიწას ფლობდნენ, რამდენიმე ასეულს კი კომლზე 25—150 ჰა მიწა ჰქონდა.

კულაკები გაცილებით მეტი იყვნენ მესაკუთრე გლეხთა შორის. XIX ს. ბოლოს მარტო ბორჩალოს მაზრაში ითვლებოდა 706 შეძლებული გლეხი, რომელნიც კომლზე საშუალოდ ფლობდნენ 27 ჰა მიწას. სოფ. ჭალალოღლიში 2 გლეხს საკუთრებაში ჰქონდა 712 ჰა მიწა, ბორჩალოს მაზრაში ცხოვრობდა სოფლის ბობოლა, რომელიც მიწათმოქმედებასა და მეცხოველეობას ეწეოდა 2 ათას ჰა საკუთარ მიწაზე. XX ს. დამდეგს თიანეთის მაზრის ერწოს უბანში მეურნეობას ეწეოდა რამდენიმე კულაკი, რომელთაც ათასობით ჰა საკუთარი და იჯარით აღებული მიწა ჰქონდათ. მეორე მხრივ, იმავე ერწოს უბანში ბლომად ცხოვრობდნენ ღარიბი გლეხები, რომელთაც არ გააჩნდათ საკუთარი ნათესები და საკუთარი სამუშაო ძალის გაყიდვით ძლივს ახერხებდნენ არსებობას.

დიდი მიწის მფლობელი გლეხები, როგორც წესი, მდიდრები იყვნენ. ზოგი მათგანი მიწის რენტით ცხოვრობდა. უფრო მეტი, ბუნებრივი პირობებისა და ბაზრის კონიუნქტურის შესაბამისად, ფართო მასშტაბით ეწეოდა მემინდვრობას, მევენახეობა-მელვინეობას, მეცხოველეობას და სოფლის მეურნეობის სხვა დარგებს. მევენახეობის რაიონებში იყვნენ კულაკები, რომელთაც 3—5, 7—10 ჰა ვენახი ჰქონდათ და დიდი რაოდენობით აწარმოებდნენ სასაქონლო ღვინოს. ზოგიერთ გლეხს 20—30 და 50 ჰა ნათესი გააჩნდა. კულაკთა ხელთ იყო კონცენტრირებული მუშაპირუტყვის დიდი ნაწილი.

სიღნაღის მაზრაში სახელმწიფო გლეხთა 6% ფლობდა მთელი მუშაპირუტყვის 40%-ს. ასეთ გლეხებს მინდვრად საკუთარი გუთნეულა გაჰყავდათ. გლეხობის ნახევარს კი არც მუშაპირუტყვი ჰყავდა და არც გუთანი გააჩნდა. მათ მიწის დამუშავება შეეძლოთ მხოლოდ საამხანაგო გუთნეულით.

დასავლეთ საქართველოში მიწათმოქმედების წარმოება შედარებით ადვილი იყო. იქ არ იყო საჭირო საწარმოო არტელების შექმნა. ნიადაგისა და კლიმატის თავისებურება იმის შესაძლებლობას ქმნიდა, რომ გლეხს 1—2 უღელი ხარით დაეხნა თავისი მიწა და შეესრულებინა სხვა აუცილებელი სამუშაოები. მაგრამ გლეხობის დიდი ნაწილისათვის უღელი ხარიც საოცნებო საგანი გახდა. XIX—XX სს. მიჯნაზე მუშა პირუტყვი სულ არ გაჩნდა: ქუთაისის მაზრაში 7 ათას კომლს, შორაპნის მაზრაში 11 ათას კომლს, ოზურგეთის მაზრაში 6700 კომლ გლეხს. მათ ან მეზობელი მდიდარი გლეხებისათვის უნდა ეთხოვათ დახმარება, ან თოხითა და ბარით ეკოდვილათ მცირე მიწის ნაკვეთებზე.

მდიდარი გლეხების ხელთ მოექცა პროდუქტიული პირუტყვის დიდი ნაწილი. კახეთში იყვნენ კულაკები, რომელთაც 100—300 ძროხა და 500—1000 ცხვარი ჰყავდათ. მეცხოველეობას, კერძოდ მეცხვარეობას, განსაკუთრებით ფართოდ აღმოსავლეთ საქართველოს მთიანეთში მისდევდნენ. თუშეთში იყვნენ გლეხები 2—5 ათას სულიან ფარებს რომ ევლობდნენ, ხოლო დუშეთის მაზრის მთიელებიდან ზოგი გამდიდრებული ბობოლა 10 ათას სულიან ფარებს აძოვებდა იალაღებსა და ყიშლაღებზე. ასეთ კომლებს, რა თქნა უნდა, არ აკმაყოფილებდა ოჯახში არსებული მუშახელი, ისინი 10—50 და ზოგჯერ 100 მწყემსსაც კი ქირაობდნენ.

ამგვარად, სასაქონლო-ფულადი ურთიერთობის სავაჭრო მიწათმოქმედებისა და კაპიტალიზმის განვითარების უშუალო შედეგს, მის გამოხატულებას წარმოადგენდა გლეხობის კლასობრივი დიფერენციაცია, გლეხური ბურჟუაზიისა და სოფლის პროლეტარიატის წარმოშობა, მაგრამ გლეხობის დაშლის პროცესი არა თუ XIX—XX სს. მიჯნაზე, სოციალისტური რევოლუციის წინა დღეებშიც არ იყო დამთავრებული. გლეხობა, როგორც კლასი, კვლავ არსებობდა. მისი ძირითადი ბირთვი იყო საშუალო გლეხობა, რომელიც გლეხური წარმოშობის მოსახლეობის ნახევარს შეადგენდა. დაახლოებით 5 პროცენტი სოფლის ბურჟუაზიად, ხოლო 45 პროცენტი სოფლის პროლეტარიატად გადაიქცა. საქართველო წარმოადგენდა გლეხური პარცელიური მეურნეობის კლასიკურ ქვეყანას. სრულიად უმიწაწყლო ლატაკები შედარებით მცირე იყო. აქ თითქმის ყველას ჰქონდა სანადელო, საიჯარო, თუ საკუთარ მიწაზე მოწყობილი მცირე მეურნეობა, მაგრამ გლეხური მოსახლეობის თითქმის ნახევარს სანახევროდაც არ ჰყოფნიდა ამ მინიატურულ მეურნეობაში მიღებული სურსათ-სანოვაეც. ამიტომ ძალიან ბევრი მიმართავდა დამხმარე სარეწებს და სა-

მოვარზე გასვლას. ისინი სასაქონლო-ფულად და კაპიტალისტურ ურთიერთობაში ებმებოდნენ როგორც საკუთარი სამუშაო ძალის გამყიდველნი და საარსებო საშუალებათა მყიდველნი.

სამუშაო ძალის ბაზარი და დაქირავებული მუშების კონტინგენტი ნეტაკლები მასშტაბით საქართველოს ყველა კუთხეში არსებობდა. სოფლის პროლეტარათა შრომას იყენებდნენ როგორც მემამულურ, ისე ბურჟუაზიულ (მათ შორის კულაკურ) მეურნეობებში. მაგრამ გლეხობის გალატაკებული მასის დიდი ნაწილი ადგილზე სამუშაოს ვერ პოულობდა, ისინი მშობლიურ სოფლებს სტოვეტუნენ და საშოვარზე გადიოდნენ რუსეთის იმპერიის სხვადასხვა მხარეებში.

ლატაკი გლეხის გარე სამუშაოებზე გასვლა არც დამოუკიდებელი, ფეოდალური საქართველოსათვის იყო უცხო მოვლენა. სვანები, რაჭველები და სხვა კუთხეთა მთიელები და ბარელები ქალაქებში ჩადიოდნენ დანატებით შემოსავლის მისაღებად. საქართველოს რუსეთთან შეერთების შემდეგ ქალაქების მიზიდულობის ძალა კიდევ უფრო გაიზარდა, გარე სამუშაოებისაკენ თანდათან მზარდი რაოდენობით გადიოდა მშრომელი გლეხობა. მაგრამ ამ პროცესს აფერხებდა ბატონყმობა. სამეგრელოს მთავარს, მაგალითად, თბილისში ჰყავდა სპეციალური რწმუნებული, რომლის მოვალეობას შეადგენდა მოენახა ჰენატონეთა უნებართვოდ იქ ჩასული გლეხები, დაებრუნებინა ისინი უკან. სხვა მებატონეებიც ასევე ღებდნენ ქალაქებში გაქცეულ გლეხებს. დიდ ნაწილს უკან აბრუნებდნენ და მიწაზე ამაგრებდნენ.

მთავრობამ და მებატონეებმა სპასპორტო სისტემის შემოღებით სცადეს ამ მოვლენის რეგულირება. ბატონყმობის გაუქმების წინ, 1862 წელს საშოვარზე წასვლის მიზნით პასპორტი აიღო: ქუთაისის მაზრაში — 386 კაცმა, შორაპნის — 487, ახალციხის — 625, რაჭის მაზრაში — 1253 კაცმა. უნებართვოდ გარესსამუშაოებზე წასულთა რაოდენობას სტატისტიკა ვერ აღრიცხავდა.

ბატონყმობის გაუქმების შემდეგ, როცა გლეხთა საგრძნობი ნაწილი საწარმოო საშუალებებისგანაც (მიწა) განთავისუფლდა, საშოვარზე გასულთა რიცხვი თანდათან გაიზარდა. 1867 წელს, მაგალითად, რაჭიდან გარესსამუშაოებზე წავიდა 4 ათასამდე გლეხი. ამიტომ იყო, რომ უკვე 1873 წელს რაჭის მაზრის უფროსი საშოვარზე გასვლას „რაჭველებში განმტკიცებულ ჩვეულებას“ უწოდებდა.

გლეხობის სოციალური დიფერენციაციის გაღრმავებისა და მიმოსვლის საშუალებათა (რკინიგზები, გზატკეცილები) განვითარების პარალელ-

ლურად, გარესამუშაოებზე გასულთა რაოდენობა სწრაფად იზრდებოდა. 1892 წელს ქუთაისის გუბერნიის 6 მაზრიდან (ქუთაისის, ზუგდიდის, სენაკის, ოზურგეთის, რაჭის, შორაპნის) საშოვარზე გავიდა 20 ათასამდე, 1897 წელს კი 30 ათასამდე გლეხი. აღმოსავლეთ საქართველოში გლეხთა საშოვარზე გასვლის შედარებით მეტი მასშტაბით გამოირჩეოდნენ გორის, დუშეთის, თიანეთისა და ბორჩალოს მაზრები. გარესამუშაოებზე გასულთა ასპარეზი იყო ამიერკავკასიის ქალაქები და სოფლები, შავი ზღვის ნავსადგურები, შუა აზია, ციმბირი, შორეული აღმოსავლეთი. საშოვარზე გასულთა მცირე ნაწილი მუშაობდა ფაბრიკა-ქარხნებში, უფრო მეტი კი ავსებდა სავაჭრო ოპერაციებთან დაკავშირებულ სეზონურად და დღიურად დაქირავებულთა რიგებს. ბევრი ეწეოდა ხურობას, მკვლარობას, მზარეულობას, შინამოსამსახურეობას და სხვ.

გარესამუშაოებზე გასულნი თავიანთი საქმიანობის გაადვილებისა და შრომის განაწილების მიზნით, ხშირად ამხანაგობებს ქმნიდნენ. თუ ერთი სოფლიდან ზამთრის პირზე თბილისში ჩამოვიდა, ვთქვათ, 10 კაცი, მომდევნო წლის გაზაფხულზე მუშათა ამ რიცხვიდან მხოლოდ ნახევარი ბრუნდებოდა უკან სასოფლო-სამეურნეო სამუშაოთა შესასრულებლად. ისინი ვალდებული იყვნენ მიწის ნაკვეთის დამუშავებაში დახმარებოდნენ ქალაქში დარჩენილ თანასოფლელ მუშების ოჯახებსაც. ზამთრის პირზე ეს 5 კაცი კვლავ ბრუნდებოდა თბილისში, რათა მეორე ზაფხულს თვით დარჩენილიყვნენ იქ, ხოლო მათი 5 ამხანაგი სოფლად მიდიოდა იმავე ფუნქციით. ასე იცვლებოდნენ ისინი წლიდან წლამდე, წელზე ფეხს იდგამდნენ, რათა მოეპოვებინათ საარსებო საშუალებანი, რამდენადმე მაინც გაეუმჯობესებინათ ოჯახის ეკონომიური მდგომარეობა. შრომის ასეთი განაწილება განსაკუთრებით საჭირო იყო მარტოხელა მცირემიწიანი გლეხებისათვის. ამით ახერხებდნენ ისინი როგორც მიწის ნაკვეთების დამუშავებას, ისე დროის რაციონალურად გამოყენებას გარეშე გამომუშავებისათვის, შრომის განაწილების ასეთი ფორმა, შემოსავლის გაყოფის ხასიათზეც მიუთითებს: ამხანაგობის ყველა წევრი სამუშაო ძალის გაქირავებით მიღებული შემოსავლიდან თანაბარ წილს ღებულობდა.

საშოვარზე გასულთა შრომისა და ცხოვრების პირობები მეტად მძიმე იყო. იმდროინდელი დამკვირვებელი ასე აგვიწერს ტვირთის მზიდავი მუშის მდგომარეობას: ზაფხულის სამუშაოების დამთავრების შემდეგ იგი ტოვებს თავის კუთხეს. ხშირად არ იცის სად იზოვის სამუშაოს, ჯიბეში კი ერთი გროშიც არ უღევს. ქალაქში ჩასული მეკურტნე მუდამ

ბაზარშია, სადაც სწარმოებს ყიდვა-გაყიდვა და სადაც მეტია მოთხოვნა ტვირთის მზიდავ მუშის შრომაზე. თბილისისა და ქუთაისის მცხოვრებლები ყოველთვის ხედავენ მძიმე ტვირთით წელში მოხრილ, დამჭირავებლის უკან მიმავალ მუშას. ყველა შესაძლო გაჭირვებით ავსილი მუშის ცხოვრება არის უთავშესაფრო პროლეტარის საქმიანობა. თუ ბედმა არ გაუღიმა მეკურტნეს და განსაზღვრული სამუშაოს შესრულებისათვის თანამემამულე მეპურისაგან არ მიიღო ბნელ სარდაფში თავის შეფარების უფლება, მას ღამის გათევა მოუხდება ქუჩებში, ბალებში, სახლების შესასვლელებთან და ღუქნების დახურულ კარებებთან. იკვებება მუწა შავი პურითა და მწვანელით. უდრტივნველად ატარებს რა ესოდენ მძიმე ცხოვრებას, იგი ამავე დროს ცდილობს გაიგოს სად მეტია მოთხოვნილება შრომაზე, სად შეიძლება მეტი გასამრჯელოს მიღება. მუშა ბევრს არ ფიქრობს, მოაგროვებს თავის ბარგიბარხანას და მიდის „ალტქმულ ქვეყანაში“. მას ხედავენ ბათუმში, სოხუმში, ფოთში, ქერჩში, სევასტოპოლში, თბილისში. ყველგან მიდის იგი თავის „ცხენური“ ძალით, უსაზღვრო მოთმინებით და გროშების შოვნის დიდი სურვილით.

თავის კუთხის გარეთ შრომა-საქმიანობით სოფლის პროლეტართა მხოლოდ უმნიშვნელო ნაწილი ახერხებდა ეკონომიკური მდგომარეობის რამდენადმე გაუმჯობესებას. საშოვარზე გასულთა ძირითადი მასის გამომუშავება კი სრულიად უმნიშვნელო იყო. არაადამიანურად მძიმე შრომითაც ვერ ივსებდნენ ისინი მცირემიწიანობით გამოწვეულ საარსებო საშუალებათა დანაკლისს.

ამგვარად, სოფლის მშრომელი მოსახლეობის მნიშვნელოვანი ნაწილი პროლეტარიატის ღონემდე იყო დასული, საარსებო საშუალებებს საშოვარზე სიარულით და საკუთარი სამუშაო ძალის გაყიდვით პოულობდა. მიუხედავად ამისა, გადატაკებული გლეხობის შედარებით მცირე ნაწილი გადადიოდა სამრეწველო მუშათა კლასის რიგებში, უმრავლესობა ქალაქს თავისი შრომითი საქმიანობის დროებით ასპარეზად თვლიდა, იმაზე ოცნებობდა, რომ აღებული გროშებით სოფლად საკუთარი მეურნეობა გაეფართოებინა. XIX—XX სს მიჯნაზე, კულაკთა ხელში მიწების კონცენტრაციის პარალელურად, მიმდინარეობდა საკუთრების პარცელაციის პროცესიც. მინიატურულ მეურნეთა რიცხვი იზრდებოდა. მაგრამ მათ ცალი ფეხი საკუთარ მიწაზე ედგათ, მეორე კი დამჭირავებლის წარმოებაში.

სოფლის მოსახლეობის სოციალური სტრუქტურა. კლასობრივი ანტაგონიზმის ხასიათი და გლეხობის განმათავისუფლებელი ბრძოლა XIX—XX სს. მიჯნაზე

XIX საუკუნეში, მშვიდობიანობის დამყარებისა და ეკონომიკური აღმავლობის გამო, საქართველოს მოსახლეობა თითქმის ოთხჯერ გაიზარდა. მართალია გაცილებით მაღალი იყო ქალაქის მოსახლეობის ზრდის ტემპი, მაგრამ ამ საუკუნის ბოლოსაც საქართველოს მოსახლეობის თითქმის 85 % -ს სოფლის მცხოვრებნი შეადგენდნენ.

1897 წელს, რუსეთის იმპერიის საყოველთაო აღწერის დროს, საქართველოში აღირიცხა 2 109 273 მცხოვრები, საიდანაც 1 786 962 (84,7 %) სოფლის მკვიდრი იყო, 322 312 კი ქალაქისა. შრომისუნარიანი მოსახლეობის 70 % სოფლის მეურნეობაში იყო დასაქმებული.

კ. მარქსი და ვ. ი. ლენინი კაპიტალისტური საზოგადოების ძირითად კლასებად თვლიდნენ მიწათმფლობელებს, კაპიტალისტებსა და მუშებს. გლეხობას მარქსიზმის კლასიკოსები მიჩნევდნენ ფეოდალიზმის დროიდან შემორჩენილ არაძირითად კლასად, არამყარ სოციალურ ფენად, რომელიც კაპიტალიზმის განვითარების პროცესში იშლებოდა, თანდათან ავსებდა ბურჟუაზიისა და პროლეტარიატის რიგებს.

რუსეთის იმპერიის ერთ-ერთი განაპირა მხარე საქართველო, რა თქმა უნდა, არ იყო მაღალგანვითარებული კაპიტალისტური ქვეყანა, მაგრამ აქაც ფართოვდებოდა სავაჭრო და კაპიტალისტური მიწათმოქმედება, კაპიტალისტური მრეწველობა, რაც დიდ ცვლილებებს იწვევდა მოსახლეობის სოციალურ სტრუქტურაში. ძველი ფეოდალური წოდებების ადგილს თანდათან კაპიტალისტური საზოგადოების კლასები იკავებდნენ.

XIX—XX სს. მიჯნაზე ქართველი თავდაზნაურობა უკვე აღარ წარმოადგენდა ერთიან წოდებასა და კლასს, უკვე მომხდარი იყო მისი სოციალურ-ეკონომიკური დიფერენციაცია. ამ დროს ძირძველი თავდაზნაურობა საქართველოს მოსახლეობის 4 % -ს შეადგენდა; მაგრამ ნახევარს დაკარგული ჰქონდა ეკონომიკური შეძლება და პოლიტიკური წონა. მეწარმე თავდაზნაურთა გამრავლება, რენტისა და კრედიტის კაპიტალისტური ფორმების დანერგვა არსებითად ცვლიდა ძველ წოდებას. მიმდინარეობდა ფეოდალური საკუთრებისა და მემამულური მეურნეობის ბურ-

ჟუზიული ევოლუცია თავადაზნაურთა ერთი ნაწილი კაპიტალისტური საზოგადოების მიწათმფლობელთა კლასს ქმნიდა, საერთოდ, მიწათმფლობელი თავადაზნაურობა ორმაგი ბუნების იყო,—ფეოდალური წოდებისა და კაპიტალისტური კლასის ნიშნებს აერთიანებდა, იყენებდა როგორც ფეოდალური, ისე კაპიტალისტური ექსპლუატაციის ფორმებს.

თავადაზნაურობის ხელთ რჩებოდა კერძო მესაკუთრული მიწების უდიდესი ნაწილი. XX ს. დამდეგს საქართველოში ითვლებოდა თავადაზნაურთა 18741 მამული, რომლებსაც ფართობის სიდიდის მიხედვით იმდროინდელი სტატისტიკოსები 4 ჯგუფად ყოფდნენ: წვრილი (2,5 ჰექტარამდე), საშუალო (25—100 ჰა), მსხვილი (100—500 ჰა) და ძალიან მსხვილი (500 ჰექტარზე მეტი). აღმოსავლეთ საქართველოში მამულების 53% წვრილი იყო, 24% საშუალო, 17% მსხვილი და 6% ძალიან მსხვილი. წვრილი და საშუალო მამულების საერთო ფართობი შეადგენდა 97047 ჰა-ს (9,8 %), ხოლო მსხვილი და ძალიან მსხვილი მამულების ფართობი უდრიდა 859108 ჰა-ს (90,2%). მარტო 361 ძალიან მსხვილი მამულის (6,44 %) საკუთრებაში იყო 676 ათასი ჰა, ანუ თავადაზნაურთა მთელი მიწის ფონდის 68%. მიწის ფონდი კიდევ უფრო უთანაბროდ იყო განაწილებული დასავლეთ საქართველოში. აქ 82 უმსხვილესი მემამულე (0,84 %) ფლობდა 317 ათას ჰექტარს, ანუ თავადაზნაურთა მთელი მიწის 64 %.

საქართველოში კიდევ უფრო მსხვილი მიწათმფლობელი იყო რუსეთის სახელმწიფო ხაზინა, მის საკუთრებას შეადგენდა 2,56 მლნ ჰა მიწა, ანუ მთელი მიწის ფონდის 47 %.

ამგვარად საქართველოში მიწაზე თითქმის მონოპოლიურ საკუთრებას ხაზინა და თავადაზნაურობა ინარჩუნებდა. მათ ხელში იყო მთელი მიწის ფონდის 78 %. დანარჩენი მიწებიდან უმეტესობა არათავადაზნაურული წარმოშობის მფლობელებს (ვაკრებსა და მრეწველებს) ეკუთვნოდა. გლეხობის საკუთრებაში კი იყო 500 ათასი ჰა, ანუ მთელი მიწის ფონდის 7—8 %.

ხაზინისა და თავადაზნაურობის ხელში მიწის საკუთრების მონოპოლია განაპირობებდა იმას, რომ გლეხობა მემამულეთა ეკონომიკურ და კაბალურ დამოკიდებულებაში იმყოფებოდა, მიწით სარგებლობის საზღაურად მაღალ რენტას იხდიდა. მსხვილი თავადაზნაურული მიწათმფლობელობის ბაზაზე ძალიან დიდხანს შემორჩა დროებითვალდებულების ინსტიტუტი. 1912 წლამდე აღმოსავლეთ საქართველოში ყოფილ საბატონო გლეხთა 74 % დროებითვალდებულებაში რჩებოდა. დასავლეთ

საქართველოში ნადელთა გამოსყიდვის პროცესი გაცილებით სწრაფი იყო, მაგრამ 1912 წელს დროებითვალდებულების უღელს კვლავ ატარებდა 19 ათასი კომლი გლეხი.

მართალია, გლეხობას მეტ-ნაკლები მოცულობით გააჩნდა ნადელები, თანდათან ფართოვდებოდა მათ მიერ ნაყიდი, კერძო საკუთრებაში მყოფი მიწების ფართობიც, მაგრამ სოფლის უშუალო მწარმოებელი მოსახლეობის დიდი ნაწილი მწვავედ განიცდიდა მცირემიწიანობას და იძულებული იყო მიწის იჯარისათვის მიემართა.

ვ. ი. ლენინმა დაასაბუთა, რომ რუსეთის გადატყეპული მცირე მიწიანი გლეხობის დაპირისპირება დასავლეთ ევროპის პროლეტარიატისათვის აშკარა შეცდომა იყო. აკრიტიკებდა რა ლიბერალი ხალხოსნების თვალსაზრისს რუსეთის წვრილი გლეხობის მატერიალური კეთილდღეობის შესახებ, ვ. ი. ლენინი წერდა: „სინამდვილეში ამ გლეხობის მასა ბევრად უფრო ცუდ მდგომარეობაშია ჩაყენებული, ვიდრე სოფლის პროლეტარიატი იმყოფება დასავლეთ ევროპაში. . . . ფისკალური დაწესებულებები რომ ხელოვნურად არ უკავშირებდნენ ერთმანეთს შეძლებულ და ღარიბ გლეხობას, აუცილებელი გახდებოდა ამ უკანასკნელის ოფიციალური მიკუთვნება სწორედ პაუპერებისადმი და ეს უფრო ზუსტად და უფრო მართებულად განსაზღვრავდა თანამედროვე საზოგადოების დამოკიდებულებას მოსახლეობის ამ ფენისადმი“.¹

ვ. ი. ლენინმა ოსტატურად გახსნა წვრილი გლეხური მეურნეობის „დამოუკიდებლობის“ ხასიათი და „გამძლეობის“ მიზეზი. „ჩვეულებრივ,—წერდა ვ. ი. ლენინი,—იმოწმებენ სტატისტიკის მონაცემებს, რაც ვერ ადასტურებს მსხვილი მიწათმფლობელების მიერ წვრილის განდევნას. მაგრამ ეს მონაცემები მხოლოდ იმას მეტყველებენ. რომ მიწათმოქმედებაში კაპიტალიზმის განვითარების პროცესი გაცილებით უფრო რთულია, ვიდრე მრეწველობაში... მიწათმოქმედებაში კი წვრილი წარმოების განდევნას, უწინარეს ყოვლისა, ხელს უშლის მიწის ფართობის შეზღუდულობა; წვრილი ნაკვეთების შესყიდვა მსხვილის შესაქმნელად—მეტისმეტად ძნელი საქმეა. მსხვილი მიწათმფლობელობისათვის არც იქნებოდა ხელსაყრელი წვრილის საყვებით განდევნა: უკანასკნელი მას მუშახელს აწვდის. ამიტომ ხშირად მიწათმფლობელებსა და კაპიტალისტებს ისეთი კანონები გაჰყავთ, რომელნიც ხელოვნურად ამაგრებენ წვრალ გლეხობას. წვრილი მიწათმოქმედება მტკიცე მდგომარეობას მაშინ იძენს, როდესაც იგი აღარ

¹ ვ. ი. ლენინი, თხზ., ტ. 4. გვ. 105—106.

წარმოადგენს მეტოქეს მსხვილი მიწათმოქმედებისათვის, როდესაც მისთვის მუშახელის მიმწოდებელი ხდება. მსხვილ და წვრილ მიწათმფლობელთა ურთიერთობა სულ უფრო და უფრო უახლოვდება ურთიერთობას კაპიტალისტებსა და პროლეტარებს შორის¹. ამდენად, წვრილ გლეხს იმიტომ შეეძლო თავის მცირე ნაკვეთზე ეკოდვილა, რომ მას ჰქონოდა გარეშე შემოსავალი იმ შემთხვევაში, როცა არ ხერხდებოდა საკუთარი მინიატურული მეურნეობის შეთავსება ქირაზე მუშაობასთან, გლეხი საკუთარი სამუშაო ძალის გაყიდვას არჩევდა. მაგრამ თითქმის ყველგან და საქართველოშიც შესაძლებელი იყო ასეთი შეთავსება. მინიატურულ მეურნეობათა ბატონები უმეტეს დროს გარე სამუშაოებზე იყვნენ გასული, საარსებო საშუალებებს ძირითადად საკუთარი სამუშაო ძალის გაყიდვით პოულობდნენ. სოფლის გაღატაკებული მასა ქმნიდა ძირითადად მუშათა კლასის სარეზერვო არმიას, მისი შევსების წყაროს.

1901 წელს ვ. ი. ლენინი წერდა: „თანამედროვე რუსეთის სოფელში შეთავსებულია ორგვარი კლასობრივი დაპირისპირება: ჯერ ერთი, სოფლის მუშებსა და სოფლის მეწარმეთა შორის, მეორე, მთელ გლეხობასა და მთელ მემამულეთა კლასს შორის. პირველი დაპირისპირება ვითარდება და იზრდება, მეორე—თანდათან სუსტდება. პირველი—ჯერ კიდევ მთლად მომავალს ეკუთვნის, მეორე—მეტწილად უკვე წარსულს ჩაბარდა და მიუხედავად ამისა, თანამედროვე რუსი სოციალ-დემოკრატებისათვის სწორედ მეორე დაპირისპირებას აქვს უფრო მეტად არსებითი და პრაქტიკულად უფრო დიდი მნიშვნელობა“². სასოფლო-სამეურნეო მუშების კლასობრივი თვითშეგნების ამდლებისათვის რომ უნდა ვიმუშაოთ, განაგრძობს ვ. ი. ლენინი, ეს ყველა სოციალისტისათვის ცხადია. „მაგრამ ჩვენი სოფლის მუშები ჯერ კიდევ მეტისმეტად მჭიდროდ არიან დაკავშირებული გლეხობასთან, მათ ჯერ კიდევ უხუთავს სულს საერთო-გლეხური სიდუხჭირე, და იმიტომ საერთო-ნაციონალურ მნიშვნელობას სოფლის მუშათა მოძრაობა ვერავითარ შემთხვევაში ვერ მიიღებს ვერც ახლა და ვერც ახლო მომავალში. პირიქით, ბატონყმური ნაშთების აღგვის, რუსეთის სახელმწიფოს ყოველგვარი წესებიდან წოდებრივი უთანასწორობისა და ათეული მილიონობით „მდაბიო ხალხის“ დამცირების სულისკვეთების აღმოფხვრის საკითხს უკვე ამჟამად აქვს საერთო-ნაციონალური

¹ ვ. ი. ლენინი, თხზ., ტ. 4. გვ. 106—107.

² იქვე, გვ. 521.

მნიშვნელობა, და პარტიას, რომელიც თავისუფლებისათვის მოწინავე მებრძოლის როლს ჩემულობს, არ შეუძლია ამ საკითხს თავი აარიდოს¹.

საქართველოში გაცილებით მეტი მასშტაბით რჩებოდა ბატონყმობის ნაშთები. ვიდრე რუსეთში. ამდენად, ვ. ი. ლენინის ზემოქმედებით სიტყვები უფრო ზუსტად ასახავენ საქართველოს სინამდვილეს, აქ განვითარებული სოციალური ანტაგონიზმისა და კლასობრივი ბრძოლის ხასიათს. საქართველოს სოფელში, მართალია, თანდათან მწვევდებოდა წინააღმდეგობა შრომასა და კაპიტალს შორის, მაგრამ თვით 1917 წლამდე აშკარად სჭარბობდა ბატონყმობის ნაშთების საფუძველზე აღმოცენებული კლასობრივი წინააღმდეგობა და ამ ნაშთების მოსპობისათვის წარმოებული რევოლუციური ბრძოლა.

რუსეთის ცარიზმი, მართალია, მზარდი ბურჟუაზიული საზოგადოებისა და საერთო დემოკრატიული მოძრაობის წინაშე გარკვეულ დამოუბაზე წავიდა, გაატარა აგრარული, ადმინისტრაციული, სასამართლო და საქალაქო რეფორმები, ქალაქისა და სოფლის მოსახლეობას თითქოს თვითმმართველობაც უბოძა, მაგრამ იგი ძირითადად მაინც თავდაზნაურობის ინტერესთა სადარაჯოზე იდგა. მეფის მთავრობის რეაქციული პოლიტიკით იყო ძირითადად განპირობებული ის გარემოება, რომ XX ს-ის დამდეგამდე ხელუხლებელი დარჩა თავდაზნაურობის წოდებრივი პრივილეგიები, მიმამოღეთა ლატიფუნდიზმი და აგრარული ურთიერთობის კაბალური ფორმები. რუსეთის იმპერიაში ერთმანეთს ეხლართებოდა მშრომელი მასების ექსპლუატაციის ნახევრად ბატონყმური და კაპიტალისტური სახეები, რასაც კიდევ უფრო აუტანელს ხდიდა ცარიზმის მიერ შექმნილი პოლიტიკური ჩავკრის სისტემა. ამან განაპირობა რევოლუციური მოძრაობის ცენტრის დასავლეთ ევროპიდან რუსეთში გადმონაცვლება, იმპერიის ხალხთა პროგრესული ძალების წინაშე ცარიზმის დამხობისა და ბატონყმობის ნაშთების მოსპობის ამოცანის დასმა.

მაგრამ რუსეთის ბურჟუაზიულ-დემოკრატიული რევოლუცია დასავლეთის ბურჟუაზიული რევოლუციებისაგან განსხვავებით დაიწყო და გაიშალა სოციალ-დემოკრატიული განვითარების გაცილებით მაღალ საფეხურზე, რაც აადვილებდა სოციალისტურ რევოლუციაში მის გადაზრდას. XX ს-ის დამდეგს რუსეთში და იმპერიის პერიფერიების უმრავლესობაში უკვე არსებობდა რევოლუციური პროლეტარიატი, შექმნილი იყო ახალი ტიპის კომუნისტური რევოლუციური პარტია, რომელიც ხელმძღვანელობდა

¹ ვ. ი. ლენინი, თხზ., ტ. 4, 1955. გვ. 522.

პროლეტარიატსა და გლეხობას ყოველგვარი ექსპლუატაციის მოსპობისათვის ბრძოლაში. ამ ფაქტორების ერთობლიობამ განაპირობა ის, რომ რუსეთი ექცა მსოფლიო იმპერიალისტური ჯაჭვის სუსტ რგოლად. რუსეთის პროლეტარიატს დააკისრა ისტორიამ პირველი სოციალისტური რევოლუციის განხორციელების საპატიო მისია.

საქართველოს მშრომელი მოსახლეობა რევოლუციურ ძალთა ერთერთ მოწინავე რაზმს ქმნიდა. საქართველოს მუშათა კლასსა და გლეხობას თავისი დიდი წვლილი შექჰონდა განმათავისუფლებელ მოძრაობაში



გლეხთა ანტიბატონყმური ბრძოლის არნახული მასშტაბით გაფართოებამ, ანტიბატონყმური იდეოლოგიის ჩამოყალიბებამ და ზედა ფენების კრიზისმა განაპირობა XIX ს. 50—60-იანი წლების მიჯნაზე რევოლუციური სიტუაციის შექმნა, რამაც აიძულა ცარიზმი ზვევიდან გაეუქმებინა ბატონყმობა, მაგრამ ზედაფენების მიერ გატარებულმა აგრარულმა რეფორმამ დიდი რაოდენობით დატოვა ბატონყმობის ნაშთები, რომლის მოსპობისათვის ქართველი გლეხობა 50 წელი იბრძოდა. ეს იყო სწორედ პირველი სოციალური ომი, მთელი გლეხობის ბრძოლა დროებითვალდებულების ინსტიტუტის, კაბალური იჯარის, მსხვილი თავადაზნაურული მიწათმფლობელობის მოსპობისათვის.

სოციალური უსამართლობის, მეფის მთავრობის ბიუროკრატიული აპარატის წინააღმდეგ საქართველოში მასობრივი აჯანყებები მოხდა მეფის სატრაპებმა სისხლში ჩაახშეს სვანეთის 1875—1876 წწ. აჯანყება, სამეგრელოს გლეხთა 1876 წლისა და კახეთის გლეხთა 1878 წლის აჯანყებები.

XIX ს. 80—90-იან წლებში გლეხთა მასობრივი აჯანყებანი აღარ მომხდარა, მაგრამ ეს სულაც არ ნიშნავს სოციალური ანტაგონიზმისა და კლასობრივი ბრძოლის შესუსტებას. ამ პერიოდში ძალიან ფართო მასშტაბი მიიღო გლეხთა კლასობრივი ბრძოლის ისეთმა ფორმებმა, როგორიც იყო დალა-გადასახდელელებზე უარის თქმა, მემამულეების ტყე-საძოვრებით თვითნებური სარგებლობა, თავადაზნაურთა სახლ-კარის განადგურება, ყველაზე უფრო საძულველ მემამულეთა მკვლელობა, ყაჩაღობა-ფირალობა.

მემამულეებისა და დროებითვალდებულ გლეხთა აგრარული ურთიერთობა თანდათან მწვავედებოდა. მხარეები ძალიან ხშირად მიმართავდნენ მომრიგებელ შუამავლებსა და მთავრობის ბიუროკრატიული აპა-

რატის სხვადასხვა ინსტანციებს. 1867-დან 1880 წლამდე თბილისის გუბერნიის გლეხებმა და მემამულეებმა ერთმანეთის წინააღმდეგ აღძრეს 48 ათასი საჩივარი. ერთი საჩივრის უკან არაიშვიათად რამდენიმე კომლი, მთელი სოფელი იდგა, რაც ბრძოლის ამ ფორმის ფართო მასშტაბზე ლაღადებს. მემამულეები გლეხთა მიერ ღალა-კულუხის გადახდის დაგვიანების ან მისი გადაუხდელობის გამო ჩიოდნენ, გლეხები კი მემამულეებს გადამეტებულ პრეტენზიებში სდებდნენ ბრალს.

ფართოვდებოდა გლეხთა აქტიური ბრძოლის ფორმებიც. მოთმინება-მორჩილებიდან გამოსული გლეხები ანადგურებდნენ მემამულეთა კარმიდამოს. მარტო 1875 წელს თბილისის გუბერნიაში აღირიცხა მემამულეთა სახლ-კარის გადაწვის 150, 1883 წელს კი 155 შემთხვევა. გორის მაზრის უფროსი ზემდგომ ინსტანციებს მოახსენებდა, რომ მემამულეთა სახლ-კარის განადგურებამ ფართო მასშტაბი მიიღო. 1892—1894 წლებში შიდა-ქართლის გლეხებმა ააოხრეს, გაძარცვეს და ცეცხლი წაუკიდეს ი. მუხრანბატონის, ა. ციციშვილის, მაჩაბლების, ფალავანდიშვილების, ერისთავების, დიასამიძეების სახლ-კარს. იმავე დროს ბრძოლის ამ ფორმამ ფართო მასშტაბი მიიღო დასავლეთ საქართველოში. პროტესტის ნიშნად გლეხებმა დაარბიეს მიქელაძეების, ჩიჭავაძეების, ჭაფარიძეების და სხვ. თავადაზნაურთა კარ-მიდამო.

მხარეთა შეტაკებანი ხშირად სისხლის ღვრით თავდებოდა. 1877 წელს თბილისის გუბერნიაში ადგილი ჰქონდა მკვლევლობის 77 შემთხვევას, 1883 წელს — 107, 1891 წელს — 414 შემთხვევას. მკვლევობათა დიდ ნაწილს სოციალური სარჩული ედო, ბრძოლის ეს ფორმა ძირითადად მემამულეების წინააღმდეგ გამოიყენებოდა სოფ. ბრილის (შიდა ქართლი) გლეხებისა და თავად დიასამიძეთა შორის წინააღმდეგობა, მაგალითად, რეფორმის გატარებისთანავე აღმოცენდა. მთავრობის მოხელეთა დახმარებით მემამულემ ბევრი გლეხი აყარა მამაპაპური ადგილებიდან, სხვაგან გადაასახლა. ათი გლეხი დაემორჩილა ბედს, სხვები წინააღმდეგობას უწევდნენ ძალადობას, უარს ამბობდნენ დაწესებული ღალა-კულუხის გადახდაზეც. 1897 წელს ბრილში ჩავიდა მეფის მთავრობის მოხელე აბაშიძე, რათა მოერიგებინა მხარეები, მაგრამ გლეხებმა უარი თქვეს გულქვა მემამულესთან შერიგებაზე, მოითხოვეს ნადელგარეშე მიწებითა და ტყით უსასყიდლოდ სარგებლობის უფლება. მემამულეს თითქმის ყოველთვის ძალის გამოყენება, მთავრობისაგან გამოგზავნილი საეგზეკუციო რაზმის დახმარება სჭირდებოდა ღალა-კულუხის აკრფვისათვის. ასეთი გამწვავებული ურთიერთობის ლოგიკური შედეგი იყო გლეხთა მიერ თავად დიასამიძის მოკვლა.

სიღნაღის მაზრის თავადაზნაურთა წინამძღოლი თბილისის გუბერნატორს ატყობინებდა, რომ გახშირდა გლეხთა მემამულეებზე თავდასხმის შემთხვევები. მომრიგებელ მოსამართლეთა ჩარევა და მათ მიერ გამოტანილი განაჩენი ვერ უზრუნველყოფს მემამულეთა უშიშროებას. ამიტომ უმორჩილესად გთხოვთ ამ საქმეს სერიოზული ყურადღება მიექციოთ — იშუამდგომლეთ კავკასიის უმაღლესი ხელისუფლების წინაშე. რომ ურჩი და მემამბოხე გლეხების წინააღმდეგ მიიღოს მკაცრი ადმინისტრაციული ზომები. და მართლაც, ადმინისტრაციული წესით (სასამართლოს დადგენილების გარეშე) მემამბოხე გლეხების ციმბირს გადასახლება ჩვეულებრივი ამბავი გახდა. გახშირდა ეგზეკუციები. მარტო 1883—1884 წლებში დამსჯელი რაზმები გორის მაზრის 129 სოფელში ჩააყენეს.

არსებული სოციალურ-პოლიტიკური წყობილების წინააღმდეგ პროტესტის გამოხატულება იყო სოციალური შინაარსის ყაჩაღობა-ფარაღობა, რომელმაც განსაკუთრებით ფართო ხასიათი XIX ს. 80—90-იან წლებში მიიღო. იარაღასხმული, ტყედ გავარდნილი გლეხები, ინდივიდუალურად თუ ჯგუფურად, ტერორს მიმართავდნენ ყველაზე უფრო საძულველი მემამულეებისა და მოხელეების წინააღმდეგ. მშრომელმა გლეხობამ გმირის შარავანდედით შემოსა სანდრო ხუბულურის, დათუნა ჭურგულაძის, სიმონა დოლიძის, ტატო ჯიომეილის, ალექსი ხასიაშვილის, გოგია ლომჯარიას, სისონა დარჩიას, დვალიშვილის, ადეიშვილის, კვარაცხელიას, ლაკობიას და უსამართლობის წინააღმდეგ თავგანწირვით მებრძოლ სხვა ყაჩაღთა სახელები.

ინდივიდუალურად და ჯგუფურად მოქმედი ყაჩაღები ბლომად იყვნენ ქართლში, აფხაზეთში, გურია-სამეგრელოში. გაზეთ „დროების“ კორესპონდენტი 1881 წელს წერდა, რომ ქურდობა და ავაზაკობა ჩვენში თანდათან მატულობს, ადმინისტრაცია მკაცრ ღონისძიებებს მიმართავს. მაგრამ იმის გამო, რომ ყაჩაღებს ხალხი თანაუგრძნობს, თავშესაფარს აძლევს, მთავრობის მოხელეთა მოქმედება უშედეგოდ მთავრდებაო. კორესპონდენტი, როგორც ჩანს, ცენზურის თვალის ასახვევად ნათლავდა ყაჩაღებს ქურდებად და ავაზაკებად. ისე კი მანაც, ალბათ, კარგად იცოდა, რომ ხალხი არაერთად შემთხვევაში არ დაეხმარებოდა ქურდებსა და მძარცველებს, იგი თავშესაფარს მხოლოდ სოციალური უსამართლობის წინააღმდეგ მებრძოლ ყაჩაღებს აძლევდა, სწორედ ასეთი ყიდის ყაჩაღებმა მოკლეს ოზურგეთის მაზრის უფროსის მოადგილე, კაპიტანი დგებუაძე, მოურავი ჩიკაშუა, გაძარცვეს ვაჭარი თუმანოვი და გურიის

ეპისკოპოსი. ისინი არც მეღუქნეებსა და კულაკებს ინდობდნენ, სახალხო გმირის არსენას პრინციპით მოქმედებდნენ. მდიდრებს ართმევდნენ და ღარიბებს აძლევდნენ. „გურიაში, — წერდა „დროების“ კორესპონდენტი 1881 წელს, — დადგა შავი ღღეღი, არც ერთ მემამულეს, არც ერთ შეძლებულ გლეხს არ შეუძლია მშვიდი ძილი“. სამაგიეროდ ღარიბმა გლეხებმა ფირალების სახით ქომავნი და თავის ინტერესთა დამცველნი შეიცნეს, რომელთა მოქმედება რამდენადმე ბოჭავდა მთავრობის მოხელეებისა და მემამულეთა აღვირახსნილობას. ბუნებრივია, გლეხები ასეთ ფირალებს თანაუგრძობდნენ, საჭიროების შემთხვევაში თავშესაფარს აძლევდნენ. ოზურგეთის მაზრის ადმინისტრაციამ, მაგალითად, ვერაფრით ვერ შეძლო დათუნა სურგულაძის დაპატიმრება, „რადგა მისთვის ყოველთვის მზად იყო ღამის გასათევად სახლი, საკმელი და ყოველივე, რაც დასჭირდებოდა“.

XIX ს. 90-იან წლებში ფირალები კიდევ უფრო გააქტიურდნენ და მეფის მთავრობის კავკასიურმა ადმინისტრაციამაც საგანგებო ზომები განახორციელა მათ გასანადგურებლად. გურიაში სამხედრო წესები შემოიღეს, დაძაჩელი რაზმებიო ააჯანჯეს ეს პატარა მაზრა. სამხედრო გუბერნატორმა გლეხებს კატეგორიულად მოსთხოვა ფირალების გაცემა. მაგრამ ვერაფერს მიაღწია. სოფლებში ჩაყენებულმა საეგზეკუციო რაზმებმა გლეხთა გარკვეული ნაწილი კიდევ უფრო გააჩანაგა. ლიხაურის, აკეთის, ჭუმათის და ლანჩხუთის სასოფლო საზოგადოებებს ეგზეკუციამ 12 ათასი მანეთის ზარალი მიაყენა. ამასთან, დასახლებული სოფლების გლეხებმა დამსჯელი რაზმების მოქმედების წყალობით დაკარგეს ნორმალური ცხოვრების, შრომისა და ძილის საშუალება კი. გაზ. „ივერიის“ რედაქციას მიაჩნდა, რომ ეგზეკუციები და მთავრობის მოხელეთა სიმკაცრე საზოგადოებრივ წესრიგს ვერ დაამყარებდა, ესოდენ გამწვავებულ აგრარულ საკითხს ვერ გადაჭრიდა. პირიქით, გადამეტებული უხეშობა, ორმაგი უსამართლობა, რედაქციის განცხადებით, სხვასაც აუეხებდა მოთმინების ფილას, კიდევ უფრო გაზრდიდა ტყეში გაჭრილ ყაჩაღთა და ფირალთა რიგებს.

მკაცრი ზომების მიუხედავად, მეფის მთავრობის კავკასიურმა ადმინისტრაციამ ყაჩაღობა-ფირალობას ბოლო ვერ მოუღო, რადგან შექმნილ პირობებში ერთი შეპყრობილი და დასჯილი ყაჩაღის ადგილს მეორე იკავებდა. 1899 წელს მთავარმმართველმა ჩამოაყალიბა სპეციალური კომისია, რომელსაც „ყაჩაღობის“ გამომწვევი მიზეზების შესწავლა და მის წინააღმდეგ ბრძოლის ღონისძიებათა შემუშავება-განხორციელება დაევა. მაგრამ ამაოდ, ყაჩაღობა-ფირალობის აღკვეთა მთავრობამ ვერ

შეძლო, პირველი რევოლუციის წლებში ფირალები და ყაჩაღები აჯანყებულ გლეხებს შეუერთდნენ, წითელ რაზმებში შევიდნენ, ზოგი მათგანი რაზმის მეთაურიც გახდა.

ამავე პერიოდში გლეხობის კლასობრივი დაშლისა და სოფლად კაპიტალისტური ურთიერთობის განვითარების გამო აღმოცენდა ანტაგონიზმი შრომასა და კაპიტალს შორის, ჩაისახა მეორე სოციალური ომის კონტურები. სოფლის პროლეტარები და ღარიბი გლეხები მართო ბატონყმობის ნაშთებისა და თავადაზნაურობის წინააღმდეგ როდი იბრძოდნენ. ისინი მტრულად უპირისპირდებოდნენ აგრეთვე მათსავე წრიდან გამოსულ კულაკებსა და ვაჭარ-მრეწველებს, რომლებმაც ვრცელი მამულები შეისყიდეს და მსხვილი კაპიტალისტური მეურნეობები შექმნეს სოფლად. მეორე სოციალური ომის მასშტაბი შედარებით ფართო იყო სახაზინო სოფლებში, სადაც თავადაზნაურობა თითქმის არ იყო და კაპიტალიზმი შედარებით სწრაფად ვითარდებოდა. ფშავეში, მთიულეთსა და ხევიში, მართალია, კარგა ხანს შემორჩა „დვარდნილთა დახმარების“ და მათი ფეხზე წამოყენების პატრიარქალური ტრადიცია, მაგრამ XIX ს-ის ბოლოს აქაც შეიქრა კაპიტალიზმის მგლური კანონები, მთიელ ბობოლებსა და ღარიბ გლეხებს შორის კლასობრივი ბრძოლა გაჩაღდა. შირაქის საზამთრო საძოვრებზე გახშირდა შეტაკებანი მსხვილ და წვრილ მეცხვარეთა შორის. წესრიგის აღსადგენად საკმარისი არ აღმოჩნდა სიღნაღის მაზრის მილიცია და ამიტომ თიანეთიდანაც ყოველწლიურად იგზავნებოდა შირაქში პოლიციელთა რაზმი. ამ შეტაკებათა ძირითადი მიზეზი იყო ფშაველ ბობოლთა მოქმედება, რომლებმაც მიითვისეს ზამთრის საძოვრების დიდი ნაწილი და მეტად მძიმე მდგომარეობაში ჩააყენეს მეცხვარეთა მასა.

სოფლის ბურჟუაზიისა და სოფლის პროლეტარიატის წინააღმდეგობა, მათ შორის მომხდარი ბრძოლის ფაქტები მხატვრულ ლიტერატურაშიც აისახა (ე. ნინოშვილი, ს. მგალობლიშვილი, ნ. ლომოური). მაგრამ XIX ს. 80—90-იან წლებში მეორე სოციალური ომის გავრცელების არეალი შედარებით ვიწრო იყო.

ამდენად, XIX ს. 80—90-იან წლებში, მიუხედავად იმისა, რომ თავადაზნაურთა ლატიფუნდიები რამდენადმე შემცირდა და ბურჟუაზიული მეურნეობები მომრავლდა, ბატონყმობის ნაშთების საფუძველზე აღმოცენებული კლასობრივი ანტაგონიზმი კვლავ ძლიერი იყო და ამ ნიადაგზე გაჩაღებული სოციალური ომის მასშტაბი არა თუ მცირდებოდა, მეტ გაქანებასაც კი ღებულობდა. ამ პერიოდის გლეხთა გამოსვლე-

ბი იზოლირებულ და სტიქიურ ხასიათს ატარებდა. ასევე ითქმის ეს სოფლის პროლეტარტა მოძრაობაზე. 90-იან წლებში, მართალია, სამრეწველო, მუშათა მოძრაობა დაიწყო, რევოლუციური სოციალ-დემოკრატია ჩაისახა, მაგრამ სოფელში მისი იდეურ-ორგანიზაციული გავლენა კერ კიდევ არ იგრძნობოდა.

ლენინური პერიოდიზაციის მიხედვით 1895 წლიდან რუსეთში დაიწყო განმათავისუფლებელი მოძრაობის პროლეტარული ეტაპი. მუშათა მოძრაობამ ძალიან მალე დიდი გავლენა მოახდინა გლეხთა მოძრაობაზე. ორი კლასის დამაკავშირებელი ძალის ფუნქციას საშოვარზე მავალი სოფლის ნახევრად პროლეტარები ასრულებდნენ. მართალია, გარე სამუშაოებზე გასული სოფლის პროლეტარები განვითარება-შეგნების დონით საგრძნობლად ჩამორჩებოდნენ სამრეწველო მუშებს, მაგრამ იმ ადგილებისათვის, საიდანაც ისინი გამოდიოდნენ და სადაც ბრუნდებოდნენ, ისინი პროგრესის პიონერებად გვევლინებოდნენ. გარესამუშაოებზე ნამყოფი სოფლის პროლეტარები ქალაქად შეთვისებულ ახალ მოთხოვნილებებს, ახალ იდეებს ავრცელებდნენ თანასოფლელთა შორის. გლეხობაში აღვიძებდნენ შეგნებას, ადამიანური ღირსების გრძნობას, რწმენას საკუთარი ძალისადმი (ვ. ი. ლენინი). სწორედ გარე სამუშაოებზე მავალმა გადატაკებულმა გლეხებმა აითვისეს განმათავისუფლებელი მოძრაობის ახალი, პროლეტარული ფორმები და გადაიტანეს იგი სოფელში.

XIX—XX სს. მიჯნაზე საქართველოშიც დაიწყო განმათავისუფლებელი მოძრაობის პროლეტარული პერიოდი. რევოლუციურმა სოციალ-დემოკრატიამ სოციალისტური გეზი მისცა მუშათა მოძრაობას. მანვე უფრო მაღალ ეტაპზე აიყვანა გლეხთა მოძრაობაც.

მესამე დასიდან, რომელსაც ახასიათებდა საერთო დემოკრატიული და სოციალისტური ნიშნები, 1897—1898 წლებში გამოიყო მემარცხენე რევოლუციური ფრთა. მან სცადა მუშათა მოძრაობასთან დაკავშირება და საგრძნობ წარმატებასაც მიაღწია ამ მიმართულებით. 1901 წლის ნოემბერში ჩამოყალიბდა თბილისის სოციალ-დემოკრატიული, ლენინურ-ისკრული კომიტეტი, ხოლო ერთი თვის შემდეგ ასეთივე კომიტეტი ბათუმშიც შეიქმნა. მათ ძალიან მალე შეასრულეს დიდი ამოცანა, სოციალიზმის თეორია დაუკავშირეს მუშათა მოძრაობას. მისცეს მას შეგნებული და ორგანიზებული ხასიათი.

მეფის მთავრობის კავკასიური ადმინისტრაცია მუშათა მოძრაობის ჩანშობის მიზნით რეპრესიებს მიმართავდა და არაიშვიათად იარაღსაც იყენებდა. 1901 წლის აგვისტოში დიდი გაფიცვა მოხდა თბილისის რკი-

წილის სახელისწოდებით, უფრო სწორად ორთქლმავალ-ვაგონშემკეთებელ ქარხანაში, რომელშიც 3 ათასზე მეტი მუშა იყო დასაქმებული. გაფიცულები დამარცხდნენ. თბილისის პოლიციამ რამდენიმე ათეული მუშა დააპატიმრა, რამდენიმე ასეული კი მშობლიურ სოფლებში გაასახლა. 1902 წ. 8 მარტს, როტმილდის ქარხანაში მომხდარი გაფიცვისა და 32 მუშის დაპატიმრების გამო, ბათუმის სოციალ-დემოკრატიულმა კომიტეტმა მანიფესტაცია მოაწყო, რომლის 348 მონაწილე პოლიციამ დააპატიმრა. პროტესტის ნიშნად 9 მარტს ბათუმში გაიმართა 6 ათასიანი დემონსტრაცია. ჯარმა დემონსტრანტებს სროლა აუტეხა, მოკვდა 15 მუშა, დაიჭრა 54, დააპატიმრეს 500 კაცი, რომელნიც ცოტა მოგვიანებით გურია-სამეგრელოსა და იმერეთის სოფლებში გაასახლეს. ასეთი რეპრესიებით მეფის მთავრობის კავკასიურმა ადმინისტრაციამ თავისდაუნებურად, ობიექტურად ხელი შეუწყო მუშათა და გლეხთა დაკავშირებას, სოფლად რევოლუციური მოძრაობის ალის გადატანას.

თბილისიდან გასახლებული მუშები ძირითადად გორის მაზრის სოფლებში ჩავიდნენ, ახალი იდეები და ბრძოლის პროლეტარული ფორმები ჩაიტანეს იქ. 1902 წ. 19 აპრილს სოფ. კარალეთში დაიწყო გლეხთა მღელვარება, რაც გამოიწვია თავად ერისთავის მოქმედებამ. მემამულეზ დაარღვია გარეგნის სიგელში ფიციანკვლი უფლება, დაიწყო სოფლის ახლოს მღებარე საძოვრების გადახვნა, რითაც დროებითვალდებული გლეხები რამდენიმე ათეული წელი სარგებლობდნენ. გლეხთა შინაური პირუტყვი დალუპვის საფრთხის წინაშე აღმოჩნდა და, ბუნებრივია, სოფელმა საჩივარი აღძრა. საქმე გაარჩია მომრიგებელმა შუამავალმა. ხოლო საგლეხო საქმეთა თბილისის საგუბერნიო საგანგიომ აღნიშნული საძოვრიდან 400 ჰა მემამულის ხელშეუხებელ საკუთრებად სცნო, ხოლო 100 ჰა გლეხებისა და მემამულის საერთო საძოვრად.

კარალეთელი გლეხები არ დაემორჩილნენ ადგილობრივი მთავრობის ამ ავტორიტეტული დაწესებულების დადგენილებას და საქმე იმპერიის სენატში გაასაჩივრეს. თავის მხრივ ერისთავმა გუთნეული გაამხადა და 19 აპრილს პოლიციელთა რაზმის დაცვის ქვეშ დაიწყო სადავო საძოვრის მოხვნა. კეტებით შეიარაღებული გლეხები სწრაფად მოვიდნენ ავიღლზე. განაცხადეს, რომ საჩივარი ჯერ არ განუხილავს სენატს, არ დაუშვებენ საძოვრის მოხვნას, 400 კომლის შინაური პირუტყვის დალუპვას. თუ საკირო გახდა ამ მიწისათვის სისხლსაც დავედრითო. მილიციის კაპიტანი შეფიქრიანდა და თავის „სტრაჟნიკებით“ სადაო მინდორს გაეცალა. გლეხებმა კი საქმის გასარკვევად გორში თავისა

წარმომადგენლები გააგზავნეს. გორის მაზრის უფროსმა გლებთა წარმომადგენლები გლებთა გამოსვლის ხელმძღვანელებად მიიჩნია და ყველა დააპატიმრა. მალე ამის შემდეგ 150 კარალეთელი გლები თბილისს ჩავიდა. აირჩიეს 12 წარმომადგენელი და ამიერკავკასიის მთავარმმართველთან შეგზავნეს. გოლიცინმა თითქოს ყურადღებით მოუსმინა გლებებს და საქმის გარჩევა თავის კანცელარიის დირექტორს დაავალა, აღეშლებული გლებები უკან კარალეთში გაისტუმრა. მაგრამ პოლიციამ გლებთა ამ გამოსვლის მეთაურად მიჩნეული პირები მაინც დააპატიმრა.

1902 წ. 19 აპრილს კარალეთელ გლებთა მიერ დაწყებული აგრარულ-რევოლუციური მოძრაობა თითქმის მთელ გორსა მაზრას მოედო. 23 აპრილს სოფ. სატიხარში მოხდა გლებებისა და „სტრაჟნიკების“ შეტაკება. ამის თავდაპირველი მიზეზი გახდა მემამულე ამილახვარე, რომელმაც მის მიწაზე შემთხვევით შესული გლებთა საქონელი დააკავა. პრეტყვის პატრონები გამოუდგნენ ახლავრის შინაქაყებს, მოხდა შეტაკება, ორივე მხრიდან რააკუსიმე კაცი დაიჭრა, გლებებმა თავისი პირუტყვი დაიბრუნეს. მაზრის უფროსმა სატიხარში საეგზეკუციო რაზმი გაგზავნა. ჭარისკაცები 2 თვეს იმყოფებოდნენ სოფელში, მაგრამ ამბოხებული გლებები მორჩილებაში ვერ მოიყვანეს.

შიდა ქართლის გლებთა აგრარულ-რევოლუციურ მოძრაობაში იგრძნობოდა სოციალ-დემოკრატიის ხელმძღვანელი როლი. ეს კარგად შეამჩნია მეფის მთავრობის ადგილობრივმა ადმინისტრაციამ. თბილისის გუბერნატორმა აცნობა მთავარმმართველს, რომ გორის მაზრის გლებთა შორის აჯიტიაცია-პროპაგანდას ეწევიან რევოლუციური პირები, რომელნიც არწმუნებენ გლებებს არ დაემორჩილონ მემამულეებს, ბოიკოტი გამოუცხადონ თავადაზნაურობასა და მოხელეებს. ამის შედეგი ის იყო, რომ 1902 წ. მეორე ნახევარში შიდა ქართლში გლებთა აგრარულ-რევოლუციური მოძრაობა გაფართოვდა, უფრო ორგანიზებული გახდა. დირბის, ურბნისის, რუისის, ველისციხის, ორთუბანის, არადეთის, სალოლაშენის და სხვ. სოფლების გლეხებმა უარი თქვეს დრამის ფულის, აგრეთვე ლალა-გადასახდლების გაღებაზე, სოფლებიდან განდევნეს გადასახადთა ამკრეფნი, ჩამოართვეს მათ უკვე შეგროვებული თანხა. გლებთა „დასაწყნარებლად“ ჭარი გაიგზავნა, რამდენიმე კაცი დააპატიმრეს, მაგრამ რეპრესიებმა გლებობა ვერ დააშინა. იგი უსამართლობა-გაუკითხაობის წინააღმდეგ ბრძოლას აგრძელებდა.

1902 წლის მაისში აგრარულ-რევოლუციური მოძრაობის ალი გურიას მოედო. მისი გამომწვევი ობიექტური მიზეზი და ძირითადი საფუძველი იყო გლებთა მცირე მიწიანობა, მაღალი სახელმწიფო გადასახადე-

ბი, მიწის საიჯარო ქირის ზრდა, მეფის მთავრობის მოხელეთა და მემამულეთა თვითნებობა-უსამართლობა. მოძრაობა დაიჩქარა ბათუმის 1902 წ. მარტის ამბებმა, სოფლად გადასახლებული მუშების რევოლუციურმა შემართებამ. გურულმა გლეხებმა სწრაფად აითვისეს რევოლუციური ბრძოლის პროლეტარული ფორმები, მნიშვნელოვანწილად გაითავისეს აგრარულ საკითხზე სოციალ-დემოკრატიის შეხედულებები.

1902 წ. მაისში სოფ. ნიგოთის გლეხებს, მიწის სავარგულებით სარგებლობის პირობების გამო, შეტაკება მოუხდათ მემამულე მაჭუტაძეებთან, რომელნიც ყოველნაირად ავიწროებდნენ ნაყმევეებს. მაჭუტაძეები გლეხებზე იჯარით გაცემულ სახნავ-სათეს მიწაში მოსავლის ნახევარს იღებდნენ, ასევე ღირს საამრჯელოს მოითხოვდნენ ტყითა და საძოვრით სარგებლობის საზღაურადაც. სტიქიურად დაწყებულ ნიგოთელთა ბრძოლას ძალიან მალე სათავეში ჩაუდგა სოციალ-დემოკრატია და მისცა მას ორგანიზებული ხასიათი.

ნიგოთელ გლეხთა აჯანყების ამბავი ცნობილი გახდა მთელ გურიაში. აგრარულ-რევოლუციურ ბრძოლაში ჩაებნენ ჩოჩხათელი, სუფსელი, ჭურყვეთელი, ბასილეთელი, ძიმითელი, მამათელი, ჭუმათელი, აკეთელი, ხვარბეთელი და სხვ. სოფლების გლეხები. ისინი დამლაშობით მართავდნენ კრებებს, განიხილავდნენ მტკიცეულ საკითხებს, მსჯელობდნენ ღალაზე, საიჯარო ქირაზე, სახელმწიფო გადასახადების შესახებ. ლეხულობდნენ დადგენილებებს ღალისა და საიჯარო ქირის შემცირების, ტყითა და საძოვრით სარგებლობისათვის დაწესებული გამოსადების გაუქმების თაობაზე. გლეხები სვამდნენ აგრეთვე საეკლესიო გადასახადის (დრამის ფული) მოსპობის საკითხს.

ბათუმიდან მშობლიურ სოფლებში გასახლებული მუშების რჩევით გურიის გლეხებმა 1902 წ. ზაფხულში პირველად გამოიყენეს მუშათა კლასობრივი ბრძოლის ფორმები — გაფიცვა და ბოიკოტი. გლეხებმა ფიცი დასდეს ერთსულოვნად მოქმედებასა და დაწყებული საქმის ერთგულებაზე. მათ გაწყვიტეს ყოველგვარი ურთიერთობა თავადაზნაურობასთან, უარი თქვეს მემამულეთა მიწების იჯარით აღება-დამუშავებაზე, ვიდრე მათი ყველა სამართლიანი მოთხოვნილებები არ დაკმაყოფილდებოდა.

სახალხო მოძრაობა თანდათან ფართოვდებოდა და ძლიერდებოდა. ჩვეულებრივი მოვლენა გახდა საიდუმლო კრებების ჩატარება, სოციალ-დემოკრატი აგიტატორებისა და გლეხების დიალოგი, მსჯელობა მემამულეთა მიერ გლეხობის ექსპლუატაციის გაძლიერებისა და უსამართლობის წინააღმდეგ ბრძოლის ფორმების შესახებ. გურიის თითქმის ყველა

სოფელში ჩამოაყალიბეს გლეხებმა თავიანთი საერთო და კონკრეტული მოთხოვნები.

მემამულეებმა, სამღვდელოებამ და სოფლის ბურჟუაზიამ უარი თქვა გლეხთა მოთხოვნილებების დაკმაყოფილებაზე. მაგრამ ისინი მალე დარწმუნდნენ, რომ დათმობების გარეშე თავიდან ვერ აიცილებდნენ გლეხთა რისხვას და გამოაცხადეს, რომ გლეხთა სურვილი შესრულდებოდა. არსებითად ეს გააკეთეს იმ მიზნით, რომ დრო მოეგოთ, ხელისუფლებისაგან მიეღოთ რეალური დახმარება თავგასული გლეხების მოჩივლებაში მოსაყვანად.

თავადმა გურიელმა რამდენჯერმე ინახულა ქუთაისის გუბერნატორი, გააცნო მას გლეხთა მოთხოვნილებანი, ჯარის გაგზავნა სთხოვა გლეხთა აჯანყების ჩახშობისათვის. გლეხებმა გაიგეს გურიელის „ვიზიტების“ შესახებ, ჩაუსაფრდნენ მას და სოფ. სუფსის ახლოს მოკლეს კიდეც. გლეხებმა სიცოცხლეს გამოასალმეს აგრეთვე ნაკაშიძე, ქარცივაძე და სხვა მემამულეები. სოციალ-დემოკრატებმა არ მოიწონეს ტერორის ტაქტიკა, რჩევა-დარიგება მისცეს გლეხებს განმათავისუფლებელი ბრძოლის მართებული ფორმების შესახებ. გურულმა გლეხებმა რჩევა მიიღეს, კიდეც უფრო მტკიცედ დადგნენ გაფიცვისა და ბოიკოტის ტაქტიკაზე.

1902 წ. ივნისის ბოლოს ნიგოთში შეტაკება მოხდა თავად მაჭუტაძეების მოურავსა და ამ სოფლის გლეხებს შორის. მიზეზი თითქოს არ იყო სერიოზული, 50 გლეხმა ძალით დაიბრუნა მაჭუტაძის საძოვრებზე წმინტხევით გადასული და იქ დაკავებული თავისი საქონელი. თავადმა გლეხთა ამ „ძალადობის“ შესახებ დაუყოვნებლივ აცნობა ლანჩხუთის „პრისტავს“. ისიც „სტრაჟნიკებით“ მოვიდა სოფელში, შეიპყრო 17 გლეხი და ლანჩხუთის საპატიმროში ჩასვა. ამით აღშფოთებულმა სოფელმა მანიფესტაცია მოაწყო. 450 კაცი ლანჩხუთის საპატიმროსთან მივიდა, თანასოფელთა განთავისუფლება მოითხოვა. ბოჭალე შეშინდა და წინა დღეს დაპატიმრებული 17 გლეხი გაათავისუფლა. გამარჯვებულმა გლეხებმა დემონსტრაცია გამართეს, ლანჩხუთიდან ნიგოეთამდე 15 ვერსი წითელი დროშით გაიარეს. ამ მოვლენამ გურულ გლეხებს თავის ძალისადმი რწმენა განუმტკიცა, კიდეც უფრო აამაღლა მათი რევოლუციური შემართება.

მეორე მხრივ, ოზურგეთის სამაზრო ხელისუფლება რეპრესიებისათვის განემზადა. ნიგოეთში სწრაფად ჩავიდა თვით მაზრის უფროსი ენდარამერიის პოლკოვნიკისა და კაზაკთა რაზმის თანხლებით. ძალთა უპირატესობაში დარწმუნებულმა მაზრის უფროსმა თვითნება გლეხებს კვუის სწავლების მაგალითი ჩაუტარა, მისი ბრძანებით პოლიცი-

ელებმა გაროზგეს დანაშაულში ბრალდებულ რამდენიმე გლეხი. სამაზრო ხელისუფლებამ, რა თქმა უნდა, მიზანს ვერ მიაღწია. გლეხოზა ვერ დააშინა. პიროქით, ამ ძალადობამ, გლეხთა პიროვნების დამკირება-შეურაცხყოფამ მთელ გურიაში საპროტესტო გამოსვლები გამოიწვია. მდგომარეობა კიდევ უფრო დაიძაბა.

1902 წ. მეორე ნახევარში ბათუმის სოციალ-დემოკრატიულმა კომიტეტმა მეტი ყურადღება მიაქცია გურიას. გაძლიერდა აგიტაცია-პროპაგანდა, ჩამოყალიბდა არალეგალური სოციალ-დემოკრატიული წრეები. მაზრის უფროსმა აცნობა ქუთაისის გუბერნატორს, რომ მთავრობის საწინააღმდეგო აგიტაცია მთელ გურიას მოედო, ფარული რევოლუციური ორგანიზაციების რიცხვი იზრდება, რევოლუციონერთა გავლენა ძლიერდება.

გურიის შეშინებული თავადაზნაურობა ოზურჯეთში შეიკრიბა. კრებამ მიიღო სათანადო დადგენილება და შუამდგომლობა აღძრა ქუთაისის გუბერნატორის წინაშე დაუყოვნებლივი დახმარების თაობაზე. საგუბერნიო აღმინისტრაცია, რა თქმა უნდა, გულგრილ არ დარჩენილა თავადაზნაურთა ვედრებისადმი. აჯანყებულ გურიაში თვით გუბერნატორი სმაგინი ჩავიდა. მან ბრძანება გასცა გლეხთა შეკრების თაობაზე. როცა ამ დიდი მოხელის სურვილი შესრულდა, სმაგინმა გურულთა თავყრილობას სიტყვით მიმართა, მომახსენეთ თქვენი სურვილები, მზად ვარ ყველა თქვენი მოთხოვნა დავაკმაყოფილო. გუბერნატორი დარწმუნებული იყო, რომ გლეხები არათუ რადიკალური მოთხოვნების წამოყენებას, სიტყვის თქმასაც კი ვერ გაბედავენ მრისხანე აღმინისტრატორის წინაშე, მაგრამ გლეხთა წარმომადგენლებმა მყისვე წარუდგინეს გუბერნატორს მთელი რიგი მოთხოვნილებანი. ამასთან ერთად, ძიმითელმა, ჩოჩხათელმა და ჭუმათელმა გლეხებმა განაცხადეს, მოუსავლიანობამ ძალიან შეგვაწუხა და მადლობელი დავრჩებით თუ მთავრობა სურსათ-სანოვანს მოგვაწოდებსო. განრისხებულმა გუბერნატორმა მუქარისა და ლანძღვა-გინების კორიანტელი დააყენა, გლეხების უსიტყვო მორჩილება, სახელმწიფო გადასახადებისა და საიჯარო ქირის დაუყოვნებლივ გაღება მოითხოვა. მაშინ გამოვიდა ჩოჩხათელი მოხუცი გლეხი, გაიძრო გამხმარი ქალამანი, გუბერნატორს გადაუგდო და უთხრა: „აი, ყველაფერი, რაც მე დამრჩა, ესეც თქვენი ბრწყინვალეებისათვის მომიერთმევიაო“. განრისხებულ სმაგინს უნდოდა მყისვე დაეპატიმრებინა თავხედი გლეხი, მაგრამ გურულებმა მოხუცის გარშემო წრე შეკრეს. გუბერნატორის თანმხლებმა პირებმა ამ მამაცი მოხუცის ვინაობის დადგენაც კი ვერ მოახერხეს.

გაწბილებულმა გუბერნატორმა „მშვიდობიანი“ მოგზაურობა მიანიც

გააგრძელა. მეორე დღეს სადგურ სუფსაში მიქელ-გაბრიელის სასოფლო-საზოგადოების კრება მოიწვია. 500 გლეხი შეიკრიბა და გუბერნატორ ასეთი მოთხოვნები წაუყვია: 1. დაწესებული ღალა მოსავლის ნახევარიდან შემცირდეს ერთ მერვედ ნაწილამდე. 2. გაუქმდეს საძოვრებთან სარგებლობისათვის არსებული გამოსაღები. 3. მოსპოს არყის აქციზი. 4. სასოფლო გლეხის საზოგადოებრივი შინაარსისა და ეკლესიების შეკეთება ყველა წოდების პირებს თანაბრად დაევალოს. 5. მიწის გამიჯვნის ხარჯები თანაბრად იკისროს ყველა წოდებამ. 6. გაუქმდეს საეკლესიო გადასახადი. 7. გაუქმდეს წოდებრივი პრვილეგია-განსხვავებანი, გამოცხადდეს კანონის წინაშე ყველა მოქალაქის თანასწორობა.

გუბერნატორს არც შეეძლო და არც სურდა გლეხთა ამ მოთხოვნი-ლებების დაკმაყოფილება. რაკი დარწმუნდა, რომ მშვიდობიანი მოლაპარაკებით ვერაფერს მიაღწევდა, დუმილი ამჯობინა, მყისვე დატოვა გლეხთა კრება და გაწვილებული გაემურა ქუთაისისაკენ. სუფსაში კი კრება გაგრძელდა. მიქელ-გაბრიელის სასოფლო საზოგადოებამ დაადგინა: მტკიცედ მდგარიყვენ თავის მოთხოვნილებებზე, არავითარ შემთხვევაში არ დაეხიათ უკან, საბოლოოდ გაეწყვიტათ კავშირი მემამულეებთან. კრების დამთავრების შემდეგ გლეხებმა დემონსტრაცია გაძარტეს. ხალხი რევოლუციური სიმღერებით, სამართლიანი საქმის გამარჯვების დიდი რწმენით მიდიოდა. გლეხები, დროშების უქონლობის გამო, ჯოხებზე დამაგრებულ წითელ ცხირსახოცებს აფრიალებდნენ. ლოზუნების („გაუმარჯოს ერთობას!“, „ძირს მემამულეებსა და სამეფელოებს!“) ძახილით ბრუნდებოდნენ მშობლიურ სოფელში.

მიქელ-გაბრიელის გლეხთა მიერ წამოყენებული მოთხოვნილებები გურიის მთელი გლეხობის საბრძოლო პროგრამად იქცა. გლეხთა კლასობრივი თვითშეგნება ამალდა, მოძრაობა გადართოვდა, იგი ველარ ჩაეტი-აგარარული საკითხის ჩარჩოებში, პოლიტიკური ხასიათი მიიღო, მემამულეების ინტერესთა დამცველი მთავრობის წინააღმდეგაც წარიმართა.

შეშფოთებულმა ქუთაისის გუბერნატორმა დახმარებისათვის მთავარ-მმართველს მიმართა, მისგან მოითხოვა ნებართვა გადაეყენებინა სოფლის არასანდო მოხელეები და მთავრობის მამასახლისები ჩაეყენებინა ნიგოთში, ჩოჩხათში, მიქელ-გაბრიელში, ჭუმათში, ხვარბეთში, დვაბზუში და ბასილეთში, ყოველი მათგანისათვის გლეხთა ხარჯზე დაენიშნა 300—400 მან. ჯამაგირი. მთავრობის ადგილობრივ ადმინისტრაციას მიაჩნდა; რომ გლეხთა კლასობრივი თვითშეგნების ამალებაში დიდი როლი შეასრულა სკოლებმა და ბიბლიოთეკა-სამკითხველოებმა, ამიტომ გუბერნა-

ტორმა ამ კულტსაგანმანათლებლო დაწესებულებათა. დახურვის ნებართვაც გამოითხოვა.

ამიერკავკასიის მთავარმმართველ გოლოვინის ბრძანებით გურიის გლეხთა აგრარულ-რევოლუციური მოძრაობის ჩასახშობად კაზაკთა რაზმები გაიგზავნა. 1902 წ. აგვისტოში ქუთაისის ვიცე-გუბერნატორი კალაჩევი და ჟანდარმთა პოლკოვნიკი ჯარით შეიჭრნენ ურჩთა მხარეში, დაიწყეს რეპრესიები გლეხ რევოლუციონერთა წინააღმდეგ. 7 აგვისტოს კაზაკთა რაზმმა მიქელ-გაბრიელის რაზმის დაჭრა და 19 დააპატიმრა. მეორე დღეს კაზაკებმა ნიგოთში, სულსაში, ჩოჩხათში, ხიდისთავში, ანაღლებაში, ხვარბეთში და სხვ. სოფლებში 250 კაცი დააპატიმრეს. კაზაკთა რაზმების გარდა, გურიაში ჩავიდა რევოლუციური არმიის ერთი პოლკი, რომელიც დასჯილი ეპიკურების საიით განაწილდა სხვადასხვა სოფლებში. 6 აგვისტოს დაწყებული რეპრესიები 5 სექტემბრამდე გაგრძელდა. ჯარისკაცები და კაზაკები არბევდნენ სოფლებს, ძარცვავდნენ გლეხებს, აუპატიურებდნენ ქალებს.

1902 წ. 14 აგვისტოს ქუთაისის გუბერნატორი სმაგინი მეორედ ეწვია გურიას. ამასთან დაკავშირებით სოციალ-დემოკრატთა მიერ გავრცელებულ პროკლამაციაში ნათქვამი იყო, რომ გურიაში ჯარით ჩასულმა გუბერნატორმა მიმართა რევოლუციონერებისა და ურჩი გლეხების მასობრივ დაპატიმრებას, სოფლებში ჩააყენა დამსჯელი რაზმები, გლეხები აიძულა დაეფარათ ვადასახადები. დახურა სკოლები და ბიბლიოთეკა-სამკითხველოები, დააპატიმრა რევოლუციურად განწყობილი მასწავლებლები:

სისხლიანმა რეპრესიებმა ერთხელ კიდევ დაარწმუნეს გლეხები, რომ თვითმპყრობელობა იარაღით იცავს თავადაზნაურობის წოდებრივ ინტერესებს. ისინი მივიდნენ იმ დასკვნამდე, რომ აუცილებელია ბრძოლა ცარიზმის დამხობისათვის.

მეფის მთავრობის კავკასიურმა ადმინისტრაციამ ასეთი მკაცრი ღონისძიებებითა და სამხედრო წესების შემოღებითაც ვერ შეძლო გლეხთა წინააღმდეგობის გატეხვა. გურიის თითქმის ყველა სოფელში ხდებოდა საპროტესტო გამოსვლები.

გურიის გლეხთა მოძრაობამ მხარდაჭერა და გამოძახილი პოვა საშვეგრელოსა და იმერეთში. გლეხთა მოძრაობის დიდი ტრადიციების მქონე საშვეგრელოში სიწყნარე არც XIX ს 80—90-იან წლებში ყოფილა, მაგრამ აგრარული შინაარსის ბრძოლა, რომელმაც რევოლუციური ხასიათი მიიღო, აქ გაჩაღდა 1902 წ. მეორე ნახევარში. გლეხთა ფარული კრებები ჩატარდა ლესიჭინეში, ლეზანდროში, ნოჯინხევეში, აბიდაში, სალხინოში, ეცერში, ტალეში და სხვა სოფლებში. აღსანიშნავია, რომ 1902 წ.

ზემოაღნიშნულ სოფლებში ქ. ცხაკაიას ხელმძღვანელობით მოეწყო საპირველმაისო დემონსტრაციები. 25 აგვისტოს ფარული კრება ჩაატარეს სოფ. ნარეზნის გლეხებმა, ძმური ფორმა დადეს და მიიღეს გადაწყვეტილება არ გაეღოთ გადასახადები. მალე ამ გადაწყვეტილებას შეუერთდა სოფ. ჭაფისკარის გლეხობა, სექტემბრის დამდეგს კი აგრარული მოძრაობა თითქმის მთელ ზუგდიდის მაზრას მოედო. ამ გამოსვლების ერთ-ერთი ხელმძღვანელი იყო გლეხი ბიგვავა, რომელიც აქამდე გურიისში ცხოვრობდა და აქტიურად მონაწილეობდა გურიის გლეხთა რევოლუციურ მოძრაობაში. სწორედ მან გადმოიტანა სამეგრელოში გურიის გლეხთა რევოლუციური მოძრაობის გამოცდილება და ბრძოლის ფორმები.

1902 წ. სექტემბერში კავკასიის მთავარმმართველის მოადგილე გენერალი პრეზე იმპერიის შინაგან საქმეთა მინისტრს ატყობინებდა, რომ ოსურგეთის მაზრის მცხოვრებთა მღელვარება მეზობელ ზუგდიდის მაზრასაც მოედო. ხოლო ქუთაისის გუბერნიის უანდარმა სამმართველოს უფროსი გენ. სტოპჩანსკი პოლიციის დეპარტამენტს უპატიკებდა იმის თაობაზე, რომ რეპრესიულმა ღონისძიებებმა ზუგდიდის მაზრის გლეხთა გამოსვლებზე ჩვენთვის სასურველი ზემოქმედება ვერ მოახდინა. ვერც კი მყოფმა ჯარის ნაწილმა, ვერც დამნაშავეთა მასობრივმა დაპატიმრებამ ვერ აიძულა გლეხები მიეცათ დალაკულუბი თავად მინგრელსკისათვის. გლეხთა აგრარული მოძრაობა კიდევ მეტი გაქანებით გრძელდება.

1902 წ. სექტემბერში საამბოხოდ შეიმართნენ სოფლები: ჩხორია, შამგონა, კორცხელი, კოკი, ხურჩა, ცაცხვი. ჩხოუში, ურტა და ჩაქვინჯა. ყველგან ჩატარდა გლეხთა ფარული კრებები. დაადგინეს, არაფერი აღარ გადაეხადათ მემამულეებისათვის. 12 სექტემბერს სოფ. მუხურის მკვიდრი 70 გლეხი თავს დაესხა თავად დადიანისა და აზნაურ ჩარკვიანის მამულებს მიწების ხელში ჩაგდებას მიზნით. მუხურიდან ამბოხება მოედო სოფ. ლახაგრეს, კოხს, ნაკიანს. გლეხთა მიზანი იყო თავდაზნაურთა მამულების მითვისება. სოფლის მშრომელთა „ძალადობის“ აღკვეთა ადგილობრივმა ხელისუფლებამ შეიარაღებული ძალის გამოყენებით მოახერხა.

სენაკის მაზრაში აგრარული მოძრაობა მოედო ნაქალაქევს, განომელას, კოტიანეთს, ძველ სენაკს, უშაფათს, ილორს, საჭილაოს და სხვა სოფლებს. გლეხებმა თავდაპირველად ბოიკოტი გამოუცხადეს მემამულეებს, უარი თქვეს მათი მიწების იჯარით აღებასა და დამოუშავებაზე. შემოვიკი დაიწყეს თავის ყოფილ მებატონეთა სახლ-ქარის განადგურება. სამეგრელოს გლეხთა მოძრაობის სათავეში იდგნენ მუშა სოციალ-დემოკრატები, რომლებმაც ბათუმში გაიარეს რევოლუციური ბრძოლის სკოლა.

სამეგრელოში მღვარე შეიარაღებული ჯარის ნაწილები საკმარისი

არ აღმოჩნდა „საზოგადოებრივი წესრიგის“ აღსადგენად. ქუთაისის გუბერნატორმა კავკასიის მთავარმმართველს რევოლუციური მოძრაობის დასაარგუნავად დამატებითი სამხედრო ძალები გამოსთხოვა.

იმერეთში აგრარულ-რევოლუციური ბრძოლის დროშა პირველად სოფ. იანეთის გლეხებმა აღმართეს. 1902 წ. აპრილის ბოლო: მათ ჩაატარეს საიდუმლო კრება, განიხილეს მემამულეებისა და მთავრობის მოხელეთა წინააღმდეგ ბრძოლის საკითხები. მაისის პირველ რიცხვებში იანეთელთა მაგალითს მიბაძეს ეწერის, ღანირის, კულამის, ჩაგანის, მელაურის, კვირიკეს, გორმალაღას, ნაბაკევის და სხვ. სოფლების გლეხებმა. 14 მაისს აღნიშნულ სოფლებში გლეხთა დამშვიდების მიზნით ქუთაისის მაზრის უფროსი ჩამოვიდა პოლიციელთა რაზმით. დააპატიმრეს გლეხთა გამოსვლების 6 ხელმძღვანელი. ამ ზომამ სოფლის მშრომელები ვერ დაშინა. გლეხებმა ბოიკოტი გამოუცხადეს მემამულეებს. უარი თქვეს მათი მიწების იჯარით აღება-დამუშავებაზე. სახელმწიფო გადასახადებსა და სამემამულო ღალა-კულუხის გადახდაზე. შეწყვიტეს დრამის ფულის გაღება, აღარ გამოვიდნენ საგზაო ბეგარაზე.

1902 წ. ბოლოს დაბა ხონში ჩამოყალიბდა სოციალ-დემოკრატიული ჯგუფი, რომელმაც გამოსცა რამდენიმე პროკლამაცია, მოუწოდა ხალხსა და მოსწავლე ახალგაზრდობას თვითმპყრობელობის წინააღმდეგ ბრძოლისაკენ. ხონის ორგანიზაციის საქმიანობამ ხელი შეუწყო რევოლუციური მოძრაობის აღმავლობას არა მარტო დაბაში, არამედ მთელ იმერეთში.

რაჭა-ლეჩხუმის დროებითვალდებულმა გლეხთა 900-ზე-ნაკლები გამოისყიდა და მემამულეებთან თითქმის აღარაფერი ჰქონდა სადავო, მაგრამ სახნავი მიწის საიჯარო ფასის სიდიდისა და ტყე-საძოვრით სარგებლობის გართულების გამო წოდებრივ-კლასობრივი ანტაგონიზმი აქაც ძლიერი იყო. 1902—1904 წლებში მემამულეთა და მთავრობის მოხელეთა საწინააღმდეგო გამოსვლები მოხდა ამბროლაურში, ხოტევში, წყადისში, ნიკორწმინდაში, ხონჭიორში, ზედაშავრაში, პატარა ონში, ბაჭში, ხვანჭკარაში, სადმელში. გლეხები აგრარული ხასიათის მოთხოვნებთან ერთად აყენებდნენ დემოკრატიული თავისუფლების მოთხოვნებს. ისიც უნდა აღინიშნოს, რომ რაჭის მამაკაცი მოსახლეობის ორი მესამედი ზამთარში და ერთი მესამედი ზაფხულშიც გარე სამუშაოებზე იყო გასული. რაჭველი მუშები აქტიურად მონაწილეობდნენ თბილისის, ბათუმის, ქუთაისის, ქიათურის და სხვა სავაჭრო-სამრეწველო ცენტრების მუშათა საგაფიცვო მოძრაობაში.

აგრარულ-რევოლუციური მოძრაობის მიღმა არც აქარა და აფხაზეთი დაჩინილა. მართალია, ამ კუთხეებში არ შექმნილა დროებითვალდებულ-

ბის ინსტიტუტი და გლეხობის უფლებრივ-ეკონომიკური მდგომარეობა რამდენადმე უკეთესი იყო, მაგრამ უშუალო მწარმოებელი მასა აქაც განიცდიდა ექსპლუატაციას ცალკეული მემამულეებისა და სახელმწიფო ხაზინის მოხელეებისაგან.

აქარელი გლეხები ვერ შეურიგდნენ იმას, რომ რუსეთთან შეერთებისთანავე რუსეთის კარიზმმა მიწის მთელი ფონდი სახელმწიფო ხაზინის საკუთრებად გამოაცხადა და მწარმოებელ მოსახლეობას აუკრძალა ტყითა და საძოვრით უფასოდ სარგებლობა. ამის გამო 1894 წელს ზემო აჭარის გლეხთა აჯანყებაც მოხდა. ბათუმის ოლქის ადმინისტრაციამ შეიარაღებული ძალა გამოიყენა, აჯანყებულნი გაფანტეს, მეთაურები დააპატიმრეს. მაგრამ მკაცრი რეპრესიების შემდეგაც განაგრძობდნენ აჭარელი გლეხები მიწისა და თავისი ადამიანური უფლებების დაცვისათვის ბრძოლას.

1902 წლიდან აჭარელ გლეხთა აგრარული მოძრაობაც ახალ, უფრო მაღალ საფეხურზე ავიდა. მკაფიოდ დაუკავშირდა სოციალ-დემოკრატისა და მუშათა მოძრაობას. აგვისტოში ზუნდაგის, საღორეთისა და აგარის გლეხებმა შეიარაღებული წინააღმდეგობა გაუწიეს ბათუმის ოლქის მოხელეებს, განაიარაღეს მათი თანმხლები სამხედრო რაზმი. აჭარელთა შეუპოვრობით შეშინებული მთავრობის მოხელეები კუდამოძუებული დაბრუნდნენ ბათუმში. ჩაქვის საუფლისწულო მამულის სამმართველომ დახმარება უმაღლეს მთავრობას სთხოვა. ზემოლან დავალებით ბათუმის ოკრუგში ქუთაისის სამხედრო გუბერნატორი ჩამოვიდა ჯარით. მან თითქოს ჩაქვის რაიონის გლეხებიც დააწყნარა და ართვინის ოკრუგშიც დაამყარა წესრიგი. სინამდვილეში კი დამძულნი სიტუაცია არსებითად არ განმუხტულა. აჭარელ გლეხთა ბრძოლა ადგილობრივი მემამულეებისა და მთავრობის მოხელეების წინააღმდეგ გრძელდებოდა.

ისევე როგორც დასავლეთ საქართველოს სოფელზე, კახეთის გლეხთა მოძრაობაზეც ეაზრცელდა სოციალ-დემოკრატის იდეური გავლენა. თბილისის მუშათა მოძრაობაში აქტიური მონაწილეობისათვის დასჯალი პირები კახეთშიც ბლომად გაასახლეს. მშობლიურ სოფელში დაბრუნებული მუშები, ბუნებრივია, მონაწილე გახდნენ გლეხური ჭირ-ვარამისა და გლეხთა მოძრაობისა 1902 წ. მაისის ბოლოს სიღნაღის მაჩრაში გლეხთა აჯანყებამ იფეთქა. პრასიანის, ბოდბისევის, ჯუჯანის და სხვა სოფლების გლეხებმა უარი თქვეს საიჯარო და სანაღვლო ღალა-გადასახდელზე. მემამულეებმა დახმარებისათვის ხელისუფლებას მიმართეს. მაჩრის უფროსის ბრძანების თანახმად რამდენიმე მემამოხე გლეხი დააპატიმრეს, სხვები კი აიძულეს გადასახადების გაღება განეახლებინათ.

1902 წლის მაისში თბილისის სოციალ-დემოკრატიულმა კომიტეტმა პროკლამაციები გამოსცა, რომელიც მშრომელ მასას თვითმპყრობელობის წინააღმდეგ ბრძოლისაკენ მოუწოდებდა. ეს პროკლამაციები დიდი რაოდენობით გავრცელდა კახეთში, გააძლიერა აქაურ გლეხთა აგრარულ-რევოლუციური მოძრაობა. 1902 წ. 31 მაისს გლეხთა აჯანყებამ იფეთქა თელავის მაზრის სოფლებში — აწყურსა და ნოდში. გლეხებმა ბრძოლა გაუმართეს მემამულეებს — სულხანიშვილებს, მეღვინეთუხუცესსა და გამყრელიძეს, შეუწყვიტეს გადასახადების გაცემა, მათი ოჯახებიდან გამოიყვანეს დაქირავებული მუშები და შინამოსამსახურეები. მეფის მთავრობის ადგილობრივი ხელისუფლება მკაცრად გაუსწორდა აჯანყებულებს, ხელმძღვანელები დააპატიმრეს, სამართალში მისცეს. სასამართლო პროცესზე გლეხებმა მოახერხეს და დამსწრე საზოგადოებას დაურღვეველი ფაქტებით აჩვენეს მშრომელი მასის მძიმე მდგომარეობა, მემამულეების თვითნებობა, მთავრობის მოხელეთა სიმკაცრე და გარყვნილება. თვით სახელმწიფო ბრალმდებელიც კი იძულებული გახდა ელიარებინა, რომ გლეხთა აჯანყება გამოიწვია მემამულეებისა და მთავრობის მოხელეთა მიერ დათესილმა ბოროტებამ.

რეპრესიებმა კიდევ უფრო გაზარდა მტრობა და სიძულვილი მხარეებს შორის. გლეხებმა ბოიკოტი გამოუცხადეს მემამულეებს, შეწყვიტეს მათთან ყოველგვარი ურთიერთობა. სოფ. აწყურში, მაგალითად, საქმე იქამდე მივიდა, რომ როცა თავად სულხანიშვილს დედა გარდაეცვალა, არც ერთი დროებითვალდებული გლეხი პანაშვიდზე არ მისულა, არც ერთი თანასოფელი მგლოვიარე თავადს არ დახმარებია. მამასახლისსა და მის მოადგილეს რომ არ გამოედოთ თავი და საჭირო სამუშაოები არ შეესრულებინათ, მიცვალებული დაუმარხავი დარჩებოდა.

კახელმა გლეხებმა მოითხოვეს ტყეებით უფასოდ სარგებლობის უფლება და როცა მემამულეებისაგან უარი მიიღეს, წნორის, ასანურის, ტიბანის, საქობოს, პრასიანის, ჩალაუბანისა და სხვა სოფლების დროებითვალდებულმა გლეხებმა განდევნეს მემამულეთა ტყის მცველები და დაიწყეს ტყით თავისუფლად, მაგრამ ზომიერად სარგებლობა.

ამავე პერიოდში გლეხთა მოძრაობამ საკმაოდ ფართო მასშტაბი მიიღო თიანეთისა და დუშეთის მაზრებში. 1902 წ. აგვისტოში სოფ. ჩაბანოს, ხაიშოს, ორხევის, ბოჭორმის, კიაურის (თიანეთის მაზრა), საშაბუროს, ბაზალეთის, მლაშეს, ციხისძირის, ლაწვინის (დუშეთის მაზრა) გლეხებმა შეწყვიტეს საეკლესიო გადასახადის — დრამის ფულის გაცემა და უარი თქვეს დალაბეგარაზე. ბევრი გლეხი თვითნებურად ხნავდა მემამულეთა მიწას, მაგრამ საიჭარო ქირას არ იხდიდა. ადგილი ჰქონდა ცალკე-

ულ თავადაზნაურთა სახლ-კარის განადგურებას, ყველაზე უფრო საძულველ მემამულეთა მკვლელობას. 2 ნომბერს გაიმართა დღუშეთის მაზრის რამდენიმე სოფლის გლეხთა წარმომადგენლების კრება, დაადგინეს აღარ შეეტანათ გადასახადები. ხოლო, როცა საშაბუროში ადგილობრივი ადმინისტრაციის მოხელეები გამოცხადდნენ, გლეხებმა მათ გაბედულად განუცხადეს, რომ არ გვინდა არც მემამულეები, არც მღვდლები და არც სხვა ვინმეო (ე. ი. მოხელეები). კრებამ მიიღო გადაწყვეტილება ბოიკოტი გამოეცხადებინათ მემამულეებისათვის, არ დამორჩილებოდნენ ხელისუფლების ორგანოებს, არ გაეღოთ არავითარი გადასახადი, არ შეესრულებინათ არავითარი ვალდებულება.

ამგვარად, 1902 წლიდან საქართველოს გლეხთა მოძრაობაში დაიწყო თავისებურად ახალი ეტაპი. თუ ადრე გლეხთა გამოსვლა-აჯანყებები სტიქიური და არაორგანიზებული იყო, ამ დროიდან გლეხთა მოძრაობა პროექცია სოციალ-დემოკრატიის გავლენისა და ნაწილობრივ ხელმძღვანელობის ქვეშაც, მჭიდროდ დაუკავშირდა მუშათა მოძრაობას. გადაიქცა საერთო დემოკრატიული მოძრაობის ერთ-ერთ დიდ ნაკვადად.

1903—1904 წწ. განმათავისუფლებელ მოძრაობაში ჩაბმული სოფლებისა და კომლების რაოდენობა კიდევ უფრო გაიზარდა. გურია-სამეგრელოსა და ზოგ სხვა რაიონში ჩამოყალიბდა გლეხთა და სოფლის მუშათა კომიტეტები, რომლებმაც აგრარულ-რევოლუციურ მოძრაობას მისცეს უფრო შეგნებული, ორგანიზებული და პოლიტიკური ხასიათი. გლეხთა მასობრივი გამოსვლები მოხდა საქართველოს თითქმის ყველა რაიონში. კვლავ ძალაში იყო 1902 წ. შემუშავებული ბრძოლის ფორმები — გაფიცვა და ბოიკოტი. განსაკუთრებით გაძლიერდა გლეხთა მასობრივი გამოსვლები გურია-სამეგრელოსა და იმერეთში. მთავრობამ კვლავ შიშველ და უხეშ ძალას მიმართა, ბევრ მანრაში დამსჯელი რაზმები გაგზავნა, ასობით სოფლებში ეგზეკუციები ჩააყენა. 1903 წ. მარტო ერთი თვის განმავლობაში პოლიციამ ქუთაისის გუბერნიაში დააპატიმრა და ციმბირს გადაასახლა 300-მდე მემამოხე გლეხი.

აგრარულ-რევოლუციურმა მოძრაობამ კულმინაციას 1904 წელს მიაღწია. გურიის მშრომელებმა სოფ. ხიდისთავში გამართეს საპირველმანისო დემონსტრაცია, რომელიც პოლიციამ დაარბია. ოქტომბერში მთავრობის საწინააღმდეგო დემონსტრაცია მოაწყვეს შივა კახეთის გლეხებმა. დემონსტრანტებმა წითელი დროშებითა და რევოლუციური სიმღერებით ჩამოიარეს სოფლები და მემამულეებს მოსთხოვეს მიწებზე ხელის აღება, ადგილმამულის გლეხებისათვის გადაცემა ბოლშევიკთა ავტოცია-პროპაგანდის შედეგად კახელ გლეხებს უკვე შეგნებული ჰქონდათ, რომ თა-

ვადანაუბრთა წოდებრივ პრივილეგიებსა და მიწათმფლობელობას მეფის მთავრობა იცავდა. ამიტომ მათ ბოიკოტი გამოუცხადეს თვითმპყრობელური მართვა-გამგეობის ადგილობრივ ორგანოებსა და სასამართლოებს. საქართველოს ბევრი სოფლის გლეხები არ დასჯერდნენ მთავრობის დაწესებულებათა ბოიკოტს, შექმნეს მართვა-გამგეობის საკუთარი ორგანოები, სახალხო ყრილობებზე აირჩიეს სოფლის მეთაურები და მოსამართლეები. ასე მოხდა, მაგალითად, გურიაში და კახეთში, სადაც ხალხისაგან არჩეული პირები წყვეტდნენ ადგილობრივი მნიშვნელობის ყველა საკითხებს. რევოლუციური თვითმმართველობის გზაზე გამოსული გლეხობა ისე მტკიცედ და ერთსულოვნად მოქმედებდა, რომ მაზრის უფროსი, ბოქაული და პოლიციელები თვითმმართველ სოფლებში შესვლასა და რეპრესიულ ღონისძიებათა განხორციელებას ყოველთვის როდი ბედავდნენ.

ამ პერიოდში აღმავალი ხაზით ვითარდებოდა სოფლის მეშათა მოძრაობაც. დართოდებოდა მეორე სოციალური ომის მასშტაბი.

1903 წ. 8 აგვისტოს გაიფიცნენ საუფლისწულო უწყების საკუთრება-გამგებლობაში მყოფი ჩაქვის სუბტროპიკული მეურნეობის მუშებრი, რომლებმაც მოითხოვეს ხელფასის მომატება. პოლიციამ გაფიცვას მეთაურები დააპატიმრა, მუშათა ეს გამოსვლა უხეში ძალის გამოყენებით დათრგუნა. მიუხედავად ამისა, 1904 წ. ჩაქვის მეურნეობის მუშები კიდევ უფრო გააქტიურდნენ, ორი გაფიცვა მოაწყვეს. მუშების მოთხოვნები იმდენად რადიკალური და კატეგორიული იყო, რომ მეურნეობის ადმინისტრაცია შეშფოთდა, მთავრობისაგან კონფლიქტში ჩარევა, ურჩი მუშების წინააღმდეგ მკაცრი ზომების მიღება მოითხოვა. თხოვნა დაკმაყოფილდა, მამულში შეიარაღებული „სტრაჟნიკები“ ჩააყენეს.

1904 წ. ზაფხულში გაიფიცნენ კაპიტალისტ კ. პოპოვის სუბტროპიკული მეურნეობის (სალიბაური) მუშები, მოითხოვეს ხელფასის მომატება და შრომის პირობების გაუმჯობესება. ამ „თავხედობით“ განრისხებულმა კაპიტალისტმა მუშები თავის მეურნეობიდან დაითხოვა, ქუშათა სხვა ჭგუფი მოიწვია. მაგრამ გაფიცული მუშები ისე შეუპოვრად იბრძოდნენ, რომ მოწვეულმა მტრეკაცებებთანაც ხელი აიღეს; სალიბაურიდან წავიდნენ ბოლოს და ბოლოს კ. პოპოვი იძულებული გახდა გაფიცულთა მოთხოვნები ძირითადად დაეკმაყოფილებინა.

1904 წ. გაფიცვა მოხდა აგრეთვე საუფლისწულო უწყების მუხრანის მეურნეობაში. მუშები მოითხოვდნენ: 1. ყველა მუშისათვის თვიური ხელფასის 25 მანეთამდე გაზრდას; 2. დაოჯახებული მუშების საც-

ხოვრებელი ბინებით უზრუნველყოფას; 3. მეურნეობის ხარჯზე მუშებისათვის მზარეულის მიმავრებას და ავადმყოფ მუშათა უფასო მკურნალობას. 4. მუშებისათვის აბანოსა და სამრეცხაოს აშენებას; 5. მუშა-მოსამსახურეთა შეილებისათვის სკოლის გახსნას და უფასო სწავლების დაწესებას; 6. მუშების მიერ გადახდილი ჯარიმების სწავლა-განათლებისათვის მოხმარებას; 7. მუშების მეურნეობიდან დათხოვნის საკითხთა გარჩევაში მუშათა წარმომადგენლები მონაწილეობას. მეურნეობის მშაობელმა მისაღებად ჩათვალა ზოგი მოთხოვნა, გაფიცვის შეწყვეტის წინაპირობად მუშებისათვის ხელფასის მომატება მარჯნია, მაგრამ საუფლისწულო უწყებამ ამასზე უარი თქვა, მუშათა გაფიცვა რეპრესიების გამოყენებით ჩააქრო.

ობიექტური და სუბიექტური ფაქტორების ერთობლიობამ განაპირობა 1904 წ. საქართველოში რევოლუციური სიტუაციის შექმნა რევოლუციისათვის მზად იყო ქალაქიც და სოფელიც, მუშაც და გლეხიც. ამიტომ, ბუნებრივია. რუსეთის პოველი სახალხო რევოლუციის დაწყებისთანავე მასში აქტიურად ჩაება საქართველოს მშრომელი მოსახლეობა.

თ ა ვ ი VIII

ქართველი გლეხობა სამი რევოლუციის ქარცეცხლში

„1861 წელმა წარმოშვა 1905 წელი“ (ვ. ი. ლენინი). ბელადის ამ ლაკონურ დებულებაში ღრმა აზრია. XIX ს-ის 60-იან წლების დამდეგს რუსეთის მრავალეროვანი მოსახლეობის წინაშე ბურჟუაზიულ-დემოკრატიული ამოცანები იდგა. მათი გადაჭრა ბატონყმობის გაუქმებით, გლეხობისათვის მიწისა და თავისუფლების ზომებით უნდა დაწყებულიყო. მაგრამ ზედაფენებმა შეძლეს ინიციატივის ხელში აღება და ბურჟუაზიული რეფორმები ზევიდან გაატარეს. ამ კულმოკვეცილმა რეფორმებმა კი დიდი რაოდენობით დატოვა ბატონყმობის ნაშთები ქვეყნის სოციალ-ეკონომიურ ბაზისშიც და პოლიტიკურ ზედნაშენშიც. რევოლუციურ ძალთა და მათ შორის გლეხობის მთავარ მიზნად XIX—XX სს. მოჯნახეც რჩებოდა ამ ნაშთების მოსპობა, ბურჟუაზიულ-დემოკრატიული ამოცანების თანამიმდევრული განხორციელება.

რსდმპ მეორე ყრილობამ მიიღო ვ. ი. ლენინის მიერ შედგენილი აგრარული პროგრამა, რომელიც დადადებდა: ბატონყმობის ნაშთების მოს-

პობისა და კლასობრივი ბრძოლის თავისუფალი განვითარების ინტერესებისათვის, პარტია მოითხოვს გამოსასყიდი გადასახდლებისა და ყოველგვარი ბეგარის გაუქმებას, თავისუფალი მიწათსარგებლობის შემზღვევლი კახონების მოსპობას, იმ მიწების დაბრუნებას გლეხებისათვის, რომელიც ჩამოაჭრეს, წაართვეს მათ ბატონყმობის გაუქმების დროს. პროგრამა ითვალისწინებდა აგრეთვე შექმნას გლეხთა რევოლუციური კომიტეტებისა, რომლებიც იბრძოლებდნენ სოფლის საზოგადოებებისათვის ჩამოჭრილი მიწების დასაბრუნებლად, ბატონყმობის ნაძთების მოსასპობად საერთოდ.

რსდმპ მეორე ყრილობის მიერ მიღებული აგრარული პროგრამის ერთი მუხლი სპეციალურად კავკასიასა და საქართველოს ეხებოდა. ამ მხარეში გლეხთა კომიტეტების ამოცანად მიჩნეული იყო დროებითვალდებულებისა და ხიზნობის ინსტიტუტების მოსპობა, დროებითვალდებულ და ხიზან გლეხთა გადაყვანა მესაკუთრეთა კატეგორიაში ყოველგვარი გამოსყიდვის გარეშე.

რუსეთის ბურჟუაზიულ-დემოკრატიული რევოლუცია, დასავლეთის ბურჟუაზიული რევოლუციებისაგან განსხვავებით; გაიშალა სოციალ-ეკონომიკური განვითარების გაცილებით მაღალ საფეხურზე. რუსეთში უკვე არსებობდა რევოლუციური პროლეტარიატი, შექმნილი იყო ახალი ტიპის სოციალისტური პარტია. კონკრეტული სიტუაცია განაპირობებდა და ბურჟუაზიულ-დემოკრატიული რევოლუციის ბოლომდე მიყვანის ინტერესი მოითხოვდა, რომ მას მხდელი და კონსერვატიული ბურჟუაზიის ნაცვლად სათავეში ჩადგომოდა რუსეთის მუშათა კლასი. გლეხობას კი მისი საიმედო მოკავშირის საპატიო მისია დაეკისრა. ამ ორი კლასის მტკიცე საბრძოლო კავშირზე იყო ძირითადად დამოკიდებული რევოლუციის ძლევამოსილად დამთავრება.

1905 წ. 9 იანვარს მეფის ბრძანებით ჯარმა სისხლში ჩაახშო პეტერბურგის პროლეტარიატის მშვიდობიანი დემონსტრაცია. საპროტესტო გამოსვლებისა და მანიფესტაციების ტალღა მთელ რუსეთს მოედო. რევოლუცია დაიწყო. „სისხლიანი კვირის“ გაკვეთილებთან დაკავშირებით ვ. ი. ლენინი წერდა: იწყება აჯანყება, ძალა უპირისპირდება ძალას. შენდება ბარიკადები, გრიალებს ზალპები და ქუხს ზარბაზნები. სისხლი ნაკადებად იღვრება, ჩაღდება სამოქალაქო ომი თავისუფლებისათვის. პეტერბურგის პროლეტარიატს მზად არიან შეუერთდნენ მოსკოვი და სამხრეთი, კავკასია და პოლონეთი. მუშების ლოზუნგი გახდა „სიკვდილი ან თავისუფლება“.

საპროტესტო მოძრაობის ტალღამ მთელ საქართველოს გადაუარა

ჩვენი ქვეყნის მშრომელი მოსახლეობა რევოლუციის ავანგარდულ ძალთა შორის აღმოჩნდა. 1905 წ. 18 იანვარს გაფიცვა-დემონსტრაცია დაიწყო თბილისის პროლეტარებმა. პირველი ნიშანი მისცეს თბილისის რკინიგზის სახელოსნოების მუშებმა, მალე გაფიცვა-დემონსტრაციას შეუერთდნენ მექანიკური საწარმოების, ტყავისა და თამბაქოს ფაბრიკების, სტამბის მუშები. 22—23 იანვარს პოლიტიკური შინაარსის გაფიცვა-დემონსტრაციებმა თბილისში საყოველთაო ხასიათი მიიღო. 20 იანვარს ბათუმში დაწყებული გაფიცვა 5 დღის შემდეგ საყოველთაო დემონსტრაციაში გადაიზარდა. ამავე დროს გაფიცვა-დემონსტრაციები მოხდა ფოთში, ქუთაისში, კიათურაში, ტყიბულში და საქართველოს სხვა დაბა-ქალაქებში. საქართველოს მშრომელთა საყოველთაო გაფიცვა-დემონსტრაციით შეშინებულმა კავკასიის ადმინისტრაციამ მზადყოფნაში მოიყვანა პოლიცია, ჟანდარმერია, კაზაკთა რაზმები, ჯარის ნაწილები. რეაქციის ძალებმა იმთავითვე მიმართეს რეპრესიებს, გახშირდა პოლიტიკურ დამნაშავეთა დაპატიმრება, ადმინისტრაციული წესით გადასახლება. მაგრამ რევოლუციის ალის ჩაქრობა შეუძლებელი გახდა. თებერვალში გაფიცვა-დემონსტრაციებმა, რომლის ნაწილი პოლიციასთან შეტაკებითა და სისხლის ღვრით დამთავრდა, კიდევ უფრო ფართო მასშტაბი მიიღო.

ბატონყმობის ნაშთების მოსპობისათვის საქართველოს გლეხობის მიერ აღრე დაწყებულმა აგრარულ-რევოლუციურმა ბრძოლამ პირველი რევოლუციის წლებში არნახულ გაქანებას მიაღწია. უკვე იანვარ-თებერვალში თითქმის ყველა მაზრის გლეხობა გააქტიურდა. ბოლშევიკური აგიტაცია-პროპაგანდით გათვითნობიერებული სოფლის მშრომელები უარს ამბობდნენ ბეგარა-გადასახადებზე, ბოიკოტს უცხადებდნენ მემამულეებს, სამღვდელოებასა და მეფის მთავრობის კავკასიური ადმინისტრაციის მოხელეებს. ეუფლებოდნენ სახაზინო და მემამულეთა მიწებს, სოფლებიდან აძევებდნენ მთავრობის მიერ დანიშნულ თანამდებობის პირებს, პროტესტის ნიშნად ცეცხლს უკიდებდნენ სოფლის კანცელარიებს.

პირველი რევოლუციის დაწყების შემდეგ სოციალ-დემოკრატიულმა ორგანიზაციებმა კიდევ უფრო გააძლიერეს მუშაობა სოფლად. თბილისის, იმერეთ-სამეგრელოს, გურიის, გორის და სხვა კომიტეტები დიდი რაოდენობით გზავნიდნენ ბოლშევიკ აგიტატორთა ჯგუფებს ადგილობრივი ორგანიზაციების დასახმარებლად, ავრცელებდნენ პროკლამაციებს, აწყობდნენ გლეხთა კრებებს. სასოფლო საზოგადოებებში რევოლუციურ მუშაობას ეწეოდნენ აგრეთვე ადგილობრივი პროპაგანდი-

რებული გლეხები. ჩაოგან განსაკუთრებული აქტიურობით გამოირჩეოდნენ: ა. კალანდარიშვილი, ა. დოლიძე, ი. ცინცაძე, მ. ტულუში (ოზურგეთის მაზრაში), კ. ტოტოჩავა, შ. ზარანდია, მ. თოლორაძე (ხუგდლის მაზრაში), კ. მგელაძე, კ. კაკაბაძე, ნ. ხარებაძე, ვ. სტურუა (ქუთაისის მაზრაში), ი. ნახიტაძე, გ. მქედლიშვილი, ს. ჯიქურაშვილი, გ. დოღუშვილი, გ. ლმიკაშვილი (გორის მაზრაში), მ. გურგენიძე, ლ. ბერიშვილი (რაკის მაზრაში).

მეფის მთავრობის რეაქციული პოლიტიკისა და ადგილობრივი მოხელეების თვითნებობისადმი უკმაყოფილებას გლეხები სშირად გამოხატავდნენ პოლიტიკური დემონსტრაციებით. ერთ-ერთი ასეთი დემონსტრაცია, მაგალითად, მოეწყო სოფ. დიდ ჭიხაიში. შეიკრიბა რამდენიმე ათასი კაცი. გაისმა მოწოდებები — „ძირს თვითმპყრობელობა! .. გაუმარჯოს თავისუფლებასა და დემოკრატიულ რესპუბლიკას!“ დემონსტრანტები შეიკრნენ სოფლის კანცელარიაში, გამოიტანეს მეფის პორტრეტი და ნაკუწებად აქციეს. ქუთაისის მაზრის ადმინისტრაციამ დიდ ჭიხაიში კაზაკთა და პოლიციელთა რაზმი გაგზავნა. გლეხებმა ამან ვერ შეაშინა, ცულებით, ფიწლებით და ხელკეტებით შეუტყეს კარგად შეიარაღებულ მთავრობის რაზმს. როცა პოლიციელები შეტევაზე გადავიდნენ, დემონსტრანტებმა ქვების სეტყვა დააყარეს და თავდაპირველად განიარაღებაც კი სცადეს. პოლიციელებმა და კაზაკებმა ცეცხლი გახსნეს, მოკლეს ორი და დაჭრეს შვიდი გლეხი. დიდ ჭიხაიშელ დემონსტრანტთა დახვერტამ საქართველოს მშრომელთა დიდი აღშფოთება გამოიწვია. ბევრგან მოეწყო საპროტესტო გამოსვლები.

გორის მაზრის ზოგიერთ სასოფლო საზოგადოებაში ჩამოყალიბდა გლეხთა რევოლუციური კომიტეტები. რომლებიც ცდილობდნენ მთავრობის სამაზრო ადმინისტრაციის პარალიზებას, ადგილობრივი თვითმმართველობის ორგანიზებას. თებერვლის შუა რიცხვებში დაბა ცხინვალში შეიკრიბა 8 სოფლის ელჩობა, ფრიალებდა წითელი დროშები, გაისმოდა „მარსელიოზას“ ჰანგები. ბოლშევიკი ორატორები გლეხებს მოუწოდებდნენ მუშათა კლასთან მჭიდრო კავშირსა და ცარიზმის წინააღმდეგ ერთობლივი ბრძოლისაკენ. რამდენიმე დღის შემდეგ მ. ტანგა და დემონსტრაცია მოეწყო სოფ. ყორნისში, აგრეთვე კვეთისხევში. გლეხთა წარმომადგენლებმა მოითხოვეს „ჩამონაჭრების“ დაბრუნება, ტყითა და საქორებით უსასყიდლოდ სარგებლობა, ღალა-გადასაბდელების გაუქმება და ერთიანი სამემოსავლო გადასახადის დაწესება, წოდებრივი უთანასწორობის მოსპობა, სკოლების გახსნა და ქართულ ენაზე სწავლების დაკანონება.

ორგანიზებულ ხასიათს ატარებდა გლეხთა მოძრაობა დუშეთის, თელავისა და სიღნაღის მაზრებშიც. აქაური გლეხები ეროდებოდნენ ტერორსა და ძალადობას, მშვიდობიან კრებებსა და მიტინგებს აწყობდნენ. გლეხები ირჩევდნენ ნდობით აღკვეთილ პირებს, მათ აკისრებდნენ ადმინისტრაციული და სამოსამართლო ფუნქციებს შესრულებას. ეს შეკრებები იმდენად მრავალრიცხოვანი იყო, რომ პოლიციელთა რაზმები ვერ ახერხებდნენ მათ გაფანტვას. „სახოგადოებრივი წესრიგის“ აღდგენას.

დიდი გაქანებითა და მაღალ რევოლუციური შემართებით გამოირჩეოდა გლეხთა მოძრაობა გურიაში. ბოლშევიკური გაზეთი „პერიოდი“ რუსეთის იმპერიის მშრომელებს აუწყებდა: „ოზურგეთის მაზრაში უკვე სამი წელია მოქმედებენ ადგილობრივი ეროვნული რევოლუციური კომიტეტები, რომლებიც გაბედულად ეწინააღმდეგებიან მემამულეებს, სამღვდლეობასა და მთავრობას. მაზრა მთლიანად ამ კომიტეტების ხელშია, ისინი სოფლის ცხოვრების ყოველ წვრილმანში ერევიან. მემამულეთა ბოიკოტი გრძელდება. სამღვდლეობის სასარგებლოდ დაწესებული გადასახადი არ იკრაება. კომიტეტების ნებართვის გარეშე ყიდვა-გაყიდვის ოპერაციებიც კი არ სწარმოებს. მეფის მთავრობის ადმინისტრაცია და სასამართლო არ მოქმედებს, მართვასა და მართლმსაჯულებას გლეხთა რევოლუციური კომიტეტები ახორციელებენ“.

18 თებერვალს ქუთაისის გუბერნიის, ოზურგეთის მაზრასა და ბათუმის ოლქის კენტრიშის უბანში სამხედრო მდგომარეობა გამოცხადდა. ამ რაიონებში წესრიგის დამყარება გენერალ მაიორ ალიხანოვ-ავარსკის დაევა. დამსჯელი ოპერაციების ჩასატარებლად ჩამოყალიბდა სპეციალური, ე. წ. „რიონის საექსპედიციო რაზმი“, რომელშიც შევიდა თითქმის ყველა სახეობის ჯარის ნაწილები — ქვეითი და კავალერია, არტილერია და სანიტარული აღალი. სიმკაცრით სახელგანთქმული მეფის ერთგული გენერალი ალიხანოვ-ავარსკი ამ ჯარით მიადგა გურია საზღვრებს და რევოლუციურ ძალთა წინააღმდეგ საბრძოლველად მოემზადა.

ოზურგეთის მაზრის მშრომელი მოსახლეობა დიდი საფრთხიან წინაშე აღმოჩნდა. მაგრამ რევოლუციური გურია მარტო როდი იყო. ალიხანოვ-ავარსკის სისხლიანი გეგმა დაგმო საქართველოს მუშათა კლასმა. გლეხობამ. პროგრესულმა ინტელიგენციამ. ყველამ ერთხმად მოითხოვა გურიიდან ჯარების გამოწვევა. კონფლიქტის მშვიდობიანად მოწესრიგება. საყოველთაო პროტესტის ხმამ შეაშინა მთავარმმართველის მოვალეობის შემსრულებელი გენერალი მალამა. მან სადამსჯელო ოპე-

რაციები შეაჩერა, გურიის მშრომელებთან მოსალაპარაკებლად და რევოლუციური გლეხობის მოსათვინიერებლად მთავარსამართველოს საბჭოს წევრა სულტანი კრიმ გირეი გაგზავნა.

23 თებერვალს კრიმ გირეი „მშვიდობიანი“ მისიით ჩავიდა გურიაში და პირველად სოფ. ბახვს ესტუმრა. სასოფლო საზოგადოების მიერ არჩეულმა წარმომადგენლებმა გლეხთა მოთხოვნები „მანიფესტის“ სახით წარუდგინეს მეფის მთავრობის ამ დიდ მოხელეს. ბახველებს კარგად ჰქონდათ შეგნებული, რომ კრიმ გირეისთან პოლემიკის გამართვა წყლის ნაყვა იქნებოდა, იცოდნენ, რომ ამ მოხელეს არ შეეძლო მშრომელი ხალხის მოთხოვნების დაკმაყოფილება. ამიტომ გლეხთა წარმომადგენლებმა კრიმ გირეის მხოლოდ ის აუწყეს, რომ გურიისა და მთლიანად საქართველოს გლეხთა მოთხოვნილებები კერძო, მხოლოდ ქართველთა მოთხოვნები როდიაო. ჩვენ ვუერთდებით რუს ძმებს, მათთან ერთად დიადი მიზნების განხორციელებისათვის ვიბრძვითო. მთელი რუსეთის მშრომელი მასის მოთხოვნილებათა დაკმაყოფილების პირობები მხოლოდ მაშინ შეიქმნება, როცა ხალხი საყოველთაო, პირდაპირი, ფარული და თანასწორი ხმის მიცემით აირჩევს თავის წარმომადგენლებს, შექმნის დემოკრატიულ მთავრობასო.

კრიმ გირეიმ გურიის 12 სასოფლო საზოგადოება შემოიარა, გლეხებმა მას ყველგან წაუყენეს რევოლუციური მოთხოვნები, რაც თითქმის მთლიანად ემთხვეოდა სოციალ-დემოკრატიის პროგრამა-მინიმუმს. მთავარსამართველის საბჭოს წევრი დარწმუნდა, რომ გლეხებთან მოლაპარაკებით ვერაფერს მიაღწევდა, ხელს ვერ ააღებინებდა მათ რევოლუციურ ბრძოლაზე. კრიმ გირეიმ საჭიროდ აღარ ჩათვალა თავის „სტუნრობით“ დანარჩენი 13 სასოფლო საზოგადოების „გაბედნიერება“, შეწყვიტა მოგზაურობა და თბილისს დაბრუნდა. „კომედია, — წერდა იმ დროს გაზეთი „ვებერიოდი“, — რომელიც გაითამაშეს კავკასიის ხელისუფლებმა სულთან კრიმ გირეის გურიაში გაგზავნით, დამთავრდა. სოციალ-დემოკრატების მიერ ორგანიზებულმა ხალხმა მეფის მოხელეს ყველგან ერთი და იგივე მოთხოვნები წაუყენა. სულტანი კრიმ გირეი თბილისში გაიწვიეს, დიპლომატიური ურთიერთობა შეწყვეტილია“. დაიწყო პოლიციის, კაზაკებისა და ჯარისკაცთა რაზმებით ოზურგეთის მაზრის „სანიტარული დამუშავება“. რესპრესიებმა ფართო მასშტაბი მიიღო, ადგილობრივი საპატიმროები გურიის რევოლუციური გლეხებით აივსო.

1905 წ. იანვარ-თებერვალში გლეხთა რევოლუციური მოძრაობა უფრო მასობრივი და ორგანიზებული გახდა აჭარაშიც. აჭარის სოფლის

მშრომელები ფართოდ იყენებდნენ კლასობრივი ბრძოლის პროლეტარულ ფორმებს—გაფიცვასა და ბოიკოტს. ზოგიერთ სოფელში გლეხებმა ალა-ბეგების მამულები და სახლ-კარი დაარბიეს, მათი მიწები დაინაწილეს. ომერ-ალა ზადემ ბათუმის ოლქის საპხედრო გუბერნატორს სთხოვა დახმარება. ეს უკანასკნელი შეიარაღებული რაზმით ჩაეღდა სოფ. მინდიაში, გლეხებს თვითნებურად დაკავებული მიწები ჩამოართვა და „კანონიერ“ პატრონს დაუბრუნა. მაგრამ ერთ სოფელში „წესრიგის“ დამყარება ამინდს ვერ ცვლიდა. აჭარელი გლეხები კიდევ უფრო გააქტიურდნენ, მთავრობის მოხელეთა მიერ მიღებულ რეპრესიულ ღონისძიებათა საპასუხოდ აჯანყებისათვის მზადება დაიწყეს.

აჯანყებისათვის მზადებას სათავეში რსდმპ ბათუმის კომიტეტი ჩაუდგა. დაბა ქედში და სოფ. გულებში ჩატარდა გლეხთა ფარული კრებები, აირჩიეს ხელმძღვანელი ცენტრი, რომელშიც შევიდნენ ს. დიასამიძე, მ. ცინცაძე, მ. ბერიძე, ო. ზასილაძე, დ. თურმანიძე, ს. დიასამიძე და სხვ. აჯანყების მომზადებაში აქტიურად მონაწილეობდნენ კანცელარიის მწერალი ლ. მენაბდე და მასწავლებელი კ. მკურნალი. ქვემო აჭარის სოფლებში გლეხთა შეიარაღებული რაზმებიც ჩამოყალიბდა. ბათუმის კომიტეტმა ქვემო აჭარის აჯანყების ცენტრს თოფები და რამდენიმე ყუთი ტყვია-წამალი გაუგზავნა.

ქვემო აჭარის გლეხთა აჯანყება 1905 წ. 7 თებერვალს დაიწყო. შეიარაღებულ გლეხთა რაზმები ქედისაკენ დაიძრნენ, ქედის ხიდთან შეიკრიბნენ, იქ გამართეს მიტინგი, გულისწყრომით დაგმეს თვითმპყრობელური რეჟიმი, ალა-ბეგებისა და სხვა ექსპლუატატორთა ძალადობა. ერთგულების ფიცის დადების შემდეგ 2 ათასი შეიარაღებული გლეხი მწყობრად დარაზმული გამოცხადდა ქედის საპოლიციო უბნის შენობასთან. გლეხთა წარმომადგენლებმა ბოქაულ სერგეევს თავის მოთხოვნები წარუდგინეს. ქვემო აჭარის გლეხები, კერძოდ, მოითხოვდნენ სასოფლო ოკრუგების სამმართველოთა გაუქმებას, მათი შესანახი ხარჯისაგან გლეხთა განთავისუფლებას, ტყის უსასყიდლოდ სარგებლობის უფლებას, ნავთზე დადებული ბაჟის მოსპობას, გზის სამუშაოზე გაყვანილი გლეხების სამუშაო ქირის გადიდებას, სოფლის მოსახლეობის დანაზოგებით შექმნილ ურთიერთდამხმარე სალაროს გამგის პოსტიდან დერვიშ-ბეგ ბეჟანიძის გადაყენებას და ამ დაწესებულების მართვის ფუნქციის გლეხთაგან არჩეული პირებისათვის გადაცემას.

საპოლიციო უბნის შეშინებულ მოხელეთა უმრავლესობა კანცელარიის სადგომებში მიიძალა. ბოქაულმა სერგეევმა კი გაბედა აჯანყებულთა წინაშე გამოსვლა. მან ლმობიერი ტონით განაცხადა, რომ გლეხთა-

გან წამოყენებული მოთხოვნების შესრულება არ შედიოდა მის კომ-
იტეტში. ასეთი პასუხით აღწევთ გლეხები დაერივნენ ქედის
საპოლიციო უბნის დაწესებულებებს, განაარაღეს მთავრობის მოხელე-
ნი. გამოაძევეს ისინი დაწესებულებებიდან, აბრები ჩამოხსნეს ადმინის-
ტრაციულ შენობებს. გარეთ გადმოყარეს კანცელარიის ნივთები, დაწ-
ვეს დოკუმენტები, საჭაროდ დახიეს ნიკოლოზ მეორის სურათი.

ბათუმის ოლქისა და ოკრუგის ხელისუფლება შეშფოთდა, სასწრა-
ფო ზომები მიიღო ქვემო აჭარის გლეხთა აჯანყების ჩასაქრობად. 10
თებერვალს ქედში ჩავიდა ბათუმის ოკრუგის უფროსი პოდპოლკოვნი-
კი ჩერნოვი. აჯანყებულებმა მეფის ამ მოხელეს მასწავლებელ კ. მკურ-
ნალის დახმარებით რუსულ ენაზე დაწერილი პეტიცია გადასცეს. გლე-
ხები ჩიოდნენ გადასახადთა განუწყვეტელი გადიდების, ალა-ბეგებისა
და მოხელეების თვითნებობის გამო და კვლავ მოითხოვდნენ სასოფლო
ოკრუგების სამმართველოთა დახურვას, გლეხთა თვითმმართველობის
ორგანიზაცია შექმნას. ჩერნოვმა ტბილი სიტყვა არ დაიშურა, მზგრამ
ფაქტიურად არაფერი გააკეთა. გლეხებმა არ ირწმუნეს მეფის მოხელის
პირფერული დაპირება, გააგრძელეს მთავრობის საწინააღმდეგო მოქ-
მელება.

ბათუმის ოლქის ხელისუფლებამ გადაწყვიტა იარაღის გამოყენე-
ბით ჩაეხშო აჯანყება, რეპრესიებით გამასპინძლებოდა გათავხედებულ
გლეხობას. 19 თებერვალს ქედში გაიგზავნა კახაკთა ბატალიონი ორა-
ოფიცრისა და მშვიდობიან მოლაპარაკებაში ხელმოცარული პოდპოლ-
კოვნიკ ჩერნოვის მეთაურობით. აჯანყებულებმა გადაწყვიტეს წინააღ-
მდეგობის გაწევა და დარწმუნებულნი იყვნენ გამარჯვებაში. მაგრამ
რსდმპ ბათუმის კომიტეტმა ნაადრევად და მიზანშეუწონლად მიიჩნია
ქვემო აჭარის გლეხთა შეიარაღებულ ბრძოლაში ჩაბმა და აჯანყების
ხელმძღვანელებს სათანადო რჩევა მისცა. გლეხთა მეთაურებიც დარწ-
მუნდნენ, რომ ლოკალური აჯანყების მომენტალური წარმატება, რაც
ალბათ დიდი მსხვერპლის გაღებით იქნებოდა მოპოვებული, ბევრს არა-
ფერს შემატებდა სარუსეთო რევოლუციას. ამიტომ მათ შეიარაღებულ
ბრძოლაზე უარი თქვეს, თავისი პოზიციები კახაკთა ასეულებს დაუთმეს.
უბრძოლველად „გამარჯვებულმა“ ბათუმის ოლქის ადმინისტრაციამ
რეპრესიებს მაინც მიმართა, აჯანყების 60 ხელმძღვანელი და აქტიური
მონაწილე დააპატიმრა, ქედის საბოქაულოს დაწესებულებები და დარ-
ბეული სასოფლო კანცელარიები აღადგინა.

გურიისა და აჭარის გლეხებს, კლასობრივი თვითშეგნებითა და
რევოლუციური შემატებით, არც მეგრელი გლეხები ჩამორჩებოდნენ.

ისინი ხშირად ატარებდნენ კრებებსა და ყრილობებს, მოითხოვდნენ შემამულეთა მიწების გლეხთათვის გადაცემას, ბეგარა-გადასახადების მოსპობას. ხალხისათვის სიტყვის, შეკრების, სინდისის თავისუფლების მინიჭებას, ქვემარტი თვითმმართველობის დაწესებას, დამფუძნებელი კრების მოწვევას, რუსეთის იმპერიის მართვა-გამგეობის სისტემის დემოკრატიულ საფუძველზე გარდაქმნას. ზუგდიდისა და სენაკის სამაზხრო ადმინისტრაციამ სოფლად გაშლილი რევოლუციური მოძრაობის ჩასახშობად ჩამოაყალიბა კაზაკთა და პოლიციელთა მფრინავი რაზმები. გახშირდა შეიარაღებული შეტაკებები. 14 თებერვალს, მაგალითად, ბოქაული შენგელია „სტრაჟნიკებით“ დაესხა თავს სოფ. კაჩათის სამი აუასიან კრებას და დააპატრირა 16 კაცი. კრების მონაწილეებმა ამავე პროტესტი განაცხადეს და კატეგორიულად მოითხოვეს ამანაგების განთავისუფლება. რაკი ბოქაულმა ეს არ ინება. გლეხები შეტევაზე გადავიდნენ, კეტები დაატრიალეს და პოლიციელებს, რომლებმაც ცეცხლი გახსნეს, ქვების სროლით უპასუხეს. შენგელიას სტრაჟნიკებმა ვერ გაუძლეს გლეხთა თავგანწირულ შეტევას და მოკურცხლეს. ბრძოლა ერთ საათს გაგრძელდა. გლეხებმა შეტაკებისას 12 კაცი დაკარგეს მოკლულთა სახით. მაგრამ დაპატრირებულ სოციალურ თანამოსმეთა განთავისუფლება მაინც მოახერხეს. ამის შემდეგ კაჩაულმა გლეხებმა გადაწყვიტეს ზუგდიდზე თავდასხმა. იქ არსებულ მთავრობის დაწესებულებათა განადგურება, მაგრამ სამაზხრო ადმინისტრაციამ დაცვა გააძლიერა, ძალაუფლების შენარჩუნება შეძლო.

სამეგრელოს გლეხებმა გადაწყვიტეს ძალისათვის ძალის დაპირისპირება. ზუგდიდის, წალენჯიხის, მარტვილის, და მარნის საპოლიციო უბნებში ჩამოყალიბდა შეიარაღებული წითელი რაზმები. ისინი სოფლის მშრომელ მოსახლეობას იცავდნენ მეფის მოხელეთა თვითნებობისა და პოლიციელთა თავდასხმებისაგან. სოფლებიდან აძევებდნენ თანავადებობის პირებს, ებრძოდნენ დამსჯელ ეგზეკუციებს. ცდილობდნენ რევოლუციური წესრიგის დამყარებას.

გლეხთა მოძრაობა ახალი ძალით გაჩაღდა ქუთაისის, შორაპნის და რაჭის მაზრებში, მოედო აფხაზეთსა და მალაღმთიან სვანეთს. ყველგან საგრძნობლად ამაღლდა გლეხთა კლასობრივი თვითშეგნება. ყველგან იგრძნობოდა სოციალ-დემოკრატიის მაორგანიზებელი როლი.

საქართველოს სხვადასხვა კუთხეებში რევოლუციურ გლეხთა მიერ წამოყენებული მოთხოვნილებები, ნიუანსებში, მართალია, ერთმანეთსაგან განსხვავდებოდა, მაგრამ არსებითად ერთგვაროვანი იყო. ჩვენს ქვეყნის სოფლის მშრომელმა მოსახლეობამ, რომელიც აქტიურად ჩაება

რუსეთის საყოველთაო სახალხო რევოლუციის, მიზნად დაისახა: 1. დროებითვალდებულების ინსტიტუტის მოსპობა და ყოველგვარი სახის დამოკიდებულებითი ურთიერთობის გაუქმება, სანადელო მიწების გლეხთა საკუთრებად დამტკიცება; 2. გლეხებისათვის გადახდილი ღალი-სა და ნადელთა გამოსასყიდი ფასის უკან დაბრუნება; 3. სახელმწიფო ჯაჭვისა და მემამულეთა მიწების კონფისკაცია, უმიწაყლო გლეხებისათვის მისი დარიგება; 4. მღვდელმსახურებისათვის გლეხებზე დადებული გადასახადის გაუქმება; 5. საგზაო-სატრანსპორტო ბეგარის მოსპობა, გზების გაკეთება, რემონტის სახელმწიფო ხაზინის ხარჯზე შესრულება; 6. არაპირდაპირი გადასახადების, სხვადასხვა ბაეების მოსპობა, საშემოსავლო გადასახადის შემოღება და მისგან 500 მანეთზე ნაკლებ შემოსავლიან მეურნეობათა განთავისუფლება; 7. წოდებრივი პრივილეგიების გაუქმება, კანონის წინაშე ყველა მოქალაქის გათანასწო-რება; 8. პიროვნების ზელშეუხებლობის, სიტყვის, ბეჭდვის, კრების, კავშირების შექმნის, გაფიცვების თავისუფლების დაკანონება; 9. დამფუძნებელი კრების მოწვევა, ხალხის წინაშე პასუხისმგებელი დემოკრატიული მთავრობის შექმნა, საყოველთაო, პირდაპირი, თანასწორი და ფარული არჩევნების დაწესება; 10. ფართო უფლება-კომპენტენციით აღჭურვილი სამაზრო და სარაიონო თვითმმართველობის ორგანოთა შექმნა; 11. 16 წლამდე ასაკის ბავშვებისათვის ქართულ ენაზე საყოველთაო, უფასო და სავალდებულო სწავლების შემოღება; 12. საპასპორტო სისტემის გაუქმება, მიგრაციის თავისუფლების დაკანონება; 13 „სალდათობისა“ და მუდმივი ჯარის გაუქმება, სახალხო მილიციის ჩამოყალიბება.

საქართველოს გლეხობის ეს აგრარული და საერთო დემოკრატიული მოთხოვნები შეესაბამებოდა რევოლუციური სოციალ-დემოკრატიის პროგრამა-მინიმუმს. ცხადია, ბოლშევიკების აგიტაცია-პროპაგანდამ სათანადო ნაყოფი გამოიღო, ხელი შეუწყო გლეხობის კლასობრივი თვითშეგნებისა და ორგანიზებულობის ამაღლებას, რევოლუციის გაფართოებას. ამ მოთხოვნათა განხორციელება მოასწავებდა ბატონყმობის ყველა ნაშთის მოსპობას, ცარიზმის დამხობასა და მართვა-გამგეობის დემოკრატიული სისტემის შექმნას. მაგრამ რუსეთის პირველი, დაგვიანებული ბურჟუაზიული რევოლუცია ამ ჩარჩოებში ვერ ეტეოდა. 1905—1907 წწ. თვისობრივად უფრო მაღალ საფეხურზე ავიდა მეორე სოციალური ომიც, კაპიტალისტური ექსპლოატაციის მოსპობისათვის დაი-რაზმა ქალაქისა და სოფლის პროლეტარიატი. მუშათა კლასის ამ მიზანსა-ლოლიდარობას უცხადებდა ლარიბი და ნაწილობრივ საშუალო გლეხო-ბაც.

გლახთა რევოლუციურმა მოძრაობამ, რომლის მახვილი უპირველეს ყოვლისა თავადაზნაურული მიწათმფლობელობისა და წოდებრივი პრივილეგიების წინააღმდეგ იყო მიმართული, თავგზა აუბნია „ბრწყინვალე“ წოდებას. შეშინებულმა მემამულეებმა მიატოვეს სოფლები, საგუბერნიო და სამაზრო ცენტრებში შექუჩდნენ, დაიწყეს სათანადო, რა თქმა უნდა, რეაქციული ღონისძიებების შემუშავება. თბილისში, ქუთაისში და სამაზრო ქალაქებში ჩატარდა თავადაზნაურთა წოდებრივი თათბირები, მორიგი და საგანგებო კრებები. სპეციალური კომისიები გამოიყო მხარეთა გამწვავებულ ურთიერთობის მოსაგვარებლად, აგრარული საკითხის სიმწვავის გასაწვავებლად, სამკვდრო-სასიცოცხლოდ შემართულ თავადაზნაურობასა და გლახობის შესარიგებლად. თავადაზნაურობის ყველაზე უფრო რეაქციულად და ექსტრემისტულად განწყობილი ნაწილი გმობდა მშვიდობიანი მოლაპარაკების ტაქტიკას, იარაღს აუღარუნებდა. სამეგრელოს თავადაზნაურთა კრებაზე კ. ალიშბაიამ განაცხადა: „როცა რევოლუციური ბრძოლა გადაწვავს თავადაზნაურთა ერთ სახლს, ჩვენ ეცხლს უნდა მივცეთ გლახთა ასი სახლი, როცა მოკლავენ პრივილეგიური წოდების ერთ წარმომადგენელს, სამაგიეროდ სიცოცხლეს უნდა გამოვასაღმოთ ათასი გლახი. რევოლუციური მასის დამშვიდება მხოლოდ თოფ-ზარბაზნების ბათქით შეიძლება“. ასეთი პირები მოუწოდებდნენ, ევედრებოდნენ მთავრობას დამსჯელი ნაწილები გაეგზავნა რევოლუციის ალით მოცულ სოფლებში, ტყვიით გამასპინძლებოდა გათავხედებულ გლახებს. მაგრამ პრივილეგიური წოდება მართა მეფის მთავრობასა და მის არმიას როდი ამყარებდა იმედს, თვითაც აქტიურობდა, „თვითმოქმედების“ უნარს ამჟღავნებდა, თითქმის ყველა მაზრაში წითელრაზმელებთან საბრძოლველად ყალიბდებოდა თავადაზნაურთა შავი რაზმები.

1905 წ. აპრილში ჩატარდა რუსეთის სოციალ-დემოკრატიული მუშათა პარტიის (ბოლშევიკების) მესამე ყრილობა. გლახთა მოძრაობისადმი დამოკიდებულების საკითხზე ყრილობამ მოისმინა ვ. ი. ლენინისა და მ. გ. ცხაკაიას მოხსენებები. მ. ცხაკაიამ ყრილობის დელეგატებს, საკმაოდ სრული ინფორმაცია მიაწოდა საქართველოს გლახთა მოძრაობის ფართო მასშტაბზე, მუშათა კლასისა და გლახობის საბრძოლო კავშირზე, ბოლშევიკების მორგანიზებელი როლის შესახებ. მ. ცხაკაიას მოხსენების გამო პარტიის მესამე ყრილობამ მიიღო თვით ვ. ი. ლენინის ხელით დაწერილი რეზოლუცია. იქ აღნიშნული იყო, რომ კავკასიის სოციალ-პოლიტიკური ცხოვრების განსაკუთრებულმა პირობებმა ხელი შეუწყო იქ პარტიის ყველაზე უფრო მებრძოლი ორგანიზაციების

შექმნას. კავკასიის მშრომელი მოსახლეობის რევოლუციური მოძრაობა როგორც ქალაქად, ისე სოფლად უკვე მივიდა თვითმპყრობელობის წინააღმდეგ საყოველთაო სახალხო აჯანყებამდე. მეფის მთავრობა უკვე გზავნის ჯარსა და არტილერიას გურიის და ამხადებს აჯანყების ყველა უმნიშვნელოვანესი კერის უაღრესად დაუნდობელ განადგურებას. კავკასიელთა სახალხო აჯანყებაზე თვითმპყრობელობის გამარჯვება უაღრესად მავნე გავლენას მოახდენს რუსეთის მთელი მშრომელი მოსახლეობის აჯანყების მსვლელობაზე და ამიტომ აუცილებელია ცენტრალურმა კომიტეტმა არა მარტო სოლიდარობა გამოუცხადოს კავკასიის მშრომელებს, არამედ ზეალური დახმარებაც გაუწიოსო მათ თავის განკარგულებაში არსებული ყველა საშუალებებით.

ამგვარად, ბოლშევიკური პარტიის მესამე ყრილობამ თავის დადგენილებაში დააფიქსირა ის ფაქტი, რომ კავკასიის მშრომელი მასა რუსეთის პირველი რევოლუციის ავანგარდში იდგა, თვით კავკასიაში კი განსაკუთრებით მაღალი რევოლუციური შესართავებით საქართველოს მშრომელები გამოირჩეოდნენ, სწორედ საქართველოში გაჩნდა აჯანყების პირველი კერები, მოხდა შეიარაღებული შეტაკებები მთავრობის ჯარებსა და რევოლუციურ ხალხს შორის. მიუხედავად ამისა, 1905 წ. გაზაფხულზე რევოლუციური მოძრაობის მთავარ ფორმას ჯერ კიდევ გადასახადებზე უარის თქმა და მთავრობის დაწესებულებათა ბოიკოტი წარმოადგენდა. ხალხმა აიძულა სოფლის სამმართველოები და სასამართლოები შეეწყვიტათ ფუნქციონირება, ბევრგან პარალიზებული აღმოჩნდა სამაზრო ხელისუფლებაც. თითქმის ყველა სასოფლო საზოგადოებაში ჩამოყალიბდა რევოლუციური თვითმმართველობის ორგანოები.

საქართველოს სოფელში ორი ტიპის გლეხთა ორგანიზაციები ჩამოყალიბდა. დაარსდა როგორც სოციალ-დემოკრატიული პარტიული ორგანიზაციები, ისე რევოლუციურ-დემოკრატიული გლეხთა უპარტიო ორგანიზაციები. რევოლუციური თვითმმართველობის უმცირესი ერთეული იყო ათი გლეხისაგან შემდგარა წრე არჩეული ათისთავით. რამდენიმე ასეთი წრე შეადგენდა სოფლის ჯგუფს, რომელსაც მეთაურობდა არჩეული ასისთავი. რამდენიმე სოფელი ირჩევდა წარმომადგენლებს და მათ მეთაურობას ათასის თავს ავალებდა. ათასის თავების კრებული კმნიდა გლეხთა რევოლუციურ კომიტეტს. გლეხთა რევოლუციური თვითმმართველობის ორგანოებზე პარტიული ხელმძღვანელობა ხორციელდებოდა სათანადო პარტიული ორგანოს მიერ დანიშნული რწმუნებულების მეშვეობით.

1905 წ. ქარიშხლიან დღეებში გლეხთა რევოლუციური თვითმმართველობის ორგანოები საქართველოს თითქმის ყველა მაზრასა და რაიონში ჩამოყალიბდა. მშრომელი მოსახლეობა აღარ სცნობდა მეფის მთავრობის ადგილობრივ ადმინისტრაციას და ხელისუფლებას ორგანოებად მხოლოდ რევოლუციურ კომიტეტებს აღიარებდა. რევოლუციური თვითმმართველობის ეს ორგანოები წყვეტდნენ ადგილობრივი მნიშვნელობის ყველა საკითხებს. მიწის ფონდი საერთო სახალხო საკუთრებად გამოცხადდა. თავდაპირველად ჩამორთმეულ მამულებს რევოლუციური კომიტეტები ანაწილებდნენ გლეხთა შორის. გლეხობა განთავისუფლდა სწრაფად და საჯარო გადასახადებისგან, თავისუფლად სარგებლობდა ტყითა და საძოვრით. სადაო საკითხებს სახალხო სასამართლოები არჩევდნენ.

1905 წ. საქართველოში მეფის მთავრობისაგან შექმნილი ოფიციალური სასამართლოები ფაქტობრივად გაუქმდა. ხალხმა დემოკრატიული უაილის სასამართლოები შექმნა. მოსპო სამართალწარმოების ბიუროკრატიული წესები. სახალხო სასამართლოებს კომპეტენციაში შედიოდა როგორც სამოქალაქო, ისე სისხლის სამართლის საქმეები. სამართალწარმოება საჯაროდ და სწრაფად მიმდინარეობდა. თუ რომელიმე მხარე განაჩენით უკმაყოფილო დარჩებოდა, საქმე გადაეცემოდა სამედიატორ სასამართლოს. რომელიც თავისებურ უმაღლეს ინსტანციას წარმოადგენდა და მისი გადაწყვეტილება საბოლოოდ ითვლებოდა.

რევოლუციური კომიტეტები და სახალხო სასამართლოები მშრომელი გლეხობის დიდი ნდობითა და ავტორიტეტით სარგებლობდნენ. გლეხთა რევკომის განკარგულება, სახალხო სასამართლოს გადაწყვეტილება თითქმის ყოველთვის სრულდებოდა. პირველი რევოლუციის წლებში ქართველი გლეხი დაბეჩავებულ-დამცირებული ადამიანიდან გადაიქცა თავისუფლად მოაზროვნე და თავისუფლად მოქმედ მოქალაქედ, რომელიც გამსჭვალული იყო თავისი დიდი ძალის რწმენით და ახერხებდა სოფლად რევოლუციური წესრიგის დამყარებას. სოფლის მშრომელმა მოსახლეობამ, დროებით მაინც თავისუფლად ამოისუნთქა. მას ვეღარ აწუხებდნენ მემამულეები და თვითმპყრობელური მთავრობის აღვირახსნილი მოხელეები, აღარ განიცდიდნენ პოლიციელების, მამასახლისებისა და გადასახადების ამკრფთა ძალადობას. მაგრამ მოპოვებული თავისუფლება არ შეიძლება უზრუნველყოფილად ჩათვლილიყო ვიდრე არსებობდა მეფის მთავრობა, მისი საგუბერნიო ადმინისტრაცია. ასეუ პირობებში გლეხთა რევოლუციური კომიტეტების და ბოლშევიკური

ორგანიზაციების მთავარ ამოცანას წარმოადგენდა ხალხის მომზადება ცარიზმის წინააღმდეგ გადამწყვეტი ბრძოლისათვის.

მეფის მთავრობის მოხელეებს, რა თქმა უნდა, არ ეძინათ. სულაც არ აპირებდნენ თავის ნებაზე მიეშვათ ხალხი, გულხელდაკრეფილი ეცქირათ რევოლუციის გაღრმავების, შეიარაღებული აჯანყების მომწიფებისათვის. მეფის სატრაპები რევოლუციური მასის წინააღმდეგ ძალასაც იყენებდნენ, მაგრამ არც მშვიდობიანი მოლაპარაკების ტაქტიკასა და დემაგოგიაზე ამბობდნენ უარს.

დაღა 1905 წ. ცხელი ზაფხული. გლეხობა მოსავალს იღებდა, მაგრამ დალა-კულუხისა და საიჯარო ქირის გადახდაზე არავინ ფიქრობდა. მემამულეებმა კვლავ ატეხეს განგაში, მეფის მთავრობის კავკასიურ ადმინისტრაციას მკაცრი ზომების მიღება მოსთხოვეს გათავხედებული გლეხების ასალაგმავად, „არანორმალური მდგომარეობის“ აღმოსაფხვრელად. კავკასიაში მეფისნაცვლად დანიშნულმა ი. ვორონცოვ-დაშკოვმა, მართლაც შეიმუშავა რევოლუციის წინააღმდეგ ბრძოლის მთელი სისტემა, რომელიც ითვალისწინებდა სოფლის მოსახლეობის საჭიროებათა დაკმაყოფილებაზე „ზრუნვასაც“ და ადმინისტრაციულ-პოლიციურ ზემოქმედებასაც.

გლეხთა მოძრაობით მოცულ აღმოსავლეთ საქართველოს მაზრებში გაიგზავნენ გენერლები ი. ამილახვარი და ზ. ჭავჭავაძე. მეფისნაცვლის რწმუნებით აღჭურვილ ამ გენერლებს თან ახლდა მოხელეთა მთელი ამაღა, გუბერნიისა და მაზრების თავადაზნაურთა წინამძღოლები, დრაგუნთა პოლკების ესკადრონები. მივლინებულმა გენერლებმა შემოიარეს სასოფლო საზოგადოებათა უმრავლესობა, ყველგან ნახეს გლეხობის გაკვირება, სოფლის უშუალო მწარმოებელი მასის უკმაყოფილება და რევოლუციური შემართება. გლეხები მოითხოვდნენ მიწას და თავისუფლებას, სათავადო და სახელმწიფო გადასახადების მოსპობას, სოფლის კანცელარიების დახურვას, საგლეხო თვითმმართველობის ორგანოთა ჩამოყალიბებას, სკოლების გამრავლებასა და მშობლიურ ენაზე სწავლების დაკანონებას.

მეფის გენერლებმა თავის მოჩივნებით ბარათებში აღიარეს გლეხობის დიდი ნაწილის გაკვირება, საკმაოდ რეალურად ასახეს სოფლის მოსახლეობის მძიმე ეკონომიური და უფლებრივი მდგომარეობა, ადგილობრივი ადმინისტრაციის მოხელეთა ბოროტმოქმედების, ძალმომრეობის, „უთაობისა და უთადარიგობის“ ფაქტები, გლეხობის მზარდი უკმაყოფილება, კლასობრივი ბრძოლის არნახული სიმწვავეით გაშლა, მაგრამ ისიც აღნიშნეს, რომ ხალხს მცირე დათმობები და შეღავათები არ

აკმაყოფილებს, ჩვენი „დამამშვიდებელი“ მისია მარცხით დამთავრდა და ამიტომ „საზოგადოებრივი წესრიგი“ ადმინისტრაციულ-სამხედრო ღონისძიებების გამოყენებით უნდა აღვადგინოთ.

მეფისნაცვლის ბრძანებით ზაფხულის შუა რიცხვებში საქართველოს თითქმის ყველა მაზრაში ჩამოყალიბდა დროებითი კომისიები. შათ დაეკალათ რევოლუციის მიერ თავდაზნაურობისათვის მიყენებული ზარალის აღნუსხვა, რევოლუციურ მოძრაობაში განსაკუთრებით აქტიურად მონაწილე გლეხთა სიების შედგენა. 27 ივლისს გორისა და ღუშეთის მაზრებში სამხედრო წესები გამოცხადდა, გენერალ-გუბერნატორად გენერალი ამილახვარი დანიშნა. დამსჯელი რაზმები შეუდგნენ რევოლუციურ გლეხობასთან ანგარიშის გასწორებას. ჯარისკაცთა ტყვიებს მუხრანელმა გლეხებმა 30 ივლისს ქვების სროლით უპასუხეს და ოთხი კაცი დაჭრეს. 31 ივლისს საეგზეკუციო რაზმი მჭადიჯვარს ჩავიდა, ძალით გადაახდევინა გლეხებს ძველი და ახალი გადასახადები. 3 აგვისტოს ცალადობით აღშფოთებულმა გლეხებმა თავი მოიყარეს მემამულის სახლთან. ღუშეთის მაზრის უფროსმა ათას კაციან „ბრბოს“ დაშლა და მორჩილება მოსთხოვა. გლეხებმა განაცხადეს, რომ უარს ამბობენ გადასახადებზე და არც ხელისუფლების მორჩილებას აპირებენ. ამის შემდეგ, ჯარმა იარაღს მიმართა, მოკლეს 30 და დაჭრეს 40 კაცი. მსგავსი მხეცობა მეფის ჯალათებმა ჩაიდინეს თელავის მაზრის სოფ. გრემში, მოკლეს ხუთი და დაჭრეს 9 გლეხი.

მხეცურად დახოცილი გრემელი გლეხები 10 აგვისტოს დიდი პატივით დაკრძალეს. სამგლოვიარო დემონსტრაციაში თელავის მაზრის ყველა სასოფლო საზოგადოების წარმომადგენლები მონაწილეობდნენ. სამგლოვიარო პროცესიას წინ მიუძღოდნენ მედროშენი წითელი ბაირაღებით. ბოლშევიკმა ორატორებმა გლეხებს მოუწოდეს ძალისათვის ძალა დაეპირისპირებინათ, საყოველთაო აჯანყების დროშა აეფრალეებინათ.

განშირდა გლეხთა თავდასხმა მემამულეებზე, პოლიციელებსა და კაზაკებზე. 27 აგვისტოს სოფ. ქვემოჭალის გლეხებმა მოკლეს პოლიციის „ურიადნიკი“ და ერთი კაზაკი. ცოტა მოგვიანებით რევოლუციურმა გლეხებმა სიცოცხლეს გამოასალმეს ბოქაული ავალიშვილი, თავადი ციციშვილი, პოლიციის „ურიადნიკი“ ლიტვინენკო, თავადი ნ. ერისთავი და სხვ.

დასავლეთ საქართველოს საგუბერნიო და სამაზრო ადმინისტრაციისაგან გაჩაღებული რეპრესიების საპასუხოდ ივლის-აგვისტოში გლეხთა მოძრაობა კიდევ უფრო გაძლიერდა, გააქტიურდნენ გლეხთა რევოლუციური კომიტეტები. ყალიბდებოდა ახალ-ახალი წითელი რაზმები,

გროვებოდა მატერიალური სახსრები იარაღის შესაძენად. შეიარაღებული აჯანყების მოსამზადებლად. ხშირად ხდებოდა შეტაკებები დამსჯელ რაზმებსა და გლეხებს შორის. რასაც ორივე მხრიდან მოსდევდა საკმაოდ დიდი მსხვერავლი. აენაკის მანირის უფროსი საგუაერნო-სკლი-უფლებას აცხობებდა, რომ რევოლუციურმა მოძრაობამ კულმინაციას მიაღწიაო. მაზრაში სრული ანარქიაა, ხალხი ოფიციალურ ხელისუფლებას არ სცნობს. ყოველდღე იმართება შეიარაღებული დემონსტრაციები, ხალხი ერთიანი და სოლიდარულია, რევოლუციური თვითმმართველობა ბატონობს თითქმის ყველა სოფელში, ხალხი ემზადებაო საყოველთაო შეიარაღებული აჯანყებისათვის. ანალოგიური მდგომარეობა იყო სუგდილის მაზრაში.

21 აგვისტოს დაბა ჩოხატაურში ჩატარდა რამდენიმე სოფლის გლეხთა შეიარაღებული დემონსტრაცია. დემონსტრაციის ბევრ მონაწილეს ჰქონდა თოფი, რევოლვერი. დემონსტრანტთა შორის ჩანდნენ თავით ფეხამდე შეიარაღებული ცხენოსანი მხედრებიც. ანალოგიური დემონსტრაცია დაბა ლაწხუთში 27 აგვისტოს გაიმართა. ქუჩაში გაშრიდა კაცი, ქალი, მოხუცი, ახალგაზრდა, სულ 2 ათასამდე კაცი. შეიარაღებული დემონსტრანტები ოკუპლებად იყვნენ დაწყობილი, მათ მიჰყვებოდნენ ცივი იარაღით აღჭურვილი გლეხები, შემდეგ კი მოძრაობდნენ ქალთა და ქაბუთთა კოლონები. რევოლუციის გავლენა ოზურგეთის მაზრაში მდგარ ჯარის ნაწილებსაც შეეხო. გახშირდა დეზერტირობა. აღმფრთვებული მანრის უფროს კავკასიის პოლიციის გამგეს შირინკანს აცნობებდა. რომ 500 დეზერტირი შეიარაღებულ ხალხს ტყვის სროლას ასწავლის, ხოლო ყოფილი ოფიცრები ცალკეულ გლეხთა შეიარაღებულ რაზმებსაც ხელმძღვანელობენ, სხვა წითელ რაზმებთან ერთად ოზურგეთზე თავდასხმისათვის ემზადებიანო.

რევოლუციური მოძრაობა აღმავალი ხაზით ვითარდებოდა ქუთაისის, შორაპნის, ბაკისა და ლეჩხუმის მაზრებში, აჭარასა და აფხაზეთში. ჯანდარმერის პოლკოვნიკი გამყრელიძე დასავლეთ საქართველოში შექმნილ მდგომარეობას ადარებდა პერმეტულად დახურულ წყლით სავსე დიდ ქვაბს, რომელიც უზარმაზარ კოცონზე იდგა და დუღდა. უდავო იყო. რომ ქვაბის კედლები ვერ გაუძლებდა ორთქლის ძალას და აფეთქების შედეგად ნამსხვრევებად გადაიქცეოდა. პოლკოვნიკი გამყრელიძე ზემდგომ ინსტანციას აუწყებდა, რომ კარგად ვერკვევი ხალხის ხასიათში, განწყობილებასა და მიზნებში, ქუთაისის გუბერნიის მოსახლეობის ხსნა თვითმოსპობისაგან შესაძლებელია მხოლოდ რევოლუციის ხელმძღვანელთა და სხვა არა საიმედო პირთა წინააღმდეგ გადამწყვეტი

რეპრესიული ზომების მიღებით, ყოველივე დანარჩენი პალიატივებია და დადებით შედეგს არ მოგვეცემსო. მკაცრი ზომების მიღებაზე, სისხლიანი სასაკლავოს მოწყობაზე მეფის მთავრობის კავკასიური ადმინისტრაციის სხვა დიდი მოხელენიც ფიქრობდნენ და არცთუ იშვიათად მიმართავდნენ მას, მაგრამ რევოლუციის წინააღმდეგ გენერალური შეტევის დაწყებას ჯერ კიდევ ვერ ბედავდნენ.

1905 წ. შემოდგომაზე სახალხო რევოლუცია რუსეთის იმპერიის ყველა მხარეში უახლოვდებოდა კულმინაციურ წერტილს. ოქტომბრის, საყოველთაო გაფიცვამ თავზარი დასცა მეფეს, მის მინისტრებს, მთლიანად შედაფენებს. ნიკოლოზ მეორემ 1905 წ. 17 ოქტომბერს გამოაქვეყნა მანიფესტი, რომლითაც ხალხს ჰპირდებოდა სამოქალაქო-პოლიტიკურ თავისუფლებასა და კონსტიტუციას. მენშევიკებმა 17 ოქტომბრის მანიფესტი ხალხის უდიდეს მილწევად გამოაცხადეს, ისინი ამბობდნენ, რომ დადგა რევოლუციის განვითარების მშვიდობიანი პერიოდი, საჭირო აღარაა შეიარაღება და შეიარაღებული აჯანყება, რევოლუცია თავის საქმეს მშვიდობიანად გააქეთებსო.

17 ოქტომბრის მანიფესტს ქართველი სოციალ-ფედერალისტებიც სიხარულით შეხვდნენ. პირველ ხანებში მათ მეფის ყველა დაპირება ბაჯალლო ოქროდ მიიღეს და „ძირითადი სახელმწიფოებრივი რეფორმა“ უკვე გატარებულად გამოაცხადეს. მაგრამ მალე სოციალ-ფედერალისტების მსჯელობა-ვარაუდები ექვნარევი გახდა. მათი აზრით, მანიფესტი არ იძლეოდა აგრარული საკითხის სისრულით გადაჭრის შესაძლებლობას. უმაღლესმა მანიფესტმა, მართალია, დააკმაყოფილა მოწინავე საზოგადოებისა და გლეხობის მიერ წამოყენებული ზოგი მოთხოვნა, აღიარებულ იქნა გამოსასყიდი გადასახდელების გაუქმებისა და საგლეხო ბანკის მეშვეობით გლეხთა მიწათმფლობელობის გაფართოების საპირობება, მაგრამ რევოლუციის აღმავლობის ამ ეტაპზე გლეხობას აღნიშნული დათმობანი არასაკმარისად მიაჩნია, იგი გაცილებით მეტს მოიხიზნოვსო. „გლეხებს უნდათ მიწა, გლეხებს უნდათ თავისუფალი შრომა. ბევრის მომთმენია გლეხი, მაგრამ იმის მოთმინების ფილაც აივსო. გლეხთა მოწინავე ნაწილმა კარგად იცის, რომ ბიუროკრატია მთლიანად ვერ დააკმაყოფილებს მის სურვილს და ამიტომ თხოულობს დამფუძნებელი კრების მოწვევას“. სოციალ-ფედერალისტების აზრით, მეფის მიერ დაპირებულ სათათბიროს, რომელიც 1906 წ. იანვარში უნდა შეკრებილიყო, გლეხობის დაკმაყოფილება არ შეეძლო, აგრარული საკითხი გამარჯვებული რევოლუციის მიერ მოწვეულ დამფუძნებელ კრებას უნდა გადაეჭრა.

მენშევიკებსა და სოციალ-ფედერალისტებს სულაც არ მიაჩნდათ შეიარაღებული აჯანყება აუცილებლად და რევოლუციის გამარჯვების წინაპირობად, ისინი მშვიდობიან რევოლუციას ანიჭებდნენ უპირატესობას. არსებითად განსხვავებულ პოზიციაზე იდგნენ ბოლშევიკები. იმ დროს ი. ჯულაშვილი წერდა: „მეფე ვერ მოგვცემს სახალხო დამფუძნებელ კრებას, მეფე ვერ მოსპობს თავისსავე თვითმპყრობელობას. კუდშეკვეცილი „კონსტიტუცია“ რომელსაც ის „გვაძლევს“ დროებითა დათმობაა, მეფის ფარისევლური დაპირებაა და მეტი არაფერი. ხალხი ვერ ენდობა მეფის დაპირებას. მხოლოდ მაშინ, როცა იარაღსხმული ხალხი პროლეტარიატს გაიმძღვარებს და საყოველთაო აჯანყების დროშას ააფრიალებს, მხოლოდ მაშინ შეიძლება დაემხოს ხიშტებზე გამაგრებული მეფის მთავრობა. ცარიელი ფრაზები კი არა, ნამდვილი შეიარაღება და შეიარაღებული აჯანყება — აი საით მიდიან დღეს მთელი რუსეთის პროლეტარები“.

ვ. ი. ლენინს და ქართველ ბოლშევიკებს მიაჩნდათ, რომ უკვე 1905 წ. ზაფხულის ბოლოს რუსეთისა და განაპირა მხარეების პროლეტართა მთავარი ამოცანა გახდა „ტექნიკური ხელმძღვანელობა და მთელი რუსეთის აჯანყების ორგანიზებული მომზადება“. ბოლშევიკები მოუწოდებდნენ ხალხს იარაღის რაოდენობის გადიდებასთან, მის მოპოვებასა და საფაბრიკო წესით დამზადებასთან ერთად, განსაკუთრებული ყურადღება მიექციათ სხვადასხვა მებრძოლი ჯგუფების შექმნისათვის. წითელი რაზმები იარაღის კარგად ხმარებას ისწავლიდნენ, აჯანყების დროს დადგებოდნენ ავანგარდში, მათ გარს შემოიკრიბებოდა და მათი ხელმძღვანელობით ბრძოლის ველზე გამოვიდოდა აჯანყებული ხალხი, აჯანყებულთ სწრაფად უნდა ჩაეგდოთ ხელში არსენალები, მთავრობის დაწესებულებები, ფოსტა-ტელეგრაფი და ყველა ობიექტი, რაც საჭირო იქნებოდა რევოლუციის გამარჯვებით დაგვირგვინებისათვის.

ქართველი ბოლშევიკების პროპაგანდისა და პრაქტიკული საქმიანობის შედეგი იყო ის, რომ 1905 წ. შემოდგომაზე ყველგან ჩამოყალიბდა შეიარაღებული რაზმები. ოქტომბრის თვეში რაჭის მაზრის უფროსი ქუთაისის გუბერნატორს აუწყებდა, რომ წითელი რაზმები არიან მდგომარეობის ბატონ-პატრონი. მათ უკვე განაიარაღეს პოლიციელთა საგრძნობი ნაწილი. ჩემს განკარგულებაში არსებული ძალებით არ შემიძლია მთავრობის დაწესებულებათა დაცვა და ამიტომ გთხოვთ დამატებით ერთი ბატალიონი მომაშველოთ.

კიდევ უფრო დაძაბული სიტუაცია შეიქმნა გურიაში. 11 ოქტომბერს სუფსისა და ჯუმათის სადგურებს შორის ასმა შეიარაღებულმა

წითელრაზმელმა გააჩერა მატარებელი და ვაგონიდან გადმოიტანა 5 ყუთი სახაზინო რევოლვერი. 15 ოქტომბერს გურულ წითელ რაზმელებს ბრძოლა მოუხდათ ტენგიზის 77-ე პოლკის ასეულთან. 16 ოქტომბერს დილის 5 საათზე წითელრაზმელებმა სროლით და შეძახილებით — „იარაღი დაყარე და წადი!“ — შეუტიეს ჩოხატაურის საპოლიციო საგუშაგოს. სამი „სტრაჟნიკი“ მოკვდა, ორიც დაიჭრა. 17 ოქტომბერს წითელრაზმელებმა დაატყვევეს ჩოხატაურის საპოლიციო უბნის ბოქაული-ოზურგეთის მაზრის უფროსი ლაზარენკო შეშინდა, იგი პატაკს პატაკზე გზავნიდა ბათუმსა და ქუთაისში, სამხედრო ძალით დახმარებას მოითხოვდა. მაგრამ ლაზარენკოს ეს წერილები გლეხებმა ჩაიგდეს ხელთ, ვერც ერთმა დანიშნულების ადგილს ვერ მიიღწია და ამიტომ ოზურგეთის მაზრის უფროსმა დახმარება ვერ მიიღო. მაზრის უფროსი იძულებული გახდა კახაკთა და პოლიციელთა რაზმით წასულიყო ჩოხატაურისაკენ. წითელმა რაზმებმა გაიგეს ეს ამბავი და ნასაკირალთან ჩასაფრდნენ. 20 ოქტომბერს აქ მოხდა დიდი ბრძოლა. ლაზარენკოს რაზმმა დაკარგა 10 კაცი მოკლულთა სახით, 14 დაიჭრა, რამდენიმე ტყვეთ ჩაიგდეს წითელრაზმელებმა. მაზრის უფროსმა გაქცევით უშველა თავს.

იმერელ წითელრაზმელთა საბრძოლო მოქმედების შედეგად პარალიზებული აღმოჩნდა შორაპნის მაზრის ადმინისტრაცია. საპოლიციო საგუშაგოები დაიკეტა, თითქმის ყველა სასოფლო საზოგადოებაში ძალაუფლება რევოლუციური ორგანიზაციებისა და წითელრაზმელთა ხელში გადავიდა. დაახლოებით ასეთივე სიტუაცია შეიქმნა ქუთაისის გუბერნიის სხვა მაზრებში.

1905 წ. ოქტომბრისათვის რაჭის წითელ რაზმებში რამდენიმე ასი კაცი ითვლებოდა. 29 ოქტომბერს ქვემო რაჭის წითელრაზმელები თავს დაესხნენ ამბროლაურისა და ნიკორწმინდის საპოლიციო საგუშაგოებს ბრძოლაში მოკლეს და დაჭრეს რამდენიმე პოლიციელი, ცოცხლად დარჩენილნი განაიარაღეს. ონიდან გაგზავნილმა კახაკთა რაზმმა ამბროლაურში წესრიგი აღადგინა, მაგრამ საპოლიციო უბნის ბოქაულის გავლენა სოფ. ამბროლაურს არ სცილდებოდა. მთელ ქვემო რაჭაში ფაქტიური ძალაუფლება ბოლშევიკურ ორგანიზაციასა და გლეხთა რევოლუციური კომიტეტის ხელთ გადავიდა. ამის შემდეგ ადგილობრივმა ბოლშევიკებმა მთელი ყურადღება ზემო რაჭისაკენ გადაიტანეს. 1905 წ. 18 ნოემბერს დაბა ონში გაიმართა მრავალრიცხოვანი დემონსტრაციარევოლუციური განწყობილება ჯარისკაცებსაც გადაედო. ისინი უკვე

აღარ იყვნენ სანდო რევოლუციის წინააღმდეგ საბრძოლველად და ამიტომ ქუთაისში გაიწვიეს.

ჯარის ნაწილის წასვლის შემდეგ ზელსაყრელი პირობები შეიქმნა რაჭის სამაზრო ხელისუფლების დამხობისათვის. რაჭის წითელრაზმელები დ. ონში შეიკრიბნენ. 25 ნოემბერს წითელრაზმელებმა და დემონსტრანტთა მრავალრიცხოვანმა კოლონებმა წითელი დროშებითა და რევოლუციური სიმღერებით გაიარეს დაბის ქუჩებში. 26 ნოემბერს წითელრაზმელთა გაერთიანებულმა ძალებმა დაიწყეს ჰოვრობის დაწესებულებათა შტურმი. ბრძოლაში დამარცხებულ პოლიციელთა რაზმი განააზრალეს, შეიჭრნენ სამაზრო სამმართველოს შენობაში, კედლებიდან ჩამოხსნეს ნიკოლოზ მეორის პორტრეტები, გაიტანეს იარაღი. რამოდენიმე დღის შემდეგ მაზრის უფროსმა დამხმარე შეიარაღებული ძალა მიიღო და თითქოს შეძლო თავის ძალაუფლების აღდგენა. მაგრამ შექმნილ სიტუაციაში სამაზრო ხელისუფლება ვერ ფუნქციონირებდა. მდგომარეობის ბატონ-პატრონი გლახთა რევოლუციური კომიტეტი იყო.

ვორონცოვ-დაშკოვი კვლავ აგრძელებდა დაპირებითა და ტყბილი სიტყვით ხალხის დაშოშმინების პოლიტიკას, მაგრამ იარაღსაც ატრიალებდა. მისი ბრძანებით გურიასში, იმერეთში, რაჭისა და ლეჩხუმ-სვანეთში დამსჯელი რაზმები გაიგზავნა, საქართველოს მთელ ტერიტორიაზე სამხედრო წესები გამოცხადდა, რეპრესიები გაძლიერდა. მალე გამოიჩინა, რომ კავკასიის ადმინისტრაციას საკმარისი შეიარაღებული ძალა არ გააჩნდა რევოლუციური მასის დასათრგუნაად. მეფისნაცვალმა დაშიფრული დეპეშა გაუგზავნა სამხედრო მინისტრს და საქართველოში ჯარის ახალი ნაწილების გამოგზავნა მოითხოვა. მაგრამ მთელ იმპერიაში რევოლუცია ბობოქრობდა, ჯარი ყველგან საჭირო იყო. სამხედრო მინისტრმა კავკასიის უმაღლეს ხელისუფალს აცნობა, ცენტრის განკარგულებაში ერთადერთი თავისუფალი დივიზიაა. დამატებითი ჯარის ხაწილების გამოგზავნა არ შეგვიძლია, თქვენს განკარგულებაში არსებული ძალებით იმოქმედეთ.

ზემოთ მოტანილი ფაქტები ცხადყოფს, რომ საქართველოს მშრომელები უკვე 1905 წლის ოქტომბერ-ნოემბერში მზად იყვნენ შეიარაღებული აჯანყებისათვის და ბევრ რაიონში ბოლშევიკური ორგანიზაციები და გლახთა რევოლუციური კომიტეტები ძალაუფლებასაც დაეპატრონენ, მაგრამ მთლიანად რუსეთში საყოველთაო შეიარაღებული აჯანყებისათვის პირობები ცოტა მოგვიანებით მომწიფდა. აჯანყების წარმატება, რა თქმა უნდა, დამოკიდებული იყო რუსეთის იმპერიის სხვადასხ-

ვა მხარეთა მშრომელი მასების ერთსულოვან და ერთდროულ გამოქ-
ვლაზე. ქართველი ბოლშევიკები რევოლუციური კომიტეტების მთავარ
ამოცანად თვლიდნენ თავის რაიონისათვის აჯანყების გეგმის შემუშავე-
ბას და მის შეთანხმებას საერთო სარუსეთო აჯანყების გეგმასთან. მოქ-
მედების ტაქტიკა კი მათი აზრით მოითხოვდა მოწინააღმდეგისათვის
ყველაზე სუსტი ადგილების გამონახვას, იმ პუნქტების აღნიშვნას, რომე-
ლთა წინააღმდეგ პირველ რიგში უნდა განხორციელებულიყო თავდასხ-
მა.

1905 წლის ნოემბერსა და დეკემბერს ვ. ი. ლენინი რევოლუციის
ორ დიდ თვეს უწოდებდა. რევოლუციამ თავის კულმინაციურ წერ-
ტილს სწორედ ამ დროს მიაღწია, საყოველთაო პოლიტიკური გაფიც-
ვიდან საყოველთაო შეიარაღებულ აჯანყებაში გადაიზარდა.

ვ. ი. ლენინის მითითებითა შესაბამისად, 4 დეკემბერს რსდმპ მოს-
კოვის კომიტეტმა, ხოლო 5 დეკემბერს მოსკოვის მუშათა დეპუტატებ-
ის საბჭომ მიიღო გადაწყვეტილება 7 დეკემბრიდან საყოველთაო გაფი-
ცვის დაწყებისა და შეიარაღებულ აჯანყებაში მისი გადაზრდის შესახებ.
რასაც მოსკოვის პროლეტარიატმა ერთსულოვნად დაუჭირა მხარი.

1905 წლის 8 დეკემბერს მოსკოვსა და რუსეთის სხვა დიდ სამრეწ-
ველო ცენტრებში დაწყებულ აჯანყებას მხარი აუბა საქართველოს მუ-
შათა კლასმა და გლეხობამ. ბოლშევიკური პრესა მოუწოდებდა მუშებს,
გლეხებსა და ჭარისკაცებს ერთდროულად აღმართათ მახვილი ცარიზ-
მის წინააღმდეგ და საბრძოლო კავშირი შეეკრათ რუსეთის მშრომელ
მასასთან. თბილისში ჩამოყალიბდა ზღვამძღვანელი ცენტრი—ამიერკავკა-
სიის საგაფიცო კომიტეტი, რომელიც მალე აჯანყების ორგანოდ გადა-
იქცა. გაფიცვისა და აჯანყების ორგანოები ჩამოყალიბდა აგრეთვე ხაშ-
ურში, ბორჯომში, ქუთაისში, ფოთში, ბათუმში, ქიათურაში, სამტრედი-
ასა და სხვა დაბა-ქალაქებში.

13 დეკემბერს თბილისის მუშათა გაფიცვამ საყოველთაო ხასიათი
მიიღო და მეორე დღესვე აჯანყებაში გადაიზარდა. საგაფიცო კომიტე-
ტმა ხელში ჩაიგდო ამიერკავკასიის რკინიგზის სამმართველო და ტელე-
გრაფი, რის შემდეგაც საქართველოს ტერიტორიაზე არსებული რკინი-
გზები და მოძრავი შემადგენლობა რკინიგზელი მუშებისა და რევოლუ-
ციური ორგანიზაციების სრულ განკარგულებაში აღმოჩნდა. წითელმა
რაზმებმა დაიკავეს თბილისის მუშათა უბნები — ნაძალადევი და დიდუ-
ბე. აქ მუშებმა რეიოლუციური წესრიგი დაამყარეს, თავისი „რესპუბლი-
კა“ ჩამოაყალიბეს. თბილისელი მუშების დასახმარებლად დაიძრნენ
გლეხთა წითელი რაზმები.

მეფისნაცვლის ბრძანებით 14 დეკემბერს ქ. თბილისსა და მის მაჟორაში, აგრეთვე ამიერკავკასიის რკინიგზაზე სამხედრო წესები გამოცხადდა. 17 დეკემბერს მეფის მთავრობის ჯარები ნაძალადევისკენ დაიძრნენ. 18 დეკემბერს დაიწყო ნაძალადევის იერიში. ათასი კარგად შეიარაღებული ოფიცერი და ჯარისკაცი თავს დაესხა ნაძალადევის „რესპუბლიკას“, რომელსაც 400—500 სანახევროდ უიარალო წითელრაზმელი იცავდა. უთანასწორო ბრძოლაში მუშები დამარცხდნენ, დაიღუპა 9. დაჰკრა 3 კაცი. 23 დეკემბერს მთავრობის ჯარები თავს დაესხნენ დიდუბეს. წითელრაზმელებმა და თითქმის უიარალო მუშებმა დიდი წინააღმდეგობა გაუწიეს მომხურთ. კახაკებმა და ჯარისკაცებმა ერთხანს უკანაც დაიხიეს. მაგრამ მათ დასახმარებლად ბრძოლის ველზე არტილერია გაიგზავნა. ქვემეხებით დაანგრიეს ის სახლები, სადაც წითელრაზმელები იყვნენ ჩასაფრებული. თბილისის მუშებმა ორგანიზებული წინააღმდეგობა თითქოს შეწყვიტეს, მაგრამ ცალკეული შეტაკებები და ტერორისტული აქტები გრძელდებოდა.

თბილისის პროლეტარიატს არც საქართველოს სხვა ქალაქების მუშები ჩამორჩნენ. შეიარაღებული გამოსვლები მოხდა ქიანურაში, პორჯომში, გორში, ტყიბულში, ბათუმში და სხვა დაბა-ქალაქებში.

კიდევ უფრო ფართო გაქანება და მასობრივი ხასიათი მიიღო საქართველოში გლეხთა აჯანყებებმა. თითქმის მთელი გორის მაზრა აჯანყებულთა განკარგულებაში აღმოჩნდა. ქ. გორში მუშათა საგაფიცო კომიტეტი, ხოლო სოფლებში გლეხთა რევოლუციური კომიტეტები წყვეტდნენ ყველა საქმეებს. დუშეთის მაზრის აჯანყებულმა გლეხებმა ფაქტიურად გადაკეტეს საქართველოს სამხედრო გზა, რითაც მთავრობას მოუსპეს ჩრდილო კავკასიიდან საქართველოში ჯარების გადმოსროლის საშუალება. მთავრობის ადგილობრივი ადმინისტრაციის საქმიანობა პარალიზებული აღმოჩნდა ახალციხის, თელავისა და სიღნაღის მაზრებში. ხელისუფლებას არსებითად რევოლუციური ორგანიზაციები დაეპატრონენ.

კარგად ორგანიზებული შეიარაღებული აჯანყებები მოხდა დასავლეთ საქართველოს თითქმის ყველა მაზრაში. რევოლუციურმა გლეხობამ გააუქმა მთავრობის დაწესებულებები, ოფიციალური სასამართლოები. მათი ადგილი ყველგან არჩევითმა ორგანოებმა, გლეხთა რევოლუციურმა კომიტეტებმა და სახალხო სასამართლოებმა დაიკავე. სახელმწიფო ხაზინისა და თავდაზნაურობის მიწები ხალხის საკუთრებად გამოცხადდა. დამყარდა რევოლუციური წესრიგი. გლეხები მკაცრად სჯიდნენ აქტიურ კონტრრევოლუციონერებსა და რეაქციის მოციქულებს.

დეკემბრის შუა რიცხვებიდან სტრატეგიული პუნქტები და რკინიგზის მთავარი სადგურები — ნატანები, სამტრედია, ყვირილა, შორაპანი, ჭიათურა, ბელაგორი (ხარაგოული), ძირულა, წიფა და სხვ. აჯანყებულთა ხელში იყო. ამ პუნქტებში იყვნენ განლაგებული წითელრაზმელთა გადამლობი ჯგუფები. ნატანებში გურიის წითელი რაზმები იყვნენ ჩასაფრებული, ხოლო სურამის გვირაბთან ჭიათურისა და ხარაგოულის შეიარაღებული რაზმები მოქმედებდნენ. მათი ამოცანა იყო არ გამოეშვათ დამსჯელი რაზმები თბილისისა და ბათუმის მხრიდან.

ზემო იმერეთის წითელრაზმელებმა ფაქტიურად ალყაში მოაქციეს ტენგინის ქვეითი პოლკის ასეულები. რაკი ჯარის ამ ნაწილებისათვის დახმარების საშუალება არ ჰქონდა, საგუბერნიო ხელისუფლებამ ეს ასეულები ქუთაისში გაიწვია. ყვირილის სამხედრო რევოლუციურმა შტაბმა მათი განიარაღება გადაწყვიტა წითელი რაზმელები ხარაგოულიდან ყვირილისაკენ მიმავალ გზაზე. ორმხრივ შემოზღუდულ ვიწროებში თავს დაესხნენ ტენგინის პოლკის ერთ ასეულს, დაამარცხეს, დაატყვევეს და განაიარაღეს იგი. 30 დეკემბერს წითელი რაზმელები შეებნენ დასახლებული პოლკის მეორე ასეულს და სამ საათიან გააფთრებულ ბრძოლაში ისიც დაამარცხეს და განაიარაღეს. დატყვევებული ოფიცრები და ჯარისკაცები ჭიათურის რკინიგზის სადგურის შენობაში მოათავსეს. იმავე დამეს წითელრაზმელები თავს დაესხნენ ყვირილის ხაზინას, გაიტაცეს 210 ათასი მანეთი, რაც მოხმარდა რევოლუციის საჭიროებას.

დეკემბრის შეიარაღებული აჯანყების პერიოდში გააქტიურდნენ რაჭველი გლეხები. რევოლუციურმა კომიტეტმა თავის გარშემო შემოიკრიბა ყველა წითელი რაზმი. 31 დეკემბერს დაბა ონში დილიდანვე გაცხოველებული მოძრაობა შეინიშნებოდა. წითელრაზმელების წინამძღოლობით ხალხი თავს დაესხა სამაზრო სამმართველოსა და მთავრობის სხვა დაწესებულებებს. აჯანყებულებმა დაამარცხეს პოლიციელთა რაზმი, შეიჭრნენ ხაზინაში და იგი ხალხის საკუთრებად გამოაცხადეს. ამის შემდეგ წითელრაზმელებმა დაიკავეს სასამართლოსა და ფოსტა-ტელეგრაფის შენობები. ბოლოს აჯანყებულნი შეიჭრნენ სამაზრო სამმართველოში, თავი მოუყარეს უკანასკნელი სამი წლის განმავლობაში იქ დაცულ საქმეებს, აგრეთვე ახალწვეულთა სიებს და ხალხის თვალწინ ცეცხლი წაუციდეს. სამაზრო მოედანზე გაისმოდა შეძახილები — „იწვის ძველი რუსეთის კანონები, ძირს მეფე“. რაჭის მშრომელთა აჯანყება სრული გამარჯვებით დამთავრდა. მათ დაამხეს სამაზრო ხელისუფლება და 1906 წ. პირველ იანვარს „ინტერნაციონალის“ სიმღერით შეხვდნენ.

1905 წ. 31 დეკემბერს დამხობილ იქნა აგრეთვე სამაზრო ხელისუფლება ლეჩხუმსა და სვანეთში

ამგვარად, 1905 წლის მიწურულს საქართველოს მშრომელებმა დაამხეს ყველა სამაზრო სამმართველო. მაგრამ ვიდრე მეფის მთავრობის ადმინისტრაცია არსებობას განაგრძობდა თბილისსა და ქუთაისში, გურიის, სამეგრელოს, იმერეთის, რაჭის, ლეჩხუმ-სვანეთის და სხვა შინა-ატურულ რესპუბლიკებს, ამ რაიონებში მოქმედ წითელ რაზმელებს არ შეეძლოთ დამშვიდებით ექცირათ მოვლენათა განვითარებისათვის. დასავლეთ საქართველოს წითელ რაზმელთა ძირითადი ამოცანა გახდა ქუთაისის საგუბერნიო ხელისუფლების დამხობა. 1906 წლის 1 იანვარს რაჭის წითელი რაზმები ქუთაისისაკენ დაიძრნენ, ალპანაში მათ შეუერთდნენ ლეჩხუმ-სვანეთის წითელრაზმელები. მაგრამ აქ მოვიდა ცნობა, რომ ალიხანოვ-ავარსკის დამსჯელმა ექსპედიციამ უკვე დაიწყო სისხლიანი მოქმედება და რევოლუციის დათრგუნვისათვის ბრძოლაში უსაშინლეს ზომებს მიმართავს: ქუთაისის გარშემო დასავლეთ საქართველოს წითელრაზმელთა შემოკრება, მუშათა და გლეხთა შეიარაღებული აჯანყებების გაერთიანება შეუძლებელი გახდა. დაიწყო რევოლუციის უკან დახევა.

მოსკოვის მუშათა შეიარაღებული აჯანყების ჩახშობის შემდეგ თვითმპყრობელობა ყველგან გადავიდა რევოლუციის წინააღმდეგ შეტევაზე. მეფის სატრაპებმა სისხლიანი საქმიანობა გააჩაღეს პოლონეთში, ბალტიისპირეთში, ამიერკავკასიაში, ციმბირში.

თბილისის, გორის და დუშეთის მაზრებში, აგრეთვე ამიერკავკასიის რკინიგზაზე 1905 წ. დეკემბრის ბოლოს გამოცხადდა სამხედრო წესები. 1906 წ. იანვრიდან სამხედრო მდგომარეობა გავრცელდა დასავლეთ საქართველოზე. დამსჯელ რაზმებს უბრძანეს დაუნდობლად გაენადგურებინათ აჯანყების კერები. რევოლუციონერთა ხელიდან გამოეგლიჯათ რკინიგზის ხაზები, ფოსტა-ტელეგრაფი, აღედგინათ განადგურებული მთავრობის დაწესებულებანი, დაეპატიმრებინათ რევოლუციის ხელმძღვანელები, კონტრიბუცია დაედოთ ურჩი მოსახლეობისათვის, ვინც წინააღმდეგობას გაბედავდა, შეუბრალებლად დაეხვრიტათ. თბილისიდან დამსჯელი ჯავშნიანი მატარებელი 1905 წ. 28 დეკემბერს გავიდა და ოთხი საათის სავალი ოთხ დღეში ძლივს გაიარა, რადგან ბრძოლით უხდებოდა გზის გაკაფვა. 31 დეკემბერს კახაკთა პოლკმა იერიშით აიღო სადგური მიხაილოვო (ხაშური). წითელრაზმელებმა წიფის გვირაბი ჩახერგეს, ჯავშნიანი მატარებლისა და დამსჯელი ექსპედიციის მსვლელობა შეაჩერეს. რევოლუციისა და კონტრრევოლუციის ძალთა დიდი

შეტაკებები მოხდა სურამის უღელტეხილზე და სადგურ წიფასთან. პირველ შეტაკებაში მეფის ჯარი დამარცხდა და უკან დაიხია. 5 იანვარს თბილისიდან დასავლეთ საქართველოს მიმართულებით დამატებით გაიგზავნა ერთი პოლკი სამხედრო დახმარების მიღების შემდეგ ხაშურისა და უღელტეხილის რაიონში განლაგებული დამსჯელი ჯარი შეტევაზე გადავიდა. წითელრაზმელებმა ბრძოლით დაიხიეს უკან. 9 იანვრამდე დამსჯელმა ექსპედიციამ „მტრისაგან“ გაწმინდა რკინიგზის ყველა სადგური ქუთაისამდე.

მეფისნაცვალმა 1906 წ. 8 იანვარს დასავლეთ საქართველოში მოქმედ დამსჯელი ექსპედიციის უფროსად დანიშნა ალიხანოვ-ავარსკი. მას დაევალა ადგილობრივი რევოლუციური ორგანიზაციების უმოწყალო განადგურება და მთავრობის დაწესებულებათა აღდგენა. გამხეცებულმა გენერალმა დამსჯელი რაზმები შეუსია საქართველოს ყველა რაიონს. მეფის სატრაპებმა ცეცხლის აღში გაახვიეს ქალაქები, დაბასოფლები, ძირფესვიანად დაანგრიეს განსაკუთრებით აქტიური რევოლუციონერთ ნიშებისა და გლეხების სახლ-კარი. მეფის მთავრობის გენერლები და ოფიცრები მოსახლეობისაგან კატეგორიულად მოითხოვდნენ ცეცხლმსროლელი და ცივი იარაღის ჩაბარებას, კანონით გათვალისწინებულ ვალდებულებათა შესრულებას, „უწყსობის წამომწყებთა“ ვაცემას. პოლკოვნიკმა კრილოვმა გურიის გლეხებს 4 ათასი შაშხანის ჩაბარება მოსთხოვა. ამაზე მას მოსწრებულად უპასუხეს, ჩვენ რომ ამდენი იარაღი გვქონოდა, ბევრი აქვენგანი ცოცხალი არ დარჩებოდაო, ასეთივე მოთხოვნები წაუყენეს გორის, შორაპნის, სენაკისა და სხვა მაზრების გლეხებს.

გადამეტებული მოთხოვნების შეუსრულებლობა მეფის სატრაპებმაც დამატებით საბაბად გამოიყენეს და ბევრი ურჩი გლეხი სასტიკად დასაჯეს.

კონტრრევოლუციის შეტევის მიუხედავად გლეხური რევოლუცია გრძელდებოდა. ხალხი თავგამოდებით იცავდა მოპოვებულ თავისუფლებას, რევოლუციური თვითმმართველობის ორგანოებს. ბევრი წითელი რაზმი მოქმედებდა აგრძელებდა. ხშირად ხდებოდა მათი შეტაკებები ჯართან და პოლიციასთან. 1906 წლის ზაფხულსა და შემოდგომაზე რევოლუციური მოძრაობის მასშტაბმა და გაქანებამ კახეთში 1905 წ. დონესაც კი გადააჭარბა. თანამდებობის პირები კვლავ განდევნეს სოფლებიდან, მიწა ხალხის საკუთრებად გამოაცხადეს. მეფის მთავრობის კავკასიურმა ადმინისტრაციამ თელავის, სიღნაღისა და თიანეთის მაზრებში სამხედრო წესები გამოაცხადა, ამ მხარეს ჯარის ნაწილები და პოლიციის

რაზმები შეუსია. მეფის სატრაპებმა თვითმპყრობელური წყობილება ცეცხლითა და მახვილით აღადგინეს. ბევრი გლეხი დააპატიმრეს და ადმინისტრაციული წესით გადაასახლეს. ნაწილმა რეპრესიებს გაქცევით დააღწია თავი, ტყეში გაიხიზნა, „ტყის ძმათა“ რაზმებში გაერთიანდნით პარტიზანული ბრძოლა გაუმართეს მეფის მოხელეებსა და პოლიციელებს. დაუნდობლად ებრძოდნენ ჯალათებს, სასტიკად სჯიდნენ ჯაშუშებს, ცდილობდნენ ადმინისტრაციის რეპრესიებისაგან სოფლის მშრომელი მოსახლეობის დაცვას.

რევოლუციის უკან დახვევის ვითარებაში, 1907 წ. თებერვალში ჩატარდა მეორე სახელმწიფო სათათბიროს არჩევნები. სათათბიროში მუშებისა და გლეხების ხმებით 54 სოციალ-დემოკრატი, მათ შორის 15 ბოლშევიკი გავიდა. მენშევიკები სათათბიროშიც იცავდნენ მიწის მუნიციპალიზაციის პროგრამას და მის რეალიზაციას ზემოდან გატარებულ რეფორმას უკავშირებდნენ. ბოლშევიკები კი რადიკალურ გარდაქმნებს გამარჯვებული რევოლუციის ამოცანად აცხადებდნენ. ისინი მიწის ნაციონალიზაციის, მისი გლეხობაზე უსასყიდლოდ გადაცემისათვის იბრძოდნენ.

1907 წლის 4 მარტს სოფ. პატარძელის (ყახეთი) გლეხთა კრებამ მიიღო განაჩენი და სათანადო რეზოლუცია სახელმწიფო სათათბიროს სოციალ-დემოკრატიულ ფრაქციას გაუგავნა. რეზოლუცია შეიცავდა თხოვნას იმის შესახებ, რომ სოციალ-დემოკრატებს სათათბიროში შეეტანათ კანონპროექტი მიწის გლეხთათვის უსასყიდლოდ გადაცემის. წოდებრივი პრივილეგიების მოსპობის, არაპირდაპირი გადასახადების გაუქმების თაობაზე; პიროვნების ხელშეუხებლობის, სიტყვის, კრების. ბეჭდვის, კავშირების შექმნის უფლებათა დაკანონების შესახებ. ამ მოთხოვნებს საქართველოს მთელი გლეხობა უჭერდა მხარს.

სოციალ-დემოკრატებმა, რა თქმა უნდა, უყურადღებოდ არ დატოვეს საქართველოსა და ამიერკავკასიის გლეხთა სურვილი. მან სათათბიროში შეიტანა კანონპროექტი დამოკიდებულებითი ურთიერთობის ლიკვიდაციისა და ყველა კატეგორიის გლეხობის გამოსყიდვის გარეშე, შესაკუთრეთა კატეგორიაში გადაყვანის თაობაზე. მაგრამ იგი უარყო სათათბიროს კონსერვატიულმა უმრავლესობამ. მეფის მთავრობასა და მის კავკასიურ ადმინისტრაციას არ მოსწონდა შემარცხენე პარტიათა საკანონმდებლო ინიციატივები, მან თავის ხელში აიღო რეფორმების გატარების საქმე.

მეფის მთავრობა პირველი რევოლუციის საყოველთაო სახალხო ჭასიათმა დაარწმუნა, რომ თვითმპყრობელობის საყრდენ ძალად პრივი-

ლგეიური კლასები და ჯოხის დისციპლინით გამაგრებული არმია არ კმაროდა. მეფის მოხელეებმა უფრო ფართო სოციალური საყრდენს ძებნა დაიწყეს და იმედის თვალი შექმნილ გლეხობას მიაპყრეს.

სტოლიპინის აგრარული რეფორმის ძირითადი მიზანდასახულობა იყო თემის დაშლა და გლეხობის ფართო ფენების ხარჯზე კულაკობის გაძლიერება, რომელიც მეფის მინისტრის აზრით, გადააქცეოდა თვითმპყრობელობის საიმედო ბურჟუაზ სოფელში.

საქართველოში თემური მიწათმფლობელობა თითქმის არ არსებობდა. მაგრამ ჩვენს ქვეყანაში გლეხობის ზედაფენის ეკონომიურ მომძღვრებას აფერხებდა ბატონყმობის ნაშთები და ნადელთა გაუსხვისებლობის კანონი. რევოლუციით შეშინებული კავკასიის ადმინისტრაცია თვით ალაპარაკდა დროებითვალდებულების ინსტიტუტის ლიკვიდაციის აუცილებლობის შესახებ.

ვორონცოვ-დაშკოვმა იმ დროს დაიკავა კავკასიაში მეფისნაცვლის პოსტი, როცა სახალხო რევოლუცია ძირფესვიანად არყევდა რუსეთის იმპერიის სოციალურ-პოლიტიკური წყობის საფუძვლებს. იგი იმ დასკვნამდე მივიდა, რომ აგრარული საკითხის რადიკალურად გადაჭრის გარეშე შეუძლებელი იქნებოდა ამბოხებული გლეხობის დაწყნარება. 1905 წ. 22 ნოემბერს მეფისნაცვალმა უმაღლეს მთავრობას წარუდგინა კანონპროექტი, რომელიც ითვალისწინებდა სანადელო მიწების უსასყიდლოდ გლეხთა საკუთრებად დამტკიცებას, აგრეთვე მცირემიწიანი გლეხებისათვის თავისუფალი სახაზინო მიწის ნაკვეთების დარიგებას. მაგრამ სახელმწიფო საბჭომ ეს კანონპროექტი არ მოიწონა და საქმე გაქიანურდა.

საქართველოში კი რევოლუციური ქარიშხალი გრძელდებოდა. გლეხთა დასამშვიდებლად ქართლ-კახეთის სოფლებში გაგზავნილი გენერალი ზ. ჭავჭავაძე მეფისნაცვალს მოახსენებდა: როცა გლეხებმა გაიგეს, რომ თქვენ მოითხოვთ ვალდებულებითი ურთიერთობის მოსპობას და მცირემიწიანი გლეხებისათვის დამატებითი ნაკვეთების გამოყოფას. მადლობით დაგიკრეს თავი, მაგრამ შეიმჩნევა მთავრობის დაპირებებისადმი უნდობლობა. გლეხობის წარმომადგენლები მოითხოვენ აღთქმადაპირების სფეროდან შესრულების სფეროში გადასვლას. მოვალედ ვთვლი მოგახსენოთ, რომ აგრარული რეფორმის დაუყოვნებლივ გატარებას პირველხარისხოვანი მნიშვნელობა აქვს. ამის გარეშე ამღელვარებული გლეხობის დაწყნარება შეუძლებელი იქნება.

მეფისნაცვალის ასეთსავე თვალსაზრისზე იდგა მან 1907 წელსაც. სკადა ზემოაღნიშნული კანონპროექტის დამტკიცების მიზანშეწონილება-აუცილებლობაში დაერწმუნებინა სახელმწიფო საბჭო და მისი მეშვეობით იმპერატორი, მაგრამ ამაოდ. ამასობაში დამსჯელმა ექსპედიციებმა თავიანთი შავი საქმე არსებითად დაასრულეს; ბევრი ქართველი რევოლუციონერი დახვრიტეს, ასობით კაცი გაასამართლეს და საპყრობილე მიუსაჯეს, ათასობით რევოლუციის მონაწილე მუშა და გლეხი ადმინისტრაციული წესით შორეულ ციმბირში გადაასახლეს. მშრომელი მასა უხეში ძალის გამოყენებით დათრგუნეს და „საზოგადოებრივი წესრიგი“ აღადგინეს. ამან კი არსებითად შეცვალა კავკასიის ადმინისტრაციის განწყობილება. მეფისნაცვალმა რევოლუციის გავლენით შედგენილი რადიკალური კანონპროექტი არქივში ისროლა, ხოლო სახელმწიფო საათბიროში გაგზავნა ახლად შედგენილი, კონსერვატიული კანონპროექტი, რომელიც მაქსიმალურად იცავდა მემამულეთა ინტერესებს. 1912 წ. 20 დეკემბერს იგი კანონად იქცა და გატარდა კიდევ საქართველოსა და ამიერკავკასიაში.

1912 წლის 20 დეკემბრის კანონი არსებითად უცვლელად ტოვებდა სანადელო მიწების გამოსყიდვის ჯერ კიდევ XIX ს-ის 60-იან წლებში შედგენილ წესებს. სიახლე მხოლოდ იმაში გამოიხატა, რომ გამოსყიდვა სავალდებულო გახდა ორივე მხარისათვის. გლეხობა, მართალია, განთავისუფლდა მემამულეთა სასარგებლოდ მიწის რენტის გადახდის ვალდებულებისაგან, მაგრამ გადაიქცა სახელმწიფოს მოვალედ. მას სახელმწიფო ხაზინისაგან მიღებული სესხის და პროცენტის დასაფარავად ყოველწლიურად უნდა გაეღო გამოსასყიდ გადასახდელთა გარკვეული ნაწილი, რაც ადრინდელ ღალა-კულუხზე ნაკლებ მძიმედ როდი აწევებოდა გლეხის ბიუჯეტს.

ამდენად, მას შემდეგ რაც საქართველოს გლეხობამ ღალა-კულუხის სახით თითქმის ოთხმაგად დაფარა თავის მუდმივ სარგებლობაში არსებული მიწების ღირებულება, ბატონყმობის გაუქმების 50 წლისთავზე იგი აიძულეს ერთხელ კიდევ გამოესყიდა ნადელები. მემამულეებმა და მეფის მთავრობამ კვლავ მოითბეს ხელი უშუალო მწარმოებელი სოფლის მოსახლეობის ხარჯზე. გლეხობა, ბუნებრივია, აგრარული საკითხის გადაჭრის ცარისტულმა ვარიანტმა არ დააკმაყოფილა. იგი ამის შემდეგაც აგრძელებდა სოციალურ ომს, იბრძოდა მიწისა და ჰემმარიტი თავისუფლებისათვის.

მიწის კერძო საკუთრება საერთოდ და მონოპოლიური საკუთრება განსაკუთრებით თითქმის ყველა ქვეყანაში აფერხებდა საწარმოო ძალების განვითარებას. მონადელე გლეხები და მოიჯარეები ერიდებოდნენ მეურნეობაში ფულისა და კაპიტალის დაბანდებას, რადგან გაუმჯობესებული მიწის რენტა იზრდებოდა და ამდენად მიწის მორწყვა-გაპატივებით მეტ სარგებლობას პოულობდნენ მიწის მესაკუთრენი, ხოლო ნაკლებს—მწარმოებელნი. გლეხობა და ბურჟუაზია მზარდი რენტისაგან განთავისუფლებას მიწის ყიდვით ცდილობდა. მაგრამ როგორც კ. მარქსი გვასწავლის, ფულის დახარჯვა მიწის საყიდლად არაა სამიწათმოქმედო კაპიტალის დაბანდება. პირიქით, იგი მოასწავებს იმ თანხის შემცირებას, რომელიც გამოყენებული უნდა ყოფილიყო თვით წარმოების სფეროში. ამით მცირდება წარმოების საშუალებათა მოცულობა და ვიწროვდება კვლავ წარმოების ეკონომიკური საფუძველი. მიწის ყიდვა-გაყიდვის პროცესის გაფართოების შედეგია წერილი გლეხის დაქვემდებარება მეფანშისადმი და თვით ბურჟუაზიული მეურნეობის თავისუფალი განვითარების შეფერხება.

კ. მარქსი მიწის ნაციონალიზაციას ბურჟუაზიული რევოლუციის ღონისძიებად თვლიდა. მისი განცხადებით რადიკალური ბურჟუა თეორიულად მიდიოდა მიწის კერძო საკუთრების უარყოფამდე. თუმცა მას არ ყოფნიდა გამბედაობა პრაქტიკულად განეხორციელებინა იგი, რადგან თავდასხმა საკუთრების ერთ ფორმაზე ფრიალ საშიშ პრეცედენტს შექმნიდა საკუთრების სხვა ფორმებისთვისაც.

ვ. ი. ლენინმა რუსეთის კონკრეტული პირობების შესწავლის საფუძველზე შემოქმედებითად განავითარა მარქსის მოძღვრება აგრარულ საკითხზე და წამოაყენა მიწის ნაციონალიზაციის მოთხოვნა. მისი აზრით, მიწის ნაციონალიზაცია ძირფესვიანად მოსპობდა ბატონყმობის ყოველგვარ ნაშთებს, გზას გაუკაფავდა გლეხური და კაპიტალისტური მეურნეობის თავისუფალ განვითარებას. ვ. ი. ლენინი გვასწავლის, რომ მიწის ნაციონალიზაციის საკითხი კაპიტალისტურ საზოგადოებაში იყოფა ორ არსებითად განსხვავებულ ნაწილად: დიფერენციულ და აბსოლუტური რენტის საკითხებად. მიწის ნაციონალიზაცია ცვლის დიფერენციული რენტის მფლობელს (ჩამოართმევს კერძო მესაკუთრეს და გადასცემს სახელმწიფოს) და სპობს აბსოლუტურ რენტას. ამდენად, მიწის ნაციონალიზაცია არის ერთი მხრივ კერძო რეფორმა კაპიტალიზმის ფარგლებში, ხოლო მეორე მხრივ, გაუქმება მიწის საკუთრების მონოპოლიისა,

რომელიც აფერხებს საერთოდ მიწათმოქმედებისა და კაპიტალიზმის განვითარებას.

მართალია, რუსეთის სოფელში საკმაოდ განვითარდა კაპიტალისტური ურთიერთობანი, ლიბერალ მემამულეს ბლომად ჰქონდა მიწა, მსხვილმა მრეწველმა, ვაჭარმა, ვეჟილმა და სხვებმა საკმაოდ დიდი რაოდენობით შეისყიდეს ადგილ-მამული და ამიტომ მხარს უჭერდნენ აგრარული საკითხის გადაჭრის სტოლიპინურ-კადეტურ გზას. მაგრამ სოფლის მოსახლეობის ყველაზე მრავალრიცხოვანი კლასი—გლეხობა, რომლის დიდი ნაწილი მწვევედ განიცდიდა მცირემიწიანობას, მოითხოვდა ბატონყმობის ნაშთების ძირფესვიანად აღმოფხვრას, რაც შესაძლებელი იყო მიწის ნაციონალიზაციით. რუსეთის პირველი რევოლუციის გამოცდილებამ, —წერდა ლენინი 1907 წელს, — საბოლოოდ დაამტკიცა, რომ იგი ძლევამოსილი შეიძლება იყოს, მხოლოდ როგორც გლეხური აგრარული რევოლუცია და რომ ამ უკანასკნელს არ შეუძლია მთლად შეასრულოს თავისი ისტორიული მისია, თუ მიწის ნაციონალიზაცია არ მოხდა.¹

ეს აგრარული პროგრამა გამომდინარეობდა ლენინის თეორიიდან რუსეთის ბურჟუაზიულ-დემოკრატიული რევოლუციის გლეხური ხასიათის, ამ რევოლუციის გამარჯვების შედეგად პროლეტარიატისა და გლეხობის რევოლუციური დიქტატურის დამყარების და ბურჟუაზიულ-დემოკრატიული რევოლუციის სოციალისტურ რევოლუციაში გადაზრდის შესახებ. ახალ ვითარება-სიტუაციასთან შეფარდებით ავითარებდა რა ბოლშევიკური პარტიის აგრარულ პროგრამას, ვ. ი. ლენინი 1917 წ. სექტემბერში წერდა: მიწის ნაციონალიზაცია არის ბურჟუაზიული რევოლუციის არა მხოლოდ „უკანასკნელი სიტყვა“, არამედ სოციალიზმისაკენ ნაბიჯის გადადგმაც.

მართალია, სოფლის მეურნეობაში კაპიტალიზმი შედარებით ნელა ვითარდებოდა, წვრილი გლეხური მეურნეობა გამძლეობას იჩენდა, მაგრამ სოციალისტური რევოლუციის წანამძღვრები სოფელშიც მზადდებოდა. გადატაკებული გლეხები, რომელნიც ძირითადად საკუთარი საშუალო ძალის გაქირავებით ცხოვრობდნენ, თითქმის არ განსხვავდებოდნენ სამრეწველო მუშებისაგან. ის გარემოება, რომ სოფლის ნახევრილ-პროლეტარებს გააჩნდათ მიწის მეტად მცირე მიწის ნაკვეთები, ბევრს არაფერს ცვლიდა მათს სოციალურ ბუნებაში. ლენინის განცხადებით

¹ ვ. ი. ლენინი, თხზ., ტ. 13, 1950, გვ. 534—536

ამ მინიატურულ მეურნეთა მიწათმფლობელობა არ ქმნიდა სამრეწველო-პროლეტარიატთან ანტაგონიზმის საფუძველს, უშუალო მწარმოებელი მასის ამ ორი ფენის ინტერესები არსებითად ერთმანეთს ემთხვეოდა.

საშუალო გლეხობა ყველა ქვეყანაში და მათ შორის საქართველოშიც არსებობდა, მაგრამ ყველგან მიმდინარეობდა მისი დაშლის პროცესი, უმრავლესობას პროლეტარიატის რიგებში გადასვლა ემუქრებოდა. ამ მომავალი პროლეტარებისათვის უცხო და მიუღებელი როდი იყო: სოციალიზმის იდეა. ფ. ენგელსი წერდა: „ჩვენი პარტიის ვალია ყოველთვის და ყველგან განუმარტოს გლეხებს მათი მდგომარეობის აბსოლუტური უიმედობა, ვიდრე კაპიტალიზმი ბატონობს. აბსოლუტური შეუძლებლობა შეინარჩუნონ მათი პარცელური საკუთრება, აბსოლუტური რწმენა იმისა, რომ კაპიტალისტური მსხვილი წარმოება ისევე გასრესს მათ უძლურ, მოძველებულ წვრილ წარმოებას, როგორც რკინიგზის მატარებელი ურიკას. თუ ასე მოვიქცევით, ჩვენ ვიმოქმედებთ აუცილებელი ეკონომიური განვითარების შესაბამისად, ეს კი გონებას გაუხსნის წვრილ გლეხს. რაც უფრო დიდი იქნება იმ გლეხების რიცხვი, რომლებსაც ჩვენ საშუალებას მივცემთ არ გადაიქცნენ პროლეტარებად და რომლებსაც ჩვენ ჯერ კიდევ როგორც გლეხებს ჩვენს მხარეზე გადმოვიბიძგებთ, მით უფრო სწრაფად და იოლად მოხდება საზოგადოებრივი გადატრიალება. ჩვენთვის უსარგებლოა ამ გადატრიალების დაცდა იმ დრომდე, სანამ კაპიტალისტური წარმოება ყველგან თავისი განვითარების უკიდურეს შედეგს მიაღწევს, სანამ უკანასკნელი წვრილი ხელოსანა და უკანასკნელი წვრილი გლეხი მსხვილ კაპიტალისტურ წარმოებას მსხვერპლად შეეწირება“.¹

საქართველოს სოფლის პროლეტარები და წვრილი გლეხები უკვე XIX—XX სს. მიჯნაზე მარტო მემამულეებს როდი ებრძოდნენ. ისინი მტრულად უპირისპირდებოდნენ მათივე წრიდან გამოსულ კულაკებს — სოფლის ბურჟუეზსაც. ბატონყმობის ნაშთების მოსპობა, მართალია. გლეხობის ყველა ფენის ინტერესებს პასუხობდა, მაგრამ ეს ვერ სწობდა გალატაკებულ გლეხებსა და კულაკებს შორის არსებულ კლასობრივ წინააღმდეგობას. ბოლშევიკების აგიტაცია-პროპაგანდის წყალობით საქართველოს გალატაკებულმა გლეხებმა აითვისეს სოციალური თანასწორობის იდეა. პირველი რევოლუციის წლებში ისინი ძირითადად ბატონყმობის ნაშთების მოსპობისათვის იბრძოდნენ, მაგრამ „ერთობის“ ლოზუნგიც წამოაყენეს.

¹ კ. მარკსი, ფ. ენგელსი, რჩეული ნაწერები, ტ. 2, 1964, გვ. 526—527.

რეაქციის ზეიმი რუსეთში ხანმოკლე აღმოჩნდა. უკვე 1910 წ. შე-სამჩნევი გახდა მუშათა და გლეხთა მოძრაობის აღმავლობა. 1912 წ. კი კვლავ მომწიფდა რევოლუციური სიტუაცია. რუსეთი, — წერდა ვ. ი. ლენინი იმ დროს, — იმიტომ განიცდის რევოლუციურ მდგომარეობას, რომ მოსახლეობის უდიდესი უმრავლესობის ჩაგვრა, შიმშილი, სიღატაკე, უუფლებობა, ხალხის აბუჩად აგდება აშკარად არ შეესაბამება არც რუსეთის საწარმოო ძალთა მდგომარეობას, არც 1905 წლის მიერ გამო-ღვიძებული მასების შეგნებისა და მოთხოვნის დონეს! მაგრამ რე-ვოლუციური სიტუაციისათვის არ კმაროდა ის, რომ ქვედა ფენებს აღარ სურდათ ძველებურად ცხოვრება. ნათლად ჩანდა ისიც, რომ ზედაფენებს აღარ შეეძლოთ თვითნებობა და მართვა-გამგეობა წინანდლებურად. ვ. ი. ლენინი ხაზგასმით წერდა, სწორედ ამას ვხედავთ ახლა რუსეთში, პო-ლიტიკური კრიზისი ყველას თვალწინ მწიფდებაო.

პირველი მსოფლიო იმპერიალისტური ომის დაწყების შემდეგ ში-ნაგანი წინააღმდეგობანი რუსეთში კიდევ უფრო გამწვავდა. ომის მთე-ლი სიმძიმე მშრომელ მოსახლეობას დააწვა მხრებზე. განსაკუთრებით აუტანელი გახდა ჭარისკაცის ფარაჯადაცმული მუშებისა და გლეხე-ბის მდგომარეობა. რაც უფრო ჭიანურდებოდა ომი, მით უფრო ძლიერ-დებოდა ჭარისკაცთა გაბოროტება გაბატონებული კლასებისა და მეფის მთავრობის მიმართ.

რევოლუციური სიტუაცია ხშირად ყოფილა მსოფლიოს სხვადასხვა ქვეყნებში, მაგრამ ყველა მათგანი რევოლუციაში არ გადაზრდილა. ეს გადაზრდა მაშინ ხდებოდა, როცა ობიექტურ ფაქტორებს ემატებოდა სუბიექტური ფაქტორებიც. ემატებოდა „რევოლუციური კლასის რევო-ლუციური მასობრივი მოქმედების უნარი“, მას შეეძლო მძლავრი შეტე-ვით გაეტეხა ძველი მთავრობა, რომელიც კრიზისების ეპოქაშიც კი თა-ვისით არ წაიქცეოდა. რუსეთში ასეთი რევოლუციური კლასი იყო სამ-რეწველო პროლეტარიატი. იგი კაპიტალის წინააღმდეგ შეუპოვარი ბრძო-ლით უდიდეს გავლენას ახდენდა სოფლის პროლეტარიატსა და გლეხ-ობაზე, რევოლუციის ფერხულში აბამდა მთელ მშრომელ და ექსპლუა-ტირებულ მოსახლეობას.

მსოფლიო იმპერიალისტურმა ომმა რევოლუციური სიტუაცია და-სავლეთ ევროპაშიც შექმნა. სავსებით შესაძლებელი გახდა ზედა ფენე-ბის კრიზისის გამოყენება კაპიტალიზმის კრახის დასაჩქარებლად. მაგრამ დასავლეთ ევროპის სოციალ-დემოკრატიული პარტიების რენეგატობამ,

† ვ. ი. ლენინი, თხზ., ტ. 21, 1951, გვ. 248—249.

მათმა გადაგვარებამ სოციალ-რეფორმისტული, შოვინისტურ პარტიებზე მნიშვნელოვანწილად განაპირობა ის, რომ დასავლეთ ევროპაში, სოციალიზმის მატერიალური წინამძღვრების მომზადების მიუხედავად, რევოლუციური სიტუაცია არ გადაიზარდა სოციალისტურ რევოლუციად.

განსხვავებული ვითარება შეიქმნა რუსეთში. მართალია, ეს ვეებერთელა, მრავალროვნული იმპერია კაპიტალიზმის განვითარების დონისა და ამდენად სოციალიზმის მატერიალური წინამძღვრების მომზადების მხრივ ჩამორჩებოდა დასავლეთ ევროპისა და ამერიკის მოწინავე საბელშეფოებს, მაგრამ რუსეთის პროლეტარიატის რევოლუციური მასობრივი მოძრაობის უნარი გაცილებით მძლავრი იყო, სხვა ქვეყნის პროლეტარიატთან შედარებით. ამას ემატებოდა ისიც, რომ რუსეთში უკვე არსებობდა ახალი ტიპის პროლეტარულ-რევოლუციური პარტია, რომელსაც შეეძლო მშრომელი მასების დარაზმვა ცარიზმისა და კაპიტალიზმის წინააღმდეგ გადამწვეტი ბრძოლისათვის.

რუსეთის ცარიზმმა ომი დაიწყო ზარების გუგუნში, მემამულეებსა და ბურჟუაზიის მისალმებათა საზეიმო ხმაურში. მაგრამ ომის მსვლელობამ მალე მოშხამა ალტაცებული განწყობილება. რუსეთის არმიის ცალკეული წარმატებები მარცხმა შეცვალა. რამაც რამდენადმე დაარღვია მეფის მთავრობის ერთობა კაპიტალისტებთან. ბურჟუაზიულმა პარტიებმა ჩამოაყალიბეს სახელმწიფო სათათბიროს ე. წ. „პროგრესული ბლოკი“. იგი დიდ პრეტენზიებს არ აყენებდა, მოითხოვდა მთავრობაში რამდენიმე ისეთი მინისტრის შეყვანას, რომელნიც მოითმენდნენ ბურჟუაზიული ორგანიზაციების არსებობას. მხარს დაუჭერდნენ პოლონეთისა და ფინეთის ავტონომიას, აღადგენდნენ პროფესიული კავშირების ლეგალობას. ყოველივე ამით აღმოფხვრიდნენ ეროვნებათა და კლასთა შორის არსებულ წინააღმდეგობებს, დაამყარებდნენ შინაგან მშვიდობას. მაგრამ ბურჟუაზიის მორჩილებას მიჩვეული მეფე გააბრაზა „პროგრესული ბლოკის“ მოთხოვნებმა. 1916 წ. 3 სექტემბერს გამოქვეყნდა ნიკოლოზ მეორის ბრძანება სათათბიროს დახურვის შესახებ.

1916 წ. ფრანტზე დამარცხებას და სამეურნეო ნგრევას მუშათა მზარდი საგაფიცო მოძრაობის ტალღა დაემატა. ბურჟუაზიის ლიდერები ხედავდნენ, რომ ნიკოლოზ მეორეს ომის გამარჯვებამდე მიყვანა და რევოლუციის ალაგმვა არ შეეძლო. „პროგრესულმა ბლოკმა“, რომელსაც ამხნევებდა ანტანტის მხარდაჭერა, შეთქმულების მომზადება დაიწყო, მიზნად დაისახა სასახლის გადატრიალების გზით მეფის შეცვლა და ახალი, ბურჟუაზიის ნდობით აღჭურვილი მთავრობის ჩამოყალიბება. მაგრამ ბურჟუაზიის მოქმედების დაწყება პროლეტარიატმა დაასწრო.

1917 წ. 24 თებერვალს გაიფიცა პეტროგრადის 200 ათასი მუშა. 25 თებერვალს დედაქალაქის პროლეტარიატის გაფიცვამ საყოველთაო ხასიათი მიიღო და იგი დემონსტრაციაში გადაიზარდა. 26 თებერვალს რევოლუციური ხალხის მხარეს გადავიდა 600 ჯარისკაცი. 27 თებერვალს რევოლუციის მხარეს იყო უკვე 66 ათასი, 28 თებერვალს 112 ათასი, პირველ მარტს — 170 ათასი ჯარისკაცი. მუშების გაფიცვა-დემონსტრაციები და ჯარისკაცთა ბუნტი, რაც კარგახანია მზადდებოდა, ერთმანეთს შეერწყა და რევოლუციის სწრაფი გამარჯვება განაპირობა.

მუშებმა და ჯარისკაცის ფარაჯაგადაცმულმა გლეხებმა მეფის მთავრობა დაამხეს, ბურჟუაზიულ-დემოკრატიული რევოლუცია გამარჯვებით დაავიჯინეს, მაგრამ მათ როდი მოიმკეს გამარჯვების ყველა ნაყოფი. მუშათა და ჯარისკაცთა საბჭოს პარალელურად შეიქმნა ბურჟუაზიული მთავრობა.

რევოლუციის პირველ დღეებში მოვლენათა განვითარებაზე გადამწყვეტ გავლენას მუშათა და ჯარისკაცთა საბჭო ახდენდა, თითქმის მთელი ძალაუფლება მას ეკუთვნოდა. მაგრამ მენშევიკებს, რომელნიც საბჭოში უმრავლესობას შეადგენდნენ, ეს გარემოება ისტორიული განვითარების კანონზომიერებათა დარღვევად მიაჩნდათ. მათი აზრით, რაკი რევოლუცია ბურჟუაზიული იყო, ცარიზმის ადგილი ბურჟუაზიულ მთავრობას უნდა დაეკავებინა ამიტომ მენშევიკთა ლიდერებმა მოლაპარაკება გამართეს სათათბიროს „პროგრესულ ბლოკთან“. პეტროგრადის საბჭომ დაადგინა სახელმწიფო სათათბიროს დროებითი კომიტეტის ნება-სურვილზე მიენდო მთავრობის შედგენა და სამაგიეროდ მისგან მოეთხოვა: 1. პოლიტიკურ დამნაშავეთა ამნისტია, 2. სიტყვის, კავშირებისა და გაფიცვების თავისუფლება, 3. ყველა წოდებრივ, ნაციონალურ და რელიგიურ შეზღუდვათა გაუქმება, 4. პოლიციის შეცვლა სახალხო მილიციით, 5. ადგილობრივ თვითმმართველობის ორგანოთა დემოკრატიზაცია და სხვ. მენშევიკურ-ესერული საბჭოს ამ მოთხოვნებში არაფერი იყო ნათქვამი მიწის, ზავისა და 8 საათიანი სამუშაო დღის შესახებ. მენშევიკებმა იმისათვის, რომ ბურჟუაზია არ დაეფრთხოთ, სოციალ-დემოკრატიის პროგრამა მინიმუმის დიდ ნაწილზეც კი უარი განაცხადეს.

ბურჟუაზიამ მისაღებად ჩათვალა ესერ-მენშევიკთა წინადადება, უარი არ უთქვამს შეთავაზებულ ხელისუფლებაზე და ჩამოაყალიბა დროებითი მთავრობა. მშრომელი მასისა და არმიის მხარდაჭერა საბჭოების მხარეს იყო, ხელისუფლება კი შემთანხმებლური პარტიების ანტი-მუშური პოლიტიკის წყალობით ბურჟუაზიულ მთავრობას უნდა გადასცემოდა. მაგრამ რევოლუციური მასების დიდი გავლენის პირობებში,

მეწვევიებმა და ესერებმა ვერ შესძლეს საბჭოებისათვის მთავრობის ფუნქციების მთლიანად ჩამორთმევა. რამდენიმე ხნით პრაქტიკულად დაკანონდა ორხელისუფლებიანობა. გაბატონებული კლასები მხოლოდ დროებით ბურჟუაზიულ მთავრობას სცნობდნენ, მშრომელი მასები კი საბჭოებს უჭერდნენ მხარს.

დროებითმა მთავრობამ, შეთანხმებლური პარტიების დახმარებით, თანდათან მოიპოვა გავლენა. იგი გვერდს უვლიდა ბევრ საჭირობორტო-საკითხს და ხალხს ურჩევდა დამფუძნებელი კრებისათვის მოეცადა. მაგრამ მშრომელ მასას მოცდა აღარ შეეძლო. მუშათა კლასის პოლიტიკური დემონსტრაციები და გლეხთა აგრარული ბრძოლა თანდათან ფართოვდებოდა.

ემიგრაციაში მყოფი ვ. ი. ლენინი ალტაცებით მიესალმა რუსეთის 1917 წლის თებერვალ-მარტის რევოლუციას, მაგრამ პროლეტარიატის ბელადს მიაჩნდა, რომ ცარიზმის დამხობით რევოლუციის მხოლოდ პირველი, დემოკრატიული ეტაპი დამთავრდა. რუსეთის მუშათა კლასის წინაშე. — წერდა ლენინი, — დგას უდიდესი ამოცანა — გამოიჩინოს დიდი გმირობა და გამარჯვებას მიაღწიოს რევოლუციის მეორე ეტაპზე. „არავითარი ნდობა დროებით მთავრობას“, „არავითარი მხარდაჭერა შემთხვევით პარტიებს“, — ამბობდა ვ. ი. ლენინი და მუშებს მოუწოდებდა შეექმნათ შეიარაღებული მილიცია, რაც ერთ-ერთი აუცილებელი წინაპირობა იყო სოციალისტური რევოლუციის გამარჯვებისათვის.

ვ. ი. ლენინმა ჯერ კიდევ 1905 წ. დაასაბუთა, რომ პირველ და მეორე სოციალურ ომს შორის ჩინური კედელი არ იყო აღმართული. განვითარების გარკვეულ ეტაპზე, გარკვეულ სიტუაციაში ისინი ერთმანეთს უკავშირდებოდნენ. ერთმანეთს ერწყმოდნენ. რუსეთის მშრომელთა დიდ ნაწილს ერთდროულად სტანჯავდა როგორც ბატონყმობის ნაშთები, ისე კაპიტალისტური ექსპლუატაცია. სოფლის ნახევრადპროლეტარული მასა, რომელიც დიდი რაოდენობით გადიოდა საშოვარზე სავაჭრო-სამრეწველო ცენტრებში, პრაქტიკულად ახორციელებდა საბრძოლო კავშირს მუშათა კლასსა და გლეხობას შორის. რევოლუციურ ძალთა ასეთი განლაგების დეტალური ანალიზის საფუძველზე ვ. ი. ლენინი მივიდა იმ დასკვნამდე, რომ არსებობდა რეალური პირობები და იყო რეალური შესაძლებლობა იმისა, რომ პირველი ბურჟუაზიულ-დემოკრატიული რევოლუცია გადაზრდილიყო სოციალისტურ რევოლუციაში. ეს შესაძლებლობა კიდევ უფრო ცხადი გახდა 1917 წელს.

1917 წ. 3 აპრილს ემიგრაციიდან ლენინი რუსეთში ჩამოვიდა. მას დიდი ალტაცებით შეხვდა რევოლუციური პროლეტარიატი. მეორე დღე-

სვე ბელადი მოხსენებით გამოვიდა ბოლშევიკთა პარტიის ცენტრალური კომიტეტის, პეტროგრადის კომიტეტის წევრებისა და მუშათა დეპუტატების სრულიად რუსეთის თათბირის ბოლშევიკ დელეგატთა კრებაზე, განსაზღვრა პროლეტარიატის ამოცანები მიმდინარე რევოლუციაში. ეს იყო აპრილის ცნობილი თეზისები, რომელშიც ლენინმა ჩამოაყალიბა პარტიის კურსი, სოციალისტური რევოლუციის განხორციელების გეგმა. „რუსეთის მიმდინარე მომენტის თავისებურება, — ამბობდა ბელადი, — მდგომარეობს რევოლუციის პირველი ეტაპიდან, რომელმაც პროლეტარიატის არასაკმარისი შეგნებულობისა და დარაზმულობის გამო ძალაუფლება ბურჟუაზიას მისცა, მეორე ეტაპზე გადასვლაში, რომელმაც ძალაუფლება უნდა გადასცეს პროლეტარიატს და გლეხობის უღარიბეს ფენებს.“¹

ვ. ი. ლენინმა სოციალისტური რევოლუციის ძირითად მამოძრავებელ ძალად გამოაცხადა პროლეტარიატი და ღარიბი გლეხობა, რომელთა საარსებო ინტერესები დიამეტრალურად ეწინააღმდეგებოდა ბურჟუაზიის ინტერესებს. თებერვლის რევოლუციის შემდეგ რუსეთში დამყარებული ორხელისუფლებიანობა, — წერდა ლენინი, — არ შეიძლება დიდხანს გაგრძელდეს. იგი უნდა დამთავრდეს ან ბურჟუაზიის დიქტატურით, ან პროლეტარიატის დიქტატურით. ბელადი ღრმა რწმენით აცხადებდა, რომ შექმნილ სიტუაციაში სავსებით შესაძლებელია დამყარება პროლეტარიატის დიქტატურისა, რომლის სახელმწიფოებრივი ფორმა საბჭოების რესპუბლიკა იქნებაო.

ბოლშევიკური პარტიის რევოლუციური პროგრამა და მშრომელი მასების მოძრაობა, ბუნებრივია, გავლენას ახდენდა დროებით მთავრობაზე, აიძულებდა მას გარკვეული მუშაობა ჩაეტარებინა მომწიფებული საკითხების გადასაჭრელად. 1917 წ. 21 აპრილს დროებითმა მთავრობამ ჩამოაყალიბა მთავარი საადგილმამულო კომიტეტი, ხოლო მალე ამის შემდეგ შეიქმნა საგუბერნიო, სამაზრო და სარაიონო კომიტეტები. მათში გაბატონებული მთავრობის მოხელეები გლეხებს წესრიგისაკენ მოუწოდებდნენ. ურჩევდნენ მათ თავი შეეკავებინათ თვითნებური მოქმედებისაგან, დაეცადათ აგრარული რეფორმისათვის. ბოლშევიკები კი ცდილობდნენ საადგილმამულო კომიტეტები რევოლუციურ ორგანოებად გადაექციათ, ისინი გლეხებს მოუწოდებდნენ ორგანიზებულად დაუფლებოდნენ მემამულეთა მიწებს. და მართლაც 1917 წელს მემამულეთა მიწების ორ-

¹. ვ. ი. ლენინი, თხზ., ტ. 24, 1951, გვ. 4.

განიზებულად ხელში ჩაგდება გახდა გლეხთა მოძრაობის მთავარი ფორმა რუსეთის თითქმის ყველა მხარეში და მათ შორის საქართველოშიც.

დროებით მთავრობას არაფერი გაუკეთებია ნაციონალური საკითხის გადასაჭრელად, დაჩაგრული ერების მოთხოვნილებათა დასაკმაყოფილებლად, იგი კვლავ იცავდა „ერთიანი და განუყოფელი რუსეთის“ ცარიზმის დროინდელ პრინციპს. ამიტომ დემოკრატიულ თავისუფლებათა მოპოვების შემდეგ განაპირა მხარეებში ეროვნული მოძრაობა გაფართოვდა, მრავლად ჩამოყალიბდა ეროვნული დაწესებულებები.

ცარიზმის დამხობას, თებერვლის ბურჟუაზიულ-დემოკრატიული რევოლუციის გამარჯვებას აღტაცებით შეხვდა საქართველოსა და ამიერკავკასიის მოსახლეობის აბსოლუტური უმრავლესობა. ამოძრავდა ყველა კლასი, რევოლუციური განწყობილება ჯარსაც მოედო, გააქტიურდნენ პოლიტიკური პარტიები.

რევოლუციის პირველ დღეებიდანვე თბილისში მდგომარეობის ბატონ-პატრონი აღმოჩნდა ახლად ორგანიზებული მუშათა და ჯარისკაცთა საბჭო, მაგრამ მენშევიკების წინადადებით საბჭომ ძალუფლება მოსახლეობის სხვა ფენების წარმომადგენლებსაც გაუზიარა. დროებით აღმასრულებელ კომიტეტში ბურჟუაზიული საქალაქო სათათბიროს წარმომადგენლებიც შევიდნენ.

რუსეთის დროებითა მთავრობამ ამიერკავკასიის მართვა-გამგეობისათვის შექმნა განსაკუთრებული ორგანო—ამიერკავკასიის საგანგებო კომიტეტი (ოზაკომი). რთული მდგომარეობა შეიქმნა, დაისვა საკითხი — რომელ ორგანოს უნდა შეესრულებინა მთავრობის ფუნქციები, ადგილობრივი მოსახლეობისაგან არჩეულ აღმასრულებელ კომიტეტებს, თუ დროებითი მთავრობისაგან დანიშნულ საგანგებო კომიტეტს. 18 მარტს თბილისში გაიხსნა ამიერკავკასიის აღმასრულებელი კომიტეტების ყრილობა, რომლის უმრავლესობამ და შენმთანხმებულურმა პარტიებმა სრული ნდობა გამოუცხადეს ოზაკომს. ყრილობამ, მართალია, აირჩია ამიერკავკასიის აღმასრულებელი კომიტეტი, მაგრამ მან ადგილობრივი მთავრობის ფუნქციები ნებაყოფლობით დაუთმო ოზაკომს. ბოლშევიკებმა გააჩაღეს მენშევიკთა შემთანხმებლური პოლიტიკის კრიტიკა და სათავეში ჩაუდგნენ ბრძოლას რევოლუციის მეორე ეტაპზე გადასვლისათვის.

ბოლშევიკების გავლენის ზრდამ, მუშათა მასის გამემარცხენებამ, გლეხთა აგრარული მოძრაობის აღმავლობამ შეაშფოთა საქართველოს გაბატონებული კლასები. 1917 წ. 27 ივლისს ოზაკომმა მოწოდებით მიმართა მხარის მოსახლეობას. მრავალი მხრიდან მოდის ცნობები, — ნათქვამია ამ მოწოდებაში, — რომ გლეხები არ ელოდებიან დამფუძნე-

ბელ კრებას, საადგილმამულო საკითხის საკანონმდებლო წესით გადაწყვეტას და თვითნებურად იკავებენ მემამულეთა მიწებს. ოზაკომი აფრთხილებს მათ, რომ მიწის საკითხი შეიძლება გადაწყვიტოს მხოლოდ დამფუძნებელმა კრებამ. მანამდე კი ყოველგვარი საადგილმამულო დავა უნდა გაარჩიონ სამხარეო-საადგილმამულო და საგუბერნიო კომიტეტებმა, რომლებიც ახლა ყალიბდებო. ოზაკომი მოუწოდებს მოსახლეობას დაიცვას აქამდე არსებული მიწათმფლობელობის წესები, არ დაარღვიოს კერძო მესაკუთრეთა უფლებები. წესიერების დამრღვევნი დაისჯებიანო დიდი სიმკაცრით.

რუსეთის დროებითი მთავრობისა და მისი ფილიალის ოზაკომის რჩევა-დარიგებას და მუქარას არ შეეძლო რევოლუციური მასების შეკავება. ზედაფენები შეტევაზე გადავიდნენ, მიზნად დაისახეს ბურჟუაზიის წრთხელისუფლებიანობის დამყარება. ივლისის დემონსტრაციის მონაწილეთა დახვრეტის შემდეგ რუსეთში არსებითად ბურჟუაზიის დიქტატურა დამყარდა. ამიერკავკასიის საგანგებო კომიტეტმაც მოახერხა ადგილობრივი საბჭოების შევიწროება.

კორნილოვის კონტრრევოლუციური ამბოხების ჩახშობის შემდეგ ბოლშევიკებმა კვლავ წამოაყენეს ლოზუნგი — „მთელი ძალაუფლება საბჭოებს“, ხოლო ოქტომბრის დამდეგიდან ფართო აგიტაცია-პროპაგანდა გააჩაღეს სრულიად რუსეთის საბჭოების მეორე ყრილობის მოწვევისასათვის, რადგან მხოლოდ შრომელი რუსეთის ამ წარმომადგენლობით ყრილობას შეეძლო გამოეცხადებინა და დაეკანონებინა მთელი ძალაუფლების საბჭოების ხელში გადასვლა. ქართველი ბოლშევიკები აქტიურად გამოეხმაურნენ ცენტრის მოწოდებას, გააძლიერეს ახსნა-განმარტებითი მუშაობა მშრომელ მასებში. მაგრამ მუშების, გლეხებისა და ჯარისკაცთა მნიშვნელოვან ნაწილს ჯერ კიდევ არ დაეკარგა მენშევიკების ნდობა. თბილისის მუშათა საბჭოს უმრავლესობამ შემთანხმებლებს დაუჭირა მხარი, მაგრამ ამას არ შეეძლო დისონანსი შეეტანა საბჭოების ბოლშევიზაციის საერთო პროცესში.

დროებითი ბურჟუაზიული მთავრობისა და მასში მონაწილე „სოციალისტი“ მინისტრების ეკონომიკური პროგრამის არსი იყო კაპიტალისტური წყობილების შენარჩუნების ბაზაზე სახელმწიფო სექტორის რამდენადმე გაფართოება და წარმოების სახელმწიფოებრივი რეგულაცია. კოალიციურმა მთავრობამ ვერ აღკვეთა სამეურნეო ნგრევა და არც შეეძლო ამის გაკეთება, რადგან ვერ ბედავდა კაპიტალის ოდნავადაც კი შეზღუდვას, კაპიტალისტთა განუსაზღვრელი მადისათვის ლაგამის ამოღებას. მუშათა კლასი თვითშეგნებით მივიდა იმ დასკვნამდე, რომ სამეურნეო

ნგრევისა და შიმშილობის აღმოფხვრის აუცილებელი წინაპირობა იყო კაპიტალისტთა თვითნებობის აღაგმვა, წარმოებისა და განაწილების საქმეში აქტიური ჩარევა. რუსეთის ათეულობით ქალაქის ბევრ საწარმოს, აგრეთვე ბაქოს, თბილისის, ბათუმის, ჭიათურის და სხვა სამრეწველო ცენტრების მუშებმა მართლაც შეძლეს წარმოება-განაწილებაზე გარკვეული კონტროლის დაწესება, მაგრამ ნამდვილად ეფექტური მუშათა კონტროლი შეუძლებელი იყო პროლეტარიატის დიქტატურის დამყარებამდე.

ვ. ი. ლენინის აზრით, შექმნილ კონკრეტულ სიტუაციაში გადაუდებელ საქმეს წარმოადგენდა: 1. ყველა ბანკის გაერთიანება ერთ ბანკად და მის ოპერაციებზე სახელმწიფო კონტროლის დაწესება, ან ბანკების ნაციონალიზაცია; 2. არსებული სინდკატებისა და სხვა მონოპოლისტური გაერთიანებების ნაციონალიზაცია; 3. კომერციულ საიდუმლოებათა გახსნა; 4. მრეწველების, ვაჭრებისა და საერთოდ მემპატრონეების იძულებითი სინდიცირება; 5. მოსახლეობის გაერთიანება სამომხმარებლო საზოგადოებებად და მათ საქმიანობაზე კონტროლის დაწესება. ეს ღონისძიებანი ვაჭრობა-მრეწველობაში, ხოლო მიწების კონფისკაცია და საგლეხო კომიტეტებისათვის გადაცემა სოფლად, შესაძლებელს გახდიდა შიმშილისა და სამეურნეო კატასტროფის თავიდან აცილებას. რუსეთის მონოპოლისტური კაპიტალიზმის საკმაოდ მაღალი დონის პირობებში ასეთი გარდაქმნები შესაძლებელი იყო, მაგრამ დროებით ბურჟუაზიულ მთავრობას და შემთანხმებლურ პარტიებს, თავიანთი სოციალური ბუნების გამო, საამისო ძალა არ შესწევდათ. ამიტომ, ობიექტური აუცილებლობა მოითხოვდა რევოლუციის პირველი ეტაპიდან მეორე ეტაპზე გადასვლას, სოციალისტური რევოლუციის განხორციელებას.

ბოლშევიკების ხელმძღვანელობით მთელ რუსეთში დაიწყო გეგმაზომიერი მზადება შეარაღებული აჯანყებისათვის. 1917 წ. ოქტომბრის შუა რიცხვებში წითელ გვარდიაში უკვე 200 ათასი მუშა ირიცხებოდა, 16 ოქტომბერს არჩეულ იქნა ხელმძღვანელი ცენტრი. ვ. ი. ლენინის წინადადებით აჯანყება დაიწყო 24 ოქტომბერს. ბოლშევიკების მეთაურობით წითელგვარდიელებმა, გარევოლუციონერებული ჯარის ნაწილებმა და ბალტიის მეზღვაურებმა პეტროგრადში დაიკავეს მთავრობის ყველა დაწესებულება, ბოლოს კი დროებითი ბურჟუაზიული მთავრობის რეზიდენცია — ზამთრის სასახლეც. არმიისა და მშრომელი მოსახლეობის მხარდაჭერის შედეგად ბოლშევიკების მიერ დაწყებული აჯანყება ძალიან სწრაფად გამარჯვებით დაგვირგვინდა. 1917 წ. 25 ოქტომბერს (7 ნოემბერს) მთელი ძალაუფლება საბჭოების ხელში გადავიდა. სრულიად რუსე-

თის საბჭოების მეორე ყრილობამ შექმნა სახალხო კომისართა საბჭო, რომელსაც სათავეში ლენინი ჩაუდგა. პროლეტარულმა მთავრობამ მყისვე გამოაქვეყნა დეკრეტები ზავისა და მიწის შესახებ. მალე საბჭოთა ხელისუფლებამ გაიმარჯვა მოსკოვში და ტრიუმფალური მარშით იწყო გავრცელება მთელ რუსეთში.

ოქტომბრის რევოლუციას სიხარულით მიესალმენ საქართველოსა და ამიერკავკასიის მშრომელები, მოითხოვეს ლენინური მთავრობის ცნობა და საბჭოთა ხელისუფლების დამყარება ადგილზე, მაგრამ ბურჟუაზიულმა და შემთანხმებულმა პარტიებმა შეძლეს რევოლუციის დამუხრუჭება, ამიერკავკასიის დროებით მოწყვეტა საბჭოთა რუსეთისაგან. ჩამოყალიბდა „ამიერკავკასიის ბურჟუაზიული ფედერაციული რესპუბლიკა“, რომლის მთავრობას სათავეში ჩაუდგა მენშევიკების, დაშნაკებისა და მუსავატელების კოალიცია. ეს ეფემერული გაერთიანება დღემოკლე აღმოჩნდა და დაიშალა.

1918 წ. 26 მაისს გამოცხადდა საქართველოს დამოუკიდებლობა. დამოუკიდებელი საქართველოს სოციალ-დემოკრატიული მთავრობა თავის საქმიანობით თითქმის არ სცილდებოდა ბურჟუაზიული რევოლუციის ჩარჩოებს, ბურჟუაზიულ-დემოკრატიულ წყობილებას. მიუხედავად ამისა, იგი ცდილობდა ქალაქისა და სოფლის მშრომელი მასების მხარდაჭერის მოპოვებას. მენშევიკები მუშათა კლასს ურჩევდნენ უარი ეთქვათ თავის მაქსიმალისტურ მოთხოვნებზე, შეჩერებულიყო რევოლუციის ბურჟუაზიულ-დემოკრატიულ ეტაპზე, სოციალიზმის იდეათა განხორციელება კი შორეული მომავლისათვის გადაედო.

ქართველმა მენშევიკებმა ჭკუის სასწავლებლად გამოიხვენეს რუსი თანამომხმეების მიერ დაშვებული შეცდომები, რასაც შედეგად მოჰყვა მშრომელი მასების „ბოლშევიკური სენით“ დაავადება და სცადეს ზოგი მომწიფებული საკითხის დროულად გადაჭრა. ქართველმა მენშევიკებმა კარგად შეამჩნიეს მიწის ლენინური დეკრეტის გამარეოლუციონერებელი მნიშვნელობა და მისი გავლენის შემცირების მიზნით საქართველოში გაატარეს აგრარული რეფორმა.

აგრარული „გარდაქმნები“ ჯერ კიდევ ამიერკავკასიის კოალიციურმა მთავრობამ დაიწყო იმით, რომ 1917 წ. დეკემბერში გამოსცა დეკრეტი მიწის შესახებ. მაგრამ იგი უშინაარსო დეკლარაცია აღმოჩნდა და ბუნებრივია, გლეხობა ვერ დააკმაყოფილა. როდესაც ამიერკავკასიის სეიმი შეიკრიბა, მხარე აგრარული რევოლუციის აღში იყო გახვეული. ამიერკავკასიის ბურჟუაზიული სახელმწიფოს ამ პარლამენტში გაბატონებული ბურჟუაზიული და შემთანხმებლური პარტიები იძულებული გახ-

დნენ სწრაფად შეემუშავებინათ აგრარული რეფორმის კანონი (1918 წ-მარტი). იგი, მართალია, განსაზღვრავდა სასოფლო-სამეურნეო ზონების მიხედვით მიწათმფლობელობის უმაღლეს ნორმას (ძვიდი, თხუთმეტი და ორმოცი ჰექტარი), მაგრამ არ აწესებდა გლეხობისათვის გადასაცემი ნაკვეთების ოდენობას. ამასთან, მთავრობა პრაქტიკული მოქმედების დაწყებას კვლავ აგვიანებდა, რაც გლეხობის გულისწყრომას იწვევდა. საქართველოს დემოკრატიული რესპუბლიკის მიწათმოქმედების მინისტრი წერდა, რომ „მოთმინების ფიალა აივსო და გლეხებმა ძალით გადაწყვიტეს მიწის საკითხი, რევოლუციური გზით მიითვისეს ის, რაც კანონის ძალით არ მიეცათ, თითქმის პირწმინდათ ჩამოართვეს მემამულეებს მიწები და თვითონ შეუდგნენ დამუშავებას“.

მენშევიკურ მთავრობას არ მოეწონა გლეხობის თვითნებობა. მოხელეები ჩიოდნენ რომ სოფლად ანარქია გაბატონდა. „ისინი იძულებული გახდნენ დაეჩქარებინათ „კანონზე დამყარებული რეფორმის“ გატარება. მაგრამ გლეხობას უკვე აღარ აკმაყოფილებდა 1918 წ. 7 მარტის კანონი, უარს ამბობდა მემამულეებისათვის დაებრუნებინა ნორმად დადგენილი 7,15 და 40 ჰექტარიანი ნაკვეთები, ამიტომ იყო, რომ აგრარული რეფორმის რეალიზაცია გამწვავებული კლასობრივი ბრძოლის ვითარებაში მიმდინარეობდა.

სახელმწიფოს ხელში გადავიდა სახაზინო და საუფლისწულო მიწები. სოციალ-დემოკრატიულმა მთავრობამ მოახდინა აგრეთვე 1,5 მლნ ჰა კერძო ტყეებისა და საძოვრების კონფისკაცია. მალე სახელმწიფო მიწის ფონდში გადავიდა კერძო მფლობელთაგან ჩამორთმეული 621 ათასი ჰა სახნავ-სათესი მიწა. ყველას მიეცა სახელმწიფო ფონდიდან მიწის იჯარით აღების უფლება. მაგრამ საერთოდ მსხვილი მიწათმფლობელობის ლიკვიდაცია, როცა ხელუხლებელი რჩებოდა კერძო და საიჯარო მიწებზე შექმნილი კაპიტალისტური მეურნეობები, ხოლო ღარიბთა მასა კვლავ მწვეავდ განიცდიდა მცირემიწიანობას, გლეხობის დიდ ნაწილს არ აკმაყოფილებდა. კონფლიქტი მთავრობასა და გლეხობას შორის გრძელდებოდა.

1919 წ. 28 იანვარს საქართველოს მთავრობამ აგრარული საკითხის გადასაჭრელად გამოსცა ახალი კანონი, რომელიც ითვალისწინებდა სახელმწიფო ფონდიდან ღარიბი გლეხობისათვის მიწის მიყიდვას. ფასები ფრიად შეღავათიანი იყო, მაგრამ სავალალოს ის წარმოადგენდა, რომ ასეთი გასაყიდი მიწები მეტად მცირე აღმოჩნდა სახელმწიფო ფონდში.

მენშევიკების აგრარული პოლიტიკა არ იყო თანამიმდევრული. მიწის მნიშვნელოვანი ნაწილი სახელმწიფო საკუთრებად გამოაცხადეს,

მაგრამ მათ არ მოუხსპიათ მიწაზე კერძო საკუთრება და არც მუნიციპალი-
ზაციის პროგრამაზე აუღიათ ხელი. ბევრი კაპიტალისტური მეურნეობა
ხელუხლებელი დარჩა. ამ მეურნეობათა მფლობელებს თითქოს ჩამო-
ართვეს ნორმაზე მეტი მიწა, მაგრამ ეს ჩამორთმეული სავარგულები გლე-
ხებს კი არ ეძლეოდა, არამედ სტოვებდნენ „დაზარალებულ პირთა“ —
წინანდელ მესაკუთრეთა იჯარაში. ამან კი ძალიან შეამცირა გლეხობისა-
თვის გადასაცემი მიწის ფონდი. 1920 წ. როცა აგრარული რეფორმის გა-
ტარება თითქმის დამთავრებული იყო, საქართველოს სოფლის 30 ათას
კომლს ოჯახზე ჰქონდა 0,5 ჰა მიწა, 101 ათას კომლს — 0,5—2
ჰა, 100 ათას კომლს — 2—4 ჰა, 92 ათას კომლს — 4—10 ჰა, 3 ათას
კომლს — 10—50 ჰა მიწა.

ამგვარად, მენშევიკებმა საქართველოში გაატარეს არა სოციალისტური
ხასიათის, არამედ საკმაოდ რადიკალური ბურჟუაზიული აგრარული რე-
ფორმა. მან მოახდინა მსხვილი ლატიფუნდიების—ბატონყმობის ნაშთების
ეკონომიკური საფუძვლის ლიკვიდაცია. მემამულეებისათვის ნორმად და-
ტოვებული 7—40 ჰა მიწა არ იყო საკმარისი გლეხების ნახევრად ბატონ-
ყმური ექსპლუატაციისათვის. რეფორმამ რამდენადმე დააზარალა საშუა-
ლო სიდიდის მემამულური და ბურჟუაზიული მეურნეობები. კულაკობას
კი იგი თითქმის არ შეხებია. სოფლის ბურჟუაზია კმაყოფილი იყო და
მთავრობის პოლიტიკას იწონებდა. უმიწაწყლო და მცირემიწიანი გლეხო-
ბა, მართალია, მიესალმა მსხვილი თავადაზნაურული მიწათმფლობელობის
ლიკვიდაციას, ბატონყმობის ნაშთების აღმოფხვრას, მაგრამ მას არ აკმა-
ყოფილებდა ბურჟუაზიული ხასიათი რეფორმისა, რომელიც სოფლის
ბურჟუაზიას კაპიტალისტური მეურნეობისა და კაპიტალისტური ექს-
პლუატაციის გაგრძელების საშუალებას აძლევდა. ამ ნიადაგზე საქართვე-
ლოს სოფელში თანდათან გაფართოვდა მეორე სოციალური ომი, კლას-
ობრივი ბრძოლა სოფლის პროლეტარიატის და ნახევრად პროლეტარი-
ატისა სოფლის ბურჟუაზიის წინააღმდეგ.

1917 წ. მარტიდან დეკემბრამდე საქართველოში ჯერ კიდევ დომი-
ნირებდა ბატონყმობის ნაშთების საფუძველზე აღმოცენებული ანტაგო-
ნიზმი, სჭარბობდა პირველი სოციალური ომის მასშტაბი, მაგრამ მას შემ-
დეგ, რაც გამოქვეყნდა 6 დეკემბრის კანონი და 1918 წ. 7 მარტის დეკრე-
ტი, რომელიც მიწათმფლობელობის საკმაოდ მაღალ ნორმებს აწესებდა,
შვედრთად გაძლიერდა მეორე სოციალური ომი. სოფლის მუშები და
ღარიბი გლეხები არ ელოდებოდნენ მთავრობისაგან შექმნილ აგრარულ
კომისიებს, თვითნებურად ახდენდნენ როგორც ფეოდალური ლატიფუნ-
დიების, ისე ბურჟუაზიული მეურნეობების კონფისკაციას, ერთდროუ-

ლად იბრძოდნენ ექსპლუატაციის ნახევრად ბატონყმური და კაპიტალისტური ფორმების მოსპობისათვის. 1918 წ. განადგურებულ იქნა კაპიტალისტური ფერმები და შვეიცარული ყველის ქარხნები ბორჩალოსა და ანაქალაქის მაზრებში. აგრარულმა რევოლუციამ ცეცხლში გახვია აგრეთვე მანთაშევის, არამიანცის, ანანოვის, სარაჯიშვილის, ენიკოლოფოვის და სხვა კაპიტალისტთა მეურნეობები. გლეხებსა და დაქირავებულ მუშებს შეღავათი არც კულაკებისათვის მიუციათ, ბევრი კულაკური მეურნეობა გაანადგურეს.

1918—1920 წ. საქართველოს თითქმის ყველა რაიონში სოფლის პროლეტარიატისა და ღარიბი გლეხების მახვილი ძირითადად ბურჟუაზიის წინააღმდეგ წარმართა, ყველგან სჭარბობდა მეორე სოციალური ომი. ამ ბრძოლას, ბოლშევიკებმა პოლიტიკური ხასიათი მისცეს, ეროვნული ბურჟუაზიის სამსახურში ჩამდგარი სოციალისტური მთავრობის წინააღმდეგ წარმართეს. აჯანყებები რაჭა-ლეჩხუმში, სამეგრელოსა და აფხაზეთში, გორისა და ღუშეთის მაზრებში, ზემო იმერეთსა და გურიაში, მენშევიკური მთავრობის დამხობასა და საბჭოთა ხელისუფლების დამყარებას ისახავდა მიზნად. მთავრობა ახშობდა ბოლშევიკურად განწყობილ სოფლის მშრომელთა ამ გამოსვლებს. მაგრამ აჯანყების ერთი კერის ლიკვიდაციისთანავე აჯანყების მეორე კერა ჩნდებოდა, სამოქალაქო ომი პერმანენტულად გრძელდებოდა.

ასეთი პასუხი გასცა საქართველოს სოფლის პროლეტარიატმა და ღარიბმა გლეხობამ სოციალ-დემოკრატიული მთავრობის ბურჟუაზიულ პოლიტიკას. სოფლის მშრომელი მასა იბრძოდა მიწის ლენინური დეკრეტისათვის, საბჭოთა ხელისუფლების დამყარებისათვის. სოფლის მშრომელთა აჯანყებები ერწყმობდა სამრეწველო პროლეტარიატის რევოლუციურ მოძრაობას.

იმ პირობებში, როცა მოსახლეობის დიდი ნაწილი დამოუკიდებლობის მოპოვებით ხარობდა და ახლად აღორძინებულ ეროვნული სახელმწიფოს დემოკრატიულ მთავრობას უჭერდა მხარს, ბოლშევიკურად განწყობილ მშრომელთა გამოსვლები არსებულ რეჟიმს დიდ საფრთხეს თითქოს არ უქმნიდა. მაგრამ მას შემდეგ, რაც საბჭოთა რუსეთს თავის ინტერნაციონალური მოვალეობის შესრულების შესაძლებლობა მიეცა და საქართველოში მე-11 წითელი არმია გამოგზავნა, ძალთა წონასწორობა ქართველი კომუნისტების სასარგებლოდ შეიცვალა. ოქტომბრის დროსა საქართველოს დედაქალაქში 1921 წ. 25 თებერვალს აღიმართა.

წინათქმა	3
თავი I ფეოდალური საზოგადოებრივ-ეკონომიკური ფორმაცია საქართველოში გლახთა კლასი და გლახთა მოძრაობა X—XVIII სს.	6
თავი II საქართველოს რუსეთთან შეერთება. ანტიცარისტული აჯანყებები. თავადაზნაურობა და გლახობა XIX ს. პირველ მესამედში	30
თავი III გლახთა ანტიბატონყმური მოძრაობა XIX ს-ის 40—50-იან წლებში	63
თავი IV საგლახო რეფორმის მომზადება. ბატონყმობის გაუქმება	96
თავი V გლახთა მოძრაობა XIX ს-ის 60—70-იან წლებში	120
თავი VI ქართველი გლახობა XIX ს-ის 80—90-იან წლებში	159
თავი VII სოფლის მოსახლეობის სოციალური სტრუქტურა. კლასობრივი ანტაგონიზმის ხასიათი. გლახობის განმათავისუფლებელი ბრძოლა XIX—XX სს. მიჯნაზე	185
თავი VIII. ქართველი გლახობა სამი რევოლუციის ქარცეცხლში	209

Бендианишвили Александр Сергеевич

КРЕСТЬЯНСКИЙ КЛАСС И КРЕСТЬЯНСКОЕ
ДВИЖЕНИЕ В ГРУЗИИ

(На грузинском языке)

Издательство «Сабчота Сакарთველო»
Тбилиси, Марджანიшвили 5
1989

რედაქტორი ქ. თავართქილაძე, მხატვარი რ. მაკარაშვილი, მხატვრული რედაქტორი ქ. ტუხაშვილი, ტექნიკური რედაქტორი მ. აფხაზავა, კორექტორი ნ. მჭედლიშვილი, გამომცემები ნ. თათარაშვილი

სბ № 6346

გადაეცა წარმოებას 30.09.88 წ; ხელმოწერილია დასაბეჭდად 02.03.89 წ; უე 01848; საბეჭდი ქალაქი № 60X841/16 გარინტური ვენა; ბეჭდვა მაღალი, პირობითი ნაბეჭდი 14,64; პირ. საღ-გატ. 14,64; სააღრ.-საგამომც. თაბახი 14,45; ტირაჟი 1000 შუკვ. № 1700

შპსი 3 მან 20 კაპ.

გამომცემლობა, „საბჭოთა საქართველო“, თბილისი, მარჯანიშვილის 5.

სსი-ის სტამბა, თბილისი-59

Типография ГрзСХИ, Тбилиси-59.